








F. W. 5.














RITVALE
ROMANVM
PAVLI V. PONT. MAX.
IVSSV EDITVM.



PP. Eremitarum Camaldulensium Montis Regii prope Vassianam


ANTVERPIÆ,
EX OFFICINA PLANTINIANA
BALTHASARIS MORETI.
M. DC. XXXV.

RITVARE

ROMANVM

PAVLVS PONT MAX

IVSSV EDITVM



AN TVERPIA

By Thom. F. D. 5

M DC XXXV

PAVLVS PAPA V.

Ad futuram rei memoriam.



APOSTOLICÆ Sedi per abundantiam diuinæ gratiæ, nullis suffragantibus meritis, præpositi, nostræ sollicitudinis esse intelligimus, super vniuersam domum Dei ita inuigilando intendere, vt opportunis indies magis rationibus prouideatur, quò, sicut admonet Apostolus, omnia in ea honestè & secundùm ordinem fiant; præcipuè verò quæ pertinent ad Ecclesiæ Dei Sacramentorum administrationem: in qua religiosè obseruari Apostolicis traditionibus & sanctorum Patrum decretis constitutos ritus & cærimonias, pro nostri officij debito curare omnino tenemur. Quamobrem fe. re. P I V S Papa V. Prædecessor noster, huius nostri, tunc sui, officij memor, ad restituendam sacrorum rituum obseruationem in sacrosancto Missæ sacrificio, diuinoque Officio, & simul vt Catholica Ecclesia in fidei vnitatem, ac sub vno visibili capite beati Petri successore Rom. Pontifice congregata, vnum psallendi & orandi ordinem, quantum cum Domino poterat, teneret, Breuiarium primùm, & deinde Missale Romanum, multo studio & diligentia elaborata, pastorali prouidentia edenda censuit. Cuius

vestigia eodem sapientiae spiritu secutus similis mem. CLEMENS Papa VIII. etiam Prae-
decessor noster, non solum Episcopis & infe-
rioribus Ecclesiae Praelatis accuratè restitutum
Pontificale dedit, sed etiam complures alias in
Cathedralibus & inferioribus Ecclesiis cæri-
monias promulgato Cærimoniali ordinauit.
His ita constitutis, restabat, vt vno etiam volu-
mine comprehensi, sacri & sinceri Ecclesiae
Catholicae ritus, qui in Sacramentorum admi-
nistratiōe aliisque Ecclesiasticis functionibus
seruari debent ab iis qui curam animarum ge-
runt, Apostolicae Sedis auctoritate prodirent;
ad cuius voluminis praescriptum, in tanta Ri-
tualium multitudine, sua illi ministeria tam-
quam ad publicam & obfignatam normam pera-
gerent, vnoque ac fideli ductu inoffenso pede
ambulant cum consensu. Quod sanè iam pri-
dem agitatum negotium, posteaquam genera-
lium Conciliorum Graecè Latineque diuina
gratia editorum opus morari desuuit, sollicitè
urgere nostri muneris esse existimauimus. Vt
autem rectè, & ordine, vt par erat, res ageretur,
nonnullis ex Vener. Fratribus nostris S. R. E.
Cardinalibus, pietate, doctrina, & prudentia
praestantibus, eam demandauimus, qui cum
consilio eruditorum virorum, variisque, praes-
sertim antiquis, & quae circumferuntur, Ritua-
libus consultis, eoque in primis quod vir singu-
lari pietatis zelo & doctrina bo. me. Iulius An-
tonius S. R. E. Cardinalis sanctae Seuerinae
nun-

nuncupatus, longo studio, multaque industria
& labore plenissimum composuerat, rebusque
omnibus maturè consideratis, demum diuina
adspirante clementia, quanta oportuit breuitate,
Rituale confecerunt. In quo cum receptos
& approbatos Catholicæ Ecclesiæ ritus suo
ordine digestos conspexerimus, illud sub nomine
Ritualis Romani meritò edendum publico
Ecclesiæ Dei bono iudicauimus. Quapropter
hortamur in Domino Vener. Fratres Patriarchas,
Archiepiscopos, Episcopos, & dilectos filios
eorum Vicarios, necnon Abbates, Parochos
vniuersos, vbique locorum existentes, & alios
ad quos spectat, vt in posterum tamquam
Ecclesiæ Romanæ filij, eiusdem Ecclesiæ
omnium matris & magistræ auctoritate
constituto Rituali in sacris functionibus
vtantur, & in re tanti momenti, quæ
Catholica Ecclesia, & ab ea probatus vsus
antiquitatis statuit, inuiolatè obseruent.
Datum Romæ apud sanctam Mariam Maiorem,
sub annulo Piscatoris, die XVII. Iunij M. DC. XIII.
Pontificatus nostri anno decimo.

S. Cobellutius.

PAVLVS PAPA V.

Ad futuram rei memoriam.



SINCERÆ fidei & deuotionis affectus, quem dilecti filij Balthasar & Ioannes Moreti fratres, librorum Impressores in ciuitate Antuerpiensi, ad Nos & Sedem Apostolicam gerere comprobantur, promeretur ut Sedes ipsa sese erga illos liberalit̃ ostendat & gratiosam. Hinc est quod Nos Balthasarem & Ioannem predictos specialibus fauoribus & gratius prosequi uolentes, & eorum quemlibet à quibusuis excommunicationis, suspensionis, & interdicti, alijsq; Ecclesiasticis sententijs, censuris, & pœnis, à Iure vel ab homine quauis occasione vel causa latis, si quibus quomodolibet innodati existunt, ad effectum presentium dumtaxat consequendum, harum serie absoluentes, & absolutos fore censentes, supplicationibus eorum nomine Nobis super hoc humiliter porrectis inclinati, eisdem Balthasari & Ioanni, ut Rituale Romanum à Nobis publico Ecclesia Dei bono editum, iuxta tamen illius exemplar Romæ impressum, & non aliàs, imprimere liberè & licitè possint & valeant, Apostolica auctoritate tenore presentium licentiam & facultatem concedimus & impartimur. Non obstantibus Constitutionibus & Ordinationibus Apostolicis, ceterisq; contrariis quibuscumque. Datum Romæ, apud Sanctam Mariam Maiorem sub Annulo Piscatoris, die v. Nouembris, M. DC. XVI. Pontificatus nostri anno duodecimo.

S. Card. S. Sufannæ.

Index & ordo præcipuarum rerum, quæ in hoc Rituali libro continentur.

| | |
|---|--|
| D e iis, quæ in Sacramen- torum administratio- ne generaliter seruanda sunt. fol. r. | Ordo commendationis animæ. 134 |
| De Sacramento Baptismi ritè administrando. 5 | De exequijs. 160 |
| Ordo Baptismi paruulorum. 16 | Quibus non licet dare Eccle- siasticam sepulturam. 163 |
| De Baptismo adultorum. 26 | Exequiarum ordo. 164 |
| Ordo Baptismi adultorum. 29 | Officium defunctorum. 179 |
| Ordo supplendi omiffa super baptizatum. 32 | De officio faciendo in exequijs, absente corpore defuncti, & in die tertio, septimo, trigefi- mo, & anniuersario. 238 |
| Ritus seruandus cum Episcopus baptizat. 34 | De exequijs paruulorum. 240 |
| Benedictio Fontis Baptismi ex- tra Sabbatum Paschæ & Pen- tecostes, cum aqua consecrata non habetur. 56 | De Sacramento Matrimonij. 249 |
| De Sacramento Pœnitentiæ. 60 | Ritus celebrandi Matrimonij Sacramentum. 253 |
| De absolutione ab Excommu- nicatione in foro exteriori. 67 | De benedictione mulieris post partum. 256 |
| Ritus absoluendi excommuni- catum iam mortuum. 70 | De Benedictionibus regulæ ge- nerales. 258 |
| De modo absoluendi à Suspen- sione, vel ab Interdicto. 71 | Ordo ad faciendam Aquam be- nedictam. 259 |
| De sanctissimo Eucharistiæ Sa- cramento. 73 | Benedictio candelarum extra diem Purificationis beatæ Mariæ virginis. 262 |
| Ordo ministrandi sacram Com- munionem. 76 | domorum in Sabbato sancto Paschæ. 263 |
| De Communione Paschali. 80 | domorum alio tempore facienda. 264 |
| De Communione infirmorum. 81 | loci. 265 |
| De Sacramento extremæ Vn- ctionis. 88 | domus nouæ. ibid. |
| Ordo ministrandi Sacramen- tum extremæ Vnctionis. 91 | Bene- dictio thalami. 266 |
| Septem Psalmi Pœnitentiales. 98 | naus. ibid. |
| Litania. 107 | communis super fruges & vineas. 267 |
| De uisitatione & cura infirmo- rum. 115 | peregrinorum ad Loca sancta prodeuntium. 268 |
| Modus iuuandi morientes. 132 | peregrinorum post redi- tum. 270 |

| | |
|---|---|
| Benedictiones esculentorum , praesertim in Pascha. 272 | Ritus benedicendi nouum ce- meterium per Sacerdotem ab Episcopo delegatum. 299 |
| agni Paschalis. ibid. | Ordo reconciliandi ceme- terium violatum , siue Eccle- sia contiguum sit , siue sepa- ratum , ubi Ecclesia non est polluta. 301 |
| ouorum. 273 | De Processionibus. 304 |
| panis. ibid. | De Processione in die festo Purifica- tionis beatae Ma- riae Virginis. 305 |
| Bene- dictio } nouorum fructuum. 274 | De Processione in die Palmarum. 311 |
| ad quodcumque com- estibile. ibid. | Ordo seruandus in Litaniarum maiorum Processione, & Ro- gationum. 325 |
| olei simplicis. 275 | De Processione in festo sanctif- simi Corporis Christi. 328 |
| Benedictiones ab Episcopis, vel aliis facultatem habentibus, facienda. 276 | De Processione ad petendam pluuiam. 337 |
| Sacerdotalium indumen- torum in genere. ibid. | De Processione ad postulan- dam serenitatem. 340 |
| mapparum, siue lintea- minum Altaris. 278 | Preces ad repellendam tempe- statem. 341 |
| corporalium. 279 | Preces dicenda tempore penu- riae & famis. 344 |
| Bene- dictio } tabernaculi, seu vasculi, pro sacrosancta Eu- charistia conseruan- da. 280 | Processio tempore mortalitatis & pestis. 345 |
| nouae Crucis. ibid. | Preces dicenda in Litanis tempore belli. 346 |
| Imaginum IESU Chri- sti D. N. B. Mariae, & Sanctorum. 281 | Processio in quacumque tribu- latione. 351 |
| benedicendi & imponen- di primum lapidem pro Ecclesia aedifican- da, seruandus a Sacer- dote facultatem haben- te ab Episcopo. 282 | Preces dicenda in Processione pro gratiarum actione. 353 |
| benedicendi nouam Ec- clesiam seu Oratorium publicum, vt ibi san- ctissimum Missae sacri- ficium celebrari possit. 289 | De Processione in translatione sacrarum Reliquiarum. 362 |
| reconciliandi Ecclesiam violatam, si nondum erat ab Episcopo con- secrata. 295 | De exorcizandis obsessis a da- monio. 363 |
| | Formulae scribendi in libris ha- bendis apud Parochos. 397 |

1

D E I I S
QVÆ IN SACRAMENTORVM
ADMINISTRATIONE
GENERALITER SERVANDA SVNT.



*T ea , que ex antiquis Catholica
Ecclesie institutis, & sacrorum Ca-
nonum Summorúmque Pontificum
decretis, de Sacramentorum riti-
bus ac cerimoniis hoc Libro præ-
scribuntur, qua par est diligentia ac religione cu-
stodiantur, & ubique fideliter seruentur; illud
ante omnia scire & observare convenit, quod
Sacrosancta Tridentina Synodus de iis ritibus de-
crevit in hæc verba:*

Si quis dixerit, receptos & approbatos Ec-
clesiæ Catholici ritus in solemni Sacramento-
rum administratione adhiberi consuetos, aut
contemni, aut sine peccato à ministris pro li-
bito omitti, aut in novos alios per quemcum-
que Ecclesiarum Pastorem mutari posse, ana-
thema sit.

*Sess. 7.
Can.
13.*

*Cùm igitur in Ecclesia Dei nihil sanctius aut
utilius, nihilq; excellentius aut magis diuinum
habeatur, quam Sacramenta ad humani generis
salutem à Christo Domino instituta; Parochus,
vel quivis alius Sacerdos, ad quem eorum admi-
nistratio pertinet, meminisse in primis debet, se*

sancta tractare; atque omni ferè temporis momento ad tam sanctæ administrationis officium paratum esse oportere.

Quamobrem illud perpetuò curabit, ut integrè, castè, pièque vitam agat: nam etsi Sacramenta ab impuris coinquinari non possunt, neque à pravis ministris eorum effectus impediri; impurè tamen & indignè ea ministrantes, in æternæ mortis reatum incurrunt. Sacerdos ergo si fuerit peccati mortalis sibi conscius (quod absit) ad Sacramentorum administrationem non audeat accedere, nisi priùs corde pœniteat: sed si habeat copiam Confessarij, & temporis locique ratio ferat, conuenit confiteri.

Quacumque diei ac noctis hora ad Sacramenta ministranda vocabitur, nullam officio suo præstando (præsertim si necessitas urgeat) moram interponat. Ac proptereà populum sæpè, prout sese offeret occasio, præmonebit, ut cum sacro ministerio opus fuerit, se quamprimùm aduocet, nulla temporis aut cuiuscumque incommodi habita ratione.

Ipse verò antequam ad huiusmodi administrationem accedat, paululum, si opportunitas dabitur, orationi, & sacra rei quam acturus est meditationi vacabit, atque ordinem ministrandi & caerimonias pro temporis spatio præuidebit & perleget.

In omni Sacramentorum administratione superpelliceo sit indutus, & desuper stola eius coloris

ris quem Sacramenti ritus exposcit, nisi in Sacramento Pœnitentiæ ministrando occasio, vel consuetudo, vel locus interdum aliter suadeat.

Adhibebit quoque vnum saltem, si habeat, vel plures clericos, prout loci & Sacramenti ratio postulabit, decenti habitu & superpelliceo pariter indutos.

Curabit etiam, vt sacra supellex, vestes, ornamenta, linteamina, & vasa ministerij integra, nitidâque sint & munda.

In Sacramentorum administratione, eorum virtutem, usum, ac utilitatem, & caerimoniarum significationes, vt Concilium Tridentinum precipit, ex sanctorum Patrum & Catechismi Romani doctrina, vbi commode fieri poterit, diligenter explicabit.

Dum Sacramentum aliquod ministrat, singula verba, quæ ad illius formam & ministerium pertinent, attentè, distinctè, & piè, atque clara voce pronuntiabit. Similiter & alias Orationes & Preces deuotè ac religiosè dicet; nec memoria, quæ plerumque labitur, facilè confidet; sed omnia recitabit ex libro. Reliquas prætereà caerimonias ac ritus ita decenter grauique actione peraget, vt astantes ad caelestium rerum cogitationem erigat & attentos reddat.

Ad ministrandum procedens, rei quam tractaturus est, intentus sit, nec de ijs, quæ ad ipsam non pertinent, quidquam cum alio colloquatur, in ipsâque administratione actualem attentionem habere

habere studeat, vel saltem virtualem, cum intentione faciendi quod in eo facit Ecclesia.

Illud porrò diligenter caueat, ne in Sacramentorum administratione aliquid quauis de causa vel occasione, directè vel indirectè, exigat aut petat, sed ea gratis ministret, & ab omni Simonia atque auaritia suspicione, nedum crimine, longissimè absit. Si quid verò nomine eleëmossynæ, aut deuotionis studio, peracto iam Sacramento, sponte à fidelibus offeratur, id licitè pro consuetudine locorum accipere poterit, nisi aliter Episcopo videatur.

Fidelibus aliena parochie Sacramenta non ministrabit, nisi necessitatis causa, vel de licentia Parochi, seu Ordinarij.

Omnes autem qui Sacramenta suscipiunt, loco & tempore opportuno monebit, vt remoto inani colloquio, & habitu actusq; indecenti, piè ac deuotè Sacramentis intersint, & ea qua par est reuerentia suscipiant.

Librum hunc Ritualem (vbi opus fuerit) semper cum ministrabit, secum habebit, ritusq; & caerimonias in eo prescriptas diligenter seruabit.

Ceterum illorum tantum Sacramentorum, quorum administratio ad Parochos pertinet, ritus hoc Opere prescribuntur; cuiusmodi sunt Baptismus, Pœnitentia, Eucharistia, Extrema vnctio, & Matrimonium. Reliqua verò duo Sacramenta Confirmationis & Ordinis, cum propria sint Episcoporum, ritus suos habent in Pontificali prescri-

De Sacramento Baptismi.

5
præscriptos. Et ea, quæ de iis atque aliis Sacramentis scire, seruare, & docere Parochi debent, cum ex aliis libris, tum præcipuè ex Catechismo Romano sumi possunt. Siquidem hîc de iis ferè tantum agere instituti operis ratio postulat, quæ ad ipsorum quinque Sacramentorum ritus pertinent.

Postremò, quisquis Sacramenta administrare tenetur, habeat libros necessarios ad officium suum pertinentes, eosque præsertim, in quibus variarum parochialium functionum notæ ad futuram rei memoriam describuntur, ut ad finem huius Ritualis habetur.

DE SACRAMENTO BAPTISMI RITE ADMINISTRANDO.



ACRVM Baptisma, Christianæ religionis & æternæ vitæ ianuam, quod inter alia noua Legis Sacramenta à CHRISTO instituta primum tenet locum, cunctis ad salutem necessarium esse, ipsa Veritas testatur illis verbis: Nisi quis renatus fuerit ex aqua & Spi- Ioan. 3. ritu sancto, non potest introire in regnum Dei. Itaque summa ad illud opportunè ritèque administrandum ac suscipiendum diligentia adhibenda est.

Cum

Cum autem ad hoc Sacramentum conferendum alia sint de Iure diuino absolutè necessaria, ut materia, forma, minister; alia ad illius solemnitatem pertineant, ut ritus ac carimonia, quas ex Apostolica & antiquissima traditione acceptas & approbatas, nisi necessitatis causa, omittere non licet; de iis aliqua pramonenda sunt, ut sacrum hoc ministerium ritè ac sanctè peragatur.

De materia Baptismi.

AC primùm intelligat Parochus, cum huius Sacramenti materia sit aqua vera ac naturalis, nullum alium liquorem ad id adhiberi posse.

Aqua verò solemniter Baptismi sit eo anno benedicta in Sabbato sancto Paschatis, vel Sabbato Pentecostes, quæ in Fonte mundo nitida & pura diligenter conseruetur: & hæc, quando noua benedicenda est, in Ecclesia, vel potiùs Baptisteryj sacrarium effundatur.

Si Aqua benedicta tam imminuta sit, ut minus sufficere videatur, alia non benedicta admisceri potest, in minori tamen quantitate.

Si verò corrupta fuerit, aut effluerit, aut quouis modo defecerit, Parochus in Fontem benè mundatum ac nitidum recentem aquam infundat, eamque benedicat ex formula quæ infra præscribitur.

Sed si aqua conglaciata sit, curetur ut liquefiat; sin autem ex parte congelata sit, aut nimium frigida, poterit parum aquæ naturalis

non

De Sacramento Baptismi.

7

non benedicta calefacere, & admiscere aque baptismali in vasculo ad id parato, & ea tepesacta ad baptizandum uti, ne noceat infantulo.

De forma Baptismi.

Quoniam Baptismi forma his verbis expressa, Ego te baptizo in nomine Patris, & Filij, & Spiritus sancti, omnino necessaria est; ideo eam nullo modo licet mutare, sed eadem verba uno & eodem tempore, quo fit ablutio, pronuntianda sunt.

Latinus Presbyter Latina forma semper utatur.

Cum Baptismum iterare nullo modo liceat, si quis sub conditione, de quo infra, sit baptizandus, ea conditio explicanda est, hoc modo: Si non es baptizatus, ego te baptizo in nomine Patris, &c. Hac tamen conditionali forma non passim aut leuiter uti licet; sed prudenter, & ubi re diligenter peruestigata, probabilis subest dubitatio, infantem non fuisse baptizatum.

Baptismus licet fieri possit aut per infusionem aquae, aut per immersionem, aut per aspersionem; primus tamen vel secundus modus, qui magis sunt in usu, pro Ecclesiarum consuetudine retineantur; ita ut trina ablutione caput baptizandi perfundatur, vel immergatur in modum Crucis uno & eodem tempore quo verba proferuntur, & idem sit aquam adhibens, & verba pronuntians.

Vbi verò Baptismus fit per infusionem aquae,

cauen-

cauendum est, ne aqua ex infantis capite in Fontem, sed vel in Sacrarium Baptisteryj prope ipsum Fontem extractum defluat, aut in aliquo vase, ad hunc usum parato, recepta, in ipsius Baptisteryj vel in Ecclesia Sacrarium effundatur.

De ministro Baptismi.

Legitimus quidem Baptismi minister est Parochus, vel alius Sacerdos à Parocho vel ab Ordinario loci delegatus; sed quoties infans aut adultus versatur in vitæ periculo, potest sine solemnitate à quocumque baptizari in qualibet lingua, siue clerico siue laico etiam excommunicato, siue fideli siue infideli, siue catholico siue haretico, siue viro siue femina, seruata tamen forma & intentione Ecclesia.

Sed si adsit Sacerdos, Diacono præferatur, Diaconus Subdiacono, clericus laico, & vir femina; nisi pudoris gratia deceat feminam potius quàm virum baptizare infantem non omnino editum, vel nisi melius femina sciret formam & modum baptizandi. Quapropter curare debet Parochus, ut fideles, præsertim obstetrices, rectum baptizandi ritum probè teneant & seruent.

Pater aut mater propriam prolem baptizare non debet, præterquam in mortis articulo, quando alius non reperitur qui baptizet, neque tunc ullam contrahunt cognationem, quæ matrimonij usum impediatur.

De Sacramento Baptifimi.

De baptizandis paruulis.

9

Opportunè Parochus hortetur eos, ad quos ea cura pertinet, vt natos infantes siue baptizandos, siue baptizatos, quamprimùm fieri poterit, & qua decet Christiana modestia sine pompæ vanitate deferant ad Ecclesiam, ne illis Sacramentum tantopere necessarium nimium differatur cum periculo salutis, & vt ijs, qui ex necessitate priuatim baptizati sunt, consuetæ ceremoniæ ritûsque suppleantur, omissa forma & ablutione.

Nemo in utero matris clausus baptizari debet. Sed si infans caput emiseric, & periculum mortis immineat, baptizetur in capite; nec postea si viuus euaserit, erit iterùm baptizandus. At si aliud membrum emiseric, quod vitalem indicet motum, in illo, si periculum impendat, baptizetur; & tunc si natus vixerit, erit sub conditione baptizandus, eo modo quo supra dictum est: Si non es baptizatus, ego te baptizo in nomine Patris, &c. Si verò ita baptizatus deinde mortuus prodierit ex utero, debet in loco sacro sepeliri.

Si mater pragnans mortua fuerit, fœtus quamprimùm cautè extrahatur, ac si viuus fuerit, baptizetur; si fuerit mortuus, & baptizari non potuerit, in loco sacro sepeliri non debet.

Infantes expositi, & inuenti, si re diligenter inuestigata de eorum Baptismo non constat, sub conditione baptizentur.

In monstris verò baptizandis, si casus eueniat,

B

magna

De

magna cautio adhibenda est : de quo, si opus fuerit, Ordinarius loci, vel alij periti consulantur, nisi mortis periculum immineat.

Monstrum quod humanam speciem non praeferat, baptizari non debet: de quo si dubium fuerit, baptizetur sub hac conditione: Situ es homo, ego te baptizo, &c.

Illud verò, de quo dubium est, unãne aut plures sint personae, non baptizetur, donec id discernatur. Discerni autem potest, si habeat unum vel plura capita, unum vel plura pectora: tunc enim totidem erunt corda, & anima, hominẽsque distincti, & eo casu singuli seorsum sunt baptizandi, unicuique dicendo: Ego te baptizo, &c. Si verò periculum mortis immineat, tempusque non suppetat, ut singuli separatim baptizentur, poterit minister singulorum capitibus aquam infundens omnes simul baptizare, dicendo: Ego vos baptizo in nomine Patris, & Filij, & Spiritus sancti. Quam tamen formam in iis solum, & in aliis similibus mortis periculis ad plures simul baptizandos, & ubi tempus non patitur ut singuli separatim baptizentur; aliàs numquam licet adhibere.

Quando verò non est certum in monstro esse duas personas, vel quia duo capita & duo pectora non habet benè distincta; tunc debet primum unus absolutè baptizari, & postea alter sub conditione, hoc modo: Si non es baptizatus,

De Sacramento Baptismi.

11

ego te baptizo in nomine Patris, & Filij, & Spiritus sancti.

De Patrinis.

Parochus antequam ad baptizandum accedat, ab iis, ad quos spectat, exquirat diligenter, quem, vel quos Susceptores seu Patrinos elegerint, qui infantem de sacro Fonte suscipiant, ne plures quam liceat, aut indignos vel ineptos admittat.

Patrinus unus tantum, siue vir siue mulier, vel ad summum unus & una adhibeantur ex decreto Concilij Tridentini: sed simul non admittantur duo viri, aut due mulieres, neque ipsius baptizandi pater aut mater.

Hos autem Patrinos saltem in etate pubertatis, ac Sacramento Confirmationis consignatos esse maximè conuenit.

Sciant præterea Parochi, ad hoc munus non esse admittendos infideles, aut hæreticos, non publicè excommunicatos aut interdictos, non publicè criminosos aut infames, nec præterea qui sanamente non sunt, nec qui ignorant rudimenta fidei: hæc enim Patrini spirituales filios suos, quos de Baptismi Fonte susceperint, ubi opus fuerit, opportunè docere tenentur.

Præterea ad hoc etiam admitti non debent Monachi vel Sanctimoniales, neque alij cuiusuis Ordinis Regulares à saculo segregati.

Rituale Romanum
De tempore & loco administran-
di Baptismum.

Quamuis Baptismus quouis tempore, etiam interdicti & cessationis à diuinis, præsertim si urgeat necessitas, conferri possit; tamen duo potissimum ex antiquissima Ecclesie ritu sacri sunt dies, in quibus solemni carimonia hoc Sacramentum administrari maxime conuenit: nempe Sabbatum sanctum Pascha, & Sabbatum Pentecostes, quibus diebus Baptismalis Fontis aqua ritè consecratur. Quem ritum, quantum fieri commode potest, in adultis baptizandis, nisi uitæ periculum immineat, retineri decet, aut certè non omnino prætermitti, præcipue in Metropolitanis aut Cathedralibus Ecclesiis.

Ac licet urgente necessitate, ubique baptizare nihil impediat, tamen proprius Baptismi administrandi locus est Ecclesia, in qua sit Fons Baptismalis, vel certè Baptisterium prope Ecclesiam. Itaque, necessitate excepta, in priuatis locis uero baptizari debet; nisi forte sint Regum aut magnorum Principum filij, id ipsis ita deposcentibus; dummodo id fiat in eorum Cappellis, seu Oratoriis, & in aqua Baptismali de more benedicta.

Baptisterium sit decenti loco & forma, materiaque solida, & qua aquam benè contineat, decenter ornatum, & cancellis circumseptum, sera & clauæ munitum, atque ita obseratum, ut pul-

De Sacramento Baptismi.

13

uis vel aliæ sordes intrò non penetrent: in eoque, ubi commodè fieri potest, depingatur imago sancti Ioannis Christum baptizantis.

De sacris Oleis, & aliis requisitis.

Sacrum Chrisma, & sanctum Oleum, quod & Catechumenorum dicitur, quorum usus est in Baptismo, eodem anno sint ab Episcopo de more benedicta Feria quinta in Cœna Domini.

Curet Parochus, ut ea suo tempore quàm primum habeat, & tunc vetera in Ecclesia comburat.

Veteribus Oleis, nisi necessitas cogat, ultra annum non utatur; ac si deficere videantur, & Chrisma, aut Oleum benedictum haberi non possit, aliud oleum de oliuis non benedictum adiciatur, sed in minori quantitate.

Chrisma & Oleum sacrum sint in suis vasculis argenteis, aut saltem stanneis bene obturatis: quæ vascula sint inter se distincta, & propriam unumquodque inscriptionem habeat maiusculis litteris incisam, ne quis error committatur.

Ad usum verò quotidianum minora habeantur vascula ex argento, si fieri potest, aut stanno, siue separata, siue etiam coniuncta; aptè tamen distincta & bene cooperta, & cum suis inscriptionibus ut suprà, ne Parochus aberret, & unum pro altero sumat, quod cauere debet diligenter.

In ea igitur ex maioribus vasculis Chrismatis & Olei, quod sufficiat, infundatur, atque ut effusionis periculum caueatur, commodum erit in his vasculis bombacium seu quid si-

mile habere, Oleo sacro & Chrismate separatim perfusum, in qua pollex, cum opus est, ad inungendum immittatur.

Hæc vascula ita parata, in loco proprio, honesto, ac mundo, sub clauæ ac tuta custodia decenter asseruentur, ne ab aliquo nisi à Sacerdote temerè tangantur, aut eis sacrilegè quispiam abuti possit.

Parochus quantum fieri potest, curet, ne per laicos, sed per se vel per alium Sacerdotem, vel saltem per alium Ecclesiæ ministrum hæc Olea deferantur: caueat item ne de iis quidquam ulli umquam tribuat, cuiusuis rei prætextu.

Sal, quod in os baptizandi immittendum est, sit benedictum sua peculiari benedictione, quæ infra præscribitur; neque utatur sale exorcizato ad benedicendum aquam; sitq; prius benè confractum & attritum, siccum ac mundum. Sal ita benedictum nemini tradatur, neque etiam iis, qui benedicendum attulerint, reddatur; sed ad alios baptizandos seruetur, aut in Sacrarium abijciatur.

Cum igitur Baptismi Sacramentum iam ministrandum est, hæc in promptu esse debent.

Vascula sacri Olei Catechumenorum, & Chrismatis.

Vasculum cum sale benedicendo, vel iam, ut dictum est, benedicto.

Vasculum, seu cochleare ex argento, vel alio metallo nitidum, ad aquam Baptismi fundendam

De Sacramento Baptismi.

15

dendam supra caput baptizandi, quod nulli prater eam alij vsui deseruiat.

Peluis, seu bacile ad excipiendam aquam ex capite defluentem, nisi statim in Sacrarium defluat.

Gospium, alio nomine bombacium, seu quid simile, ad abstergenda loca sacris Oleis inuncta.

Stola duæ, ubi commodè haberi possunt, una violacea, & altera alba, ut infra notatur, mutanda; sin minus, una saltem adhibeatur.

Medulla panis, qua inuncti Sacerdotis digiti, cum manus lauat, abstergantur, & vas pro manuum lotionem post Baptismum, quod huic tantum vsui deseruire decet.

Alba vestis in modum pallioli, seu linteolum candidum infantis capiti imponendum.

Cereus, seu candela cerea baptizato ardens tradenda.

Hic denique Ritualis liber sit paratus, & item liber Baptismalis, in quo baptizati describuntur.

Omnibus igitur opportunè preparatis, Sacerdos ad tanti Sacramenti administrationem, lotis manibus, superpelliceo & stola violacea indutus accedat, clericum unum, seu plures, si potest, secum adhibeat, superpelliceo pariter indutos, qui sibi ministrent.

Ita paratus accedat ad limen Ecclesie, ubi foris expectant qui infantem detulerunt.

Interroget (nisi de his benè sibi constet) an sit sue Parochie, masculus an femina, an sit domi

baptizatus, & à quo, & quàm ritè, & qui sint Compadres qui infantem teneant, pro eoque respondeant; quos piè ac decenter assistere, ac, prout opus fuerit, pro baptizando ad interrogationes respondere admoneat.

Et quoniam iis qui baptizantur, tamquam Dei filiis in Christo regenerandis, & in eius militiam adscribendis, nomen imponitur, curet, ne obscœna, fabulosa, aut ridicula, vel inanium deorum, vel impiorum Ethnicorum hominum nomina imponantur, sed potius, quatenus fieri potest, Sancto-
rum; quorum exemplis fideles ad piè viuendum excitentur, & patrociniis protegantur.

His igitur expeditis, & accepto nomine baptizandi, positi, si infans fuerit, super brachium dextrum illius qui eum desert, Parochus ad Baptismum procedat, in hunc modum nominatim interrogans.

ORDO BAPTISMI PARVVLORVM.



Quid petis ab Ecclesia Dei? **Patrinus respondet:** Fidem. **Sacerdos.** Fides quid tibi præstat? **Patrinus respondet:** Vitam æternam. **Sacerdos.** Si igitur vis ad vitam ingredi, serua mandata: Diliges Dominum Deum tuum ex toto corde tuo, & ex tota anima tua, & ex tota mente tua, & proximum

mum tuum sicut te ipsum. **Deinde ter exsufflet leniter in faciem infantis, & dicat semel.** Exi ab eo, **vel** ab ea, immunde spiritus, & da locum Spiritui sancto paraclito. **Postea pollice faciat signum Crucis in fronte & in pectore infantis, dicens:** Accipe signum Crucis tam in fronte ✠ quàm in corde ✠, sume fidem cælestium præceptorum, & talis esto moribus, vt templum Dei iam esse possis. **O** remus.

P Reces nostras, quæsumus Domine, clementer exaudi: & hunc electum tuum **N.** Crucis Dominicæ impressione signatum perpetua virtute custodi, vt magnitudinis gloriæ tuæ rudimenta seruans, per custodiam mandatorum tuorum ad regenerationis gloriam peruenire mereatur. Per Christum Dominum nostrum. **R.** Amen.

Deinde imponat manum super caput infantis, ac dicat: **O** remus.

O Mnipotens sempiterne Deus, Pater Domini nostri I E S V Christi, respicere dignare super hunc famulum tuum **N.** quem ad rudimenta fidei vocare dignatus es: omnem cæcitatem cordis ab eo expelle: dirumpe omnes laqueos satanæ, quibus fuerat colligatus: aperi ei Domine ianuam pietatis tuæ, vt signo sapientiæ tuæ imbutus, omnium cupiditatum foetoribus careat, & ad suauem odorem præceptorum tuorum lætus tibi in Ecclesia tua deseruiat, & proficiat de die in

diem. Per eundem Christum Dominum nostrum. *R.* Amen.

Deinde Sacerdos benedicat salem, qui semel benedictus alias ad eundem usum deservire potest.

Benedictio salis.

Exorcizo te creatura salis, in nomine Dei Patris omnipotentis ✠, & in charitate Domini nostri IESU Christi ✠, & in virtute Spiritus sancti ✠. Exorcizo te per Deum vivum ✠, per Deum verum ✠: per Deum sanctum ✠, per Deum ✠ qui te ad tutelam humani generis procreavit, & populo venienti ad credulitatem per servos suos consecrari præcepit, ut in nomine sanctæ Trinitatis efficiaris salutare Sacramentum ad effugandum inimicum. Proinde rogamus te Domine Deus noster, ut hanc creaturam salis sanctificando sanctifices ✠, & benedicendo benedicas ✠, ut fiat omnibus accipientibus perfecta medicina, permanens in visceribus eorum, in nomine eiusdem Domini nostri IESU Christi, qui venturus est iudicare vivos & mortuos, & sæculum per ignem. *R.* Amen.

Deinde immittat modicum salis benedicti in os infantis, dicens: N. Accipe salem sapientiæ: propitiatio sit tibi in vitam æternam. *R.* Amen. Sacerdos. Pax tecum. *R.* Et cum spiritu tuo. *O* remus.

Deus Patrum nostrorum, Deus vniuersæ conditor veritatis, te supplices exoramus,

De Sacramento Baptismi.

19

vt hunc famulum tuum **N.** respicere digneris propitius, & hoc primum pabulum salis gustantem, non diutiùs esurire permittas, quò minus cibo expleatur cælesti, quatenus sit semper spiritu feruens, spe gaudens, tuo semper nomini feruens. Perduc eum Domine, quæsumus, ad nouæ regenerationis lauacrum, vt cum fidelibus tuis promissionum tuarum æterna præmia consequi mereatur. Per Christum Dominum nostrum. **R.** Amen.

Exorcizo te immunde spiritus in nomine Patris ✝, & Filij ✝, & Spiritus sancti ✝, vt exeas, & recedas ab hoc famulo Dei **N.** Ipse enim tibi imperat, maledicte damnate, qui pedibus super mare ambulauit, & Petro mergenti dexteram porrexit.

Ergo maledicte diabole, recognosce sententiam tuam, & da honorem Deo viuo & vero, da honorem IESV Christo Filio eius, & Spiritui sancto, & recede ab hoc famulo Dei **N.** quia istum sibi Deus & Dominus noster IESVS Christus ad suam sanctam gratiam, & benedictionem, Fontemque Baptismatis vocare dignatus est.

Hic pollice in fronte signat infantem, dicens: Et hoc signum sanctæ Crucis ✝ quod nos fronti eius damus, tu maledicte diabole numquam audeas violare. Per eundem Christum Dominum nostrum. **R.** Amen.

Mox

Mox imponit manum super caput infantis, & dicit : *Oramus.*

A Ternam ac iustissimam pietatem tuam deprecor, Domine sancte, Pater omnipotens, æterne Deus, auctor luminis & veritatis, super hunc famulum tuum **N.** vt digneris illum illuminare lumine intelligentiæ tuæ : munda eum, & sanctifica : da ei scientiam veram, vt dignus gratia Baptismi tui effectus, teneat firmam spem, consilium rectum, doctrinam sanctam. Per Christum Dominum nostrum. *R.* Amen.

Posteà Sacerdos imponit extremam partem stolæ super infantem, & introducit eum in Ecclesiam, dicens : **N.** Ingredere in templum Dei, vt habeas partem cum Christo in vitam æternam. *R.* Amen.

Cùm fuerint Ecclesiam ingressi, Sacerdos procedens ad Fontem cum Susceptoribus coniunctim clara voce dicit :

Credo in Deum, Patrem omnipotentem, creatorem cæli & terræ. Et in Iesum Christum, filium eius vnicum, Dominum nostrum : qui conceptus est de Spiritu sancto, natus ex Maria virgine, passus sub Pontio Pilato, crucifixus, mortuus, & sepultus : descendit ad inferos : tertia die resurrexit à mortuis : ascendit ad cælos, sedet ad dexteram Dei Patris omnipotentis : inde venturus est iudicare viuos & mortuos. Credo in Spiritum sanctum, sanctam

sanctam Ecclesiam Catholicam, Sanctorum communionem, remissionem peccatorum, carnis resurrectionem, vitam aeternam, Amen.

Pater noster, qui es in cælis: sanctificetur nomen tuum: adueniat regnum tuum: fiat voluntas tua, sicut in cælo, & in terra. Panem nostrum quotidianum da nobis hodie: & dimitte nobis debita nostra, sicut & nos dimittimus debitoribus nostris. Et ne nos inducas in tentationem: sed libera nos à malo, Amen.

Ac deinde, antequam accedat ad Baptisterium, dicat.

EXORCISMVS.

EXorcizo te omnis spiritus immunde, in nomine Dei Patris omnipotentis ✚, & in nomine IESU Christi filij eius, Domini & Iudicis nostri ✚, & in virtute Spiritus sancti ✚, vt discedas ab hoc plasmate Dei **N.** quod Dominus noster ad templum sanctum suum vocare dignatus est, vt fiat templum Dei viui, & Spiritus sanctus habitet in eo. Per eundem Christum Dominum nostrum, qui venturus est iudicare viuos & mortuos, & sæculum per ignem. **R.** Amen.

Postea Sacerdos digito accipiat de saliuâ oris sui, & tangat aures & nares infantis: tangendo verò aurem dexteram, & sinistram, dicat:

Ephphetha, quod est Adaperire: deinde tangat nares, dicens: In odorem suauitatis. Tu autem effugare diabole, appropinquabit enim iudicium Dei.

Postea

Postea interrogat baptizandum nominatum
dicens : N. Abrenuntias satanae ? Respondet
Patrinus : Abrenuntio.

Et omnibus operibus eius ? R. Abrenuntio.

Et omnibus pompis eius ? R. Abrenuntio.

Deinde Sacerdos intingit pollicem in Oleo
Catechumenorum, & infantem vngit in pecto-
re, & inter scapulas in modum Crucis, dicens:

Ego te linio + Oleo salutis in Christo I E S V
Domino nostro, vt habeas vitam aeternam.
R. Amen.

Hic de-
ponit
stolam
viola-
ceam, &
sumit
aliam
albi co-
loris.

Subinde pollicem & inuncta loca abstergit
bombacio vel re simili, & interrogat expresso
nomine baptizandum, Patrino respondente:

N. Credis in Deum Patrem omnipoten-
tem, creatorem caeli & terrae ? R. Credo.

Credis in I E S V M Christum filium eius vni-
cum, Dominum nostrum, natum, & passum ?
R. Credo.

Credis in Spiritum sanctum, sanctam Ec-
clesiam catholicam, Sanctorum communio-
nem, remissionem peccatorum, carnis resur-
rectionem, vitam aeternam ? R. Credo.

Subinde expresso nomine baptizandi, Sa-
cerdos dicit : N. Vis baptizari ? Respondet
Patrinus : Volo.

Tunc Patrino, vel Matrino, vel utroque (si
ambo admittantur) infantem tenente, Sacer-
dos vasculo seu vrceolo accipit aquam Bapti-
smalem, & de ea ter fundit super caput infantis

in

De Sacramento Baptismi.

23

in modum Crucis, & simul verba proferens, semel tantum distinctè attentè dicit:

N. Ego te baptizo in nomine Patris ✠, fundat primò; & Filij ✠, fundat secundò; & Spiritus ✠ sancti; fundat tertio.

Vbi autem est consuetudo baptizandi per immersionem, Sacerdos accipit infantem, & aduertens ne lædatur, cautè immergit, & trina immersione baptizat, & semel tantum dicit:

N. Ego te baptizo in nomine Patris ✠, & Filij ✠, & Spiritus ✠ sancti.

Mox Patrinus, vel Matrina, vel vterque simul infantem de sacro Fonte leuant, suscipientes illum de manu Sacerdotis.

Si verò dubitatur, an infans fuerit baptizatus, vtatur hac forma: N. Si non es baptizatus, ego te baptizo in nomine Patris ✠ & Filij ✠, & Spiritus ✠ sancti. Deinde intingit pollicem in sacro Chrismate, & vngit infantem in summitate capitis in modum Crucis, dicens:

DEus omnipotens, Pater Domini nostri IESV Christi, qui te regenerauit ex aqua & Spiritu sancto, quiq̄ue dedit tibi remissionem omnium peccatorum (hęc inungit) ipse te liniat Chrismate salutis ✠ in eodem Christo IESV Domino nostro in vitam æternam. **R.** Amen.

Sacerdos. Pax tibi. **R.** Et cum spiritu tuo.

Tum bombacio, aut re simili abstergit pollicem

licem

licem suum, & locum inunctum, & imponit capiti eius linteolum candidum loco vestis albæ, dicens :

Accipe vestem candidam, quã immaculatam perferas ante tribunal Domini nostri IESU Christi, vt habeas vitam æternam. *R.* Amen.

Posteà dat ei, vel Patrino, candelam accensam, dicens :

Accipe lampadem ardentem, & irreprensibilis custodi Baptismum tuum: serua Dei mandata, vt cum Dominus venerit ad nuptias, possis occurrere ei vnã cum omnibus Sanctis in aula cælesti, habeasque vitam æternam, & viuas in sæcula sæculorum. *R.* Amen.

Postremò dicit: N. Vade in pace, & Dominus sit tecum. *R.* Amen.

Si verò fuerint plures baptizandi, siue masculi siue feminæ, in Catechismo masculi stantur ad dexteram, feminæ verò ad sinistram; & omnia pariter dicantur vt suprã in proprio genere, & numero plurali. Verùm prima nominis interrogatio, exsufflatio, Crucis impressio, seu signatio, tactus aurium & narium cum salua, abrenuntiationis interrogatio, vnctio Olei Catechumenorum, interrogatio de Fide seu Symbolo, & ipse Baptismus, inunctio Chrismatis, candidæ vestis impositio, atque accensæ candelæ traditio, singulariter singulis, & primùm masculis, deinde feminis fieri debent.

Si

De Sacramento Baptifini.

25

Si infans, vel adultus ægrotus aded gra-
uiter laboret, vt periculum imminet ne per-
eat, antequam Baptifimus perficiatur, Sa-
cerdos omiffis quæ Baptifimum præcedunt,
eum baptizet, ter, vel etiam femel infundens
aquam fuper caput eius in modum Crucis, di-
cens: Ego te baptizo in nomine Patris, &c.
vt fuprà. 23.

Si non habeatur aqua Baptifmalis, & peri-
culum impendeat, Sacerdos vtatur aqua fim-
plici.

Deinde fi habeat Chrifma, liniat eum in ver-
tice, dicens: Deus omnipotens, Pater Domi-
ni noftri IESU Chrifti, &c. vt fuprà. 23.

Postea dat ei linteolum candidum, dicens:
Accipe veftem, &c. fuprà. 24.

Ac demum det ei ceream candelam accen-
fam, dicens: Accipe lampadem, vt fuprà. 24.
Si fuperuixerit, fuppleantur alij ritus omiffi.

*Admonendi funt Susceptores de fpirituali
cognitione, quam contraxerunt cum baptizato,
baptizatique patre & matre; qua cognatio impe-
dit matrimonium, ac dirimit.*

*Curet Parochus parentes infantis admoneri,
ne in lecto fecum ipfi, vel nutrices paruulum ha-
beant, propter oppreffionis periculum: fed eum di-
ligenter custodiant, & opportunè ad Christianam
difciplinam inftituant.*

*Commonendi funt etiam parentes, & alij fi
opus fuerit, ne filios Hebrais, aliisve infidelibus,*

C

vel

vel hæreticis mulieribus ullo modo lactandos aut nutriendos tradant.

Antequam infans ex Ecclesia asportetur, aut Susceptores discedant, eorum nomina, & alia de administrato Baptismo ad præscriptam formam in Baptismali libro Parochus accuratè describat.

De Baptismo Adultorum.



SI quis adultus sit baptizandus, debet prius secundum Apostolicam regulam in Christiana fide ac sanctis moribus diligenter institui, & per aliquot dies in operibus pietatis exerceri, eiusque voluntas & propositum sapius explorari, & non nisi sciens & volens, probèque instructus baptizari.

At verò si quis, dum instruitur, in mortis periculum incidat, baptizarique voluerit, habita ratione periculi vel necessitatis baptizetur.

Adultorum Baptismus, ubi commode fieri potest, ad Episcopum deferatur, ut si illi placuerit, ab eo solemnitus conferatur; alioquin Parochus ipse baptizet, stata carimonia.

Decet autem huiusmodi Baptismum ex Apostolico instituto, in Sabbato sancto Paschatis, vel Pentecostes, solemniter celebrari.

Quare si circa hæc tempora Catechumeni sint baptizandi, in ipsos dies, si nihil impediatur, Baptismum differri conuenit.

Verum

Verum si circa, seu post tempus Pentecostes aliqui conuersi fuerint, qui agrè ferant suum Baptisma in longum tempus differri, & ad illud festinent, instructique ac ritè parati esse noscantur, citius baptizari possunt.

Catechumenus instructus baptizetur in Ecclesia, seu in Baptisterio. Patrinus ei assistat, & ipse Catechumenus ad Sacerdotis interrogationes respondeat; nisi mutus fuerit, aut omnino surdus, vel ignota lingue. quo casu vel per Patrinum, si illam intelligat, aut alium interpretem, vel nutu consensum explicet suum.

Pro huius autem veneratione Sacramenti, tam Sacerdotem qui adultos baptizabit, quam ipsos adultos qui sani sunt, conuenit esse ieiunos.

Quare non post epulas, aut prandia, sed ante meridiem (nisi ex rationabili causa aliter faciendum esset) eorum Baptisma celebretur.

Admonendus est Catechumenus, ut peccatorum suorum pœniteat.

Amentes & furiosi non baptizentur, nisi tales à natiuitate fuerint: tunc enim de iis idem iudicium faciendum est, quod de infantibus: atque in fide Ecclesia baptizari possunt.

Sed si dilucida habeant interualla, dum mentis compotes sunt, baptizentur, si velint. Si verò antequam insanirent, suscipiendi Baptismi desiderium ostenderit, ac vitæ periculum imminet, etiamsi non sint compotes mentis, baptizentur.

Idemque dicendum est de eo, qui lethargo aut phrenesi laborat; ut tantum vigilans & intelligens baptizetur; nisi periculum mortis impendeat, si in eo prius apparuerit Baptismi desiderium.

Sacerdos diligenter curet, ut certior fiat de statu & conditione eorum qui baptizari petunt, presertim exterorum. De quibus facta diligenti inquisitione, num aliàs ac ritè sint baptizati, caueat, ne quis iam baptizatus imperitia, vel errore, aut ad quæstum, vel ob aliam causam, fraude dolove iterum baptizari velit.

Omnes autem, de quibus re diligenter inuestigata, probabilis dubitatio est, an baptizati fuerint, si nihil aliud impediatur, sub conditione baptizentur.

Hæretici verò ad Catholicam Ecclesiam venientes, in quorum Baptismo debita forma aut materia seruata non est, ritè baptizandi sunt: sed prius errorum suorum prauitatem agnoscant, & detestentur, & in fide Catholica diligenter instruantur: ubi verò debita forma & materia seruata est, omiſsa tantum suppleantur, nisi rationabili de causa aliter Episcopo videatur.

Ceterum legantur & seruentur ea, quæ supra de Baptismo in communi prescripta sunt, folio 14.

ORDO BAPTISMI
ADULTORVM.



IN primis Sacerdos, paratis his quæ
suprà de obseruandis in administra-
tione Sacramenti Baptismi paruulo-
rum dicuntur, indutus superpelliceo
& stola, vel etiam pluuiali violacei coloris,
cum suis Clericis accedit ad gradus altaris, &
genibus flexis, pias mente ad Deum preces
effundit, vt tantum Sacramentum dignè va-
leat ministrare; & ad implorandum diuinum
auxilium, surgens se signat, & si temporis ra-
tio ferat, dicit: Deus in adiutorium meum in-
tende. *R.* Domine ad adiuuandum me festina.
Gloria Patri. Sicut erat.

Posteà incipiat, prosequentibus Clericis,
Antiph. Effundam super vos aquam mundam,
& mundabimini ab omnibus inquinamentis
vestris, dicit Dominus.

Psalms 8.

Domine Dominus noster, * quàm admi-
rabile est nomen tuum in vniuersa terra!
Quoniam eleuata est magnificentia tua, * su-
per cælos.

Ex ore infantium & lactentium perfecisti lau-
dem propter inimicos tuos, * vt destruas ini-
micum & vltorem.

Quoniam videbo cælos tuos, opera digitorum
tuorum: * lunam & stellas, quæ tu fundasti.

Quid est homo, quòd memor es eius? * aut filius hominis, quoniam uisitas eum?

Minuisti eum paulominus ab Angelis, gloria & honore coronasti eum, * & constituisti eum super opera manuum tuarum.

Omnia subiecisti sub pedibus eius, * oues & boues uniuersas, insuper & pecora campi;

Volucres cæli, & pisces maris, * qui perambulant semitas maris.

Domine Dominus noster, * quàm admirabile est nomen tuum in uniuersa terra!

Gloria Patri. **S**icut erat. **Psalmus 28.**

Afferte Domino filij Dei: * afferte Domino filios arietum.

Afferte Domino gloriam & honorem, afferte Domino gloriam nomini eius: * adorete Dominum in atrio sancto eius.

Vox Domini super aquas, Deus maiestatis intonuit: * Dominus super aquas multas.

Vox Domini in virtute: * vox Domini in magnificentia.

Vox Domini confringentis cedros: * & confringet Dominus cedros Libani.

Et comminuet eas tanquam vitulum Libani: * & dilectus quemadmodum filius unicornium.

Vox Domini intercidentis flammam ignis: * vox Domini concutientis desertum: & commouebit Dominus desertum Cades.

Vox Domini præparantis ceruos, & reuelabit
con-

De Sacramento Baptismi.

31

condensa : * & in templo eius omnes dicent gloriam.

Dominus diluuium inhabitare facit : * & sedebit Dominus rex in æternum.

Dominus virtutem populo suo dabit : * Dominus benedicet populo suo in pace.

Gloria Patri. **S**icut erat. **Psalmus 41.**

Quemadmodum desiderat ceruus ad fontes aquarum : * ita desiderat anima mea ad te Deus.

Sitiuit anima mea ad Deum fortem viuum : * quando veniam & apparebo ante faciem Dei?

Fuerunt mihi lacryme meę panes die ac nocte : * dũ dicitur mihi quotidie : Vbi est Deus tuus ?

Hęc recordatus sum, & effudi in me animam meam : * quoniam transibo in locum tabernaculi admirabilis, vsque ad domum Dei.

In voce exultationis, & confessionis : * sonus epulantis.

Quare tristis es anima mea : * & quare conturbas me ?

Spera in Deo, quoniam adhuc confitebor illi : * salutare vultus mei, & Deus meus.

Ad me ipsum anima mea conturbata est : * propterea memor ero tui de terra Iordanis, & Hermonium à monte modico.

Abysus abyssum inuocat, * in voce cataractarum tuarum.

Omnia excelsa tua, & fluctus tui * super me transferunt.

In die mandauit Dominus misericordiam suam : * & nocte canticum eius.

A pud me oratio Deo vitæ meæ, * dicam Deo : Susceptor meus es.

Quare oblitus es mei ? * & quare contristatus incedo, dum affligit me inimicus?

Dum confringuntur ossa mea, * exprobrauerunt mihi qui tribulant me inimici mei.

Dum dicunt mihi per singulos dies : Vbi est Deus tuus ? * quare tristis es anima mea ? & quare conturbas me?

Spera in Deo, quoniam adhuc confitebor illi : * salutare vultus mei, & Deus meus.

Gloria Patri. Sicut erat.

Et repetitur Antiph. Effundam super vos aquam mundam. Qua repetita dicitur : Kyrie eleison. **C**hriste eleison. **K**yrie eleison. **P**ater noster. **Ÿ**. Et ne nos inducas in tentationem.

R. Sed libera nos à malo. **Ÿ**. Domine exaudi orationem meam. **R**. Et clamor meus ad te veniat. **Ÿ**. Dominus vobiscum. **R**. Et cum spiritu tuo. **O** remus.

OMnipotens sempiternæ Deus, qui dedisti famulis tuis in confessione veræ fidei, æternæ Trinitatis gloriam agnoscere, & in potentia maiestatis adorare vnitatem: quæsumus, vt eiusdem fidei firmitate, ab omnibus semper muniamur aduersis. **O**ratio.

Adesto supplicationibus nostris, omnipotens Deus : & quod humilitatis nostræ geren-

gerendum est ministerio, tuæ virtutis impleatur effectu.

Oratio.

DA quæsumus Domine Electo nostro, vt sanctis edoctus mysteriis, & renouetur fonte Baptismatis, & inter Ecclesiæ tuæ membra numeretur. Per Christum Dominum nostrum. *R.* Amen.

Si plures fuerint baptizandi, hæc tertia Oratio dicatur in numero plurali.

Deinde Sacerdos procedit ad fores Ecclesiæ, & stat in limine, catechizandus verò extra limen. Et si sunt plures, mares & feminae, illi ad dexteram Sacerdotis, hæc verò ad sinistram statuuntur, & Sacerdos interrogat:

Quo nomine vocaris? *Catechumenus respondet: N. Sacerdos. N. Quid petis ab Ecclesia Dei? R. Fidem. Sacerdos. Fides quid tibi præstat? R. Vitam æternam. Sacerdos. Si vis habere vitam æternam, serua mandata. Diliges Dominum Deum tuum ex toto corde tuo, & ex tota anima tua, & ex tota mente tua, & proximum tuum sicut te ipsum. In his duobus mandatis tota lex pendet, & Prophetæ. Fides autem est, vt vnum Deum in Trinitate, & Trinitatem in vnitatem venereris, neque confundendo personas, neque substantiam separando. Alia est enim persona Patris, alia Filij, alia Spiritus sancti; sed horum trium vna est substantia, & non nisi vna Diuinitas.*

Et rursus interrogat: N. Abrenuntias fatanæ?

Resp. Abrenuntio.

Interrog. Et omnibus operibus eius?

Resp. Abrenuntio.

Interrog. Et omnibus pompis eius?

Resp. Abrenuntio.

Deinde Sacerdos interrogat de Symbolo fidei, dicens: Credis in Deum Patrem omnipotentem, creatorem cæli & terræ? **R.** Credo.

Interrog. Credis & in IESVM Christum Filium eius vnicum, Dominum nostrum, natum, & passum? **R.** Credo.

Interrog. Credis & in Spiritum sanctum, sanctam Ecclesiam Catholicam, Sanctorum communionem, remissionem peccatorum, carnis resurrectionem, & vitam æternam? **R.** Credo.

Tunc Sacerdos exsufflat ter in faciem eius, semel dicens: Exi ab eo spiritus immunde, & da locum Spiritui sancto paraclito.

Hic in modum Crucis halet in faciem ipsius, & dicat: N. Accipe Spiritum bonum per istam insufflationem, & Dei benedictionem ✠. Pax tibi. **R.** Et cum spiritu tuo.

Deinde facit Crucem cum pollice in eius fronte, & in pectore, dicens: N. Accipe signum Crucis tam in fronte ✠ quàm in corde ✠: sume fidem cælestium præceptorum. Talis esto moribus, vt templum Dei iam esse possis: ingressusque Ecclesiam Dei, euasisse te laqueos mortis

mortis lætus agnosce, [horresce idola, respue simulacra] cole Deum Patrem omnipotentem, & IESVM Christum Filium eius vnicum, Dominum nostrum, qui venturus est iudicare viuos & mortuos, & sæculum per ignem. **R.** Amen.

Hic aduertendum est, quòd dicta verba, [horresce idola, respue simulacra] dicantur Catechumeno, qui venit de gentilitatis errore, seu de Ethnicis & idololâtris. Catechumeno verò Iudæo, siue ex Hebræis venienti, loco horum verborum, dicatur, [horresce Iudaicam perfidiam, respue Hebraicam superstitionem.] Saraceno autem, vel Turcæ, aut Persæ, siue alij ex Mahumetanis ad fidem venienti Catechumeno, loco eorundem verborum dicatur: [horresce Mahumeticam perfidiam, respue prauam sectam infidelitatis.]

At hæretico ad Catholicam Ecclesiam venienti, qui, si in eius Baptismo debita forma seruata non est, baptizari debet, dicatur: [horresce hæreticam prauitatem, respue nefarias sectas impiorum.] Vel exprimatür proprio nomine secta, de qua Catechumenus venit.

Si plures sunt Electi, omnia supradicta dicuntur sigillatim super singulos. O remus. Oratio.

TE deprecor, Domine sancte, Pater omnipotens, æterne Deus, vt huic famulo tuo **N.** qui in huius sæculi nocte vagatur incertus ac dubius, viam veritatis & agnitionis tuæ

tuae iubeas demonstrari : quatenus referatis oculis cordis sui, te vnum Deum Patrem in Filio, & Filium in Patre cum Spiritu sancto recognoscat, atque huius confessionis fructum & hinc, & in futuro saeculo percipere mereatur. Per Christum Dominum nostrum. **R.** Amen.

Si plures sint Electi, praecedens Oratio dicatur in numero plurali. (Sequentes autem Signationes fiant cum suis verbis singillatim super singulos.)

Deinde signet Electum signo Crucis cum pollice in fronte, dicens: Signo tibi frontem ✠, vt suscipias Crucem Domini.

In auribus: Signo tibi aures ✠, vt audias diuina praecipita.

In oculis: Signo tibi oculos ✠, vt videas claritatem Dei.

In naribus: Signo tibi nares ✠, vt odorem suauitatis Christi sentias.

In ore: Signo tibi os ✠, vt loquaris verba vitae.

In pectore: Signo tibi pectus ✠, vt credas in Deum.

In scapulis: Signo tibi scapulas ✠, vt suscipias iugum seruitutis eius.

In toto corpore, illud non tangens manu, producit signum Crucis, & dicit: Signo te totum in nomine Patris ✠, & Filij ✠, & Spiritus ✠ sancti, vt habeas vitam aeternam, & viuas in saecula saeculorum. **R.** Amen.

O remus.

Oratio.

P Reces nostras, quæsumus Domine, clementer exaudi, & hunc Electum tuum N. Crucis Dominicæ, cuius impressione eum signamus, virtute custodi: vt magnitudinis gloriæ tuæ rudimenta seruans, per custodiam mandatorum tuorum ad regenerationis gloriam peruenire mereatur. Per Christum Dominum nostrum. *R.* Amen.

O remus.

Oratio.

Deus, qui humani generis ita es conditor, vt sis etiam reformator, propitiare populis adoptiuis, & nouo testamento sobolem nouæ prolis adscribe: vt filij promissionis quod non potuerunt assequi per naturam, gaudeant se recepisse per gratiam. Per Christum Dominum nostrum. *R.* Amen.

Tunc imponit manum super caput Electi,
& dicit: O remus.

O Mnipotens sempiterne Deus, Pater Domini nostri IESU Christi, respicere digneris super hunc famulum tuum N. quem ad rudimenta fidei vocare dignatus es; omnem cæcitatem cordis ab eo expelle, disrumpe omnes laqueos satanæ, quibus fuerat colligatus: aperi ei Domine ianuam pietatis tuæ, vt signo sapientiæ tuæ imbutus, omnium cupiditatum fœtoribus careat, & ad suauem odorem præceptorum tuorum lætus tibi in Ecclesia tua deseruiat, & proficiat de die in diem, vt idoneus

neus efficiatur accedere ad gratiam Baptismi tui, percepta medicina. Per eundem Christum Dominum nostrum. *R.* Amen.

Si plures sint, hæc, & præcedens Oratio, Preces nostras. dicantur in numero plurali.

Deinde Sacerdos benedicit sal.

Benedictio salis dandi Catechumeno.

EXorcizo te creatura salis, in nomine Dei Patris omnipotentis ✠, & in charitate Domini nostri IESU Christi ✠, & in virtute Spiritus sancti ✠. Exorcizo te per Deum viuum ✠, per Deum verum ✠, per Deum sanctum ✠, per Deum ✠, qui te ad tutelam humani generis procreauit, & populo venienti ad credulitatem per seruos suos consecrari præcepit, vt in nomine sanctæ Trinitatis efficiaris salutare Sacramentum ad effugandum inimicum. Proinde rogamus te Domine Deus noster, vt hanc creaturam salis sanctificando sanctifices ✠, & benedicens benedicas ✠, vt fiat omnibus accipientibus perfecta medicina, permanens in visceribus eorum, in nomine eiusdem Domini nostri IESU Christi, qui venturus est iudicare viuos & mortuos, & sæculum per ignem. *R.* Amen.

Tunc pollice & indice accipit de ipso sale, & immittit in os Catechumeni, dicens: N. Accipe sal sapientiæ; propitiatio tibi fit in vitam æternam. R. Amen. Sacerdos. Pax tibi. R. Et cum spiritu tuo.

Ore-

O remus.

Oratio.

Deus patrum nostrorum, Deus vniuersæ conditor veritatis, te supplices exoramus, vt hunc famulum tuum **N.** respicere digneris propitius, & hoc primum pabulum salis gustantem, non diutiùs esurire permittas, quò minùs cibo expleatur cælesti, quatenus sit semper spiritu feruens, spe gaudens, tuo semper nomini seruiens. Perduc eum Domine, quæsumus, ad nouæ regenerationis lauacrum, vt cum fidelibus tuis promissionum tuarum æterna præmia consequi mereatur. Per Christum Dominum nostrum. **R.** Amen.

Si plures sint, dicatur singulis: N. Accipe sal, &c. & præcedens Oratio, Deus patrum nostrorum. in numero plurali.

Quòd si Catechumenus fuerit Gentilis, seu ex Idololatriâ venerit ad Fidem, benedicto sale, priusquam eius medicinam gùster, Sacerdos addat sequentem Orationem, dicens:

O remus.

Domine sancte, Pater omnipotens, æterne Deus, qui es, qui eras, & qui permanes vsque in finem, cuius origo nescitur, nec finis comprehendi potest: te supplices inuocamus super hunc famulum tuum **N.** quem liberaisti de errore gentilium, & conuersatione turpissima: dignare exaudire eum, qui tibi ceruices suas humiliat ad lauacri fontem, vt renatus ex aqua & Spiritu sancto, expoliatus vterem

terem hominem, induat nouum, qui secundum te creatus est; accipiat vestem incorruptam & immaculatam, tibi que Deo nostro seruire mereatur. Per Christum Dominum nostrum. *R.* Amen.

Si plures sint, præcedens Oratio dicatur in numero plurali. Deinde Sacerdos dicat super masculinum tantum: Ora Electe, flecte genua, & dic Pater noster. Et Electus genu flexo orat, & dicit: Pater noster. Et cum orauerit, & dixerit Pater noster, usque ad, Sed libera nos à malo, inclusiue, Sacerdos subiungit: Leua, comple orationem tuam, & dic Amen. Et ille respondet: Amen. Et Sacerdos dicit Patrino: Signa eum. Deinde Electo: Accede. Et Patrinus pollice signat eum in fronte, dicens: In nomine Patris, & Filij, & Spiritus sancti. Tum quoque Sacerdos facit Crucem in fronte eius, ita dicendo: In nomine Patris, & Filij, & Spiritus sancti.

Et imponit manum super eum, & dicit:

Oremus. Oratio.

DEus Abraham, Deus Isaac, Deus Iacob, Deus, qui Moyfi famulo tuo in monte Sinai apparuisti, & filios Israël de terra Ægypti eduxisti, deputans eis Angelum pietatis tuæ, qui custodiret eos die ac nocte: te quæsumus, Domine, vt mittere digneris sanctum Angelum tuum de cælis, qui similiter custodiat & hunc famulum tuum **N.** & perducatur eum ad gratiam

De Sacramento Baptismi.

41

gratiam Baptismi tui. Per Christum Dominum nostrum. *R.* Amen. *Exorcismus.*

Ergo maledicte diabole, recognosce sententiam tuam, & da honorem Deo viuo & vero, da honorem I E S V Christo Filio eius, & Spiritui sancto: & recede ab hoc famulo Dei **N.** quia istum sibi Deus & Dominus noster I E S V S Christus ad suam sanctam gratiam, fontemque Baptismatis, vocare dignatus est: & hoc signum sanctæ Crucis ✝, quod nos fronti eius damus, tu maledicte diabole numquam audeas violare. Per eundem Christum Dominum nostrum, qui venturus est iudicare viuos & mortuos, & sæculum per ignem. *R.* Amen.

Sed si plures sint Catechumeni, hæc, & in sequentibus Sacerdos dicat in numero plurali: Orate Electi, flectite genua, &c. vt supra, vsque ad finem præcedentis Exorcismi, qui incipit: Ergo maledicte diabole. Item super vñum se eundò dicat: Ora Electe, flecte genua, & dic Pater noster. & reliqua vt supra. fol. 40. vsque ad Orationem Deus Abraham. exclusiue. deinde imponit manum super eum, ac dicit:

nom A. O remus.

Deus immortale præsidium omnium postulantium, liberatio supplicum, pax rogantium, vita credentium, resurrectio mortuorum; te inuoco super hunc famulum tuum **N.** qui Baptismi tui donum petens, æternam consequi gratiam spirituali regeneratione

D

deside-

Rituale Romanum

42

desiderat: accipe eum Domine, & quia dignatus es dicere, Petite, & accipietis; quærite, & inuenietis; pulsate, & aperietur vobis: petenti præmium porrige, & ianuam pande pulsanti, vt æternam cælestis lauacri benedictionem consecutus, promissa tui muneris regna percipiat. Qui cum Patre & Spiritu sancto viuis & regnas Deus in sæcula sæculorum. *R.* Amen.

Exorcismus.

AVdi maledicte satana, adiuratus per nomen æterni Dei, & Saluatoris nostri Iesus v Christi Filij eius, cum tua victus inuidia tremens gemensque discede, nihil tibi sit commune cum seruo Dei. **N**iam cælestia cogitante, renuntiatur tibi, & sæculo tuo, & beatæ immortalitati victuro. Da igitur honorem aduenienti Spiritui sancto, qui ex summa cæli arce descendens, proturbatis fraudibus tuis, diuino Fonte purgatum pectus, sanctificatum Deo templum & habitaculum perficiat, vt ab omnibus penitus noxijs præteritorum criminum liberatus seruus Dei, gratias perenni Deo referat semper, & benedicat nomen sanctum eius in sæcula sæculorum. *R.* Amen.

Item super vnum masculum tertio dicat, vt supra. Ora Electe, flecte genua, & dic: Pater noster, *&c. vsque ad Orationem Deus Abraham.* *exclusiue. deinde imponit manum super eum dicens:* **Exorcismus.**

Exorcizo te immunde spiritus, in nomine

Pa-

De Sacramento Baptismi.

43

Patris ✠, & Filij ✠, & Spiritus ✠ sancti, vt ex-
eas & recedas ab hoc famulo Dei **N.** ipse enim
tibi imperat, maledicte damnate, qui pedibus
super mare ambulauit, & Petro mergenti dex-
teram porrexerit.

Exorcismus.

Ergo maledicte diabole, &c. & repetit to-
rum, vt supra habetur. Super feminam verò
Sacerdos dicit: Ora Electa, flecte genua, & dic
Pater noster, &c. vt supra vsque ad **Orationem**
Deus Abraham. exclusiue. deinde imponit
manum super eam, & dicit:

Oremus.

Oratio.

DEus cæli, Deus terræ, Deus Angelorum,
Deus Archangelorum, Deus Patriarcha-
rum, Deus Prophetarum, Deus Apostolorum,
Deus Martyrum, Deus Confessorum, Deus
Virginum, Deus omnium benè viuentium:
Deus, cui omnis lingua confitetur, & omne
genus flectitur, cælestium, terrestrium, & infer-
norum: te inuoco, Domine, super hanc famu-
lam tuam **N.** vt eam custodire, & perduce-
re digneris ad gratiam Baptismi tui. Per Chri-
stum Dominum nostrum. **R.** Amen.

Deinde dicatur **Exorcismus.** Ergo maledi-
cte diabole, recognosce sententiam tuam, &c.
vt supra. 41.

Si plures fuerint feminæ Catechumenæ, hîc
& in sequentibus **Sacerdos dicat in numero**
plurali. Orate Electæ, flectite genua, & dicite
Pater noster. & reliqua vt supra, vsque ad **Ora-**

D 2

tionem

tionem **D**eus Abraham. exclusiue. deinde im-
ponit manum super capita singularum, & post-
ea in eodem numero plurali dicit Orationem
Deus cæli, Deus terræ, &c. & Exorcismum.
Ergo maledicte diabole, &c. vt supra. 41.

Interim super vnâ tantum, secundo &
tertiò repetit: Ora Electa, flecte genua, & dic
Pater noster, & reliqua, vt supra. fol. 40. vsque
ad finem Orationis **D**eus Abraham. qua fini-
ta imponit manum super caput eius, & post
tertiâ signationem dicit: Exorcismus.

EXorcizo te immunde spiritus, per Patrem ✠,
& Filium ✠, & Spiritum ✠ sanctum, vt ex-
cas & recedas ab hac famula Dei **N**. ipse enim
tibi imperat, maledicte damnate, qui cæco
nato oculos aperuit, & quatruiduanum Laza-
rum de monumento suscitauit. Ergo maledi-
cte diabole, &c. totum vt supra. 41.

Super vtrumque, siue masculum, siue fe-
minam, imponit manum super caput eius, &
dicit: **O**remus.

ÆTernam ac iustissimam pietatem tuam
deprecor, Domine sancte, Pater omni-
potens, æterne Deus, auctor luminis & verita-
tis, super hunc famulum tuum **N**. vt digneris
eum illuminare lumine intelligentiæ tuæ: mun-
da eum, & sanctifica, da ei scientiam veram, vt
dignus efficiatur accedere ad gratiam Baptismi
tui, teneat firmam spem, consilium rectum, do-
ctrinam sanctam, vt aptus sit ad percipiendam
gratiam

De Sacramento Baptismi.

gratiam tuam. Per Christum Dominum nostrum. *R.* Amen.

Si plures fuerint Electi, siue mares, siue feminae, praecedentes Orationes & Exorcismi dicantur in numero plurali, & in genere proprio, vt superius dictum est.

His peractis, Sacerdos sinistra manu apprehendens dexteram Electi prope brachium, vel ei porrigens extremam partem stolae, introducit eum in Ecclesiam, dicens: *N.* Ingredere in sanctam Ecclesiam Dei, vt accipias benedictionem caelestem à Domino IESU Christo, & habeas partem cum illo, & Sanctis eius. *R.* Amen.

Si plures fuerint, dicat in numero plurali: Ingredimini in sanctam Ecclesiam Dei, &c. & introducat eos, vt supra.

Et ingressus Electus procumbit, seu proster nit se in pavimento, & adorat.

Deinde surgit, & Sacerdos imponit manum super caput eius, & Electus cum eo recitat Symbolum Apostolorum, & Orationem Dominicam.

Ira etiam si plures fuerint, omnes surgunt, & simul recitant:

Credo in Deum, Patrem omnipotentem, creatorem caeli & terrae. Et in Iesum Christum, filium eius vnicum, Dominum nostrum: qui conceptus est de Spiritu sancto, natus ex Maria virgine, passus sub Pontio Pilato, crucifixus, mortuus, & sepultus: descendit ad infe-

ros: tertia die resurrexit à mortuis: ascendit ad cælos, sedet ad dexteram Dei Patris omnipotentis: inde venturus est iudicare viuos & mortuos. Credo in Spiritum sanctum, sanctam Ecclesiam Catholicam, Sanctorum communionem, remissionem peccatorum, carnis resurrectionem, vitam æternam, Amen.

Pater noster, qui es in cælis: sanctificetur nomen tuum: adueniat regnum tuum: fiat voluntas tua, sicut in cælo, & in terra. Panem nostrum quotidianum da nobis hodie: & dimitte nobis debita nostra, sicut & nos dimittimus debitoribus nostris: Et ne nos inducas in tentationem: sed libera nos à malo, Amen.

Tunc rursus Sacerdos imponat manum super caput Electi, & dicat: Exorcismus.

Nec te latet, satana, imminere tibi pœnas, imminere tibi tormenta, imminere tibi diem iudicij, diem supplicij sempiterni, diem, qui venturus est velut clibanus ardens, in quo tibi atque vniuersis angelis tuis preparatus sempiternus erit interitus. Proinde damnate, atque damnande, da honorem Deo viuo & vero, da honorem I E S V Christo Filio eius, da honorem Spiritui sancto paraclito, in cuius nomine atque virtute præcipio tibi, quicumque es spiritus immunde, vt exeas & recedas ab hoc famulo Dei. **N.** quem hodie idem Deus & Dominus noster I E S V S Christus ad suam sanctam

De Sacramento Baptismi.

47

Etiam gratiam & benedictionem, Fontemque Baptismatis dono vocare dignatus est; ut fiat eius templum per aquam regenerationis in remissionem omnium peccatorum. In nomine eiusdem Domini nostri IESU Christi, qui venturus est iudicare viuos & mortuos, & sæculum per ignem. Amen.

Similiter si plures fuerint, imponit manum super capita singulorum, & dicit eundem Exorcismum in numero multitudinis, & genere suo.

Postea Sacerdos pollice accipit de saliuâ oris sui, & tangit aures & nares Electi: tangendo verò aurem dextram & sinistram, dicat:

Ephphêtha, quod est, Adaperire. deinde tangendo nares, dicat: In odorem suauitatis, & subdit: Tu autem effugare diabole, appropinquabit enim iudicium Dei. Deinde interroget Electum: Quis vocaris? & ipse respondet: N.

Interroget: N. Abrenuntias satanæ? R. Abrenuntio. Interrog. Et omnibus operibus eius? R. Abrenuntio. Interrog. Et omnibus pompis eius? R. Abrenuntio.

Tunc Sacerdos intingit pollicem dextræ manus in Oleo sancto Catechumenorum, & ungit Electum primum in pectore, deinde inter scapulas, in modum Crucis, dicens: Ego telenio Oleo salutis ✠ in Christo IESU Domino nostro in vitam æternam. R. Amen.

Pax tibi. *R.* Et cum spiritu tuo. *Mox bombacio vel re simili tergit pollicem & loca inuncta, & subiungit dicens:* Exi immunde spiritus, & da honorem Deo viuo & vero. Fuge immunde spiritus, & da locum I E S V Christo filio eius. Recede immunde spiritus, & da locum Spiritui sancto paraclito.

Quando plures sunt Electi, idem fit circa singulos eorum. Et ducitur Electus ad Baptisterium: vbi si ob aliquam causam non habeatur, siue præparata non fuerit aqua Baptismalis, fiat benedictio Fontis, vt infra ponitur. Et cum fuerit prope Fontem, Sacerdos interrogat: Quis vocaris? Respondet: N.

Interrog. N. Credis in Deum Patrem omnipotentem, creatorem cæli & terræ?
R. Credo.

Interrog. Credis & in I E S V M Christum filium eius vnicum, Dominum nostrum, natum, & passum? *R.* Credo.

Interrog. Credis & in Spiritum sanctum, sanctam Ecclesiam Catholicam, Sanctorum communionem, remissionem peccatorum, carnis resurrectionem, & vitam æternam?
R. Credo.

Iterum interrogat, dicens: N. Quid petis?
Resp. Baptismum.

Interrog. Vis baptizari? *Resp.* Volo.

Tunc Patrino, vel Matrino, vel vtroque (si ambo admittuntur) admota manu, tenente seu tangen-

tangente Electum, vel Electam, aperto capite, & laxatis à collo vestibus inclinatum, Sacerdos vasculo vel vrceolo haurit aquam Baptismalem de Fonte, & cum ea sub trina supra caput in modum Crucis infusione baptizet Electum, seu Electam, in nomine SS. Trinitatis, sic dicens:

Ego te baptizo in nomine Patris ✝, fundat primò; & Filij ✝, fundat secundò; & Spiritus ✝ sancti, fundat tertio.

Si aqua, quæ ex capite baptizati defluit, non dilabitur in sacrarium Baptisteriorij, recipiatur in subiecta aliqua pelui, & in illud postmodum projiciatur. Cum plures sunt Electi, singillatim singuli interrogantur, & baptizantur, vt supra. Si sunt mares & feminæ, primùm mares, deinde feminæ. Verùm si probabiliter dubitetur, an Electus fuerit alias baptizatus, dicat Sacerdos:

Si non es baptizatus, ego te baptizo, in nomine Patris ✝, & Filij ✝, & Spiritus ✝ sancti.

Deinde Sacerdos intingat pollicem dextrum in sacrum Chrisma, & perungat verticem Electi in modum Crucis, dicens:

DEUS omnipotens, Pater Domini nostri IESV Christi, qui te regeneravit ex aqua & Spiritu sancto, quiq̃ue dedit tibi remissionem omnium peccatorum, ipse te liniat Chrimate salutis ✝ in eodem Christo IESV Domino nostro in vitam æternam. **R. Amen.**

Ꝙ. Pax tecum. R. Et cum spiritu tuo.

Tunc bombacio, vel re simili pollicem tergit, & imponit capiti Electi chrismale, seu candidum linteolum, & dat illi vestem candidam, dicens:

Accipe vestem candidam & immaculatam, quam perferas ante tribunal Domini nostri Iesu Christi, vt habeas vitam æternam. R. Amen.

Et Electus deponit priores vestes, & induitur nouis albi coloris, vel saltem exteriore candida, quam à Sacerdote accipit. Postea dat ei Sacerdos cereum, seu candelam accensam in manu dextra, dicens:

Accipe lampadem ardentem, & irreprehensibilis custodi Baptismum tuum: serua Dei mandata, vt cum Dominus venerit ad nuptias, possis occurrere ei in aula cælesti in vitam æternam. R. Amen.

Ipsè verò Neophytus eundem cereum accensum manibus teneat vsque in finem, præterquam dum confirmatur.

In Ecclesijs autem vbi Baptismus fit per mersionem, siue totius corporis, siue capitis tantum, Sacerdos accipiat Electum per brachia prope humeros, & superiore parte corporis nudatum, reliqua honestè coniectum, ter illum, vel caput eius mergendo, & toties eleuando, baptizet sub trina mersione, sanctam Trinitatem semel tantum sic inuocando:

Ego te baptizo in nomine Patris Ꝙ, mergat semel;

femel; & Filij *, mergat iterum; & Spiritus sancti *, mergat tertio; Patrino, vel Matrino, vel utroque eum tenente, vel tangente.

Et cum Electus surrexerit de Fonte, Patrinus, vel Matrino cum linteo in manibus suscipit eum de manu Sacerdotis, & Sacerdos intincto pollice dextro in sacro Chrismate, illum in vertice in modum Crucis perungit, dicens: **Deus omnipotens, Pater Domini nostri IESU Christi, &c.** vt supra. 49.

Deinde Sacerdos imponit capiti eius linteolum, seu Chrismale, & dat ei vestem candidam, dicens: **Accipe vestem candidam,** vt supra.

Et statim prædicto linteo abstergitur, & in loco semoto vestitur nouis & albis vestibus, & exteriore candida, quam accepit.

Postea dat ei Sacerdos candelam accensam in dextra manu, dicens: **Accipe lampadem.** vt supra. Eodem modo, si plures fuerint, fit super singulis.

Postea dicat: **N. Vade in pace, & Dominus sit tecum. R. Amen.**

Si adsit Episcopus qui id legitime præstare possit, ab eo Neophyti Sacramento Confirmationis initiatur: deinde si hora congruens fuerit, celebratur Missa, cui Neophyti intersunt, & sanctissimam Eucharistiam deuotè suscipiunt.

Si verò ob baptizandorum multitudinem, vt in India & nouo Orbe quandoque contingit,

tingit, in singulorum Baptismo præscripti ritus adhiberi non possunt, tunc vel pluribus simul adhibeantur, vel si vrget necessitas, omitantur.

Ordo supplendi omiſſa ſuper baptizatum.

Cum urgente moris periculo, vel alia cogente neceſſitate, ſiue paruulus ſiue adultus, ſacris Precibus ac carimonijs prætermiſſis, fuerit baptizatus, ubi conualuerit, vel ceſſauerit periculum, & ad Eccleſiam delatus fuerit, omiſſa omnia ſuppleantur: idemque ordo ac ritus ſeruetur, qui in Baptiſmo paruulorum (ſi fuerit paruulus,) ſeu adultorum (ſi fuerit adultus) præſcriptus eſt. Excepto quòd interrogatio, An velit baptizari, formaque Baptiſmi, & ablutio prætermittuntur, & quedam Orationes, & Exorciſmi ſuo quique loco immutati, vt infra, dicuntur.

Sacerdos igitur antequam immittat ſalem in os baptizati, manum ſuper caput eius imponens dicit:

Oremus.

Oratio.

OMnipotens ſempiternæ Deus, Pater Domini noſtri I E S V Chriſti, reſpicere dignare ſuper hunc famulum tuum **N.** quem dudum ad rudimenta fidei vocare dignatus es, omnem cæcitatem cordis ab eo expelle, diſrumpe omnes laqueos ſatanæ, quibus fuerat
colli-

colligatus : aperi ei , Domine, ianuam pietatis tuæ, vt signo sapientiæ tuæ imbutus, omnium cupiditatum fœtoribus careat, & ad suauem odorem præceptorum tuorum lætus tibi in Ecclesia tua deseruiat, & proficiat de die in diem, vt idoneus fit frui gratia Baptismi tui, quem suscepit, salis percepta medicina. Per eundem Christum Dominum nostrum. *R.* Amen.

Deinde posteaquam modicum salis immisit in os baptizati, dicens : Accipe salem sapientiæ, propitiatio sit tibi in vitam æternam. *R.* Amen. *dicit :* *O* remus.

Deus Patrum nostrorum, Deus vniuersæ conditor veritatis, te supplices exoramus, vt hunc famulum tuum *N.* respicere digneris propitius, vt hoc pabulum salis gustantem non diutiùs esurire permittas, quò minùs cibo expleatur cælesti, quatenus sit semper spiritu feruens, spe gaudens, tuo semper nomini seruiens, & quem ad nouæ regenerationis laucrum perduxisti, quæsumus Domine, vt cum fidelibus tuis promissionum tuarum æterna præmia consequi mereatur. Per Christum Dominum nostrum. *R.* Amen.

Post hæc facto signo Crucis in fronte baptizati, dictisque illis verbis :

Et hoc signum Crucis **+** quod nos fronti eius damus, tu maledicte diabole numquam audeas violare. Per eundem Christum Dominum nostrum. *R.* Amen. *manus super caput*

put eius imposita dicit: *Oremus.*

Aternam ac iustissimam pietatem tuam deprecor, Domine sancte, Pater omnipotens, aeternae Deus, auctor luminis & veritatis, super hunc famulum tuum **N.** vt digneris eum illuminare lumine intelligentiae tuae: munda eum, & sanctifica: da ei scientiam veram, vt dignus sit frui gratia Baptismi tui, quem suscepit; teneat firmam spem, consilium rectum, doctrinam sanctam, vt aptus sit ad retinendam gratiam Baptismi tui. Per Christum Dominum nostrum. *R.* Amen.

In Baptismo autem adultorum, praeter illa quae supra notata sunt, quando supplentur omissa, haec mutari debent. Primum in Exorcismo, Audi maledicte satana, vbi dicitur [habitaculum perficiat] dicatur, habitaculum perfecit. deinde in Exorcismo, Nec te latet, vbi dicitur [vt fiat] dicatur, vt fieret.

Ritus seruandus, cum Episcopus baptizat.

SI Episcopus, vel S. R. E. Cardinalis paruulos vel adultos baptizare voluerit, parantur & seruantur omnia, vt superius de ordine Baptismi dictum est, atque haec praeterea quae infra notantur.

Adsint Cappellani, vel alij Presbyteri, & Clerici superpelliceis induti, qui ei assistant ac ministrent.

Ipsē

De Sacramento Baptismi.

55
Ipse verò super rochetum siue superpelli-
ceum, si est Regularis, accipiat albam, & cin-
gulum, & stolam, & pluuiale violacei coloris,
ac mitram; atque ita paratus cum ministris
procedat ad Baptismi ministerium. Et dum in-
terrogat, **N. Quid petis ab Ecclesia Dei?** ac
dum facit reliquas interrogationes, sedet cum
mitra: cum verò exsufflat, dicendo, **Exi ab eo**
immunde spiritus, surgit cum mitra. Rursus
sedet, cum signat Catechumenum signo **Crucis**
in fronte, & **in pectore,** vel dicit: **Ac-**
cipe signum Crucis, &c. & cum dicit **Oratio-**
nes, quæ præcedunt vel sequuntur benedi-
ctionem salis, surgit deposita mitra, similiter
cum ipsum salem benedicit. Cum autem sa-
lem benedictum immittit in os baptizandi, mi-
tram accipit, & sedet. Cum verò legit **Exorci-**
smos, & dum salua aures & nares Catechume-
ni tangens dicit, **Ephphetha,** ac dum introdu-
cit eum in Ecclesiam, stat cum mitra. Cum
autem dicit, **Credo in Deum Patrem,** &c. &
Pater noster. super Catechumenum, stat si-
ne mitra. Sed cum nomen quærit, & inter-
rogat: **N. Abrenuntias satanz,** &c. & bap-
tizandum **Oleo sacro** in pectore & inter sca-
pulas inungit, sedet cum mitra: quo facto
accipit stolam, & pluuiale album. Et cum rur-
sus interrogat de Fide, **Credis in Deum,** &c.
Vis baptizari, &c. & cum baptizat per infu-
sionem, sedet cum mitra. Si verò baptizat per
immer-

immerfionem, mitram retinens stare debet.
 Cùm demum Chrismate verticem baptizati linit, & dat ei vestem candidam, & candelam accensam, ac dicit: **Vade in pace, &c.** fedet cum mitra.

Si autem Pontifex quempiam à Presbytero tam catechizatum, tantùm baptizare voluerit, sic paratus vestibus albis incipiat, postquam ad Baptisterium deuentum fuerit, dicens: **Quo nomine vocaris?** **R.** **N.** Episcopus interrogat: **N.** **Credis in Deum Patrem omnipotentem, &c.** & prosequitur vsque in finem iuxta ordinem Baptismi, vt supra.

Benedictio Fontis Baptismi extra Sabbatum Paschæ & Pentecostes, cùm aqua consecrata non habetur.

Primùm lauatur & mundatur vas Baptisterij, deinde limpida aqua repletur. Tum Sacerdos cum suis Clericis, vel etiam aliis Presbyteris, Cruce & duobus cereis precedentibus, ac thuribulo, & incenso, & cum vasculis Chrysmatis & Olei Catechumenorum descendit ad Fontem, & ibi vel ante Altare Baptisterij, dicit Litaniam ordinariam, prout habetur infra post Septem Psalmos Poenitentiales.
Et ante Vers. Vt nos exaudire digneris, dicat

De Sacramento Baptisimi.

57

cat & secundo repetat sequentem versum :

Vt Fontem istum ad regenerandam tibi nouam prolem benedicere ✠ & consecrare ✠ digneris, Te rogamus audi nos.

Potest etiam dici Litania breuior, vt in Missali in Sabbato sancto : & dicto ultimo Kyrie eleison. Sacerdos dicat, Pater noster. & Credo in Deum, &c. omnia clara voce : quibus finitis dicat : *ψ*. Apud te Domine est fons vitæ. *R.* Et in lumine tuo videbimus lumen. *ψ*. Domine exaudi orationem meam. *R.* Et clamor meus ad te veniat. *ψ*. Dominus vobiscum. *R.* Et cum spiritu tuo.

Oremus.

OMnipotens sempiternæ Deus, adesto magnæ pietatis tuæ mysteriis, adesto Sacramentis, & ad recreandos nouos populos, quos tibi Fons Baptismatis parturit, spiritum adoptionis emitte : vt quod nostræ humilitatis gerendum est ministerio, virtutis tuæ impleatur effectu. Per Dominum nostrum IESVM Christum filium tuum, qui tecum viuit & regnat in vnitæte Spiritus sancti Deus : per omnia sæcula sæculorum. *R.* Amen.

Exorcismus aquæ.

EXorcizo te creatura aquæ, per Deum viuum ✠, per Deum verum ✠, per Deum sanctum ✠, per Deum, qui te in principio, verbo separauit ab arida, cuius super te spiritus ferebatur, qui te de paradiso manare iussit.

E

Hic

Hic manu aquam diuidat, & deinde de ea effundat extra marginem Fontis versus quatuor Orbis partes, prosequens:

Et in quatuor fluminibus totam terram rigare præcepit: qui te in deserto amaram per lignum dulcem fecit atque potabilem; qui te de petra produxit, vt populum, quem ex Ægypto liberauerat, siti fatigatum recrearet. Exorcizo te & per IESVM Christum filium eius vnicum, Dominum nostrum, qui te in Cana Galilææ signo admirabili sua potentia conuertit in vinum: qui super te pedibus ambulauit, & à Ioanne in Iordane in te baptizatus est: qui te vnà cum sanguine de latere suo produxit, & discipulis suis iussit, vt credentes baptizarent in te, dicens: Ite, docete omnes gentes, baptizantes eos in nomine Patris, & Filij, & Spiritus sancti; vt efficiaris aqua sancta, aqua benedicta, aqua, quæ lauat sordes, & mundat peccata. Tibi igitur præcipio omnis spiritus immunde, omne phantasma, omne mendacium, eradicare & effugare ab hac creatura aquæ, vt qui in ipsa baptizandi erunt, fiat eis fons aquæ salientis in vitam æternam, regenerans eos Deo Patri, & Filio, & Spiritui sancto, in nomine eiusdem Domini nostri IESV Christi, qui venturus est iudicare viuos & mortuos, & sæculum per ignem. *R.* Amen.

Oratio.

Oratio.

Domine sancte, Pater omnipotens, æterne Deus, aquarum spiritualium sanctificator, te suppliciter deprecamur, vt ad hoc ministerium humilitatis nostræ respicere digneris, & super has aquas abluendis & purificandis hominibus præparatas, Angelum sanctitatis emittas, quò peccatis vitæ prioris ablutis, reatueque deteriso, purum sancto Spiritui habitaculum regenerati effici mereantur. Per Dñm nostrum IESVM Christum filium tuum, qui tecum viuit & regnat in vnitae eiusdem Spiritus sancti Deus: per omnia sæcula sæculorum. *R.* Amen.

Tunc sufflet ter in aquam versus tres partes secundum hanc figuram *ψ*: deinde imponit incensum in thuribulo, & Fontem incensat. Postea infundens de Oleo Catechumenorum in aquam in modum Crucis, clara voce dicit:

Sanctificetur, & fecundetur Fons iste Oleo salutis renascentibus ex eo in vitam æternam, in nomine Patris *+*, & Filij *+*, & Spiritus *+* sancti. *R.* Amen.

Deinde infundit de Chrismate, modo quo supra, dicens: Infusio Chrysmatis Domini IESU Christi, & Spiritus sancti paracliti, fiat in nomine sanctæ Trinitatis. *R.* Amen.

Postea accipit ambas ampullas dicti Olei sancti & Chrysmatis, & de vtroque simul in modum Crucis infundendo, dicit:

Commixtio Chrysmatis sanctificationis, &

Olei vnctionis, & aquæ Baptismatis pariter fiat in nomine Patris ✠, & Filij ✠, & Spiritus ✠ sancti. R. Amen.

Tum deposita ampulla, dextera manu Oleum sanctum & Chrisma infusum miscet cum aqua, & spargit per totum Fontem. Deinde medulla panis manum tergit, & si quis baptizandus est, eum baptizat, vt supra. Quod si netinem baptizat, statim manus abluat, & ablucio effundatur in Sacrarium.

DE SACRAMENTO P O E N I T E N T I Æ.



SANCTVM Pœnitentiæ Sacramentum, ad eos qui post Baptismum lapsi sunt, in gratiam Dei restituendos, à Christo Domino institutum, eò diligentius administrandum est, quò frequentior est eius vsus, & quò plura requiruntur ad illud rectè dignèque tractandum ac suscipiendum. Cùm autem ad illud constituendum tria concurrant, materia, forma, & minister: illius quidem remota materia sunt peccata, proxima verò sunt actus pœnitentis, nempe contritio, confessio, & satisfactio. Forma autem, illa absolutionis verba: Ego te absoluo, &c. Minister denique est Sacerdos, habens potestatem absoluedi vel ordinariam vel delegatam. Sed si periculum

mor-

mortis immineat, approbatusque desit Confessarius, quilibet Sacerdos potest à quibuscumque censuris & peccatis absolvere. In eius ministro requiritur etiam bonitas, scientia, atque prudentia, cum sigillo secretæ confessionis sub exacto perpetuoque silentio. Quibus & aliis ad id opportunis ut optime sint instructi, omni studio curare debent Confessarij.

In primis meminerit Confessarius, se iudicis pariter & medici personam sustinere, ac diuinæ iustitiæ simul & misericordiæ ministrum à Deo constitutum esse, ut tamquam arbiter inter Deum & homines, honori diuino & animarum salutem consulat.

Ut ergo recte iudicare queat, discernens inter lepram & lepram, & tamquam peritus medicus animarum morbos prudenter curare, & apta cuique remedia applicare sciat, quantam potest maximam ad id scientiam atque prudentiam, tum assiduis ad Deum precibus, tum ex probatis Auctoribus, præsertim è Catechismo Romano, & prudenti consilio peritorum, studeat sibi comparare.

Sciat casus & censuras Sedi Apostolicæ & Ordinario suo reseruatæ, & suæ cuiusque Ecclesiæ institutiones, easque diligenter obseruet.

Denique huius Sacramenti doctrinam omnem recte nosse studebit, & alia ad eius rectam administrationem necessaria. Atque in hoc ministerio ia procedat, ut infra præscribitur.

Ordo ministrandi Sacramen- tum Pœnitentiæ.

Sacerdos ad audiendam confessionem vocatus, promptum facilemque se præbeat: ac priusquam ad audiendum accedat, si tempus suppetat, ad hoc ministerium recte sancteque obeundum, diuinum auxilium pijs precibus implorabit.

In Ecclesia, non autem in priuatis adibus confessiones audiat, nisi ex causa rationabili; quæ tùm inciderit, studeat tamen id decenti ac patienti loco præstare.

Habeat in Ecclesia sedem confessionalem, in qua sacras confessiones excipiat: quæ sedes patienti, conspicuo, & apto Ecclesiæ loca posita, crate perforata inter pœnitentem & Sacerdotem sit instructa.

Superpelliceo & stola violacei coloris utatur, prout tempus vel locorum feret consuetudo.

Pœnitens, si opus fuerit, admaneat, ut qua decet humilitate mentis & habitus accedat, flexis genibus signo Crucis se munit.

Mox Confessarius inquiret de illius statu (nisi aliter notus fuerit) & quampridem sit confessus, & an impostam pœnitentiam adimpleuerit, num rite atque integrè aliàs confessus fuerit, num conscientiam suam, ut debet, prius diligenter discussit.

Quod si pœnitens aliqua censura vel casu re-

seruato

seruato sit ligatus, à quo ipse non possit absolueri, non absoluat, nisi prius obtenta facultate à Superiore.

Si verò Confessarius, pro personarum qualitate, cognouerit pœnitentem ignorare Christiana fidei rudimenta; si tempus suppetat, eum breuiter instruat de articulis Fidei, & aliis ad salutem cognitu necessariis, & ignorantiam eius corripiat, illumque admoneat, vt ea postmodum diligentius addiscat.

Tum pœnitens confessionem generalem Latina vel vulgari lingua dicat; scilicet, Confiteor, &c. vel saltem vtatur his verbis: Confiteor Deo omnipotenti, & tibi Pater. Peccata sua exinde confiteatur, adiuuante, quotiescumq; opus fuerit, Sacerdote: qui confitentem non reprehendet, nisi finita, vt dicitur, confessione; neque interpellabit, nisi opus fuerit aliquid melius intelligere: proinde fiduciam ei præbeat, & humaniter suggerat, vt omnia peccata sua ritè & integrè confiteatur, remota stulta illa quorundam verecundia, qua præpediti, suadente diabolo, peccata confiteri non audent.

Si pœnitens numerum, & species, & circumstantias peccatorum explicatu necessarias non expresserit, eum Sacerdos prudenter interroget.

Sed caueat, ne curiosis aut inutilibus interrogationibus quemquam detineat, præsertim iuniores vtriusque sexus, vel alios, de eo quod ignorant, imprudenter interrogans, ne scandalum

dalum patientur, indèque peccare discant.

Demum, audita confessione, perpendens peccatorum quæ ille admisit magnitudinem ac multitudinem, pro eorum gravitate, ac penitentis conditione, opportunas correptiones ac monitiones, prout opus esse viderit, paterna charitate adhibebit, & ad dolorem & contritionem efficacibus verbis adducere conabitur, atque ad vitam emendandam ac melius instituendam inducet, remediâque peccatorum tradet.

Postremò salutarem & convenientem satisfactionem, quantum spiritus & prudentia suggererit, iniungat, habita ratione status, conditionis, sexus, & ætatis, & item dispositionis penitentium. Videâtque, ne pro peccatis gravibus leuissimas penitentias imponat: ne si forè peccatis connueat, alienorum peccatorum particeps efficiatur. Id verò ante oculos habeat, ut satisfactio non sit tantum ad noua vitæ remedium, & infirmitatis medicamentum, sed etiam ad præteritorum peccatorum castigationem.

Quare curet, quantum fieri potest, ut contrarias peccatis penitentias iniungat: veluti auaræ eleemosynas, libidinosæ ieiunia vel alias carnis afflictiones, superbis humilitatis officia, desidiosæ deuotionis studia. Rariùs autem vel seriùs confitentibus, vel in peccata facile recidentibus, utilissimum fuerit consulere, ut sæpe, puta semel in mense, vel certis diebus solemnibus confiteantur, & si expediat, communicent.

Pæni-

Pœnitentias pecuniarias sibi ipsis Confessarij non applicent, neque à pœnitentibus quidquam tamquam ministerij sui pramium petant vel accipiant.

Pro peccatis occultis, quantumvis grauibus, manifestam pœnitentiam non imponant.

Videat autem diligenter Sacerdos, quando, & quibus conferenda, vel neganda, vel differenda sit absolutio; ne absoluat eos, qui talis beneficij sunt incapaces: quales sunt qui nulla dant signa doloris, qui odia & inimicitias deponere, aut aliena si possunt restituere, aut proximam peccandi occasionem deserere, aut alio modo peccata derelinquere, & vitam in melius emendare nolunt; aut qui publicum scandalum dederunt, nisi publicè satisfaciant, & scandalum tollant: neque etiam eos absoluat, quorum peccata sunt Superioribus reseruata.

Si verò quis confiteatur in periculo mortis constitutus, absoluentus est ab omnibus peccatis & censuris, quantumvis reseruatis; (cessat enim tunc omnis reseruatio) sed priùs, si potest, cui debet, satisfaciat: ac si periculum euaserit, & aliqua ratione Superiori, à quo aliàs esset absoluentus, se sistere teneatur; cum primùm poterit, coram eo se sistat, quidquid debet prestiturus.

Quòd si inter confitendum, vel etiam antequam incipiat confiteri, vox & loquela egrum deficiat, nutibus & signis conetur, quoad eius

fieri poterit, peccata pœnitentis cognoscere; quibus utcumque vel in genere vel in specie cognitis, vel etiam si confitendi desiderium siue per se siue per alios ostenderit, absolueudus est.

Meminerit porro Sacerdos, agris non esse iniungendam grauem aut laboriosam pœnitentiam; sed indicendam tantum illam, quam, si conualuerint, opportuna tempore peragant. Interim iuxta grauitatem morbi, aliqua oratione, aut leui satisfactione imposita, & acceptata, absoluantur, prout opus fuerit.

Absolutionis forma.

Cum igitur pœnitentem absoluere uoluerit, iniuncta ei prius, & ab eo acceptata salutari pœnitentia, primò dicit:

Misereatur tui omnipotens Deus, & dimissis peccatis tuis perducatur te ad vitam æternam. Amen.

Deinde dextera versus pœnitentem eleuata, dicit: Indulgentiam, absolutionem, & remissionem peccatorum tuorum tribuat tibi omnipotens & misericors Dominus. Amen.

Dominus noster I E S U S Christus te absoluat: & ego auctoritate ipsius te absoluo ab omni vinculo excommunicationis, suspensionis, & interdicti, in quantum possum, & tu indiges. Deinde ego te absoluo à peccatis tuis,

in

in nomine Patris ✝, & Filij, & Spiritus sancti.
Amen.

Si pœnitens sit laicus, omittitur verbum, suspensionis. Passio Domini nostri IESV Christi, merita beatæ Mariæ virginis, & omnium Sanctorum, quidquid boni feceris, & mali sustinueris, sint tibi in remissionem peccatorum, augmentum gratiæ, & præmium vitæ æternæ. Amen.

In confessionibus autem frequentioribus & brevioribus omitti potest, Misereatur, &c. factis erit dicere: Dominus noster IESVS Christus, &c. vt suprâ vsque ad illud, Passio Domini, &c.

Virgente verò aliqua graui necessitate in periculo mortis, breuiter dicere poterit:

Ego te absoluo ab omnibus censuris, & peccatis, in nomine Patris, &c.

De absoluteione ab Excommunicatione in foro exteriori.

SI potestas absoluendi ab excommunicationis sententia Sacerdoti commissa fuerit à Superiore, & in mandato certa forma sit præscripta, illa omnino seruanda est: si verò in mandato seu commissione dicitur: In forma Ecclesiæ consuetudine absoluat; hæc seruanda sunt.

Primò, vt excommunicatus ei, ob cuius offensam in excommunicationem incurrit, priùs, si potest,

test, satisfaciat. Quod si tunc non possit, sufficientem cautionem prebeat, aut saltem, si eam prestare non potest, iuret se, cum primum poterit, satisfacturum.

Secundo, si crimen, ob quod in excommunicationem incidit, sit graue, iuramentum ab eo exigatur de parendo mandatis Ecclesie, quae illi fiunt pro tali causa: ac praecipue, ne deinceps delinquat contra illum Canonem vel decretum, contra quod faciendo, censuram incurrit.

Denique hunc absoluendi ritum obseruabit.

Poenitentem coram se utroque genu flexo, in humero (si vir fuerit) usque ad camisiam exclusiue denudato, virga aut funiculis sedens leuiter percutit, dicendo totum Psalmum **M**iserere mei Deus, &c. cum **G**loria Patri, &c. Deinde surgit, & aperto capite dicit: **K** yrie eleison. **C**hriste eleison. **K** yrie eleison. **P**ater noster. **E**t ne nos inducas in tentationem. **R.** Sed libera nos a malo. **V.** Saluum fac seruum tuum, [vel ancillam tuam,] Domine. **R.** Deus meus sperantem in te. **V.** Nihil proficiat inimicus in eo, [vel in ea.] **R.** Et filius iniquitatis non apponat nocere ei. **V.** Esto ei Domine turris fortitudinis. **R.** A facie inimici. **V.** Domine exaudi orationem meam. **R.** Et clamor meus ad te veniat. **V.** Dominus vobiscum. **R.** Et cum spiritu tuo.

O remus.

DEus, cui proprium est misereri semper & parcere, suscipe deprecationem nostram, vt hunc famulum tuum, quem excommunicationis sententia constringit, miseratio tuæ pietatis clementer absoluat. Per Christum Dominum nostrum. *R.* Amen.

Mox sedet, & cooperto capite dicit:

Dominus noster **I E S V S** Christus te absoluat: & ego auctoritate ipsius, & sanctissimi Domini nostri Papæ [*vel* Reuerendissimi Episcopi **N.** *vel* talis Superioris] mihi commissa, absoluo te à vinculo excommunicationis, in quam incurristi [*vel* incurrisse declaratus es] propter tale factum, *vel* causam, &c. & restituo te communioni & vnitati fidelium, & sanctis Sacramentis Ecclesiæ, in nomine Patris ✠, & Filij, & Spiritus sancti.

Quòd si Sacerdoti nulla sit à Superiore præscripta forma, nec sibi mandatum, vt in forma Ecclesiæ communi vel consueta absoluat, tunc nihilominus pro rei grauitate prædictam caritatem & Preces adhibeat: at verò si res non fuerit adeò grauis, absoluere poterit, dicens:

Dominus noster **I E S V S** Christus te absoluat: & ego auctoritate ipsius, & sanctissimi Domini nostri Papæ (si à Papa fuerit delegatus) [*vel* Reuerendissimi Episcopi **N.** *vel* talis Superioris] mihi concessa, absoluo te, &c. *vt supra.*

In foro autem interiori Confessarius habens
facul-

facultatem absoluendi excommunicatum, absoluat iuxta formam communem supra præscriptam in absolutione Sacramentali.

Ritus absoluendi excommunicatum iam mortuum.

SI quis excommunicatus ex hac vita decedens dederit signum contritionis, ne Ecclesiastica careat sepultura, sed Ecclesiæ suffragijs, quatenus fieri potest, adiuuetur, absolui potest hoc modo.

Si corpus nondum sepultum fuerit, verberetur, & absoluator, vt infra; deinde absolutum in loco sacro sepeliatur.

Si verò fuerit sepultum in loco profano, si commodè fieri poterit, exhumabitur, & eodem modo verberabitur, & post absolutionem in loco sacro sepelietur: sed si commodè exhumari non potest, locus sepulturæ verberetur, postea absoluator.

Quòd si in loco sacro sit sepultus, non exhumabitur, sed verberabitur sepulchrum. Dum autem corpus, siue sepulturam verberat, Sacerdos dicat Antiph. **Exultabunt Domino ossa humiliata. Psalm. Miserere mei Deus, &c. Quo facto absoluator, dicendo: Auctoritate mihi concessa, ego te absoluo à vinculo excommunicationis, quam incurristi [vel incurrisse declaratus es] propter tale factum,**

ctum, & restituo te communioni fidelium, in nomine Patris H , & Filij, & Spiritus sancti. Amen. Deinde dicatur Psalmus De profundis. *in fine*, R equiem æternam dona ei Domine. *R*. Et lux perpetua luceat ei. *K* yrie eleison. *C* hriste eleison. *K* yrie eleison. *P*ater noster. *Ÿ*. Et ne nos inducas in tentationem. *R*. Sed libera nos à malo. *Ÿ*. A porta inferi. *R*. Erue Domine animam eius. *Ÿ*. Requiescat in pace. *R*. Amen. *Ÿ*. Domine exaudi orationem meam. *R*. Et clamor meus ad te veniat. *Ÿ*. Dominus vobiscum. *R*. Et cum spiritu tuo. *O* remus.

DA quæsumus Domine, animæ famuli tui, quem excommunicationis sententia constrinxerat, refrigerij sedem, quietis beatitudinem, & superni luminis claritatem. Per Christum Dominum nostrum. *R*. Amen.

De modo absoluedi à Suspensione, vel ab Interdicto, extra vel intra sacramentalem Confessionem.

SI Sacerdoti sit commissa facultas absoluedi aliquem à suspensione vel interdicto, quamuis nulla verba sint præcipuè determinata, vti poterit hac formula.

Pœnitens dicat : *Confiteor Deo, &c.* Sacerdos:

dos: *M*ifereatur tui, &c. *I*ndulgentiam, &c. Auctoritate mihi ab *N.* tradita, ego absoluo te à vinculo suspensionis, [*vel interditi*] quam [*vel quod*] propter tale factum [*vel causam*] incurristi, [*seu incurrisse declaratus es,*] in nomine Patris ✠, & Filij, & Spiritus sancti. Amen.

Si verò Confessario, siue in foro conscientie, siue extra, data est potestas dispensandi super irregularitate, tunc postquam absoluerit à peccatis, addat consequenter:

Et eadem auctoritate dispenso tecum super irregularitate, [*vel irregularitatibus, si sunt plures*] in quam, [*vel in quas*] ob talem causam, [*vel tales causas, eas exprimendo,*] incurristi, & habilem reddo, & restituo te executioni Ordinum & officiorum tuorum, in nomine Patris ✠, & Filij, & Spiritus sancti. Amen.

Si nullum habet Ordinem, dicatur: Habilem reddo te ad omnes Ordines suscipiendos, vel etiam ad alia, iuxta tenorem mandati.

Quòd si necesse sit titulum Beneficij restituere, & fructus malè perceptos condonare, subiungat:

Et restituo tibi titulum, [*seu titulos*] Beneficij, [*seu Beneficiorum,*] & condono tibi fructus malè perceptos. In nomine Patris ✠, & Filij, & Spiritus sancti. Amen.

Aduertat autem Sacerdos, ne vllò modo in iis facultatis suæ terminos excedat.

DE SANCTISSIMO
 EVCHARISTIÆ
 SACRAMENTO.



Mnibus quidem Ecclesiæ Catholice Sacramentis religiose sanctèque tractandis, magna ac diligens cura adhibenda est; sed præcipuè in administrando ac suscipiendo sanctissimæ Eucharistiæ Sacramento, quo nihil dignius, nihil sanctius & admirabilius habet Ecclesia Dei; cum in eo contineatur præcipuum & maximum Dei donum, & ipsemet omnis gratiæ & sanctitatis fons auctorque Christus Dominus.

Parochus igitur summum studium in eo ponat, ut cum ipse venerabile hoc Sacramentum, qua decet reuerentia, debitoque cultu tractet, custodiat, & administret; tum etiam populus sibi commissus religiose colat, sanctè frequentèrque suscipiat, præsertim in maioribus anni solemnitatibus.

Ideo populum sæpiùs admonebit, qua præparatione, & quanta animi religione ac pietate, & humili etiam corporis habitu ad tam diuinum Sacramentum debeat accedere: ut præmissa Sacramentali confessione, omnes saltem à media

F

nocte

nocte ieiuni, & utroque genu flexo Sacramentum humiliter adorent, ac reuerenter suscipiant, viri quantum fieri potest à mulieribus separati.

Moneantur praterèa communicantes, ut sumpto Sacramento non statim ab Ecclesia discedant, aut colloquantur, ne statim vagis oculis circumspiciant, aut expuant, neque de libro statim Orationes recitent, ne Sacramenti species de ore decidant: sed, qua par est deuotione, aliquantisper in oratione permaneant, gratias agentes Deo de tam singulari beneficio, atque etiam de sanctissima passione Dominica, in cuius memoriam hoc mysterium celebratur & sumitur.

Curare porrò debet, ut perpetuò aliquot particula consecrata eo numero, qui vsui infirmorum & aliorum fidelium communioni satis esse possit, conseruentur in pyxide ex solida decentique materia, eaque munda, & suo operculo bene clausa, albo velo cooperta, & quantum res feret, ornato in tabernaculo claue obserato.

Hoc autem tabernaculum conopeo decenter opertum, atque ab omni alia re vacuum, in Altari maiori, vel in alio, quod uenerationi & cultui tanti Sacramenti commodius ac decentius videatur, sit collocatum; ita ut nullum aliis sacris functionibus, aut Ecclesiasticis officiis impedimentum afferatur. Lampades coram eo plures, vel saltem vna, die noctuque perpetuò colluceat;

ceat; curabitque Parochus, ut omnia ad ipsius Sacramenti cultum ordinata, integra, mundaque sint, & conseruentur.

Sanctissima Eucharistiæ particulas frequenter renouabit. Hostiæ verò, seu particulae consecrandæ sint recentes, & ubi eas consecrauerit, veteres primò distribuât, vel sumat.

Fideles omnes ad sacram Communionem admittendi sunt, exceptis iis, qui iusta ratione prohibentur. Arcendi autem sunt publicè indigni, quales sunt excommunicati, interdicti, manifesteque infames, ut meretrices, concubinarij, fœneratores, magi, sortilegi, blasphemi, & alij eius generis publici peccatores: nisi de eorum penitentia & emendatione constet, & publico scandalo prius satisfecerint.

Occultos verò peccatores, si occultè petant, & non eos emendatos agnouerit, repellat; non autem si publicè petant, & sine scandalo ipsos præterire nequeat.

Amentibus præterea seu phreneticis communicare non licet; licebit tamen, si quando habeant lucida interualla, & deuotionem ostendant, dum in eo statu manent, si nullum indignitatis periculum adsit.

Iis etiam, qui propter ætatis imbecillitatem nondum huius Sacramenti cognitionem & gustum habent, administrari non debet.

Ordo ministrandi sacram Communionem.

Sacerdos igitur sanctissimam Eucharistiam ministraturus, Hostiis, seu particulis pro populi multitudine consecratis, vasculoque vno, vel pluribus, decenti & comodo loco expositis, cum vino & aqua ad purificationem eorum qui Communionem sumpserint, & ante eos linteo mundo extenso, lotis prius manibus, & superpelliceo indutus, ac desuper stola coloris Officio illius diei conuenientis, præcedente Clerico seu alio ministro, procedit ad altare manibus iunctis, & accensis cereis; facta prius & postea genuflexione, extrahit pyxidem, & illam super corporale depositam discooperit. Minister genibus flexis, nomine populi ad cornu Epistolæ facit Confessionem generalem, dicens: **Confiteor Deo, &c.** Tum Sacerdos iterum genuflectit, & manibus iunctis ante pectus vertit se ad populum (aduertens ne terga vertat Sacramento) & in cornu Euangelij dicit: **Misereatur vestri, &c.** & addit: **Indulgentiam, absolutionem** ✚, & remissionem peccatorum vestrorum tribuat vobis omnipotens & misericors Dominus. **ꝛ. Amen.** Dicens, **Indulgentiam, &c.** manu dextera in formam Crucis signat communicandos.

Deinde

Deinde ad Altare se conuertit, genuflectit, manu sinistra pyxidemprehendit; & duobus digitis, pollice & indice, Sacramentum accipit, & eleuat, conuersusque ad populum in medio Altari dicit clara voce: **Ecce Agnus Dei**, ecce qui tollit peccata mundi. **mox subdit**: Domine non sum dignus, vt intres sub tectum meum, sed tantum dic verbo, & sanabitur anima mea. quod iterum ac tertio repetit. qua formula etiam vtendum est, cum feminae Communio ministratur.

Postea ad communicandum accedit, incipiens ab iis qui sunt ad partem Epistolae; sed primo, si Sacerdotibus, vel aliis ex Clero danda sit Communio, iis ad gradus Altaris genuflexis praebeatur; vel si commodè fieri potest, intra sepimentum Altaris sint à laicis distincti. Sacerdotes verò cum stola communicent.

Sacerdos vnicuique porrigens Sacramentum, & faciens cum eo signum Crucis super pyxidem simul dicit: **Corpus Domini nostri IESU Christi custodiat animam tuam in vitam aeternam, Amen.**

Vbi verò omnes communicauerint, Sacerdos reuersus ad Altare dicere poterit: **O sacrum conuiuium, in quo Christus sumitur, recolitur memoria passionis eius, mens impletur gratia, & futurae gloriae nobis pignus datur. V. Panem de caelo praestitisti eis. Minister responder**: **Omne delectamentum in se**
 F 3 haben-

habentem. *tempore Paschali additur*, Alleluia. *mox Sacerdos dicit* *ψ*. Domine exaudi orationem meam. *R.* Et clamor meus ad te veniat. *ψ*. Dominus vobiscum. *R.* Et cum spiritu tuo. *O*remus.

DEus, qui nobis sub Sacramento mirabili, passionis tuæ memoriam reliquisti; tribue quæsumus, ita nos Corporis & Sanguinis tui sacra mysteria venerari, vt redemptionis tuæ fructum in nobis iugiter sentiamus. Qui viuus & regnas, &c.

Tempore Paschali dicitur Oratio.

Spiritum nobis, Domine, tuæ charitatis infunde: vt quos Sacramentis Paschalibus factiasti, tua facias pietate concordēs. Per Christum Dominum nostrum. *R.* Amen.

*Antequam reponat Sacramentum, diligenter aduertat, vt si aliquod fragmentum digiti adhæserit, illud in pyxidem deponat, & eosdem digitos, quibus tetigit Sacramentum, abluat, & abstergat purificatorio; ablutionem verò sumat, si celebrauerit, aut iis, qui tunc communicarunt, sumendam tradat, aut saltem in sacrarium iniiciat. Postea genuflectens reponit Sacramentum in tabernaculo, & claue obserat. Deinde extenta manu dextera, benedicit iis qui communicarunt, dicens: Benedictio Dei omnipotentis, Patris ✠, & Filij, & Spiritus sancti descendat super vos, & maneat semper. *R.* Amen.*

Com-

De Sacramento Eucharistiæ.

79

Communio autem populi intra Missam, statim post Communionem Sacerdotis celebrantis fieri debet (nisi quandoque ex rationabili causa post Missam sit facienda) cum Orationes, quæ in Missa post Communionem dicuntur, non solum ad Sacerdotem, sed etiam ad alios communicantes spectant.

Itaque Sacerdos, sumpto sacratissimo Sanguine, antequam se purificet, ponat particulas consecratas in pyxide, vel si pauci sint communicandi, super patenam, nisi in principio positæ fuerint in pyxide; & genuflectit, ministro interim faciente confessionem, vt supra. Postea vertens se ad populum, in cornu Euangelij dicit: **Misereatur vestri, &c.** & eo quo supra dictum est modo porrigit communicandis Eucharistiam, incipiens à ministris Altaris, si velint communicare. Finita Communionem, reuertitur ad Altare, nihil dicens, & non dat eis benedictionem, quia illam dabit in fine Missæ. Deinde dicit secreto, **Quod ore sumpsimus, &c.** vt in Missali, se purificat, & Missam absoluit. Quod si contingat, absoluta Missa, statim aliquos interdum communicare, tunc Sacerdos adhuc planeta indutus, sacram Communionem eo modo, quo supra dictum est, ministrabit.

De Communione Paschali.

Curet autem Parochus, ut in Quadragesima per se vel per alios concionatores populo opportunè denuntietur Constitutio Concilij Lateranensis sub Innocentio III. quæ sic habet:

Omnis vtriusque sexus fidelis, postquam ad annos discretionis peruenerit, omnia sua solus peccata confiteatur fideliter saltem semel in anno proprio Sacerdoti, & iniunctam sibi pœnitentiam studeat pro viribus adimplere, suscipiens reuerenter ad minus in Pascha Eucharistiæ Sacramentum, nisi fortè de consilio proprij Sacerdotis, ob aliquam rationabilem causam ad tempus ab eius perceptione duxerit abstinendum: alioquin & uiuens ab ingressu Ecclesiæ arceatur, & moriens Christiana careat sepultura.

Vt igitur hoc salutare Concilij decretum inuiolabiliter seruetur, descripta Parochus habeat nomina suorum Parochianorum; & qui dicto tempore non communicauerint, & post Octauam Pasche eos qui propriæ salutis immemores sapius admoniti non obtemperauerint, Ordinario suo denuntiet.

Dabit quoque operam Parochus, quoad eius fieri potest, ut in ipso die sanctissimo Paschæ communicent, quo die ipse per se, nisi legitime impe-

impediatur, parochia sua fidelibus hoc Sacramentum ministrabit. Aliena verò parochiæ fideles ad proprium Parochum remittet, præter peregrinos & aduenas, & qui certum domicilium non habent: quibus ipse sacram præbebit Communionem, si ad illum accesserint ritè parati; vel ubi est ea consuetudo, eos ad Cathedralis Ecclesiæ Parochos remittet. In ceteris verò seruabit ea, quæ in libro de statu animarum, ut infra, præscribuntur.

Aegrotis quoque parochialibus, etiamsi Communionem extra præscriptos Paschales dies sumpserint, in Paschalibus diebus illam deferet ac ministrabit.

De Communione infirmorum.

Vaticum sacratissimi Corporis Domini nostri IESU Christi summo studio ac diligentia egrotantibus opportuno tempore procurandum est, ne fortè contingat illos tanto bono, Parochi incuria, priuatos decedere. Cauendum autem in primis est, ne ad indignos cum aliorum scandalo deferatur, quales sunt publici usurarij, concubinarij, notoriè criminosi, nominatim excommunicati aut denunciati, nisi sese priùs sacra Confessione purgauerint, & publicæ offensionis, prout de iure, satisfecerint.

Hortetur Parochus infirmum, ut sacram Communionem sumat, etiam si grauius non egrotet,

tet, aut mortis periculum non immineat, maxime si Festi alicuius celebritas id suadeat; neque ipse illam ministrare recusabit.

Pro Viatico autem ministrabit, cum probabile est, quod eam amplius sumere non poterit. Quod si aeger, sumpto Viatico, dies aliquot vixerit, vel periculum mortis euaserit, & communicare voluerit, eius pio desiderio Parochus non decriit.

Potest quidem Vaticanum breui morituris dari non ieiunis; id tamen diligenter curandum est, ne iis tribuatur, à quibus ob phrenesim, siue ob asiduam tussim, aliamve similem morbum aliqua indecentia cum iniuria tanti Sacramenti timeri potest. Ceteris autem infirmis, qui ob deuotionem in aegritudine communicant, danda est Eucharistia ante omnem cibum & potum, non aliter ac ceteris fidelibus, quibus nec etiam per modum medicine ante aliquid sumere licet.

Sed alicui ad adorandum solum, seu deuotionis seu cuiusuis rei pretextu ad ostendendum non deferatur.

Deferri autem debet hoc sanctum Sacramentum ab Ecclesia ad priuatas egrotantium domos decenti habitu, superposito mundo velamine, manifestè atque honorificè, ante pectus cum omni reuerentia & timore, semper lumine precedente.

Parochus igitur processurus ad communicandum infirmum, aliquot campanæ ictibus iubeat conuocari Parochianos, seu confraternitatem
sanctif-

sanctissimi Sacramenti (ubi fuerit instituta) seu alios pios Christi fideles , qui sacram Eucharistiam cum cereis seu intortitiis comitentur , & umbellam seu baldachinum , ubi haberi potest , deferant. Præmoneat , ut ægri cubiculum mundetur , & in eo paretur mensa linteo mundo cooperta , in qua sanctissimum Sacramentum decenter deponatur.

Parentur luminaria , ac duo vascula , alterum cum vino , alterum cum aqua ; præterea linteum mundum ante pectus communicandi ponatur , atque alia ad ornatum loci , pro cuiusque facultate .

Ubi verò conuenerint , qui Eucharistiam comitaturi sunt , Sacerdos indutus superpelliceo & stola , & , si haberi potest , pluuiali albi coloris , Acolythis seu Clericis , aut etiam Presbyteris (si locus feret) superpelliceo pariter indutis comitatus , decenter , & de more acceptas aliquot particulas consecratas , vel unam tantum (si longius aut difficilius iter sit faciendum) ponat in pyxide , seu parua custodia , quam proprio suo operculo cooperit ; & velum sericum superimponit ; ipse verò Sacerdos imposito sibi prius ab utroque humero oblongo velo decenti , utraque manu accipiat vas cum Sacramento , & deinde umbellam seu baldachinum subeat , nudo capite processurus .

Præcedat semper Acolythus , vel alius minister deferens laternam (noctu autem hoc Sacramentum

mentum deferri non debet, nisi necessitas urgeat) sequantur duo Clerici, vel qui illorum vices suppleant; quorum alter Aquam benedictam cum aspersorio, & bursam cum corporali, quod supponendum erit vasculo sanctissimi Sacramenti super mensa in cubiculo infirmi, & cum linteolo purificatorio ad digitos Sacerdotis abstergendos; alter hunc librum Ritualem deferat, & campanulam iugiter pulset. Succedant deinde deferentes intortitia. Postremò Sacerdos Sacramentum gestans eleuatum ante pectus sub umbella dicens Psalmum, Miserere, & alios Psalmos, & Cantica. Quòd si longius aut difficilius iter obeundum sit, & fortasse etiam equitandum, necesse erit, vas, in quo Sacramentum defertur, bursa decenter ornata, & ad collum appensa, aptè includere, & ita ad pectus alligare atque obstringere, vt neque decidere, neque pyxide excuti Sacramentum queat.

Ingressus verò locum vbi iacet infirmus, dicat: Pax huic domui. **R.** Et omnibus habitantibus in ea. **Tum depositum Sacramentum super mensa, supposito corporali, genuflexus adorat, omnibus in genua procumbentibus, & mox accepta Aqua benedicta, aspergit infirmum, & cubiculum, dicens Antiphonam:** Asperges me Domine hyssopo, & mundabor: lauabis me, & super niuem dealbabor: & primum versum Psalmi, **M**iserere mei Deus, **cum Gloria Patri. S**icut erat, &c.
Dcin-

De Sacramento Eucharistiæ. 85

Deinde repetitur Antiph. Asperges me, &c.
Postea Ψ . Adiutorium nostrum in nomine Domini. \Re . Qui fecit cælum & terram.
 Ψ . Domine exaudi orationem meam. \Re . Et clamor meus ad te veniat. Ψ . Dominus vobiscum. \Re . Et cum spiritu tuo.

Oremus.

EXaudi nos, Domine sancte, Pater omnipotens, æterne Deus, & mittere digneris sanctum Angelum tuum de cælis, qui custodiat, foueat, protegat, visitet atque defendat omnes habitantes in hoc habitaculo. Per Christum Dominum nostrum. \Re . Amen.

His dictis accedat ad infirmum, vt cognoscat, num sit benè dispositus ad suscipiendum sacrum Viaticum, & vtrum velit aliqua peccata confiteri; & illum audiat, atque absoluat: quamuis priùs deberet esse ritè confessus, nisi necessitas aliter vrgeat. Postea facta de more Confessione generali, siue ab infirmo, siue eius nomine ab alio, Sacerdos dicit: Misereatur, &c. Indulgentiam, &c.

Deinde facta genuflexione, accipit Sacramentum de vasculo, atque illud eleuans ostendit infirmo, dicens: Ecce Agnus Dei, ecce qui tollit peccata mundi. & more solito ter dicat: Domine non sum dignus, vt intres sub tectum meum; sed tantùm dic verbo, & sanabitur anima mea. & infirmus simul cum Sacerdote dicat eadem verba,

ba., faltem femel, fubmiffa voce; tum Sacerdos dans infirmo Euchariftiam, dicat: Accipe frater [vel foror] Viaticum Corporis Domini noſtri I E S V Chriſti, qui te cuſtodiat ab hoſte maligno, & perducatur in vitam æternam. Amen.

Si verò Communio non datur per modum Viatici, dicat more ordinario: Corpus Domini noſtri I E S V Chriſti cuſtodiat, &c.

Quòd ſi mors imminet, & periculum ſit in mora, tunc dicto, Miſereatur, &c. prædictis Precibus omnibus, vel ex parte omiſſis, ei ſtatim Viaticum præbeat. Poſtea Sacerdos abluat digitos, nihil dicens; & infirmo detur ablutio. Deinde dicat ψ . Dominus vobis cum. **R.** Et cum ſpiritu tuo. **O** remus.

Domine ſancte, Pater omnipotens, æternè Deus, te fideliter deprecamur, vt accipienti fratri noſtro [vel forori noſtræ] ſacrosanctum Corpus Domini noſtri I E S V Chriſti Filij tui, tam corpori quàm animæ proſit ad remedium ſempiternum: qui tecum viuit & regnat in vnitæte Spiritus ſancti Deus, per omnia ſæcula ſæculorum. **R.** Amen.

His expletis, ſi altera particula Sacramenti ſuperfuerit. (ſuperelle autem ſemper debet, præterquam in caſu iam dicto) genuflectit, ſurgit, & accipiens vas cum Sacramento, facit cum eo ſignum Crucis ſuper infirmum, nihil dicens, & reuerenter illud deferens, ordi-

ne

ne quo venerat, reuertitur ad Ecclesiam dicendo *P saluum Laudate Dominum de caelis. & alios Psalmos & Hymnos, prout tempus feret. Cum peruenerit ad Ecclesiam, ponit Sacramentum super Altare, adorat, deinde dicit* *Ÿ. Panem de caelo praestitisti eis. R. Omne delectamentum in se habentem. Ÿ. Dominus vobiscum. R. Et cum spiritu tuo. Oremus.*

DEus, qui nobis sub Sacramento mirabili, passionis tuae memoriam reliquisti; tribue, quaesumus, ita nos Corporis & Sanguinis tui sacra mysteria venerari, vt redemptionis tuae fructum in nobis iugiter sentiamus. Qui viuis & regnas, &c. Amen.

Deinde annuntiat Indulgentias à summis Pontificibus concessas sanctissimum Sacramentum comitantibus.

Postea cum Sacramento in pyxide velo cooperta faciat signum Crucis super populum, nihil dicens. Postremo illud in loco suo reponat.

Quod si ob difficultatem aut longitudinem itineris, vel quia ea qua decet veneratione Sacramentum ad Ecclesiam commodè reportari non potest, sumpta fuerit vna tantum particula consecrata, vt dictum est, tunc ea infirmo administrata, Sacerdos praedictis Precibus recitatis, eum manu benedicit, & vna cum aliis priuato habitu, extinctis luminibus, umbella demissa, latente pyxide, ad Ecclesiam, vel domum quisque suam reuertatur.

DE SACRAMENTO EXTREMÆ VNCTIONIS.



Extremæ Vnctionis Sacramentum à Christo Domino institutum, tamquam celestis medicina, non animæ solùm, sed etiam corpori salutaris, omni studio ac diligentia periculose agrotantibus adhibendum est; & eo quidem tempore, si fieri possit, cum illis adhuc integra mens & ratio viget: ut ad vberiore Sacramenti gratiam percipiendam, ipsi etiam suam fidem, ac piam animi voluntatem conferre possint, dum sacro liniuntur Oleo.

In quo illud in primis ex generali Ecclesiæ consuetudine obseruandum est, ut si tempus, & infirmi conditio permittat, ante extremam Vnctionem, Pœnitentiæ & Eucharistiæ Sacramenta infirmis præbeantur.

Habeat igitur Parochus loco nitido & decen-ter ornato, in vase argenteo seu stanneo, diligenter custoditum sacrum Oleum infirmorum, quod singulis annis Feria v. in Cœna Domini ab Episcopo benedictum, veteri combusto, reuouandum est. Id tamen, si fortè infra annum aliquo modo ita deficiat, ut sufficere non posse videatur, neque aliud benedictum haberi queat, modico Oleo non benedicto in minori quantitate super infuso, reparari potest.

Oleum

De Sacramento extremæ Vnctionis. 89

Oleum porrò ipsum vel per se solum, vel in bombacio, seu re simili seruari potest: sed ad evitandum effusionis periculum multò commodius ad infirmos defertur in bombacio.

Debet autem hoc Sacramentum infirmis præberi, qui cùm ad vsum rationis peruenerint, tam grauitè laborant, vt mortis periculum imminere videatur, & iis qui præ senio deficiunt, & in diem videntur morituri, etiam sine alia infirmitate.

Infirmis autem, qui dum sana mente & integris sensibus essent, illud petierunt, seu verisimiliter petiissent, seu dederint signa contritionis, etiam si deinde loquelam amiserint, vel amentes effecti sint, vel delirent, aut non sentiant, nihilominus præbeatur.

Sed si infirmus, dum phrenesi aut amentia laborat, verisimiliter posset quidquam facere contra reuerentiam Sacramenti, non inungatur, nisi periculum tollatur omnino.

Impenitentibus verò, & qui in manifesto peccato mortali moriuntur, & excommunicatis, & nondum baptizatis penitus denegetur.

Non ministretur etiam prælium inituris, aut nauigationem, aut peregrinationem, aut alia pericula subituris, aut reis ultimo supplicio mox afficiendis, aut pueris rationis vsum non habentibus.

Si quis autem laborat in extremis, & periculum imminet ne decedat antequam finiantur

G

Vnctio-

Vnctiones, citò ungetur, incipiendo ab eo loco: Per istam sanctam Vnctionem, &c. ut infra. deinde si adhuc superviuat, dicantur Orationes prætermisæ, suo loco posita.

Si verò dum inungitur, infirmus decedat, Presbyter ultra non procedat, & prædictas Orationes omittat.

Quòd si dubitet an viuat adhuc, Vnctionem prosequatur, sub conditione pronuntiando formam, dicens: Si viuus, per istam sanctam Vnctionem, &c. ut infra.

Si autem acciderit, infirmum post peccatorum suorum confessionem ad exitum vitæ properare, tunc cum sacro Viatico poterit & Oleum infirmorum ad eum deferri, per ipsum Sacerdotem qui defert sacram Eucharistiam. Si tamen alius Presbyter vel Diaconus, qui Oleum sanctum deferat, haberi possit, per ipsum deferatur: qui superpelliceo indutus, cum Oleo sacro occultè delato sequatur Sacerdotem Viaticum portantem; & postquam infirmus Viaticum sumpserit, inungatur à Sacerdote.

In eadem infirmitate hoc Sacramentum iterari non debet, nisi diuturna sit, ut cum infirmus conualuerit, iterùm in periculum mortis incidit.

Quinque verò corporis partes præcipuè ungi debent, quas veluti sensuum instrumenta homini natura tribuit; nempe oculi, aures, nares, os, & manus: attamen pedes etiam & renes ungen-

De Sacramento extremæ Vnctionis. 91

ungendi sunt; sed renum vnctio in mulieribus, honestatis gratiâ, semper omittitur; atque etiam in viris, quando infirmus commodè moueri non potest. Sed siue in mulieribus, siue in viris, alia corporis pars pro renibus ungi non debet.

Manus verò, quæ reliquis infirmis interiùs ungi debent, Presbyteris exteriùs ungantur.

Dum oculos, aures, & alia corporis membra, quæ paria sunt, Sacerdos ungit, caueat, ne altero ipsorum inungendo, Sacramenti formam priùs absoluat, quàm ambo huiusmodi paria membra perunxerit.

Si quis autem sit aliquo membro mutilatus, pars loco illi proxima inungatur, eadem verborum forma.

Huius autem Sacramenti forma, quæ Sancta Romana Ecclesia vititur, solemnis illa precatio est, quæ Sacerdos ad singulas vnctiones adhibet, cum ait:

Per istam sanctam Vnctionem, & suam piissimam misericordiam, indulgeat tibi Dominus quidquid per visum, siue per auditum, &c. deliquisti.

Ordo ministrandi Sacramentum
extremæ Vnctionis.

Sacerdos igitur hoc Sacramentum ministraturus, quatenus fieri poterit, parari curet apud infirmum mensam mappa candida coopertam,

itemque vas, in quo sit bombacium, seu quid simile in septem globulos distinctum, ad abstergendas partes inunctas; medullam panis ad detergendos digitos, & aquam ad abluendas Sacerdotis manus; ceream item candelam, que deinde accensa ipsi vngenti lumen prabeat. Denique operam dabit, ut quanta poterit munditia ac nitore hoc Sacramentum ministretur.

Deinde conuocatis Clericis seu ministris, vel saltem vno Clerico, qui Crucem sine hasta, Aquam benedictam cum aspersorio, & librum Ritualem deferat, ipse Parochus decenter accipit vas sacri Olei infirmorum sacculo serico violacei coloris inclusum, illudque caute defert, ne effundi possit. Quod si longius iter peragendum, aut etiam equitandum sit, vel alias adsit periculum effusionis, vas Olei sacculo aut bursa inclusum, ut dictum est, ad collum appendat, ut commodius & securius perferat. Procedat autem sine sonitu campanulae.

Cum peruentum fuerit ad locum vbi iacet infirmus, Sacerdos intrans cubiculum dicit: Pax huic domui. *R.* Et omnibus habitantibus in ea.

Deinde deposito Oleo super mensam, superpelliceo stolaeque violacea indutus, agroto Crucem pie deosculandam porrigit: mox in modum crucis eum Aqua benedicta, & cubiculum & circumstantes aspergit, dicens Antiphonam Asperges, &c. Quod si agrotus voluerit

De Sacramento extremæ Vnctionis. 93

confiteri, audiat illum, & absoluat. Deinde piis
verbis illum consoletur, & de huius Sacramenti
vi atque efficacia, si tempus ferat, breuiter ad-
moneat, & quantum opus sit eius animum confir-
met, & in spem erigat vitæ æternæ.

Posteà dicat versiculum. Adiutorium no-
strum in nomine Domini. **R.** Qui fecit cæ-
lum & terram. **V.** Dominus vobiscum. **R.** Et
cum spiritu tuo. **Oremus.**

INtroëat, Domine IESV Christe, domum
hanc sub nostræ humilitatis ingressu, æter-
na felicitas, diuina prosperitas, serena lætitia,
charitas fructuosa, sanitas sempiterna: effugiat
ex hoc loco accessus dæmonum; adsint An-
geli pacis, domumque hanc deserat omnis
maligna discordia. Magnifica, Domine, su-
per nos nomen sanctum tuum; & benedic ✠
nostræ conuersationi: sanctifica nostræ humi-
litis ingressum, qui sanctus & pius es, & per-
manes cum Patre & Spiritu sancto, in sæcula
sæculorum. Amen.

Oremus, & deprecemur Dominum nostrum
IESVM Christum, vt benedicendo benedicat ✠
hoc tabernaculum, & omnes habitantes in eo,
& det eis Angelum bonum custodem, & faciat
eos sibi seruire ad considerandum mirabilia de
lege sua: auertat ab eis omnes contrarias po-
tèstates: eripiat eos ab omni formidine, & ab
omni perturbatione, ac sanos in hoc taber-
naculo custodire dignetur. Qui cum Patre &
G 3 Spiritu

Spiritu sancto uiuit & regnat Deus in sæcula
sæculorum, Amen. Oremus.

EXaudi nos, Domine sancte, Pater omni-
potens, æterne Deus, & mittere digneris
sanctum Angelum tuum de cælis, qui custo-
diat, foueat, protegat, uisitet, atque defen-
dat omnes habitantes in hoc habitaculo. Per
Christum Dominum nostrum. Amen.

*Quæ Orationes, si tempus non patiatur, ex
parte, vel in totum poterunt omitti. Tunc de
more facta Confessione generali, Latino uel
vulgari sermone, Sacerdos dicat: Misereatur
tui, &c. Indulgentiam, &c.*

*Antequam Parochus incipiat unguere infir-
mum, moneat adstantes, ut pro illo orent; &
ubi commodum fuerit, pro loco & tempore,
& adstantium numero uel qualitate, recitent
septem Psalmos Pœnitentiales, cum Litanijis,
uel alias Preces, dum ipse Vnctionis Sacramen-
tum administrat. Mox dicat:*

IN nomine Patris ✠, & Filij ✠, & Spiri-
tus ✠ sancti, extingatur in te omnis uirtus
diaboli per impositionem manuum nostra-
rum, & per inuocationem omnium sanctorum
Angelorum, Archangelorum, Patriarcharum,
Prophetarum, Apostolorum, Martyrum, Con-
fessorum, Virginum, atque omnium simul
Sanctorum. Amen.

*Deinde intincto pollice in Oleo sancto in
modum Crucis ungit infirmum in partibus*
hic

De Sacramento extremæ Vnctionis. 95

hîc subscriptis, aptando proprio loco verba formæ in hunc modum.

Ad oculos.

Per istam sanctam Vnctionem ✝ & suam piissimâ misericordiam, indulgeat tibi Dominus quidquid per visum deliquisti. Amen.

Minister verò si est in Sacris, vel ipsemet Sacerdos post quamlibet Vnctionem tergat loca inuncta nouo globulo bombacij, vel rei similis, eaque in vase mundo reponat, & ad Ecclesiam postea deferat, comburat, cineresque proiciat in Sacrarium.

Ad aures.

Per istam sanctam Vnctionem ✝ & suam piissimam misericordiam, indulgeat tibi Dominus quidquid per auditum deliquisti. Amen.

Ad nares.

Per istam sanctam Vnctionem ✝ & suam piissimâ misericordiam, indulgeat tibi Dominus quidquid per odoratum deliquisti. Amen.

Ad os, compressis labijs.

Per istam sanctam Vnctionem ✝ & suam piissimam misericordiam, indulgeat tibi Dominus quidquid per gustum & locutionem deliquisti. Amen.

Ad manus.

Per istam sanctam Vnctionem ✝ & suam piissimam misericordiam, indulgeat tibi Dominus quidquid per tactum deliquisti. Amen.

Et aduerte, quod Sacerdotibus, vt dictum est, manus non inunguntur interius, sed exterius.

Ad pedes.

Per istam sanctam Vnctionem ✠ & suam piissimam misericordiam, indulgeat tibi Dominus quidquid per gressum deliquisti. Amen.

Ad lumbos, siue renes.

Per istam sanctam Vnctionem ✠ & suam piissimam misericordiam, indulgeat tibi Dominus quidquid per lumborum delectationem deliquisti. Amen.

Hæc autem vnctio ad lumbos, vt dictum est, omittitur semper in feminis, & etiam in viris, qui ob infirmitatem vix, aut sine periculo moueri non possunt.

Quibus omnibus peractis, Sacerdos dicit: Kyrie eleison. C hriste eleison. K yrie eleison. P ater noster, &c. Et ne nos inducas in tentationem. R. Sed libera nos à malo. V. Saluum fac seruum tuum. R. Deus meus sperantem in te. V. Mitte ei Domine auxilium de sancto. R. Et de Sion tuere eum. V. Esto ei Domine turris fortitudinis. R. A facie inimici. V. Nihil proficiat inimicus in eo. R. Et filius iniquitatis non apponat nocere ei. V. Domine exaudi orationem meam. R. Et clamor meus ad te veniat. V. Dominus vobiscum. R. Et cum spiritu tuo. Oremus,

Domine Deus, qui per Apostolum tuum Iacobum locutus es: Infirmatur quis in vobis? inducat presbyteros Ecclesiæ, & orent super eum, vngentes eum Oleo in nomine Domini,

mini, & oratio fidei saluabit infirmum, & alleuiabit eum Dominus, & si in peccatis sit, remittentur ei: cura, quæsumus, Redemptor noster, gratia sancti Spiritus languores istius infirmi, eiusque sana vulnera, & dimitte peccata, atque dolores cunctos mentis & corporis ab eo expelle, plenamque interiùs & exteriùs sanitatem misericorditer redde, vt ope misericordiæ tuæ restitutus, ad pristina reparetur officia. Qui cum Patre & Spiritu sancto viuis & regnas Deus in sæcula sæculorum. Amen.

Oremus.

Respice, quæsumus Domine, famulum tuum **N.** in infirmitate sui corporis fatiscentem, & animam refoue, quam creasti: vt castigationibus emendatus, se tua sentiat medicina saluatum. Per Christum Dominum nostrum. Amen.

Oremus.

Domine sancte, Pater omnipotens, æterne Deus, qui benedictionis tuæ gratiam ægris infundendo corporibus, facturam tuam multiplici pietate custodis: ad inuocationem tui nominis benignus assiste, vt famulum tuum ab ægritudine liberatum, & sanitate donatum, dextera tua erigas, virtute confirmes, potestate tuearis, atque Ecclesiæ tuæ sanctæ, cum omni desiderata prosperitate restituas. Per Christum Dominum nostrum. Amen.

Ad extremum, pro personæ qualitate, salutaria monita breuiter præbere poterit, quibus infirmus ad moriendum in Domino confirmetur,

tur, & ad fugandas dæmonum tentationes ro-
boretur.

Denique Aquam benedictam, & Crucem,
nisi aliam habeat, coram eo relinquet, vt illum
frequenter aspiciat, & pro sua deuotione oscu-
letur & amplectatur.

Admoneat etiam domesticos & ministros
infirmi, vt si morbus ingrauescat, vel infirmus
incipiat agonizare, statim ipsum Parochum
accerfant, vt morientem adiuuet, eiusque ani-
mam Deo commendet: sed si mors imminet,
priusquam discedat, Sacerdos animam Deo
ritè commendabit.

Quæ autem pertinent ad visitationem cu-
ramque infirmorum, & ad iuuandos morien-
tes, ad commendationem animæ, & ad ex-
quias, infra suis locis præscribuntur.

SEPTEM PSALMI POENITENTIALES, CVM LITANIIS,

Pro infirmis, dum sacro liniuntur Oleo, seu pro
alia necessitate, dicuntur flexis genibus.

Antiph. Ne reminiscaris.

Psalmus 6.

Domine, ne in furore tuo arguas me: * ne-
que in ira tua corripas me.

Miserere mei Dñe, quoniã infirmus sum: * sa-
na me Dñe, quoniã conturbata sunt ossa mea.

Et

Septem Psalmi Pœnitentiales. 99

Et anima mea turbata est valdè : * sed tu Domine vsquequò ?

Conuertere Domine, & eripe animã meam : * saluum me fac propter misericordiam tuam :

Quoniam non est in morte qui memor sit tui : * in inferno autem quis confitebitur tibi ?

Laborauì in gemitu meo, lauabo per singulas noctes lectum meum : * lacrymis meis strarum meum rigabo.

Turbatus est à furore oculus meus : * inueterauì inter omnes inimicos meos.

Discedite à me omnes qui operamini iniquitatem : * quoniã exaudiuit Dñs vocem fletus mei.

Exaudiuit Dominus deprecationem meam, * Dominus orationem meam suscepit.

Erubescant & conturbentur vehemèter omnes inimici mei : * conuertantur & erubescant valdè velociter. Gloria Patri. Psalmus 31.

Beati, quorum remissæ sunt iniquitates : * & quorum tecta sunt peccata.

Beatus vir, cui non imputauit Dominus peccatum, * nec est in spiritu eius dolus.

Quoniam tacui, inueterauerunt ossa mea, * dum clamarem tota die,

Quoniam die ac nocte grauata est super me manus tua : * conuersus sum in ærumna mea, dum configitur spina.

Delictum meum cognitum tibi feci : * & iniustitiam meam non abscondi.

Lixi : Confitebor aduersum me iniustitiam meam

Et

meam Domino: * & tu remisisti impietatem peccati mei.

Pro hac orabit ad te omnis sanctus, * in tempore opportuno.

Verumtamen in diluuiio aquarum multarum * ad eum non approximabunt.

Tu es refugium meum à tribulatione, quæ circumdedit me: * exultatio mea erue me à circumdantibus me.

In intellectum tibi dabo, & instrua te in via hac, qua gradieris: * firmabo super te oculos meos.

Nolite fieri sicut equus & mulus, * quibus non est intellectus.

In campo & freno maxillas eorum constringe, * qui non approximant ad te.

Multa flagella peccatoris, * sperantem autem in Domino misericordia circumdabit.

Lætamini in Domino, & exultate iusti, * & gloriamini omnes recti corde.

Gloria Patri.

Psalms 37.

Domine ne in furore tuo arguas me, * neque in ira tua corripas me.

Quoniam sagittæ tuæ infixæ sunt mihi: * & confirmasti super me manum tuam.

Non est sanitas in carne mea à facie iræ tuæ: * non est pax ossibus meis à facie peccatorum meorum.

Quoniam iniquitates meæ supergressæ sunt caput meum: * & sicut onus graue grauata sunt super me.

Putru-

Putruerunt, & corruptæ sunt cicatrices meæ, *
à facie insipientiæ meæ.

Miser factus sum, & curuatus sum vsque in
finem : * tota die contristatus ingrediebar.

Quoniam lumbi mei impleti sunt illusioni-
bus : * & non est sanitas in carne mea.

Afflictus sum, & humiliatus sum nimis : * ru-
giebam à gemitu cordis mei.

Domine, ante te omne desiderium meum : *
& gemitus meus à te non est absconditus.

Cor meum conturbatum est, dereliquit me
virtus mea : * & lumen oculorum meorum,
& ipsum non est mecum.

Amici mei, & proximi mei * aduersum me
appropinquauerunt, & steterunt.

Et qui iuxta me erant, de longè steterunt : *
& vim faciebant qui quærebant animâ meam.

Et qui inquirebant mala mihi, locuti sunt va-
nitates : * & dolos tota die meditabantur.

Ego autem tamquam surdus non audiebam : *
& sicut mutus non aperiens os suum.

Et factus sum sicut homo non audiens : * &
non habens in ore suo redargutiones.

Quoniam in te Domine speraui : * tu exau-
dies me Domine Deus meus.

Quia dixi : Nequando supergaudeant mihi
inimici mei : * & dum commouentur pedes
mei, super me magna locuti sunt.

Quoniam ego in flagella paratus sum : * & do-
lor meus in conspectu meo semper.

Quo-

Quoniam iniquitatem meam annuntiabo : *
& cogitabo pro peccato meo.

Inimici autem mei viuunt, & confirmati sunt
super me : * & multiplicati sunt qui oderunt
me iniquè.

Qui retribuunt mala pro bonis, detrahebant
mihi : * quoniam sequebar bonitatem.

Ne derelinquas me Domine Deus meus : * ne
discesseris à me.

Intende in adiutorium meum, **3.** * Domine
Deus salutis meæ. **G**loria Patri. **P**salmus 50.

Miserere mei Deus, * secundum magnam
miserencordiam tuam.

Et secundum multitudinem miserationum
tuarum, * dele iniquitatem meam.

Amplius laua me ab iniquitate mea : * & à
peccato meo munda me.

Quoniam iniquitatem meam ego cognosco : *
& peccatum meum contra me est semper.

Tibi soli peccaui, & malum coram te feci : *
vt iustificeris in sermonibus tuis, & vincas cum
iudicaris.

Ecce enim in iniquitatibus conceptus sum : *
& in peccatis concepit me mater mea.

Ecce enim veritatem dilexisti : * incerta & oc-
cultata sapientiæ tuæ manifestasti mihi.

Asperges me hyssopo, & mundabor : * laua-
bis me, & super niuem dealbabor.

Auditui meo dabis gaudium & lætitiã : * &
exultabunt ossa humiliata.

Auerte

Septem Psalmi Pœnitentiales. 103

Auerte faciem tuam à peccatis meis : * & omnes iniquitates meas dele.

Cor mundum crea in me Deus : * & spiritum rectum innoua in visceribus meis.

Ne proicias me à facie tua : * & spiritum sanctum tuum ne auferas à me.

Redde mihi lætitiã salutaris tui : * & spiritu principali confirma me.

Docebo iniquos vias tuas : * & impij ad te conuertentur.

Libera me de sanguinibus Deus , Deus salutis meæ : * & exultabit lingua mea iustitiã tuam.

Domine , labia mea aperies : * & os meum annuntiabit laudem tuam.

Quoniam si voluisses sacrificium , dedissem vtique : * holocaustis non delectaberis.

Sacrificium Deo spiritus contribulatus : * cor contritum & humiliatum Deus non despicias.

Benignè fac Domine in bona voluntate tua Sion : * vt ædificentur muri Ierusalem.

Tunc acceptabis sacrificium iustitiæ , oblationes , & holocausta : * tunc imponent super altare tuum vitulos.

Gloria Patri.

Psalmus 101.

Domine exaudi orationem meam : * & clamor meus ad te veniat.

Non auertas faciem tuam à me : * in quacumque die tribulor , inclina ad me aurem tuam.

In quacumque die inuocauero te , * velociter exaudi me.

Quia

Quia defecerunt sicut fumus dies mei : * & ossa mea sicut cremium aruerunt.

Percussus sum vt scœnum, & aruit cor meum : * quia oblitus sum comedere panem meum.

A voce gemitus mei * adhæsit os meum carni meæ.

Similis factus sum pellicano solitudinis : * factus sum sicut nycticorax in domicilio.

Vigilaui, * & factus sum sicut passer solitarius in tecto.

Tota die exprobrabant mihi inimici mei : * & qui laudabant me, aduersum me iurabant.

Quia cinerem tamquam panem manducabam, * & potum meum cum fletu miscebam.

A facie iræ & indignationis tuæ : * quia eleuans allifisti me.

Dies mei sicut umbra declinauerunt : * & ego sicut scœnum arui.

Tu autem Dñe in æternum permanes : * & memoriale tuum in generationem & generationem.

Tu exurgens misereberis Sion : * quia tempus miserendi eius, quia venit tempus.

Quoniam placuerunt seruis tuis lapides eius : * & terræ eius miserebuntur.

Et timebunt gentes nomen tuum Domine, * & omnes reges terræ gloriam tuam.

Quia ædificauit Dominus Sion : * & videbitur in gloria sua.

Respexit in orationem humilium : * & non spreuit precem eorum.

Scribantur hæc in generatione altera: * & populus, qui creabitur, laudabit Dominum:

Quia prospexit de excelsis sancto suo: * Dominus de cælo in terram aspexit:

Vt audiret gemitus compeditorum: * vt solueret filios interemptorum:

Vt annuntient in Sion nomen Domini: * & laudem eius in Ierusalem.

In conueniendo populos in vnum, * & reges vt seruiant Domino.

Respondit ei in via virtutis suæ: * paucitatem dierum meorum nuntia mihi.

Ne reuoces me in dimidio dierum meorum: * in generationem & generationem anni tui.

Initio tu Domine terram fundasti: * & opera manuum tuarum sunt cæli.

Ipsi peribunt, tu autem permanes: * & omnes sicut vestimentum veterascent.

Et sicut opertorium mutabis eos, & mutabuntur: * tu autem idem ipse es, & anni tui non deficient.

Filij seruorum tuorum habitabunt: * & semen eorum in sæculum dirigetur.

Gloria Patri. **Psalmus 129.**

DE profundis clamaui ad te Domine: * Domine exaudi vocem meam:

Fiant aures tuæ intendentes, * in vocem deprecationis meæ.

Si iniquitates obseruaueris Domine: * Domine quis sustinebit?

H

Quia

Quia apud te propitiatio est: * & propter legem tuam sustinui te Domine.

Sustinuit anima mea in verbo eius: * sperauit anima mea in Domino.

A custodia matutina vsque ad noctem: * speret Israël in Domino.

Quia apud Dominum misericordia: * & copiosa apud eum redemptio.

Et ipse redimet Israël, * ex omnibus iniquitatibus eius. **G**loria Patri. **Psalms 142.**

Domine exaudi orationem meam: aribus percipe obsecrationem meam in veritate tua: * exaudi me in tua iustitia.

Et non intres in iudicium cum seruo tuo: * quia non iustificabitur in conspectu tuo omnis viuens.

Quia persecutus est inimicus animam meam: * humiliavit in terra vitam meam.

Collocauit me in obscuris sicut mortuos seculi: * & anxius est super me spiritus meus, in me turbatum est cor meum.

Memor fui dierum antiquorum, meditatus sum in omnibus operibus tuis: * in factis manuum tuarum meditabar.

Expandi manus meas ad te: * anima mea sicut terra sine aqua tibi.

Velociter exaudi me Domine: * defecit spiritus meus.

Non auertas faciem tuam à me: * & similis ero descendentibus in lacum.

Audi-

Auditam fac mihi manè misericordiam tuam : * quia in te speraui.

Notam fac mihi viam, in qua ambulem : * quia ad te leuaui animam meam.

Eripe me de inimicis meis Domine, ad te confugi : * doce me facere voluntatem tuam, quia Deus meus es tu.

Spiritus tuus bonus deducet me in terram rectam : * propter nomen tuum Domine viuificabis me, in æquitate tua.

Educes de tribulatione animam meam : * & in misericordia tua disperdes inimicos meos.

Et perdes omnes qui tribulant animam meam : * quoniam ego seruus tuus sum.

Gloria Patri.

Antiph. Ne reminiscaris, Domine, delicta nostra, vel parentum nostrorum : neque vindictam sumas de peccatis nostris.

LITANIÆ.

Kyrie eleison.

Christe eleison.

Kyrie eleison.

Christe audi nos.

Christe exaudi nos.

Pater de cælis Deus, Misere nobis.

Fili redemptor mundi Deus, Misere nobis.

Spiritus sancte Deus, Misere nobis.

Sancta Trinitas vnus Deus, Misere nobis.

Sancta Maria, Ora pro nobis.

- S**ancta Dei Genitrix, ora.
Sancta Virgo virginum, ora.
Sancte Michael, ora.
Sancte Gabriel, ora.
Sancte Raphael, ora.
Omnnes sancti Angeli & Archangeli, Orate
 pro nobis.
Omnnes sancti beatorum spirituum ordines,
 Orate pro nobis.
Sancte Ioannes Baptista, ora.
Omnnes sancti Patriarchæ & Prophetæ, Orate.
Sancte Petre, Ora.
Sancte Paule, ora.
Sancte Andrea, ora.
Sancte Iacobe, ora.
Sancte Ioannes, ora.
Sancte Thoma, ora.
Sancte Iacobe, ora.
Sancte Philippe, ora.
Sancte Bartholomæe, ora.
Sancte Matthæe, ora.
Sancte Simon, ora.
Sancte Thaddæe, ora.
Sancte Mathia, ora.
Sancte Barnaba, ora.
Sancte Luca, ora.
Sancte Marce, ora.
Omnnes sancti Apostoli & Euangelistæ, Orate.
Omnnes sancti Discipuli Domini, orate.
Omnnes sancti Innocentes, orate.
San-

Litanie.

109

- S**ancte Stephane, Ora.
Sancte Laurenti, ora.
Sancte Vincenti, ora.
Sancti Fabiane & Sebastiane, Orate.
Sancti Ioannes & Paule, orate.
Sancti Cosma & Damiane, orate.
Sancti Geruasi & Protasi, orate.
Omnes sancti Martyres, orate.
Sancte Siluester, Ora.
Sancte Gregori, ora.
Sancte Ambrosi, ora.
Sancte Augustine, ora.
Sancte Hieronyme, ora.
Sancte Martine, ora.
Sancte Nicolae, ora.
Omnes sancti Pontifices & Confessores, Ora-
te pro nobis.
Omnes sancti Doctores, orate.
Sancte Antoni, Ora.
Sancte Benedicte, ora.
Sancte Bernarde, ora.
Sancte Dominice, ora.
Sancte Francisce, ora.
Omnes sancti Sacerdotes & Leuitæ, Orate.
Omnes sancti Monachi & Eremitæ, orate.
Sancta Maria Magdalena, Ora.
Sancta Agatha, ora.
Sancta Lucia, ora.
Sancta Agnes, ora.
Sancta Cæcilia, ora.

H ;

San-

Sancta Catharina, ora.
Sancta Anastasia, ora.
Omnes sanctæ Virgines & Viduæ, Orate.
Omnes Sancti & Sanctæ Dei, Intercedite
 pro nobis.
Propitius esto, Parce nobis Domine.
Propitius esto, Exaudi nos Domine.
Ab omni malo, Libera nos Domine.
Ab omni peccato, Libera.
Ab ira tua, Libera.
Asubitanea & improuisa morte, Libera.
Ab insidiis diaboli, Libera.
Ab ira, & odio, & omni mala voluntate, Li-
 bera nos Domine.
Aspiritu fornicationis, Libera.
Afulgure & tempestate, Libera.
Amorte perpetua, Libera.
Per mysteriũ sanctæ incarnationis tuæ, Libera.
Per aduentum tuum, Libera.
Per natiuitatem tuam, Libera.
Per baptismum & sanctum ieiunium tuum,
 Libera nos Domine.
Per crucem & passionem tuam, Libera.
Per mortem & sepulturam tuam, Libera.
Per sanctam resurrectionem tuam, Libera.
Per admirabilem ascensionem tuam, Libera.
Per aduentum Spiritus sancti paracliti, Libera.
In die iudicij, Libera.
Peccatores, Te rogamus audi nos.
Vt nobis parcas, Te rogamus.

- V**t nobis indulgeas, Te rogamus.
Vt ad veram poenitentiam nos perducere digneris, Te rogamus.
Vt Ecclesiam tuam sanctam regere & conseruare digneris, Te rogamus.
Vt domnum Apostolicum & omnes Ecclesiasticos ordines in sancta religione conseruare digneris, Te rogamus.
Vt inimicos sanctæ Ecclesiæ humiliare digneris, Te rogamus.
Vt Regibus & Principibus Christianis pacem & veram concordiam donare digneris, Te rogamus audi nos.
Vt cuncto populo Christiano pacem & unitatem largiri digneris, Te rogamus.
Vt nosmetipsos in tuo sancto seruitio confortare & conseruare digneris, Te rogamus.
Vt mentes nostras ad cælestia desideria erigas, Te rogamus audi nos.
Vt omnibus benefactoribus nostris sempiterna bona retribuas, Te rogamus.
Vt animas nostras, fratrum, propinquorum, & benefactorum nostrorum ab æterna damnatione eripias, Te rogamus.
Vt fructus terræ dare & conseruare digneris, Te rogamus audi nos.
Vt omnibus fidelibus defunctis requiem æternam donare digneris, Te rogamus.
Vt nos exaudire digneris, Te rogamus.
Fili Dei, Te rogamus.

Agnus Dei, qui tollis peccata mundi, Parce nobis Domine.

Agnus Dei, qui tollis peccata mundi, Exaudi nos Domine.

Agnus Dei, qui tollis peccata mundi, Misere-
rere nobis.

Christe audi nos. **C**hriste exaudi nos.

Kyrie eleison. **C**hriste eleison. **K**yrie elei-
son. **P**ater noster. **secretò. V.** Et ne nos in-
ducas in tentationem. **R.** Sed libera nos à

malo. **Psalmus 69.**

Deus in adiutorium meum intende: * Do-
mine ad adiuuandum me festina.

Confundantur, & reuereantur, * qui quæ-
runt animam meam.

Auertantur retrorsum, & erubescant, * qui
volunt mihi mala.

Auertantur statim erubescentes, * qui dicunt
mihi: Euge, euge.

Exultent & lætentur in te omnes, qui quærun-
te; * & dicant semper, Magnificetur Domi-
nus, qui diligunt salutare tuum.

Ego verò egenus & pauper sum: * Deus ad-
iuua me.

Adiutor meus, & liberator meus es tu: * Do-
mine ne moreris.

Gloria Patri. **S**icut erat. **V.** Saluos fac seruos
tuos. **R.** Deus meus sperantes in te. **V.** Esto
nobis Domine turris fortitudinis. **R.** A facie
inimici. **V.** Nihil proficiat inimicus in nobis.

R. Et

R. Et filius iniquitatis non apponat nocere nobis. **V.** Domine non secundum peccata nostra facias nobis. **R.** Neque secundum iniquitates nostras retribuas nobis. **V.** Oremus pro Pontifice nostro. **N.** **R.** Dominus conseruet eum, & viuificet eum, & beatum faciat eum in terra, & non tradat eum in animam inimicorum eius. **V.** Oremus pro benefactoribus nostris. **R.** Retribuere dignare Domine omnibus nobis bona facientibus propter nomen tuum vitam æternam, Amen. **V.** Oremus pro fidelibus defunctis. **R.** Requiem æternam dona eis Domine, & lux perpetua luceat eis. **V.** Requiescant in pace. **R.** Amen. **V.** Pro fratribus nostris absentibus. **R.** Saluos fac seruos tuos, Deus meus, sperantes in te. **V.** Mittere eis Domine auxilium de sancto. **R.** Et de Sion tuere eos. **V.** Domine exaudi orationem meam. **R.** Et clamor meus ad te veniat. **V.** Dominus vobiscum. **R.** Et cum spiritu tuo.

Oremus. **Oratio.**

DEus, cui proprium est misereri semper, & parcere: suscipe deprecationem nostram: vt nos, & omnes famulos tuos, quos delictorum catena constringit, miseratio tuæ pietatis clementer absoluat.

EXaudi, quæsumus Domine, supplicium preces, & confitentium tibi parce peccatis: vt pariter nobis indulgentiam tribuas benignus & pacem.

In effabilem nobis Domine misericordiam tuam clementer ostende: ut simul nos & à peccatis omnibus exuas, & à poenis, quas pro his meremur, eripias.

Deus, qui culpa offenderis, poenitentia placaris: preces populi tui supplicantis propitius respice: & flagella tua iracundia, quæ pro peccatis nostris meremur, auerte.

Omnipotens sempiterne Deus, miserere famulo tuo Pontifici nostro **N.** & dirige eum secundum tuam clementiam in viam salutis æternæ: ut te donante tibi placita cupiat, & tota virtute perficiat.

Deus, à quo sancta desideria, recta consilia, & iusta sunt opera: da seruis tuis illam, quam mundus dare non potest, pacem: ut & corda nostra mandatis tuis dedita, & hostium sublata formidine, tempora sint tua protectione tranquilla.

Vre igne sancti Spiritus renes nostros, & cor nostrum, Domine: ut tibi casto corpore seruiamus, & mundo corde placeamus.

Fidelium Deus omnium conditor & redemptor, animabus famulorum famularumque tuarum remissionem cunctorum tribue peccatorum: ut indulgentiam, quam semper optauerunt, piis supplicationibus consequantur.

Actiones nostras, quæsumus Domine, aspirando præueni, & adiuuando prosequere:

quere : vt euncta nostra oratio & operatio à te
semper incipiat, & per te cœpta finiatur.

OMnipotens sempiternæ Deus, qui viuorum dominaris simul & mortuorum, omniumque miseris, quos tuos fide & opere futuros esse prænoscis : te supplices exoramus, vt pro quibus effundere preces decreuimus, quosque vel præsens sæculum adhuc in carne retinet, vel futurum iam exutos corpore suscipit, intercedentibus omnibus Sanctis tuis, pietatis tuæ clementia, omnium delictorum suorum veniam consequantur. Per Dominum nostrum, **V.** Dominus vobiscum, **R.** Et cum spiritu tuo. **V.** Exaudiat nos omnipotens & misericors Dominus, **R.** Amen, **V.** Et fidelium animæ per misericordiam Dei requiescant in pace. **R.** Amen.

D E
VISITATIONE ET CURA
INFIRMORVM.



*Arochus in primis meminisse debet,
non postremas esse muneris sui partes,
agrotantium curam habere.
Quare cum primum nouerit, quem-
piam ex fidelibus cura sua commis-
sis agrotare, non expectabit vt ad eum vocetur,
sed ultrò ad illum accedat; idque non semel tantum,
sed sæpius, quatenus opus fuerit: horte-
turque*

turque parochiales suos, ut ipsum admoneant, cum aliquem in Parochia sua egrotare contigerit, precipue si morbus grauior fuerit.

Ad hoc inuabit, presertim in amplis Parochiis, egrotorum notam seu catalogum habere, ut cuiusque statum & conditionem cognoscat, eorumque memoriam facilius retinere, & illis opportunè subuenire possit.

Quod si Parochus legitime impeditus, infirmorum, ut quando plures sunt, visitationi interdum vacare non potest, id prestandum curabit per alios Sacerdotes, si quos habet in Parochia sua, aut saltem per laicos homines pios, & Christiana charitate preeditos.

Aegrotos visitans, ea, qua Sacerdotes Domini decet, honestate & grauitate se habeat, ut non agris solum, sed sibi & domesticis verbo & exemplo profit ad salutem.

Eorum verò precipuam curam geret, qui humanis auxiliis destituti, benigni ac prouidi Pastoris charitatem & operam requirunt. Quibus si non potest ipse succurrere de suo, & eleemosynas illis, prout debet, si facultas suppetit, erogare, quantum fieri potest, siue per Charitatis, vel alterius nominis Confraternitatem, si in ea ciuitate vel loco fuerit, siue per priuatas siue per publicas collectas & eleemosynas, illorum necessitatibus succurrendum curabit.

In primis autem spiritualem egrotantium curam suscipiat, omnemque diligentiam in eo ponat,

De visitatione & cura infirmorum. 117

nat, ut in via salutis eos dirigat, atque à diabolicis insidiis salutarium adiumentorum presidio defendat ac tueatur.

Accedat autem ad egrotum ita paratus, ut in promptu habeat argumenta ad persuadendum apta; ac præsertim Sanctorum exempla, quæ plurimum valent; quibus eum in Domino consoletur, excitet, ac recreet. Horteturque ut omnem spem suam in Deo ponat, peccatorum suorum pœniteat, diuinam misericordiam imploret, & infirmitatis pœnas, tamquam paternam Dei visitationem, patienter ferat, & ad salutem suam prouenisse credat, ut vitam morésque suos melius instituat.

Deinde qua par est prudentia & charitate hominem ad sacram confessionem inducat, & confitentem audiat, etiamsi velit totius vitæ peccata confiteri; ac si opus fuerit, tam infirmo, quàm eius familiaribus vel propinquis in memoriam reuocet, quod Lateranensis Concilij, ac plurimum summorum Pontificum decretis cauetur sub gravibus pœnis, ne Medici ultra tertiam vicem egrotos visitent, nisi prius ipsis certò constet, illos confessionis Sacramento ritè expiatis fuisse.

Illud prætereà diligenter seruari curabit, ne quis pro corporali salute aliquid egrotò suadeat, vel adhibeat, quod in detrimentum animæ conuertatur.

Vbi verò periculum imminet, Parochus monebit egrotum, ne demonum astutia, neque Medicorum

dicorum pollicitationibus, neque propinquorum aut amicorum blanditiis se ullo modo decipi sinat, quò minùs ea, quæ ad animæ salutem pertinent, opportunè procuret, & qua par est deuotione & celeritate, sancta Sacramenta, dum sana mens est, integrèque sensus, religiosè suscipiat, citra fallacem illam ac perniciosam procrastinationem, quæ plurimos ad æterna supplicia perduxit, indièsque fallente diabolo perducit.

Quòd si eger aliquis hortationibus ac monitis Sacerdotum, vel amicorum & domesticorum consiliis adduci non potest, ut velit peccata sua confiteri, tunc non omnino desperanda res est; sed quamdiu ille uiuit, repetendæ sunt frequentes, variæ, & efficaces Sacerdotum & aliorum piorum hominum exhortationes; proponendæque æterna salutis damna, & sempiterna mortis supplicia; ostendendæque immensa Dei misericordia, eum ad pœnitentiam prouocantis, ad ignoscendum paratissimi. Adhibendæ sunt etiam tum priuata, tum publicæ ad Deum Preces, ad diuinam gratiam impetrandam pro salute miseri decumbentis.

Videbit denique Sacerdos, quibus potissimùm tentationibus aut prauis opinionibus eger sit subiectus, eique, prout opus fuerit, apta remedia prudenter adhibebit.

Sacras Imagines Christi Domini Crucifixi, beatæ Mariæ Virginis, & Sancti, quem eger præcipuè

De uisitatione & cura infirmorum. 119

præcipuè veneratur, ob oculos eius apponi curabit. Vasculum item adsit. Aqua benedicta, qua frequenter aspergatur.

Proponet etiam egrotanti, prout eius conditio feret, aliquas breues Orationes, & piamentis ad Deum excitationes; præsertim versiculos è Psalmorum libro, vel Orationem Dominicam, & Salutationem Angelicam, Symbolum Fidei, vel Passionis Domini nostri meditationem, & Sanctorum martyria & exempla, ac celestis gloria beatitudinem. Hæc tamen opportunè & discretè suggerantur, ne egrotato molestia, sed leuamen afferatur.

Consoletur infirmum, dicens, se pro eo in Missa sacrificio, & aliis Precibus oraturum, curaturumque, ut alij itidem pro eo faciant; idque re ipsa præstabit.

Si morbus grauior, vel cum periculo fuerit, egrotato suadeat, ut dum integra mente est, rem suam omnem rectè constituat, & testamentum faciat; si quid habeat alienum, restituat, & ad remedium animæ suæ pro facultatibus, quod in Domino ei placuerit, disponat: sed hæc suggerendo, omnis auaritiæ nota caueatur.

Hortetur denique, ut si conualuerit, ante omnia ad Ecclesiam veniat, ubi Deo gratias agat de restituta valetudine, & sacram Communionem piè suscipiat, ac deinceps meliorem vitæ disciplinam teneat.

**Sequentes Preces omnes, vel ex parte, prout
tempus**

tempus & agrotorum conditio feret, arbitrio Sacerdotis dici vel omitti possunt.

Sacerdos igitur infirmi cubiculum ingressus, primùm dicat: Pax huic domui. *R.* Et omnibus habitantibus in ea. *Mox* infirmum, & lectum eius, & cubiculum aspergat Aqua benedicta dicens Antiphonam. Asperges me Domine, &c. Deinde erga infirmum officium suum præstet, vt supra dictum est. Quo præstito, vel antequam discedat, dicere poterit supra infirmum aliquem Psalmum ex quatuor prioribus Pœnitentialibus, vel Psalmum 90. Qui habitat in adiutorio, &c. cum Gloria Patri. in fine. Postea dicat: Kyrie eleison. Christe eleison. Kyrie eleison. Pater noster, &c. *ÿ.* Et ne nos inducas in tentationem. *R.* Sed libera nos à malo. *ÿ.* Saluum fac seruum tuum. *R.* Deus meus sperantem in te. *ÿ.* Mitte ei Domine auxilium de sancto. *R.* Et de Sion tuere eum. *ÿ.* Nihil proficiat inimicus in eo. *R.* Et filius iniquitatis non apponat nocere ei. *ÿ.* Esto ei Domine turris fortitudinis. *R.* A facie inimici. *ÿ.* Dominus opem ferat illi. *R.* Super lectum doloris eius. *ÿ.* Domine exaudi orationem meam. *R.* Et clamor meus ad te veniat. *ÿ.* Dominus vobiscum. *R.* Et cum spiritu tuo.

Oremus.

Deus, cui proprium est misereri semper, & parcere: suscipe deprecationem nostram:

De visitatione & cura infirmorum. 121

vt nos, & hunc famulum tuum, quos delictorum catena constringit, miseratio tuæ pietatis clementer absoluat.

Deus infirmitatis humanæ singulare præsidium, auxiliij tui super infirmum famulum tuum ostende virtutem, vt ope misericordiæ tuæ adiutus, Ecclesiæ tuæ sanctæ incolumis repræsentari mereatur.

Concede hunc famulum tuum, quæsumus Domine Deus, perpetua mentis & corporis sanitate gaudere; & gloriosa beatæ Mariæ semper virginis intercessione, à præsentī liberari tristitia, & æterna perfrui lætitia. Per Christum Dominum nostrum. *R.* Amen.

Benedictio Dei omnipotentis, Patris ✠, & Filij, & Spiritus sancti, descendat super te, & maneat semper. *R.* Amen.

Deinde aspergat eum Aqua benedicta.

Qui sequuntur Psalmi, & Euangelia, cum Precibus, pro temporis etiam opportunitate, & ægotantium pio desiderio, Sacerdotis arbitrio dici poterunt. Psalmus 6. Domine, ne in furore tuo arguas me, &c. in fine Gloria Patri. Sicut erat. vt suprâ fol. 98. *ψ.* Dominus vobiscum. *R.* Et cum spiritu tuo. *ψ.* Sequentia sancti Euangelij secundum Matthæum. *R.* Gloria tibi Domine.

Dum Sacerdos dicit: Sequentia sancti, &c. faciat signum Crucis de more super se in fronte, ore, & in pectore, similiter super infirmum,

si fuerit masculus, & is ob infirmitatem non potest se signare.

Si autem fuerit femina, dum Sacerdos se signat, illa per semetipsam in locis prædictis se signet, si potest; si verò non potest, alia mulier eam signet; & hoc idem in sequentibus Euangelij seruetur. *Matth. 8.*

IN illo tempore: Cùm introisset IESVS Capharnaum, accessit ad eum Centurio rogans eum, & dicens: Domine, puer meus iacet in domo paralyticus, & malè torquetur. Et ait illi IESVS: Ego veniam, & curabo eum. Et respondens Centurio ait: Domine non sum dignus, vt intres sub tectum meum, sed tantùm dic verbo, & sanabitur puer meus. Nam & ego homo sum sub potestate constitutus, habens sub me milites, & dico huic: Vade, & vadit; & alij, Veni, & venit; & seruo meo: Fac hoc, & facit. Audiens autem IESVS miratus est, & sequentibus se dixit: Amen dico vobis, non inueni tantam fidem in Israël. Dico autem vobis, quòd multi ab Oriente & Occidente venient, & recumbent cum Abraham, & Isaac, & Iacob in regno cælorum: filij autem regni euicientur in tenebras exteriores: ibi erit fletus, & stridor dentium. Et dixit IESVS Centurioni: Vade, & sicut credidisti, fiat tibi. Et sanatus est puer in illa hora.

O remus.

OMnipotens sempiternè Deus, salus æterna credentium, exaudi nos pro infirmo famulo

De uisitatione & cura infirmorum. 123

famulo tuo **N.** pro quo misericordiae tuae imploramus auxilium, ut reddita sibi sanitate, gratiarum tibi in Ecclesia tua referat actiones. Per Christum Dominum nostrum. **R.** Amen.

Psalmus 15.

Conserua me Domine, quoniam speraui in te. * Dixi Domino: Deus meus es tu, quoniam bonorum meorum non eges.

Sanctis, qui sunt in terra eius: * mirificauit omnes voluntates meas in eis.

Multiplicatae sunt infirmitates eorum: * postea accelerauerunt.

Non congregabo conuenticula eorum de sanguinibus: * nec memor ero nominum eorum per labia mea.

Dominus pars hereditatis meae, & calicis mei: * tu es, qui restitues hereditatem meam mihi.

Funes ceciderunt mihi in praecclaris: * etenim hereditas mea praecclara est mihi.

Benedicam Dominum, qui tribuit mihi intellectum: * insuper & usque ad noctem increperunt me renes mei.

Prouidebam Dominum in conspectu meo semper: * quonia à dextris est mihi, ne commouear.

Propter hoc laetatum est cor meum, & exultauit lingua mea: * insuper & caro mea requiescet in spe.

Quoniam non derelinques animam meam in inferno: * nec dabis sanctum tuum videre corruptionem.

Notas mihi fecisti vias vitæ, adimplebis me lætitia cum vultu tuo : * delectationes in dextera tua vsque in finem. *Gloria. Sicut, &c.*

Ÿ. Dominus vobiscum. R. Et cum spiritu tuo.

Ÿ. Sequentia sancti Euangelij secundum Marcum. R. Gloria tibi Domine. Marc. 16.

In illo tempore : Recumbentibus vndecim discipulis, apparuit illis **I**ESVS, & exprobrauit incredulitatem eorum, & duritiam cordis, quia his, qui viderant eum resurrexisse, non crediderunt. Et dixit eis : Euntes in mundum vniuersum, prædicate Euangelium omni creaturæ. Qui crediderit, & baptizatus fuerit, saluus erit : qui verò non crediderit, condemnabitur. Signa autem eos, qui crediderint, hæc sequentur. In nomine meo dæmonia eiicient : linguis loquentur nouis : serpentes tollent ; & si mortiferum quid biberint, non eis nocebit. Super ægros manus imponent, & benè habebunt. *Oremus. Oratio.*

Virtutum cælestium Deus, qui ab humanis corporibus omnem languorem, & omnem infirmitatem præcepti tui potestate depellis : adesto propitius huic famulo tuo **N.** vt fugatis infirmitatibus, & viribus receptis, nomen sanctum tuum, instaurata protinus sanitate, benedicat. Per Christum Dominum nostrum. *R. Amen. Psalmus 19.*

Exaudiat te Dominus in die tribulationis : * protegat te nomen Dei Iacob. *Mittat*

De visitatione & cura infirmorum. 125

Mittat tibi auxilium de sancto : * & de Sion tueatur te.

Memor sit omnis sacrificij tui : * & holocaustum tuum pingue fiat.

Tribuat tibi secundum cor tuum : * & omne consilium tuum confirmet.

Letabimur in salutari tuo : * & in nomine Dei nostri magnificabimur.

Impleat Dominus omnes petitiones tuas : * nunc cognoui quoniam saluum fecit Dominus Christum suum.

Exaudiet illum de cælo sancto suo : * in potentibus salus dexteræ eius.

Hi in curribus, & hi in equis : * nos autem in nomine Domini Dei nostri inuocabimus.

Ipsi obligati sunt, & ceciderunt : * nos autem surreximus & erecti sumus.

Domine saluum fac regem : * & exaudi nos in die, qua inuocauerimus te.

Gloria Patri.

V. Dominus vobiscum. **R.** Et cum spiritu tuo.

V. Sequentia sancti Euangelij secundum Lucam. **R.** Gloria tibi Domine. *Luc. 4.*

IN illo tempore: Surgens IESVS de synagoga introiuit in domum Simonis. Socrus autem Simonis tenebatur magnis febribus: & rogauerunt illum pro ea. Et stans super illam imperauit febrim, & dimisit illam, & continuo surgens ministrabat illis. Cum autem sol occidisset, omnes, qui habebant infirmos variis lan-

guoribus, ducebant illos ad IESVM. At ille singulis manus imponens, curabat eos.

Oremus.

Oratio.

Domine sancte, Pater omnipotens, aeternae Deus, qui fragilitatem humanae conditionis, infusa virtutis tuae dignatione, confirmas, ut salutaribus remediis pietatis tuae corpora nostra & mentes vegetentur: super hunc famulum tuum propitius intende; ut omni necessitate corporeae infirmitatis exclusa, gratia in eo pristinae sanitatis perfecte reparetur. Per Christum Dominum nostrum. *R.* Amen.

Psalmus 85.

Inclina Domine aurem tuam, & exaudi me: * quoniam inops & pauper sum ego. **C**ustodi animam meam, quoniam sanctus sum: * saluum fac seruum tuum, Deus meus, sperantem in te.

Miserere mei Domine, quoniam ad te clamaui tota die: * latifica animam serui tui, quoniam ad te Domine animam meam leuaui.

Quoniam tu Domine suavis & mitis: * & multae misericordiae omnibus inuocantibus te.

Auribus percipe Domine orationem meam: * & intende voci deprecationis meae.

In die tribulationis meae clamaui ad te: * quia exaudisti me.

Non est similis tui in diis Domine: * & non est secundum opera tua.

Omnes gentes quascumque fecisti, venient, & adora-

De visitatione & cura infirmorum. 127

adorabunt coram te Domine: * & glorificabunt nomen tuum.

Quoniam magnus es tu, & faciens mirabilia: * tu es Deus solus.

Deduc me Domine in via tua, & ingrediar in veritate tua: * lætetur cor meum vt timeat nomen tuum.

Confitebor tibi Dñe Deus meus in toto corde meo, * & glorificabo nomen tuum in æternum:

Quia misericordia tua magna est super me: * & eruisti animam meam ex inferno inferiori.

Deus, iniqui insurrexerunt super me, & synagoga potentium quæsierunt animam meam: * & non proposuerunt te in conspectu tuo.

Et tu Domine Deus miserator & misericors: * patiens, & multæ misericordiæ, & verax.

Respice in me, & miserere mei, * da imperium tuum puero tuo: & saluū fac filium ancillæ tuæ.

Fac mecum signum in bonum, vt videant qui oderunt me, & confundantur: * quoniam tu Domine adiuuisti me, & consolatus es me.

Gloria Patri. **S**icut erat.

V. Dominus vobiscum. **R.** Et cum spiritu tuo.

V. Sequentia sancti Euangelij secundum Ioannem. **R.** Gloria tibi Domine. *Ioan. 5.*

In illo tempore: Erat dies festus Iudæorum, & ascendit IESVS Ierosolymam. Est autem Ierosolymis probatica piscina, quæ cognominatur Hebraicè Bethsaida, quinque porticus habens. In his iacebat multitudo magna lan-

guentium, cæcorum, claudorum, aridorum expectantium aquæ motum. Angelus autem Domini descendebat secundum tempus in piscinam, & mouebatur aqua. Et qui prior descendisset in piscinam post motionem aquæ, sanus fiebat à quacumque detinebatur infirmitate. Erat autem quidam homo ibi triginta & octo annos habens in infirmitate sua. Hunc cum vidisset I E S V S iacentem, & cognouisset; quia multum iam tempus haberet, dicit ei: Vis sanus fieri? Respondit ei languidus: Domine, hominem non habeo, vt cum turbata fuerit aqua, mittat me in piscinam: dum venio enim ego, alius ante me descendit. Dicit ei I E S V S: Surge, tolle grabatum tuum, & ambula. Et statim sanus factus est homo ille, & sustulit grabatum suum, & ambulabat. Erat autem sabbatum in die illo. Dicebant ergo Iudæi illi qui sanatus fuerat: Sabbatum est, non licet tibi tollere grabatum tuum. Respondit eis: Qui me sanum fecit, ille mihi dixit: Tolle grabatum tuum, & ambula. Interrogauerunt ergo eum. Quis est ille homo, qui dixit tibi: Tolle grabatum tuum, & ambula? Is autem, qui sanus fuerat effectus, nesciebat quis esset. I E S V S autem declinavit à turba constituta in loco. Postea inuenit eum I E S V S in templo, & dixit illi: Ecce sanus factus es: iam noli peccare, ne deterius tibi aliquid contingat.

O remus.

Oratio.

Respice Domine famulum tuum in infirmitate sui corporis laborantem, & animam refoue, quam creasti, vt castigationibus emendatus, continuò se sentiat tua medicina saluatum. Per Christum Dominum nostrum. **R.** Amen.

Qui habitat in adiutorio Altissimi, * in protectione Dei celi commorabitur.

Dicet Domino, Susceptor meus es tu, & refugium meum: * Deus meus, sperabo in eum.

Quoniam ipse liberauit me de laqueo venantium, * & à verbo aspero.

Scapulis suis obumbrabit tibi: * & sub penis eius sperabis.

Scuto circumdabit te veritas eius: * non timebis à timore nocturno,

A sagitta volante in die, à negotio perambulante in tenebris: * ab incurfu, & dæmonio meridiano.

Cadent à latere tuo mille, & decem millia à dextris tuis: * ad te autem non appropinquabit.

Verumtamen oculis tuis considerabis: * & retributionem peccatorum videbis.

Quoniam tu es Domine spes mea: * Altissimum posuisti refugium tuum.

Non accedet ad te malum: * & flagellum non appropinquabit tabernaculo tuo.

Quoniam Angelis suis mandauit de te: * vt custodiant te in omnibus viis tuis.

ant

I s

In

O re-

In manibus portabunt te: * ne fortè offendas ad lapidem pedem tuum.

Super aspidem & basiliscum ambulabis: * & conculcabis leonem & draconem.

Quoniam in me sperauit, liberabo eum: * protegam eum, quoniam cognouit nomen meum.

Clamabit ad me, & ego exaudiam eum: * cum ipso sum in tribulatione: eripiam eum, & glorificabo eum.

Longitudine dierum replebo eum: * & ostendam illi salutare meum. **G**loria Patri.

Oremus.

Oratio.

OMnipotès sempiternè Deus, infirmitatem famuli tui propitiùs respice, atque ad protegendum eum dexteram tuè maiestatis extendè. Per Christum Dñm nostrum. **R.** Amen.

Completa Oratione vltima, Sacerdos imponat dexteram manum super caput infirmi, & dicat: Super ægros manus imponent, & benè habebunt. **I**ESVS Mariæ filius, mundi salus, & Dominus, meritis & intercessione sanctorum Apostolorum suorum Petri & Pauli, & omnium Sanctorum, sit tibi clemens & propitiùs. Amen. **Postea dicat: V.** Dominus vobiscum. **R.** Et cum spiritu tuo.

V. Initium sancti Euangelij secundùm Ioannem. **R.** Gloria tibi Domine. *Ioan. I.*

IN principio erat Verbum: & Verbum erat apud Deum: & Deus erat Verbum. Hoc erat in principio apud Deum. Omnia per ipsum

De visitatione & cura infirmorum. 131

sum facta sunt : & sine ipso factum est nihil. Quod factum est, in ipso vita erat: & vita erat lux hominũ: & lux in tenebris lucet, & tenebræ eam non comprehenderunt. Fuit homo missus à Deo, cui nomen erat Ioannes. Hic venit in testimonium, vt testimoniũ perhiberet de lumine: vt omnes crederent per illum. Non erat ille lux: sed vt testimonium perhiberet de lumine. Erat lux vera, quæ illuminat omnem hominem venientem in hunc mundum. In mundo erat: & mundus per ipsum factus est: & mundus eum non cognouit. In propria venit: & sui eum non receperunt. Quotquot autem receperunt eum, dedit eis potestatem filios Dei fieri: his, qui credunt in nomine eius. Qui non ex sanguinibus, neque ex voluntate carnis, neque ex voluntate viri: sed ex Deo nati sunt. **ET VERBUM CARO FACTVM EST: & habitauit in nobis, (& vidimus gloriam eius, gloriam quasi vnigeniti à Patre,) plenum gratiæ & veritatis. R.** Deo gratias.

Postea benedicens infirmum subiungat, dicens: Benedictio Dei omnipotentis Patris ✝, & Filij, & Spiritus sancti, descendat super te, & maneat semper. **R.** Amen.

Deinde aspergat eum Aqua benedicta.

Si fuerint plures infirmi in eodem cubiculo vel loco, Preces & Orationes prædictæ dicantur super eos in numero plurali.

Quæ omnia etiam poterunt arbitrio Sacerdotis breuiora fieri.

Modus

Modus iuuandi morientes.

Ingrauescente morbo Parochus infirmum frequentius visitabit, & ad salutem diligenter iuuare non desinet: monebitque instante periculo se confessum vocari, vt in tempore præsto sit morienti, sumptoque sanctissimo Viatico, & sacra Vnctione adhibita, si periculum immineat, statim commendationis animæ officium præstabit, de quo infra. Sed si tempus suppetat, sequentia pietatis officia præstare poterit, si ita expedire iudicauerit, pro conditione personæ.

Ac primò, si ægrotus indulgentiam legitima auctoritate concessam consequi possit, eam illi reducat ad mentem, proponatque quid ad eam consequendam agi debeat; præsertim, vt contrito corde sanctissimum nomen **I E S V** semel vel sæpius inuocet.

Deinde hortetur infirmum, & excitet, vt dum mente viget, eliciat actus fidei, spei, & charitatis, aliarumque virtutum, nempe,

Vt firmiter credat omnes articulos Fidei, & quidquid sancta Romana Ecclesia Catholica & Apostolica credit & docet.

Vt speret, Christum Dominum nostrum pro sua immensa clementia sibi fore propitium, & merito eius sanctissima Passionis, & per intercessionem beatæ Mariæ & omnium Sanctorum se vitam æternam consecuturum.

Vt toto corde diligit, & maximè diligere cupiat Dominum Deum ea dilectione, qua illum diligunt Beati Sanctique omnes.

Vt ob amorem Dei doleat ex corde de omni offensa, qualitercumque contra Dominum Deum & proximum commissa.

Vt ex corde ob amorem Dei parcat omnibus, qui sibi quoquo modo fuerint molesti, aut inimici.

Vt ab ijs veniam postulet, quos aliquando detis aut factis offendit.

Vt quem patitur dolorem, & morbi molestiam, propter Deum in pœnitentiam peccatorum suorum patienter toleret.

Vt si Dominus sibi salutem corporis prestare dignabitur, proponat de cetero pro viribus suis à peccatis cauere, & eius mandata seruare.

Hortetur præterea, vt eo modo quo potest, saltem ex corde ita per interualla precetur.

Miserere mei Deus secundùm magnam misericordiam tuam.

In te Domine speraui, non confundar in æternum.

In manus tuas Domine commendo spiritum meum, redemisti me, Domine Deus veritatis.

Deus in adiutorium meum intende, Domine ad adiuuandum me festina.

Esto mihi Domine in Deum protectorem.

Deus propitius esto mihi peccatori.

Dulcis

Dulcissime Domine I E S V Christe, per virtutem sanctissimæ Passionis tuæ recipe me in numerum electorum tuorum.

Domine I E S V Christe, suscipe spiritum meum.

Maria mater gratiæ, Mater misericordiæ, Tu nos ab hoste protege, Et hora mortis suscipe.

Sancte Angele Dei, mihi custos assiste.

Omnes sancti Angeli, & omnes Sancti intercedite pro me, & mihi succurrite.

Hæc, & his similia poterit prudens Sacerdos vulgari vel Latino sermone, pro personæ captu, morienti suggerere.

Deinde sequentes Preces quanta poterit maiori deuotione dicat, admoneatque domesticos & circumstantes, vt simul orent pro moriente.

Ordo commendationis animæ.

Parochus ad decedentis animæ commendationem accedens, Clericum saltem vnum, si potest, secum habeat, qui deferat vasculum Aquæ benedictæ, superpelliceum & stollam violaceam, quibus ipse Sacerdos ante infirmi cubiculum indurus, locum ingrediens dicat: Pax huic domui & omnibus habitantibus in ea. Deinde aspergat ægrotum, lectum, & circumstantes Aqua benedicta, dicens: Asperges me Domine hyssopo, & mundabor, &c.

Postea Saluatoris nostri Crucifixi imaginem ægro-

agrote osculandam præbeat, verbis efficacibus
eum ad spem æternæ salutis erigens, ipsamque
imaginem coram eo ponat, vt illam aspiciens
salutis suæ spem sumat.

Deinde accensâ candela, genibus flexis cum
omnibus circumstantibus breues Litaniâs de-
uotè recitet, in hunc modum.

K yrie eleison.

C hriste eleison.

K yrie eleison.

S ancta Maria,

Ora pro eo.

O mnes sancti Angeli & Archangeli, Ora-
te pro eo.

S ancte Abel,

ora.

O mnis chorus iustorum, orate.

S ancte Abraham,

ora.

S ancte Ioannes Baptista,

ora.

O mnes sancti Patriarchæ & Prophetæ, orate.

S ancte Petre,

ora.

S ancte Paule,

ora.

S ancte Andrea,

ora.

S ancte Ioannes,

ora.

O mnes sancti Apostoli & Euangelistæ, orate.

O mnes sancti Discipuli Domini, orate.

O mnes sancti Innocentes, orate.

S ancte Stephane,

ora.

S ancte Laurenti,

ora.

O mnes sancti Martyres, orate.

S ancte Siluester,

ora.

S ancte Gregori,

ora.

S ancte

Sancte Augustine, ora.
 Omnes sancti Pontifices & Confessores, orate.
 Sancte Benedicte, ora.
 Sancte Francisce, ora.
 Omnes sancti Monachi & Eremitæ, orate.
 Sancta Maria Magdalena, ora.
 Sancta Lucia, ora.
 Omnes sanctæ Virgines & Viduæ, orate.
 Omnes Sancti & Sanctæ Dei, Intercedite
 pro eo.

Propitius esto, Parce ei Domine.
 Propitius esto, Libera eum Domine.
 Propitius esto, Libera.
 Ab ira tua, Libera.
 A periculo mortis, Libera.
 A mala morte, Libera.
 A pœnis inferni, Libera.
 Ab omni malo, Libera.
 A potestate diaboli, Libera.
 Per natiuitatem tuam, Libera.
 Per crucem & passionem tuam, Libera.
 Per mortem & sepulturam tuam, Libera.
 Per gloriosam resurrectionem tuam, Libera.
 Per admirabilem ascensionem tuam, Libera.
 Per gratiam Spiritus sancti paracliti, Libera.
 In die iudicij, Libera.
 Peccatores, Te rogamus audi nos.
 Vt ei parcas, Te rogamus.
 Kyrie eleison. Christe eleison.
 Kyrie eleison.

Deinde cū in agone sui exitus anima anxietur, dicantur sequentes Orationes.

Oratio.

Proficiscere anima Christiana de hoc mundo, in nomine Dei Patris omnipotentis, qui te creauit: in nomine IESV Christi filij Dei viui, qui pro te passus est: in nomine Spiritus sancti, qui in te effusus est: in nomine Angelorum & Archangelorum: in nomine Thronorum & Dominationum: in nomine Principatum & Potestatum: in nomine Cherubim & Seraphim: in nomine Patriarcharum & Prophetarum: in nomine sanctorum Apostolorum & Euangelistarum: in nomine sanctorum Martyrum & Confessorum: in nomine sanctorum Monachorum & Eremitarum: in nomine sanctarum Virginum, & omnium Sanctorum & Sanctarum Dei: hodie sit in pace locus tuus, & habitatio tua in sancta Sion. Per eundem Christum Dominum nostrum. **R.** Amen.

Oratio.

Deus misericors, Deus clemens, Deus, qui secundum multitudinem miserationum tuarum peccata pœnitentium deles, & præteritorum criminum culpas venia remissionis euacuas: respice propitius super hunc famulum tuum **N.** & remissionem omnium peccatorum suorum tota cordis confessione poscentem deprecatus exaudi. Renoua in eo, pijsime Pater, quidquid terrena fragilitate

K

corru-

Dein-

corruptum, vel quidquid diabolica fraude violatum est: & vnitati corporis Ecclesiæ membrum redemptionis annecte. Miserere Domine gemituum, miserere lacrymarum eius: & non habentem fiduciam, nisi in tua misericordia, ad tuæ sacramentum reconciliationis admitte. Per Christum Dominum nostrum.

R. Amen.

Commendo te omnipotenti Deo, charissime frater, & ei, cuius es creatura, committo: vt cum humanitatis debitum morte interueniente persolueris, ad auctorem tuum, qui te de limo terræ formauerat, reuertaris. Egredienti itaque animæ tuæ de corpore splendidus Angelorum cœtus occurrat: iudex Apostolorum tibi senatus adueniat: candidatorum tibi Martyrum triumphator exercitus obuiet: liliata rutilantium te Confessorum turma circumdet: iubilantium te Virginum chorus excipiat: & beatæ quietis in sinu Patriarcharum te complexus astringat: mitis atque festiuus Christi I E S V tibi aspectus appareat, qui te inter assistentes sibi iugiter interesse decernat. Ignoret omne quod horret in tenebris, quod stridet in flammis, quod cruciat in tormentis. Cedat tibi teterrimus satanas cum satellitibus suis: in aduentu tuo te comitantibus Angelis contremiscat, atque in aternæ noctis chaos immane diffugiat. Exurgat Deus, & dissipentur inimici eius: & fugiant

giant qui oderunt eum , à facie eius. Sicut deficit fumus , deficient : sicut fluit cera à facie ignis , sic pereant peccatores à facie Dei : & iusti epulentur , & exultent in conspectu Dei. Confundantur igitur & erubescant omnes tartaræ legiones , & ministri satanæ iter tuum impedire non audeant. Liberet te à cruciatu Christus , qui pro te crucifixus est. Liberet te ab æterna morte Christus , qui pro te mori dignatus est. Constituat te Christus filius Dei viui intra paradisi sui semper amœna virentia , & inter oues suas te verus ille Pastor agnoscat. Ille ab omnibus peccatis tuis te absoluat ; atque ad dexteram suam in electorum suorum te sorte constituat. Redemptorem tuum facie ad faciem videas , & præsens semper assistens , manifestissimam beatis oculis aspicias veritatem . Constitutus igitur inter agmina beatorum , contemplationis diuinæ dulcedine potiaris in sæcula sæculorum. *R.* Amen.

Oratio.

Suscipe Domine seruum tuum in locum sperandæ sibi saluationis à misericordia tua. *R.* Amen.

Libera Domine animam serui tui ex omnibus periculis inferni , & de laqueis pœnarum , & ex omnibus tribulationibus. *R.* Amen.

Libera Domine animam serui tui , sicut liberaisti Enoch & Eliam de communi morte mundi. *R.* Amen.

Libera Domine animam serui tui, sicut libera-
 rasti Noë de diluuiio. **Re.** Amen.

Libera Domine animam serui tui, sicut libera-
 rasti Abraham de Vr Chaldæorum. **Re.** Amen.

Libera Domine animam serui tui, sicut libera-
 rasti Iob de passionibus suis. **Re.** Amen.

Libera Domine animam serui tui, sicut libera-
 rasti Isaac de hostia, & de manu patris sui
 Abrahæ. **Re.** Amen.

Libera Domine animam serui tui, sicut li-
 beraſti Lot de Sodomis, & de flamma ignis.
Re. Amen.

Libera Domine animam serui tui, sicut libera-
 rasti Moysen de manu Pharaonis regis Ægy-
 ptiorum. **Re.** Amen.

Libera Domine animam serui tui, sicut libera-
 rasti Daniele de lacu leonum. **Re.** Amen.

Libera Domine animam serui tui, sicut libera-
 rasti tres pueros de camino ignis ardentis, & de
 manu regis iniqui. **Re.** Amen.

Libera Domine animam serui tui, sicut libera-
 rasti Susannam de falso crimine. **Re.** Amen.

Libera Domine animam serui tui, sicut libera-
 rasti Dauid de manu regis Saul, & de manu
 Golia. **Re.** Amen.

Libera Domine animam serui tui, sicut li-
 beraſti Petrum & Paulum de carceribus.
Re. Amen.

Et sicut beatissimam Theclam virginem &
 martyrem tuam de tribus atrocissimis tormen-
 -301-
 ris.

Ordo commendationis animæ. 141

tis liberaſti, ſic liberare digneris animam huius ſerui tui, & tecum facias in bonis congaudere cæleſtibus. **R.** Amen.

Oratio.

Commendamus tibi Domine animam ſamuli tui **N.** precamurque te Domine **I E S V** Chriſte, ſaluator mundi, vt propter quam ad terram miſericorditer deſcendiſti, Patriarcharum tuorum ſinibus inſinuare non reſnuas. Agnoſce Domine creaturam tuam, non à dijs alienis creatam, ſed à te ſolo Deo viuo & vero: quia non eſt alius Deus præter te, & non eſt ſecundùm opera tua. Lætifica Domine animam eius in conſpectu tuo, & ne memineris iniquitatum eius antiquarum, & ebrietatum, quas ſuſcitauit furor, ſiue feruor mali deſiderij. Licet enim peccauerit, tamen Patrem, & Filium, & Spiritum ſanctum non negauit, ſed credidit, & zelum Dei in ſe habuit, & Deum, qui fecit omnia, fideliter adorauit.

Oratio.

Deliſta iuuentutis, & ignorantias eius, quaſumus, ne memineris Domine, ſed ſecundùm magnam miſericordiam tuam memor eſto illius in gloria claritatis tuæ. Aperiantur ei cæli, collatentur illi Angeli. In regnum tuum Domine ſeruum tuum ſuſcipe. Suſcipiat eum ſanctus Michaël Archangelus Dei, qui militiæ cæleſtis meruit principatum. Veniant illi obuiam ſancti Angeli Dei, & perducant eum in ciuitatem cæleſtem Ieruſalem.

K 3

Suſci-

Suscipiat eum beatus Petrus Apostolus, cui à Deo clauēs regni cælestis traditæ sunt. Adiuuet eum sanctus Paulus Apostolus, qui dignus fuit esse vas electionis. Intercedat pro eo sanctus Ioannes electus Dei Apostolus, cui reuelata sunt secreta cælestia. Orent pro eo omnes sancti Apostoli, quibus à Domino data est potestas ligandi atque soluendi. Intercedant pro eo omnes Sancti & electi Dei, qui pro Christi nomine tormenta in hoc sæculo sustinuerunt: vt vinculis carnis exutus, peruenire mereatur ad gloriam regni cælestis: præstante Domino nostro **IESV** Christo: Qui cum Patre & Spiritu sancto uiuit & regnat in sæcula sæculorum. **Ꝟ. Amen.**

Si verò diutius laborat anima, poterit legi super eum hoc Euangelium sancti Ioannis.

Ioan. 17.

SVbleuatis oculis in cælum **IESVS** dixit: Pater venit hora, clarifica Filium tuum, vt Filius tuus clarificet te. Sicut dedisti ei potestatem omnis carnis, vt omne quod dedisti ei, det eis vitam æternam. Hæc est autem vita æterna: vt cognoscant te, solum Deum verum, & quem misisti **IESVM** Christum. Ego te clarificaui super terram: opus consummaui, quod dedisti mihi, vt faciam. Et nunc clarifica me tu Pater apud te ipsum, claritate quam habui, priusquam mundus esset, apud te. Manifestaui nomen tuum hominibus, quos dedisti mihi de mundo.

mundo. Tui erant, & mihi eos dedisti: & sermonem tuum seruauerunt. Nunc cognouerunt, quia omnia quæ dedisti mihi, abste sunt: quia verba quæ dedisti mihi, dedi eis. Et ipsi acceperunt: & cognouerunt verè, quia à te exiui: & crediderunt, quia tu me misisti. Ego pro eis rogo. Non pro mundo rogo, sed pro his, quos dedisti mihi: quia tui sunt. Et mea omnia, tua sunt: & tua, mea sunt: & clarificatus sum in eis. Et iam non sum in mundo: & hi in mundo sunt: & ego ad te venio. Pater sancte, serua eos in nomine tuo, quos dedisti mihi: vt sint vnum, sicut & nos. Cum essem cum eis, ego seruabam eos in nomine tuo. Quos dedisti mihi, custodiui: & nemo ex eis periit, nisi filius perditionis, vt Scriptura impleatur. Nunc autem ad te venio, & hæc loquor in mundo, vt habeant gaudium meum impletum in semetipsis. Ego dedi eis sermonem tuum, & mundus eos odio habuit, quia non sunt de mundo, sicut & ego non sum de mundo. Non rogo vt tollas eos de mundo, sed vt serues eos à malo. De mundo non sunt, sicut & ego non sum de mundo. Sanctifica eos in veritate. Sermo tuus veritas est. Sicut tu me misisti in mundum, & ego misi eos in mundum. Et pro eis ego sanctifico me ipsum: vt sint & ipsi sanctificati in veritate. Non pro eis autem rogo tantum, sed & pro eis, qui credituri sunt per verbum eorum in me: vt omnes vnum sint, sicut tu Pater in

me, & ego in te, vt & ipsi in nobis vnum sint: vt credat mundus, quia tu me misisti. Et ego claritatem, quam dedisti mihi, dedi eis: vt sint vnum, sicut & nos vnum sumus. Ego in eis, & tu in me: vt sint consummati in vnum: & cognoscat mundus quia tu me misisti, & dilexisti eos, sicut & me dilexisti. Pater, quos dedisti mihi, volo vt vbi sum ego, & illi sint mecum: vt videant claritatem meam, quam dedisti mihi: quia dilexisti me ante constitutionem mundi. Pater iuste, mundus te non cognouit. Ego autem te cognoui: & hi cognouerunt, quia tu me misisti. Et notum feci eis nomen tuum, & notum faciam: vt dilectio, quam dilexisti me, in ipsis sit, & ego in ipsis.

Passio Domini nostri IESV Christi secundum Ioannem. Cap. 18.

IN illo tempore: Egressus est IESVS cum discipulis suis trans torrentem Cedron, vbi erat hortus, in quem introiuit ipse, & discipuli eius. Sciebat autem & Iudas, qui tradebat eum, locum, quia frequenter IESVS conuenerat illuc cum discipulis suis. Iudas ergo cum accepisset cohortem, & à Pontificibus & Phariseis ministros, venit illuc cum lanternis, & facibus, & armis. IESVS itaque sciens omnia, quæ ventura erant super eum, processit, & dixit eis: Quem queritis? Responderunt ei: IESVM Nazarenum. Dicit eis IESVS: Ego sum. Stabat autem & Iudas, qui

qui tradebat eum, cum ipsis. Vt ergo dixit eis: Ego sum: abierunt retrorsum, & ceciderunt in terram. Iterum ergo interrogauit eos: Quem queritis? Illi autem dixerunt: IESVM Nazarenum. Respondit IESVS: Dixi vobis, quia ego sum: si ergo me queritis, finite hos abire. Vt impleretur sermo, quem dixit: Quia quos dedisti mihi, non perdi ex eis quemquam. Simon ergo Petrus habens gladium eduxit eum: & percussit pontificis seruum: & abscidit auriculam eius dexteram. Erat autem nomen seruo Malchus. Dixit ergo IESVS Petro: Mitte gladium tuum in vaginam. Calicem quem dedit mihi Pater, non bibam illum? Cohors ergo, & tribunus, & ministri Iudæorum comprehenderunt IESVM, & ligauerunt eum: & adduxerunt eum ad Annam primum. erat enim focer Caiphæ, qui erat pontifex anni illius. Erat autem Caiphæ, qui consilium dederat Iudæis: Quia expedit, vnum hominem mori pro populo. Sequebatur autem IESVM Simon Petrus, & alius discipulus. Discipulus autem ille erat notus pontifici, & introiuit cum IESV in atrium pontificis. Petrus autem stabat ad ostium foris. Exiuit ergo discipulus ille, qui erat notus pontifici, & dixit ostiariæ: & introduxit Petrum. Dicit ergo Petro ancilla ostiaria: Numquid & tu ex discipulis es hominis istius? Dicit ille. Non sum. Stabant autem serui & mi-

nistri ad prunas : quia frigus erat , & calefaciebant se : erat autem cum eis & Petrus stans , & calefaciens se . Pontifex ergo interrogauit I E S V M de discipulis suis , & de doctrina eius . Respondit ei I E S V S : Ego palàm locutus sum mundo : ego semper docui in synagoga , & in templo , quò omnes Iudæi conueniunt : & in occulto locutus sum nihil . Quid me interrogas ? interroga eos , qui audierunt , quid locutus sum ipsis : ecce hi sciunt , quæ dixerim ego . Hæc autem cum dixisset , vnus assistens ministrorum dedit alapam I E S V , dicens : Sic respondes pontifici ? Respondit ei I E S V S : Si malè locutus sum , testimonium perhibe de malo : si autem benè , quid me cædis ? Et misit eum Annas ligatum ad Caipham pontificem . Erat autem Simon Petrus stans , & calefaciens se . Dixerunt ergo ei : Numquid & tu ex discipulis eius es ? Negauit ille , & dixit : Non sum . Dicit ei vnus ex seruis pontificis , cognatus eius , cuius abscidit Petrus auriculam : Nonne ego te vidi in horto cum illo ? Iterum ergo negauit Petrus : & statim gallus cantauit . Adducunt ergo I E S V M à Caipha in prætorium . Erat autem manè : & ipsi non introierunt in prætorium , vt non contaminarentur , sed vt manducarent Pascha . Exiuit ergo Pilatus ad eos foras , & dixit : Quam accusationem affertis aduersus hominem hunc ? Responderunt , & dixerunt ei :
Si

Si non esset hic malefactor, non tibi tradidisset eum. Dixit ergo eis Pilatus: Accipite eum vos, & secundum legem vestram iudicate eum. Dixerunt ergo ei Iudæi: Nobis non licet interficere quemquam. Vt sermo I-E S V impleretur, quem dixit significans qua morte esset moriturus. Introiuit ergo iterum in prætorium Pilatus, & vocauit I-E S V M, & dixit ei: Tu es rex Iudæorum? Respondit I-E S V S: A temetipso hoc dicis, an alij dixerunt tibi de me? Respondit Pilatus: Numquid ego Iudæus sum? Gens tua, & pontifices tradiderunt te mihi: quid fecisti? Respondit I-E S V S: Regnum meum non est de hoc mundo. si ex hoc mundo esset regnum meum, ministri mei utique decertarent, vt non traderer Iudæis: nunc autem regnum meum non est hinc. Dixit itaque ei Pilatus: Ergo rex es tu? Respondit I-E S V S: Tu dicis quia rex sum ego. Ego in hoc natus sum, & ad hoc veni in mundum, vt testimonium perhibeam veritati: omnis, qui est ex veritate, audit vocem meam. Dicit ei Pilatus: Quid est veritas? Et cum hoc dixisset, iterum exiuit ad Iudæos, & dicit eis: Ego nullam inuenio in eo causam. Est autem consuetudo vobis, vt vnum dimittam vobis in Pascha: vultis ergo dimittam vobis regem Iudæorum? Clamauerunt ergo rursus omnes, dicentes: Non hunc, sed Barabbam. Erat autem Barabbas latro. Tunc ergo apprehendit

hendit Pilatus IESVM, & flagellauit. Et milites plectentes coronam de spinis imposuerunt capiti eius: & veste purpurea circumdederunt eum. Et veniebant ad eum, & dicebant: Aue rex Iudæorum: & dabant ei alapas. Exiuit ergo iterum Pilatus foras, & dicit eis: Ecce adduco vobis eum foras, vt cognoscatis quia nullam inuenio in eo causam. Exiuit ergo IESVS portans coronam spineam, & purpureum vestimentum: & dicit eis: Ecce homo. Cùm ergo vidissent eum Pontifices, & ministri, clamabant dicentes: Crucifige, crucifige eum. Dicit eis Pilatus: Accipite eum vos, & crucifigite: ego enim non inuenio in eo causam. Responderunt ei Iudæi: Nos legem habemus, & secundum legem debet mori: quia filium Dei se fecit. Cùm ergo audisset Pilatus hunc sermonem, magis timuit. Et ingressus est prætorium iterum: & dixit ad IESVM: Unde es tu? IESVS autem responsum non dedit ei. Dicit ergo ei Pilatus: Mihi non loqueris? nescis quia potestatem habeo crucifigere te, & potestatem habeo dimittere te? Respondit IESVS: Non haberes potestatem aduersum me ullam, nisi tibi datum esset desuper. Propterea qui me tradidit tibi, maius peccatum habet. Et exinde quærebat Pilatus dimittere eum. Iudæi autem clamabant dicentes: Si hunc dimittis, non es amicus Cæsaris. Omnis enim, qui se regem facit, contradicit Cæsari. Pilatus

tus autem cūm audisset hos sermones, adduxit foras IESVM, & sedit pro tribunali, in loco, qui dicitur Lithóstrotos, Hebraicè autem Gabbatha. Erat autem parasceue Paschæ, hora quasi sexta: & dicit Iudæis: Ecce rex vester. Illi autem clamabant: Tolle, tolle, crucifige eum. Dicit eis Pilatus: Regem vestrum crucifigam: Responderunt Pontifices: Non habemus Regem, nisi Cæsarem. Tunc ergo tradidit eis illum, vt crucifigetur. Susceperunt autem IESVM, & eduxerunt. Et baiulans sibi crucem exiuit in eum, qui dicitur Caluarix, locum, Hebraicè autem Gólgatha: vbi crucifixerunt eum, & cum eo alios duos hinc & hinc, medium autem IESVM. Scripsit autem & titulum Pilatus: & posuit super crucem. Erat autem scriptum: IESVS Nazarenus, Rex Iudæorum. Hunc ergo titulum multi Iudæorum legerunt: quia prope ciuitatem erat locus, vbi crucifixus est IESVS: & erat scriptum Hebraicè, Græcè, & Latinè. Dicebant ergo Pilato Pontifices Iudæorum: Noli scribere, Rex Iudæorum: sed quia ipse dixit: Rex sum Iudæorum. Respondit Pilatus: Quod scripsi, scripsi. Milites ergo cūm crucifixissent eum, acceperunt vestimenta eius. (& fecerunt quatuor partes, vniciue militi partem) & tunicam. Erat autem tunica inconsutilis, desuper contexta per totum. Dixerunt ergo ad inuicem: Non scindamus eam, sed

sed fortiamur de illa cuius fit. Vt Scriptura im-
 pleretur, dicens: Partiti sunt vestimenta mea
 sibi: & in vestem meam miserunt sortem. Et
 milites quidem hæc fecerunt. Stabant autem
 iuxta crucem IESV mater eius, & soror ma-
 tris eius, Maria Cléophæ, & Maria Mag-
 dalene. Cùm vidisset ergo IESVS matrem,
 & discipulum stantem, quem diligebat, di-
 cit matri suæ: Mulier, ecce filius tuus. Dein-
 de dicit discipulo: Ecce mater tua. Et ex il-
 la hora accepit eam discipulus in sua. Postea
 sciens IESVS, quia omnia consummata sunt,
 vt consummaretur Scriptura, dixit: Sitio.
 Vas ergo erat positum aceto plenum. Illi
 autem spongiam plenam aceto, hyssopo cir-
 cumponentes, obtulerunt ori eius. Cùm er-
 go accepisset IESVS acetum, dixit: Con-
 summatum est. Et inclinato capite tradidit
 spiritum. Iudæi ergo, quoniam Parascève
 erat, vt non remanerent in cruce corpora sab-
 bato (erat enim magnus dies ille sabbati) ro-
 gauerunt Pilatum, vt frangerentur eorum cru-
 ra, & tollerentur. Venerunt ergo milites, & pri-
 mi quidem frangerunt crura, & alterius, qui
 crucifixus est cum eo. Ad IESVM autem cùm
 venissent, vt viderunt eum iam mortuum, non
 frangerunt eius crura, sed vnus militum lancea
 latus eius aperuit, & continuè exiuit sanguis,
 & aqua. Et qui vidit, testimonium perhibuit:
 & verum est testimonium eius. Et ille scit, quia
 vera

Ordo commendationis animæ. 151

vera dicit: vt & vos credatis. Facta sunt enim hæc vt Scriptura impleretur: Os non comminuetis ex eo. Et iterum alia Scriptura dicit: Videbunt, in quem transfixerunt. Post hæc autem rogauit Pilatum Ioseph ab Arimathia (eò quòd esset discipulus I E S V, occultus autem propter metum Iudæorum) vt tolleret corpus I E S V. Et permisit Pilatus. Venit ergo, & tulit corpus I E S V. Venit autem & Nicodémus, qui venerat ad I E S V M nocte primùm, ferens mixturam myrrhæ, & aloes, quasi libras centum. Acceperunt ergo corpus I E S V, & ligauerunt illud linteis cum aromatibus, sicut mos est Iudæis sepelire. Erat autem in loco, vbi crucifixus est, hortus: & in horto monumentum nouum, in quo nondum quisquam positus erat. Ibi ergo propter Parasceuen Iudæorum, quia iuxtà erat monumentum, posuerunt I E S V M.

Oratio ad Dominum I E S V M Christum de singulis articulis Passionis eius, dicenda à moriente, vel ab alio pro eo. V̄. Adoramus te Christe, & benedicimus tibi. **R.** Quia per sanctam Crucem tuam redemisti mundum.

DEUS, qui pro redemptione mundi voluisti nasci, circumcidi, à Iudæis reprobari, à Iuda traditore osculo tradi, vinculis alligari; sicut agnus innocens ad victimam duci, atque conspectibus Annæ, Caiphæ, Pilati, & Herodis indecenter offerri; à falsis testibus accusari,

cusari, flagellis & opprobrijs vexari, sputis conspui, spinis coronari, colaphis cædi, arundine percuti, facie velari, & vestibibus exui, cruci clavis affigi, in cruce leuari, inter latrones deputari, felle & aceto potari, & lancea vulnerari: Tu Domine per has sanctissimas pœnas tuas, quas ego indignus recolo, & per sanctam crucem & mortem tuam libera me [vel, si alius dicit pro eo libera famulum tuum N.] à pœnis inferni, & perducere digneris, quò perduxisti latronem tecum crucifixum. Qui cum Patre & Spiritu sancto viuis & regnas in sæcula sæculorum. Amen.

Dici præterea possunt sequentes Psalmi.

Psalmus 117.

Confitemini Domino quoniam bonus: * quoniam in sæculum misericordia eius.

Dicat nunc Israël quoniam bonus: * quoniam in sæculum misericordia eius.

Dicat nunc domus Aaron: * quoniam in sæculum misericordia eius.

Dicant nunc qui timent Dominum: * quoniam in sæculum misericordia eius.

De tribulatione inuocaui Dominum: * & exaudiuit me in latitudine Dominus.

Dominus mihi adiutor: * non timebo quid faciat mihi homo.

Dominus mihi adiutor: * & ego despiciam inimicos meos.

Bonum est confidere in Domino, *quàm confidere in homine.

Bonum est sperare in Domino, *quàm sperare in principibus.

Omnes gentes circuierunt me: * & in nomine Domini quia vltus sum in eos.

Circumdantes circumdederunt me: * & in nomine Domini quia vltus sum in eos.

Circumdederunt me sicut apes, & exarserunt sicut ignis in spinis: * & in nomine Domini quia vltus sum in eos.

Impulsus euersus sum vt caderem: * & Dominus suscepit me.

Fortitudo mea, & laus mea Dominus: * & factus est mihi in salutem.

Vox exultationis, & salutis: * in tabernaculis iustorum.

Dexterâ Domini fecit virtutem: dextera Dñi exaltauit me, * dextera Dñi fecit virtutem.

Non moriar, sed viuam: * & narrabo opera Domini.

Castigans castigauit me Dominus: * & morti non tradidit me.

Aperite mihi portas iustitiæ, ingressus in eas confitebor Domino: * hæc porta Domini, iusti intrabunt in eam.

Confitebor tibi quoniam exaudisti me: * & factus es mihi in salutem.

Lapidem, quem reprobauerunt ædificantes: * hic factus est in caput anguli.

A Domino factum est istud: * & est mirabile in oculis nostris.

Hæc est dies, quam fecit Dominus: * exultemus, & lætemur in ea.

O Domine saluum me fac, ô Dñe benè prosperare: * benedictus qui venit in nomine Dñi.

Benediximus vobis de domo Domini: * Deus Dominus, & illuxit nobis.

Constituite diem solemnem in condensis, * vsque ad cornu altaris.

Deus meus es tu, & confitebor tibi: * Deus meus es tu, & exaltabo te.

Confitebor tibi quoniam exaudisti me: * & factus es mihi in salutem.

Confitemini Domino quoniam bonus: * quoniam in sæculum misericordia eius.

Gloria Patri. *Psalmus 118.*

BEati immaculati in via: * qui ambulant in lege Domini.

BEati qui scrutantur testimonia eius: * in toto corde exquirunt eum.

Non enim qui operantur iniquitatem, * in vijs eius ambulauerunt.

Tu mandasti * mandata tua custodiri nimis.

Vtinam dirigantur viæ meæ, * ad custodiendas iustificationes tuas.

Tunc non confundar, * cùm perspexero in omnibus mandatis tuis.

Confitebor tibi in directione cordis: * in eod quòd didici iudicia iustitiæ tuæ.

Iusti-

Iustificaciones tuas custodiam : * non me derelinquas vsquequaque.

In quo corrigit adolescentior viam suam ? * in custodiendo sermones tuos.

In toto corde meo exquisiui te : * ne repellas me à mandatis tuis.

In corde meo abscondi eloquia tua : * vt non peccem tibi.

Benedictus es Domine : * doce me iustificaciones tuas.

In labiis meis , * pronuntiaui omnia iudicia oris tui.

In via testimoniorum tuorum delectatus sum , * sicut in omnibus diuitiis.

In mandatis tuis exercebor : * & considerabo vias tuas.

In iustificationibus tuis meditabor : * non obliuiscar sermones tuos. **G**loria Patri.

Retribue seruo tuo, viuifica me : * & custodiam sermones tuos.

Reuela oculos meos : * & considerabo mirabilia de lege tua.

Incola ego sum in terra : * non abscondas à me mandata tua.

Concupiuit anima mea desiderare iustificaciones tuas , * in omni tempore.

Increpasti superbos : * maledicti qui declinant à mandatis tuis.

Aufer à me opprobrium , & contemptum : * quia testimonia tua exquisiui.

Etenim sederunt principes, & aduersum me loquebantur : * seruus autem tuus exercebatur in iustificationibus tuis.

Nam & testimonia tua meditatio mea est : * & consilium meum iustificationes tuæ.

Adhæsit pauimento anima mea : * viuifica me secundum verbum tuum.

Vias meas enuntiaui, & exaudisti me : * doce me iustificationes tuas.

Viam iustificationum tuarum instrue me : * & exercebor in mirabilibus tuis.

Dormitauit anima mea præ tædio : * confirma me in verbis tuis.

Viam iniquitatis amoue à me : * & de lege tua miserere mei.

Viam veritatis elegi : * iudicia tua non sum oblitus.

Adhæsi testimoniis tuis Domine : * noli me confundere.

Viam mandatorum tuorum cucurri, *cùm dilatasti cor meum.

Tres piæ & vtilis morientibus Orationes, cum tribus Pater noster & tribus **A**ue Maria, in agone mortis recitandæ. Primò dicitur: **K** yrie eleison. **C**hriste eleison. **K** yrie eleison. **P**ater noster. **A**ue Maria. **Oratio.**

Domine **I**esv **C**hriste, per tuam sanctissimam agoniam, & orationem qua orasti pro nobis in monte Oliueti, quando factus est sudor tuus sicut guttæ sanguinis decurrentis in terram:

Ordo commendationis animæ. 157

terram: obsecro te, vt multitudinem sudoris
tui sanguinei, quem præ timoris angustia co-
piosissimè pro nobis effudisti, offerre & osten-
dere digneris Deo Patri omnipotenti contra
multitudinem omnium peccatorum huius fa-
mulum tui **N.** & libera eum in hac hora mortis
suæ ab omnibus pœnis & angustiis, quas pro
peccatis suis se timet meruisse. Qui cum Patre
& Spiritu sancto viuis & regnas Deus in sæcula
sæculorum. **R.** Amen. **Secundò dicitur: Ky-**
rie eleison. Christe eleison. Kyrie eleison.
Pater noster. A ue Maria. **Oratio.**

Domine IESV Christe, qui pro nobis mori
dignatus es in cruce, obsecro te, vt omnes
amaritudines passionum & pœnarum tuarum,
quas pro nobis miseris peccatoribus sustinuisti
in cruce, maximè in illa hora, quando sanctis-
sima anima tua egressa est de sanctissimo cor-
pore tuo, offerre & ostendere digneris Deo
Patri omnipotenti pro anima huius famuli
tui **N.** & libera eum in hac hora mortis ab
omnibus pœnis & passionibus, quas pro pec-
catis suis se timet meruisse. Qui cum Patre &
Spiritu sancto viuis & regnas Deus in sæcula
sæculorum. **R.** Amen. **Tertiò dicitur: Kyrie**
eleison. Christe eleison. Kyrie eleison, P a-
ter noster. A ue Maria. **Oratio.**

Domine IESV Christe, qui per os Prophe-
tæ dixisti, In charitate perpetua dilexi
te, ideo attraxi te miserans: obsecro te, vt eam-

dem charitatem tuam , quæ te de cælis in terram ad tolerandas omnium passionum tuarum amaritudines attraxit , offerre & ostendere digneris Deo Patri omnipotenti pro anima huius famuli tui **N.** & libera eum ab omnibus passionibus & pœnis , quas pro peccatis suis timet se meruisse. Et salua animam eius in hac hora exitus sui. Aperi ei ianuam vitæ , & fac eum gaudere cum Sanctis tuis in gloria æterna. Et tu piissime Domine **I E S V** Christe , qui redemisti nos pretiosissimo Sanguine tuo , miserere animæ huius famuli tui , & eam introducere digneris ad semper yrentia & amœna loca Paradisi , vt uiuat tibi amore indiuisibili , qui à te , & ab electis tuis numquam separari potest. Qui cum Patre & Spiritu sancto uiuis & regnas Deus in sæcula sæculorum. **R.** Amen,

In expiratione.

Cum verò tempus expirandi institerit , tunc maximè ab omnibus circumstantibus flexis genibus uehementer orationi instandum est. Ipse verò moriens , si potest , dicat , vel si non potest , assistens , siue Sacerdos pro eo clara uoce pronunciet : **I E S V** , **I E S V** , **I E S V**. Quod , & ea quæ sequuntur , ad illius aures , si videbitur , etiam sæpius repetat. In manus tuas Domine commendo spiritum meum. Domine **I E S V** Christe suscipe spiritum meum. Sancta Maria ora pro me. Maria mater gratiæ , mater

mise-

Ordo commendationis animæ. 159

misericiordiæ, tu me ab hoste protege, & hora mortis suscipe,

Tunc ubi viget pia consuetudo, pulsetur campana parochialis Ecclesię aliquibus ictibus, ad significandum fidelibus in vrbe, vel loco, aut extrā in suburbanis existentibus instantem mortem expirantis ægroti, vt pro eo Deum rogare possint.

Egressa anima de corpore, statim dicatur hoc. **R.** Subuenite Sancti Dei, occurrite Angeli Domini, Suscipientes animam eius, Offerentes eam in conspectu Altissimi. **V.** Suscipiat te Christus qui vocauit te, & in sinum Abrahamę Angeli deducant te. **R.** Suscipientes animam eius, Offerentes eam in conspectu Altissimi. **V.** Requiem æternam dona ei Domine, & lux perpetua luceat ei. Offerentes eam in conspectu Altissimi. **K** yrie eleison. **C** hriste eleison. **K** yrie eleison. **P** ater noster. **V.** Et ne nos indueas in tentationem. **R.** Sed libera nos à malo. **V.** Requiem æternam dona ei Domine. **R.** Et lux perpetua luceat ei. **V.** A porta inferi. **R.** Erue Domine animam eius. **V.** Requiescat in pace. **R.** Amen. **V.** Domine exaudi orationem meam. **R.** Et clamor meus ad te veniat. **V.** Dominus vobiscum. **R.** Et cum spiritu tuo. **O** remus.

Tibi Domine commendamus animam famuli tui **N.** vt defunctus sæculo tibi viuat, & quæ per fragilitatem humanæ conuersationis

nis peccata commisit, tu venia misericordissimæ pietatis absterge. Per Christum Dominum nostrum.

Interim detur campanæ signum transitus defuncti pro loci consuetudine, vt audientes pro eius anima Deum precentur. Deinde corpus de morè honestè compositum loco decenti cum lumine collocetur; ac parua Crux super pectus inter manus defuncti ponatur: aut vbi Crux desit, manus in modum Crucis componantur: interdumque aspergatur Aqua benedicta: & interim donec efferatur, qui adsunt, siue Sacerdotes, siue alij, orabunt pro defuncto.

DE EXEQUIIS.



Ac ras carimonias ac ritus, quibus ex antiquissima traditione, & summorum Pontificum institutis sancta mater Ecclesia Catholica in filiorum suorum exequijs vti solet, tamquam vera religionis mysteria, Christianaque pietatis signa, & fidelium mortuorum saluberrima suffragia, Parochi summo studio seruare debent, atque vsu retinere.

His itaque præstandis, qua par est modestia ac deuotione ita se habebunt, vt ad defunctorum salutem, simulque ad viuorum pietatem, quemadmodum verè sunt, non ad quæstum, eiusmodi ritus sanctè instituti esse videantur.

Nullum

Nullum corpus sepeliatur, præsertim si mors repentina fuerit, nisi post debitum temporis interval-
 lum, ut nullus omnino de morte relinquatur dubitandi locus.

Quod antiquissimi est instituti, illud quantum fieri poterit, retineatur, ut Missa præsentem corpore defuncti pro eo celebretur, antequam sepultura tradatur.

Si quis die festo sit sepeliendus, Missa propria pro defunctis præsentem corpore celebrari poterit; dum tamen Conventualis Missa & Officia diuina non impediuntur, magnaque diei celebritas non obstat.

Caueant omnino Parochi aliique Sacerdotes, ne sepulturae vel exequiarum seu anniuersarij mortuorum officij causa quidquam paciscantur, aut tamquam pretium exigant: sed eis elemosynis contenti sint, quæ aut probata consuetudine dari solent, aut Ordinarius constituerit. Neque permittant, ut pallia aut alia Altaris ornamenta ad ornatum feretri vel tumbæ adhibeantur.

Cum autem antiquissimi ritus Ecclesiastici sit, cereos accensos in exequiis & funeribus deferre, caueant item ne eiusmodi ritus omit-
 tatur, ac ne quid auarè aut indignè in eo committatur.

Pauperes verò, quibus mortuis nihil aut ita parum superest, ut propriis impensis humari non possint, gratis omnino sepeliantur; ac debita

lumina suis impensis, si opus fuerit, adhibeant Sacerdotes ad quos defuncti cura pertinet, vel aliqua pia Confraternitas, si fuerit, iuxta loci consuetudinem.

Vbi viget antiqua consuetudo sepeliendi mortuos in Cæmeteriis, retineatur, & ubi fieri potest, restituatur; at verò cui locus sepultura dabitur in Ecclesia, humi tantum detur. Cadavera autem prope altaria non sepeliantur.

Sepulchra Sacerdotum & Clericorum cuiuscumque Ordinis, ubi fieri potest, à sepulchris laicorum separata sint, ac decentiori loco sita, atque ita, ubi commodum fuerit, ut alia pro Sacerdotibus, alia pro inferioris Ordinis Ecclesia ministris parata sint.

Sacerdos, aut cuiusvis Ordinis Clericus defunctus vestibus suis quotidianis communibus usque ad talarem vestem inclusivè, tum desuper sacro vestitu Sacerdotali vel Clericali, quem Ordinis sui ratio deposcit, indui debet. Sacerdos quidem super talarem vestem, amictu, alba, cingulo, manipulo, stola, & casula seu planeta violacea sit indutus.

Diaconus verò induatur amictu, alba, cingulo, manipulo, stola super humerum sinistrum, que sub axilla dextra annectatur, & Dalmatica violacea.

Subdiaconus autem amictu, alba, cingulo, manipulo, & tunicella.

Alij præterea in inferiorum Ordinum Clerici super-

perpelliceo supra vestem talarem ornari debent, singuli prædicti cum tonsura ac birretis suis.

Nullum porro cadaver perpetua sepultura traditum ex vlla cuiusvis Ordinis Ecclesia asportari liceat, nisi de licentia Ordinarij.

Laici cadaver, quolibet generis aut dignitatis titulo præditus ille fuerit, Clerici ne deserant, sed laici.

Corpora defunctorum in Ecclesia ponenda sunt pedibus versus altare maius, vel si conduntur in Oratoriis aut Cappellis, ponantur cum pedibus versis ad illarum altaria, quod etiam pro situ & loco fiat in sepulchro. Presbyteri verò habeant caput versus altare.

Ceterum nemo Christianus in communione fidelium defunctus, extra Ecclesiam aut cæmeterium ritè benedictum sepeliri debet: sed si necessitas cogat ex aliquo euentu aliquando ad tempus aliter fieri, curetur, ut quatenus fieri poterit, corpus in locum sacrum quamprimùm transferatur, & interim semper Crux capiti illius apponi debet, ad significandum illum in Christo quiescisse.

Quibus non licet dare Ecclesiasticam sepulturam.

Ignorare non debet Parochus, qui ab Ecclesiastica sepultura ipso iure sunt excludendi; ne quemquam ad illam contra sacrorum Canonum decreta umquam admittat.

Negatur igitur Ecclesiastica sepultura Paganis,

nis, Iudæis, & omnibus infidelibus, hereticis, & eorum fautoribus: apostatis à Christiana fide, schismaticis, & publicis excommunicatis maiori excommunicatione, interdictis nominatim, & iis, qui sunt in loco interdicto, eo durante.

Se ipsos occidentibus ob desperationem, vel iracundiam (non tamen si ex insania id accidat) nisi ante mortem dederint signa pœnitentiae.

Morientibus in duello, etiamsi ante obitum dederint pœnitentiæ signa.

Manifestis & publicis peccatoribus, qui sine pœnitentia perierunt.

Iis, de quibus publicè constat, quòd semel in anno non susceperint Sacramenta Confessionis & Communionis in Pascha, & absque vlllo signo contritionis obierunt.

Infantibus mortuis absque Baptismo.

Vbi verò in prædictis casibus dubium occurrerit, Ordinarius consulatur.

Exequiarum ordo.

Constituto tempore, quo corpus ad Ecclesiam deferendum est, conuocetur Clerus, & alij, qui funeri interesse debent, & in Parochialem, vel in aliam Ecclesiam, iuxta loci consuetudinem, ordine conueniant; ac datis certis campanæ signis, eo modo & ritu quo in eo loco fieri solet, Parochus indutus superpelliceo & stola nigra,

nigra, vel etiam pluuiali eiusdem coloris, Clerico preferente Crucem, & alio Aquam benedictam, ad domum defuncti unà cum aliis procedit. distribuuntur cerei, & accenduntur intortitia. Mox ordinatur Processio, precedentibus laicorum Confraternitatibus, si adsint; tum sequitur Clerus regularis, & secularis per ordinem, binique procedunt, pralata Cruce, deuotè Psalmos, ut infra, decantantes, Parocho precedente feretrum cum luminibus. Inde sequuntur alij funus comitantes, & pro defuncto Deum ritè deprecantes sub silentio.

Parochus verò, antequam cadauer efferatur, illud aspergit Aqua benedicta. mox dicit Antiphonam, Si iniquitates obseruaueris. & Psalmum, De profundis clamaui ad te Domine, &c. in fine, Requiem æternam dona ei Domine, & lux perpetua luceat ei. repetit Antiphonam totam, Si iniquitates, &c. Deinde cadauer effertur, Parochusque de domo procedens statim graui voce intonat Antiphonam, Exultabunt Domino; & Cantores inchoant Psalmum Miserere mei Deus secundum magnam, &c. Clero alternatim prosequente; ac si longitudo itineris postulauerit, dicantur alij Psalmi ex Officio mortuorum: & in fine cuiusque Psalmi dicitur, Requiem æternam dona ei Domine, &c. qui Psalmi deuotè, distinctè, grauique voce recitari debent vsque ad Ecclesiam.

Ad ingressum Ecclesie repetitur Antiph. Exultabunt Domino ossa humiliata. Deinde Ecclesiam ingressi, cantant Resp. Cantore incipiente, & Clero alternatim respondente, videlicet:



Vbuenite Sancti De i,



oc cur rite An geli Do-



mini, **S**uscipientes animam e-



ius, **O**fferentes e am in con-



spe ctu Al tis si mi. **V̄.** Susci-
piat



pi at te Christus qui voca-



uit te : & in sinum Abrahæ Ange-



li dedu cant te. S usci pien-



tes. ♯. Re quem æ ter-



nam do na e i Do mine. R. Et



lux perpe tua lu ce at

ci.



e i. **O**fferentes e am.

Deposito feretro in medio Ecclesie, ita ut defuncti pedes, si fuerit laicus, sint versus altare maius, si verò fuerit Sacerdos, ut dictum est, caput sit versus ipsum altare; & cereis accensis circa corpus, statim, nisi quid impediatur, ut infra monebitur, dicatur Officium mortuorum, cum tribus Nocturnis, & Laudibus, ut infra ponitur; & duo ex Clero incipiant absolute Inuitatorium, **R**egem, cui omnia viuunt, **V**enite adoremus. & repetitur à Clero, **R**egem, cui omnia viuunt, &c. Psalm. **V**enite, exultemus, &c. & duplicantur Antiphonæ.

Ad finem Officij post Antiphonam Cantici **B**enedictus, &c. Ego sum resurrectio, dicitur. **P**ater noster. **secretò**. **Ÿ**. Et ne nos inducas in tentationem. **R**. Sed libera nos à malo. **Ÿ**. A porta inferi. **R**. Erue Domine animam eius. **Ÿ**. Requiescat in pace. **R**. Amen. **Ÿ**. Domine exaudi orationem meam. **R**. Et clamor meus ad te veniat. **Ÿ**. Dominus vobiscum. **R**. Et cum spiritu tuo.

Oremus. **O**ratio.

Absolve, quæsumus Domine, animam famuli tui ab omni vinculo delictorum, ut in resurrectionis gloria inter Sanctos & electos tuos

tuos resuscitatus respiret. Per Christum Dominum nostrum. *Rz.* Amen.

Dum in Officio dicuntur Laudes, Sacerdos cum ministris paratur ad celebrandam Missam solemnem pro defuncto, si tempus congruens fuerit, ut in die depositionis in Missali Romano.

Finita Missa, Sacerdos, deposita casula, seu planeta, & manipulo, accipit pluuiiale nigri coloris; & Subdiaconus accipit Crucem, & accedit ad feretrum, & se sistit ad caput defuncti cum Cruce medius inter duos Acolythos seu ceroferarios cum candelabris, & candelis accensis: & omnes alij de Clero veniunt ordinatim in gradu suo cum candelis accensis, & stant in circuitu feretri: tum sequitur Sacerdos cum Diacono, & assistente, aliisque ministris, & facta reuerentia Altari, sistit se contra Crucem ad pedes defuncti, retrò astantibus ei à sinistris duobus Acolythis, vno cum thuribulo & nauicula incensi, altero cum vase Aquæ benedictæ & asperforio, & Acolytho seu Clerico tenente librum, absolutè dicit sequentem Orationem.

Non intres in iudiciū cum seruo tuo Domine, quia nullus apud te iustificabitur homo, nisi per te omnium peccatorum ei tribuatur remissio. Non ergo eum, quæsumus, tua iudicialis sententia premat, quem tibi vera supplicatio fidei Christianæ commendat: sed gratia tua illi succurrente, mereatur euadere

M

dere

dere iudicium ultionis, qui dum viueret, insignitus est signaculo sanctæ Trinitatis, qui uiuis & regnas in sæcula sæculorum. *R.* Amen.

Deinde Cantore incipiente, Clerus circumstans cantat sequens Responsorium.



L I bera me Do mine de



morte ater na, in die illa tremen-



da: **Q**uando cæ li mo uendi sunt



& ter ra: **D**um ve-



neris iu di ca re sæculum per
ignem.



ignem. Ψ . Tremens factus sum ego, &



ti meo, dum discussio venerit, at-



que ven tu ra i ra. Quando cæ-



li mouendi sunt, & ter ra. Ψ . Dies



illa, dies iræ, calamitatis & mise ri æ,



dies magna, & a ma ra valdè:

M 2

Dum



Dum ve neris. ψ . Re-



quem æternâ dona e i Domine, & lux




perpetua lu ce at ei. ψ . Libera me.

Dum cantatur prædictum Responsorium, Sacerdos, Acolytha seu Diacono ministrante, accipit incensum de nauicula, & ponit in thuribulum, & finito Responorio, Cantor cum primo Choro dicit:



Kyrie e le i son.


Chri-



Deinde omnes simul dicunt:

ste e le i son.

Kyrie elei-



e le i fon.

Mox Sacerdos dicit alta voce : Pater noster, &c. & secretò dicitur ab omnibus : & ipse interim accipit à Diacono vel Acolytho aspersorium Aquæ benedictæ, & facta profunda inclinatione Cruci, quæ est ex aduerso, Diacono seu ministro genuflectente, & fimbrias pluuiialis subleuante : circumiens feretrum (si transit ante Sacramentum genuflectit) aspergit corpus defuncti, deinde reuersus ad locum suum, Diacono ministrante, accipit thuribulum, & eodem modo circuit feretrum, & corpus incensat, vt asperferat : postea reddito thuribulo ei à quo acceperat, stans in loco suo, Acolytho seu alio ministro tenente librum apertum ante se, dicit : *Ps.* Et ne nos inducas in tentationem, *R.* Sed libera nos à malo. *Ps.* A porta inferi. *R.* Erue Domine animam eius. *Ps.* Requiescat in pace. *R.* Amen. *Ps.* Domine exaudi orationem meam, *R.* Et clamor meus ad te veniat. *Ps.* Dominus vobiscum. *R.* Et cum spiritu tuo. *O* remus. *Oratio.*

Deus, cui proprium est misereri semper, & parcere : te supplices exoramus pro ani-

ma famuli tui **N.** quam hodie de hoc sæculo migrare iussisti : vt non tradas eam in manus inimici , neque obliuiscaris in finem : sed iubeas eam à sanctis Angelis suscipi , & ad patriam Paradisi perduci : vt quia in te sperauit & credidit , non pœnas inferni sustineat , sed gaudia sempiterna possideat . Per Christum Dominum nostrum. **R.** Amen.

Si defunctus fuerit Sacerdos , in Oratione dicatur : pro anima famuli tui Sacerdotis , quam hodie , &c.


Finita Oratione , corpus defertur ad sepulchrum , si tunc deferendum sit ; & dum portatur , Clerici cantant Antiphonam.



IN paradisum deducant te Angeli : in



tuo aduentu suscipiant te Martyres , &



perducant te in ciuitatem sanctam Ierusalem.



rusalem. Chorus Angelorum te susci-



piat, & cum Lazaro quondam paupe-



re æternam habeas requiem.

Cùm autem peruenerit ad sepulchrum, si non est benedictum, Sacerdos illud benedicit, dicens hanc Orationem.

Oremus.

DEus, cuius miseratione animæ fidelium requiescunt, hunc tumulum benedicere dignare, eiq̄ue Angelum tuum sanctum deputa custodem, & quorum quarumq̄e corpora hîc sepeliuntur, animas eorum ab omnibus absolue vinculis delictorum, vt in te semper cum Sanctis tuis sine fine lætentur. Per Christum Dominum nostrum, *Bz.* Amen.

Dicta Oratione, Sacerdos Aqua benedicta aspergat, deinde incenset corpus defuncti, & tumulum.

Quòd si corpus tunc ad sepulturam non deferatur, omisso Responorio, In Paradisum, &c. & benedictione sepulchri, si iam est benedictum, prosequatur Officium, vt infrà: quod numquam omittitur, & intonet Antiphonam,



Ego sum resurrectio.

Euouae.



Antiph. Ego sum resurrectio & vi ta, qui



credit in me, etiam si mortuus fue-



rit, viuet: & omnis, qui viuit, & credit



in me, non morietur in æ ternum.

Postea

De Exequijs.

177

Postea Sacerdos dicit: **K** yrie eleison. **C** hriste eleison. **K** yrie eleison. **P** ater noster, &c. interim corpus aspergit. **Ÿ**. Et ne nos inducas in tentationem. **R**. Sed libera nos à malo. **Ÿ**. A porta inferi. **R**. Erue Domine animam eius. **Ÿ**. Requiescat in pace. **R**. Amen. **Ÿ**. Domine exaudi orationem meam. **R**. Et clamor meus ad te veniat. **Ÿ**. Dominus vobiscum. **R**. Et cum spiritu tuo.

O remus.

F Ac, quæsumus, Domine, hanc cum seruo tuo defuncto [vel famula tua defuncta] misericordiam, vt factorum suorum in pœnis non recipiat vicem, qui [vel quæ] tuam in votis tenuit voluntatem, vt sicut hîc eum [vel eam] vera fides iunxit fidelium turmis, ita illic eum [vel eam] tua miseratio societ Angelicis choris. Per Christum Dominum nostrum. **R**. Amen. **Ÿ**. Requiem æternam dona ei Domine. **R**. Et lux perpetua luceat ei. **Ÿ**. Requiescat in pace. **R**. Amen. **Ÿ**. Anima eius, & animæ omnium fidelium defunctorum per misericordiam Dei requiescant in pace.

Deinde à sepultura in Ecclesiam, vel in Sacristiam reuertentes dicant sine cantu Añiam, Si iniquitates, cum Psalmo **D**e profundis, &c. **R**equiem æternam dona eis Domine, &c.

Si verò ob rationabilem causam, videlicet ob temporis angustiam, vel aliorum funerum instantem necessitatem, prædictum Officium

M 5

mor-

178 *Rituale Romanum de Exequiis.*
mortuorum cum tribus Nocturnis & Laudi-
bus dici non potest; deposito in Ecclesia fere-
tro cum corpore, dicatur saltem primum No-
cturnum cum Laudibus, vel etiam sine Lau-
dibus, maximè ubi eiusmodi viget consuetu-
do, incipiendo ab Inuitatorio, *Regem*, cui
omnia viuunt, *Venite, &c.* Et postea omnia alia
dicantur, quæ suprâ præscripta sunt dicenda
post Officiû mortuorum, & Missam.

Quòd si etiam ea fuerit temporis angustia,
vel alia vrgens necessitas, vt vnum Noctur-
num cum Laudibus dici non possit, aliæ præ-
dictæ Preces & suffragia numquam omit-
tantur.

Missâ verò, si hora fuerit congruens, ritus
pro defunctis, vt. in die obitus, præsentè cor-
pore non omissatur, nisi obstet magna diei so-
lemnitas, aut aliqua necessitas aliter suadeat,
& post Missam fiat vt suprâ.



PP Eremitarum Camaldulesium Montis Regii
prope Varsavianam

OFFICIUM DEFUNCTORVM.

Dicitur in choro in die depositionis, & alijs diebus, pro temporis opportunitate, & Ecclesiarum consuetudine, vt supra dictum est. In die verò depositionis, & tertio, septimo, trigesimo, & anniuersario, duplicantur Antiphonæ. Et in fine Psalmorum dicitur: Requiem æternam dona eis Domine. Et lux perpetua luceat eis. etiam si pro vno tantum fiat Officium.

Ad Vesperas absolutè incipitur ab Antiph.



Placebo Domino.

E u o u a e.

Psalmus 114.



Dilexi, quoniam exaudiet Dominus * vocem orationis meæ.

Quia inclinauit aurem suam mihi: * & in diebus meis inuocabo.

Circumdederunt me dolores mortis: * & pericula inferni inuenerunt me.

Tribulationem & dolorem inueni: * & nomen Domini inuocaui.

O Domine libera animam meam: * misericors

cors Dominus, & iustus, & Deus noster miseretur.

Custodiens paruulos Dominus: * humiliatus sum, & liberauit me.

Conuertere anima mea in requiem tuam: * quia Dominus benefecit tibi.


Quia eripuit animam meam de morte: * oculos meos à lacrymis, pedes meos à lapsu.

Placebo Domino * in regione uiuorum.

Requiem æternam.



Añã. Placebo Domino in regione uiuorum.



Antiph. Hei mi hi. E u o u a e.

Psalms 119.

AD Dominum cùm tribulàrer clamaui: * & exaudiuit me.

Domine libera animam meam à labijs iniquis, * & à lingua dolosa.

Quid detur tibi, aut quid apponatur tibi * ad linguam dolosam?

Sagittæ potentis acutæ, * cum carbonibus desolatoriis.

Heu mihi, quia incolatus meus prolongatus est,

Officium Defunctorum.

181

est, habitavi cum habitantibus Cedar: * multum incola fuit anima mea.

Cum his qui oderunt pacem, eram pacificus: * cum loquebar illis, impugnabant me gratis.



Antiph. Hei mi hi Domine: quia inco-



la tus meus pro longatus est.



Añã. Dominus custodit te. E u o u a e.

Psalms 120.

Leuavi oculos meos in montes, * unde ueniet auxilium mihi.

Auxilium meum à Domino, * qui fecit cælum & terram.

Non det in commotionem pedem tuum: * neque dormitet qui custodit te.

Eccẽ non dormitabit, neque dormiet, * qui custodit Israël.

Dominus custodit te, Dominus protectio tua * super manum dexteram tuam.

Per

Per diem sol non vret te : * neque luna per noctem.

Dominiis custodit te ab omni malo : * custodiat animam tuam Dominus.

Dominiis custodiat introitum tuum, & exitum tuum ; * ex hoc nunc & vsque in sæculum.



Añã. Dominiis custodit te ab omni malo :



custo diat animam tu am Do minus.



Antiph. Si iniquitates. E u o u a e.

Psalms 129.

DE profundis clamaui ad te Domine : * Domine exaudi vocem meam.

Fiant aures tuæ intendentes, * in vocem deprecationis meæ.

Si iniquitates obseruaueris Domine : * Domine quis sustinebit ?

Quia apud te propitiatio est : * & propter legem tuam sustinui te Domine.

Susti-

Officium Defunctorum.

183

Sustinuit anima mea in verbo eius : * speravit anima mea in Domino.

A custodia matutina vsque ad noctem : * speret Israël in Domino.

Quia apud Dominum misericordia : * & copiosa apud eum redemptio.

Et ipse redimet Israël , * ex omnibus iniquitatibus eius.



Antiph. Si iniquitates obserua ueris Do-



mine : Domine quis sustine bit ?



Antiph. Opera.

E u o u a e .

Psalmus 137.

Confitebor tibi Domine in toto corde meo : * quoniam audisti uerba oris mei.

In conspectu Angelorum psallam tibi : * adorabo ad templum sanctum tuum , & confitebor nomini tuo.

Super

Super misericordia tua, & veritate tua: * quoniam magnificasti super omne, nomen sanctum tuum.

In quacumque die inuocauero te, exaudi me: * multiplicabis in anima mea virtutem.

Confiteantur tibi Domine omnes reges terræ: * quia audierunt omnia verba oris tui.

Et cantent in viis Domini: * quoniam magna est gloria Domini.

Quoniam excelsus Dominus, & humilia respicit: * & alta à longè cognoscit.

Si ambulauero in medio tribulationis, viuificabis me: * & super iram inimicorum meorum extendisti manum tuam, & saluum me fecit dextera tua.

Dominus retribuet pro me: * Domine misericordia tua in sæculum: opera manuum tuarum ne despicias.

Requiem æternam.



Antiph. Opera manuum tuarum Domi-



ne ne despicias. *Ps.* Audiui vocem de
caelo,



caelo, dicentem mihi. *℞.* Beati mor-



tui, qui in Domino moriuntur.



Ad Magnificat,

Antiph. Om ne. Euouae.

*M*agnificat * anima mea, *&c. vt infra.* 380.



Antiph. Om ne quod dat mihi Pa ter,



ad me ve niet : & e um qui venit



ad me, non eijciam fo ras.

N

Pre-

Preces infraſcriptæ dicuntur flexis genibus, ſimiliter & ad Laudes. Pater noſter. ſecretò.

Ÿ. Et ne nos inducas in tentationem. R. Sed libera nos à malo. **Psalmus 145.**

Lauda anima mea Dominum, laudabo Dominum in vita mea: * psallam Deo meo quamdiu fuero.

Nolite confidere in principibus: * in filiis hominum, in quibus non est ſalus,

Exibit ſpiritus eius, & reuertetur in terram ſuam: * in illa die peribunt omnes cogitationes eorum.

Beatus, cuius Deus Iacob adiutor eius, ſpes eius in Domino Deo ipſius: * qui fecit cælum & terram, mare, & omnia quæ in eis ſunt.

Qui cuſtodit veritatem in ſæculum, facit iudicium iniuriam patientibus: * dat eſcam eſurientibus.

Dominus ſoluit compeditos: * Dominus illuminat cæcos.

Dominus erigit elifos, * Dominus diligit iuſtos.

Dominus cuſtodit aduenas, pupillum & viduam ſuſcipiet: * & vias peccatorum diſperdet.

Regnabit Dñs in ſæcula, Deus tuus Sion * in generationem & generationem. **Requiem.**

Ÿ. A porta inferi. R. Erue Domine animam eius. Ÿ. Requieſcat in pace. R. Amen. Ÿ. Domine exaudi orationem meam. R. Et clamor meus ad te veniat. Ÿ. Dominus vobiscum.

R. Et cum ſpiritu tuo.

In die depositionis Defuncti, Oratio.

Absolue, quæsumus Dñe, animam famuli tui **N.** [vel famulæ tuæ] vt defunctus [vel defuncta] sæculo, tibi viuat: & quæ per fragilitatē carnis humana conuersatione commisit, tu venia misericordissimæ pietatis absterge. Per Christum Dñm nostrum. *R.* Amen. *Vel*

Deus, cui proprium est misereri semper, & parcere: te supplices exoramus pro anima famuli tui **N.** [famulæ tuæ] quam hodie de hoc sæculo migrare iussisti: vt non tradas eam in manus inimici, neque obliuiscaris in finem: sed iubeas eam à sanctis Angelis suscipi, & ad patriam Paradisi perduci: vt quia in te sperauit & credidit, non pœnas inferni sustineat, sed gaudia æterna possideat. Per Christum Dominum nostrum. *R.* Amen.

In die tertio, septimo, & trigésimo depositionis Defuncti, Oratio.

Quæsumus Dñe, vt animæ famuli tui **N.** [vel famulæ tuæ] cuius depositionis diem tertium, [vel septimum, vel trigésimum] commemoramus, Sanctorum, atque electorum tuorum largiri digneris consortium: & rorem misericordiæ tuæ perennem infundas. Per Christum Dominum nostrum. *R.* Amen.

In anniuersario, Oratio.

Deus indulgentiarum Domine, da animæ famuli tui **N.** [vel famulæ tuæ, vel animabus famulorum famularumque tuarum]

cuius [vel quorum] anniuersarium depositions diem commemoramus, refrigerij sedem, quietis beatitudinem, & luminis claritatem. Per Christum Dominum nostrum. *R.* Amen.

Alia Orationes diuersæ pro defunctis.

Pro Summo Pontifice defuncto, Oratio.

DEus, qui inter summos Sacerdotes famulum tuum *N.* ineffabili tua dispositione connumerari voluisti: præsta quæsumus, vt qui vnigeniti Filij tui vices in terris gerebat, sanctorum tuorum Pontificum consortio perpetuo aggregetur. Per eundem Christum Dominum nostrum. *R.* Amen.

Pro defuncto Episcopo, Oratio.

DEus, qui inter Apostolicos Sacerdotes famulum tuum *N.* Pontificali fecisti dignitate vigere; præsta quæsumus, vt eorum quoque perpetuo aggregetur consortio. Per Christum Dominum nostrum. *R.* Amen.

Si fuerint plures, dicatur in numero plurali.

Pro Episcopo Cardinali defuncto dicatur: famulum tuum *N.* Episcopum Cardinalem Pontificali fecisti dignitate, &c.

Pro Presbytero Cardinali dicatur: famulum tuum *N.* Presbyterum Cardinalem Sacerdotali fecisti, &c.

Pro Diacono autem Cardinali dicitur Oratio, Inclina Domine, quæ habetur paulò infra, hoc modo: Vt animam famuli tui N. Diaconi Cardinalis, quam de hoc sæculo, &c.

Pro

Pro defuncto Sacerdote, Oratio.

DEus, qui inter Apostolicos Sacerdotes, famulum tuum **N.** Sacerdotali fecisti dignitate vigere; præsta quæsumus, vt eorum quoque perpetuo aggregetur consortio.

Vel Oratio.

Præsta quæsumus Domine, vt anima famuli tui **N.** Sacerdotis, quem in hoc sæculo commorantem sacris muneribus decorasti, in cælesti sede gloriosa semper exultet. Per Christum Dominum nostrum.

Pro vno defuncto, Oratio.

Incлина Domine aurem tuam ad preces nostras, quibus misericordiam tuam supplices deprecamur, vt animam famuli tui **N.** quam de hoc sæculo migrare iussisti, in pacis ac lucis regione constituas, & Sanctorum tuorum iubeas esse consortem. Per Christum Dominum nostrum. **R.** Amen.

Pro vna defuncta, Oratio.

Quæsumus Domine, pro tua pietate miserere animæ famulæ tuæ **N.** & à contagiis mortalitatis exutam, in æternæ saluationis partem restitue. Per Christum Dominum nostrum. **R.** Amen.

Pro defunctis fratribus, propinquis, & benefactoribus.

DEus veniæ largitor, & humanæ salutis amator: quæsumus clementiam tuam, vt nostræ congregationis fratres, propinquos, &

N 3 bene-

Pro

benefactores, qui ex hoc sæculo transferunt; beata Maria semper Virgine intercedente cum omnibus Sanctis tuis, ad perpetuæ beatitudinis consortium peruenire concedas. Per Christum Dominum nostrum. *R.* Amen.

Pro fidelibus Defunctis generalis Oratio.

Fidelium Deus omnium conditor & redemptor, animabus famulorum famularumque tuarum, remissionem cunctorum tribue peccatorum: vt indulgentiam, quam semper optauerunt, piis supplicationibus consequantur. Qui viuus & regnas in sæcula sæculorum. *R.* Amen.

Ps. Requiem æternam dona eis Domine. *R.* Et lux perpetua luceat eis. *Ps.* Requiescant in pace. *R.* Amen.

AD MATVTINVM,

Inuitatorium.



*R*egem cui omnia viuunt,



*V*enite adoremus.

*C*horus repetit, *R*egem, &c.

Psalms 94.



Enite, exultemus Domino,



iubilemus Deo salutari nostro: præoccu-



pemus faciem eius in confessione, &



in psalmis iubilemus ei. **R**egem.



Quoniam Deus magnus Dominus, &



Rex magnus super omnes deos: quo-

N 4

niam

Pfal-



niam non repellet Dominus plebem



suam, quia in manu eius sunt omnes



fines terræ, & altitudines montium.



ipse conspicitur.

Venite.



Quoniam ipse est mare, & ipse fecit il-



lud, & aridas fundaverunt manus eius:

venite



venite adoremus, & procidamus ante



Deum: ploremus coram Domino, qui



fecit nos, quia ipse est Dominus Deus



noster: nos autem populus eius, &



oves pascuæ eius. **R**egem.



Hodie si vocem eius audieritis, nolite

N 5

obdu-



obdu rare corda vestra , sicut in exa-



cerbatione secundum diem tentatio-



nis in deserto: vbi tentauerunt me pa-



tres vestri , probaue runt , & vide-



runt opera me a. **V**enite.



Quadraginta annis proximus fui ge-
nera-



nerationi huic , & dixi , Semper hi



errant corde : ipsi verò non cogno-



uerunt vias meas , quibus iuravi in



i ra mea , si introi bunt in requiem



meam.

Regem.



Requiem æternam dona eis Domine, &
lux



lux perpetua luceat e is. **V**enite.



Regem cu i omnia viuunt, Veni-



te adoremus.



Antiph. Di rige. E u o u a e.

Psalms 5.

Verba mea auribus percipe Domine, * intellige clamorem meum.

Intende voci orationis meæ, * rex meus, & Deus meus.

Quoniam ad te orabo: * Domine, manè exaudies vocem meam.

Manè adstabo tibi, & videbo: * quoniam non Deus volens iniquitatem tu es.

Ne-

Neque habitabit iuxta te malignus : * neque permanebunt iniusti ante oculos tuos.

Odisti omnes, qui operantur iniquitatem : * perdes omnes, qui loquuntur mendacium.

Virum sanguinum & dolosum abominabitur Dominus : * ego autem in multitudine misericordiae tuae.

Introuibo in domum tuam : * adorabo ad templum sanctum tuum in timore tuo.

Domine deduc me in iustitia tua : * propter inimicos meos dirige in conspectu tuo viam meam.

Quoniam non est in ore eorum veritas : * cor eorum vanum est.

Sepulchrum patens est guttur eorum, linguis suis dolosè agebant, * iudica illos Deus.

Decidant à cogitationibus suis, secundùm multitudinem impietatum eorum expelle eos, * quoniam irritauerunt te Domine.

Et lætentur omnes, qui sperant in te, * in æternum exultabunt, & habitabis in eis.

Et gloriabuntur in te omnes, qui diligunt nomen tuum, * quoniam tu benedices iusto.

Domine, vt scuto bonæ voluntatis tuæ * coronasti nos. **R**equiem æternam.



Antiph. Di rige Domine Deus meus

in



in conspectu tuo vi am meam.



Antiph. Conuertere Domine. E u o u a e.

Psalms 6.

Domine, ne in furore tuo arguas me: * neque in ira tua corripas me.

Miserere mei Domine, quoniam infirmus sum: * sana me Domine, quoniam conturbata sunt ossa mea.

Et anima mea turbata est valdè: * sed tu Domine vsquequò?

Conuertere Domine, & eripe animam meam: * saluum me fac propter misericordiam tuam.

Quoniam non est in morte qui memor sit tui: * in inferno autem quis confitebitur tibi?

Laborauit in gemitu meo, lauabo per singulas noctes lectum meum: * lacrymis meis stratum meum rigabo.

Turbatus est à furore oculus meus: * inueteraui inter omnes inimicos meos.

Discedite à me omnes qui operamini iniquitatem: * quoniam exaudiuit Dominus vocem fletus mei.

Exau-

Officium Defunctorum. 199

Exaudiuit Dominus deprecationem meam, *
Dominus orationem meam suscepit.

Erubescant & conturbentur vehementer omnes inimici mei: * conuertantur & erubescant valdè velociter.

Requiem æternam;



Antiph. Conuertere Domine, & eripe



animam meam: quoniam non est in



morte, qui memor fit tui.



Antiph. Ne quando. Euouae.

Psalms 7.

Domine Deus meus, in te speraui: * saluum me fac ex omnibus persequentibus me, & libera me.

Ne

Ne quando rapiat vt leo animā meam, * dum non est qui redimat, neque qui saluum faciat.

Domine Deus meus, si feci istud, * si est iniquitas in manibus meis.

Si reddidi retribuētibus mihi mala, * decida meritò ab inimicis meis inanis.

Persequatur inimicus animam meam, & comprehendat, & conculcet in terra vitam meam, * & gloriam meam in puluerem deducat.

Exurge Domine in ira tua: * & exaltare in finibus inimicorum meorum.

Et exurge Domine Deus meus in præcepto quod mandasti: * & synagoga populorum circumdabit te.

Et propter hanc in altum regredere: * Dominus iudicat populos.

Iudica me Domine secundum iustitiā meam, * & secundum innocentiam meam super me.

Consumetur nequitia peccatorum, & diriges iustum, * scrutans corda & renes Deus.

Iustum adiutorium meum à Domino, * qui saluos facit rectos corde.

Deus iudex iustus, fortis, & patiens: * numquid irascitur per singulos dies?

Nisi conuersi fueritis, gladium suum vibrabit: * arcum suum tetendit, & parauit illum.

Et in eo parauit vasa mortis, * sagittas suas ardentibus effecit.

Ecce parturijt iniustitiam: * concepit dolorem, & peperit iniquitatem.

Officium Defunctorum.

201

Lacum aperuit, & effodit eum: * & incidit in foueam quam fecit.

Conuertetur dolor eius in caput eius: * & in verticem ipsius iniquitas eius descendet.

Confitebor Domino secundum iustitiam eius: * & psallam nomini Domini altissimi.

Requiem æternam.



Antiph. Ne quando rapiat vt leo animam



meam, dum non est qui re dimat, neque



qui saluum fa ci at. ψ . A porta inferi.



Re. Erue Domine animas eorum.

Pater noster. totum secretò.

Lectiones leguntur sine Absolutione, Benedictionibus, & Titulo.

O

Lectio

Parce mihi Domine, nihil enim sunt dies mei. Quid est homo, quia magnificas eum? aut quid apponis erga eum cor tuum? Visitas eum diluculo, & subito probas illum. Vsq̄uequò non parcis mihi, nec dimittis me, vt glutiam saliuam meam? Peccaui, quid faciam tibi o custos hominum? quare posuisti me contrarium tibi, & factus sum mihi metip̄si grauis? Cur non tollis peccatum meum, & quare non aufers iniquitatem meam? ecce, nunc in puluere dormiam: & si manè me quæseris, non subsistam.

Lectio terminatur sine Tu autem. vel alia conclusione.



R. Credo quòd Redemptor me us vi-



uit, & in nouissimo di e de ter-



ra surrectu rus sum: **E**t in carne
mea



me a videbo De um saluato rem



me um. *ŷ*. Quem visurus sum ego



ipse, & non a lius, & o culi me i



conspectu ri sunt. Et in carne.

Lectio ij.

Iob 10.

Tædet animam meam vitæ meæ, dimit-
tam aduersum me eloquium meum, lo-
quar in amaritudine animæ meæ. Dicam Deo:
Noli me condemnare: indica mihi cur me ita
iudices. Numquid bonum tibi videtur, si ca-
lumnieris me, & opprimas me opus ma-
nuum tuarum, & consilium impiorum adiu-
ues? Numquid oculi carnei tibi sunt: aut sicut
videt homo, & tu videbis? Numquid sicut

O 2

dies

dies hominis diestui, & anni tui sicut humana sunt tempora, ut quæras iniquitatem meam, & peccatum meum scruteris? Et scias quia nihil impium fecerim, cum sit nemo qui de manu tua possit eruere.



Resp. Qui Lazarum resuscitasti à monu-



mento fœtidum: **Tu** eis Domine do-



na requiem, & locum indulgen-



tia. *Verf.* Qui venturus es iudicare



vi uos & mortuos, & sæculum per ignem.



i gnem. Tu eis Domine.

Lectio iij. Job 10.

Manus tuæ fecerunt me, & plasmaverunt me totum in circuitu: & sic repente præcipitas me? Memento quæso quod sicut lutum feceris me, & in pulverem reduces me. Nonne sicut lac mulsisti me, & sicut caseum me coagulasti? Pelle & carnibus vestisti me, ossibus & nervis compegisti me. Vitam & misericordiam tribuisti mihi, & visitatio tua custodiuit spiritum meum.



Resp. Domine, quando veneris iudicare ter-



ram, vbi me abscondam à vultu iræ



tu æ? Quia peccavi nimis in vita mea.

O 3



me . 2. *ψ*. Commissa mea pauesco,



& ante te erubesco : dum veneris iu-



dicare , noli me condemna re.



*Q*uia peccaui. *ψ*. Requiem æternam do-



na eis Dómine : & lux perpe tua lu-



ceat e is. *Q*uia peccaui.

IN

IN SECUNDO NOCTVRNO.



Antiph. In loco pascuæ. E u o u a e.

Psalmus 22.

Dominus regit me, & nihil mihi deerit: *
in loco pascuæ ibi me collocauit.

Super aquam refectiois educauit me: * ani-
mam meam conuertit.

Deduxit me super semitas iustitiæ, * propter
nomen suum.

Nam, & si ambulauero in medio umbræ mor-
tis, non timebo mala: * quoniam tu mecum es.

Virga tua, & baculus tuus: * ipsa me conso-
lata sunt.

Parasti in conspectu meo mensam, * aduersus
eos qui tribulant me.

Impinguasti in oleo caput meum, * & calix
meus inebrians quàm præclarus est!

Et misericordia tua subsequetur me, * omni-
bus diebus vitæ meæ.

Et vt inhabitem in domo Domini, * in longi-
tudinem dierum. **R**equiem æternam.



Antiph. In loco pascuæ ibi me collocauit.



Antiph. Delicta. E u o u a e.

Psalmus 24.

AD te Domine leuavi animam meam : *
Deus meus in te confido , non erube-
scam :

Neque irrideant me inimici mei : * etenim vni-
uersi , qui sustinent te , non confundentur .

Confundantur omnes iniqua agentes * su-
peruacue :

Vias tuas Domine demonstra mihi : * & semi-
tas tuas edoce me .

Dirige me in veritate tua , & doce me : * quia tu
es Deus saluator meus , & te sustinui tota die .

Reminiscere miserationum tuarum Domine , *
& misericordiarum tuarum , quæ à sæculo sunt .

Delicta iuuentutis meæ , * & ignorantias meas
ne memineris .

Secundum misericordiam tuam memento
mei tu : * propter bonitatem tuam Domine .

Dulcis & rectus Dominus : * propter hoc le-
gem dabit delinquentibus in via .

Diriget mansuetos in iudicio : * docebit mites
vias suas .

Vniuersæ viæ Domini , misericordia & veri-
tas : * requirentibus testamentum eius , & testi-
monia eius .

Propter nomen tuum Domine propitiaberis peccato meo: * multum est enim.

Quis est homo qui timet Dominum? * legem statuit ei in via, quam elegit.

Anima eius in bonis demorabitur: * & semen eius hereditabit terram.

Firmamentum est Dominus timentibus eum: * & testamentum ipsius vt manifestetur illis.

Oculi mei semper ad Dominum: * quoniam ipse euellet de laqueo pedes meos.

Respice in me, & miserere mei: * quia vnicus & pauper sum ego.

Tribulationes cordis mei multiplicatae sunt: * de necessitatibus meis erue me.

Vide humilitatem meam & laborem meum: * & dimitte vniuersa delicta mea.


Respice inimicos meos, quoniam multiplicati sunt, * & odio iniquo oderunt me.

Custodi animam meam, & erue me: * non erubescam, quoniam speraui in te.

Innocentes & recti adhaeserunt mihi: * quia sustinui te.

Libera Deus Israël, * ex omnibus tribulationibus suis.

Requiem aeternam.



Antiph. Deli cta iuuentutis me æ, & igno-
rantias



rantias me as ne memineris Domine.



Antiph. Credo vide re. E u o u a e.

Psalmus 26.

Dominus illuminatio mea, & salus mea, *
quem timebo?

Dominus protector vitæ meæ, * à quo trepi-
dabo?

Dum appropiant super me nocentes, * vt e-
dant carnes meas:

Qui tribulant me inimici mei, * ipsi infirmati
sunt, & ceciderunt.

Si consistant aduersum me castra, * non time-
bit cor meum.

Si exurgat aduersum me proelium, * in hoc
ego sperabo.

Vnam petij à Domino, hanc requiram, * vt in-
habitè in domo Dñi omnibus diebus vitæ meæ:

Vt videam voluptatem Domini, * & visitem
templum eius.

Quoniam abscondit me in tabernaculo suo: *
in die malorum protexit me in abscondito ta-
bernaculi sui.

Officium Defunctorum.

211

In petra exaltauit me : * & nunc exaltauit caput meum super inimicos meos.

Circuiui, & immolaui in tabernaculo eius hostiam vociferationis : * cantabo, & psalmum dicam Domino.

Exaudi Domine vocem meam, qua clamaui ad te : * miserere mei, & exaudi me.

Tibi dixit cor meum, exquisiuit te facies mea : * faciem tuam Domine requiram.

Ne auertas faciem tuam à me : * ne declines in ira à seruo tuo.

Adiutor meus esto : * ne derelinquas me, neque despicias me Deus salutaris meus.

Quoniam pater meus & mater mea dereliquerunt me : * Dominus autem assumpsit me.

Legem pone mihi Domine in via tua : * & dirige me in semitam rectam propter inimicos meos.

Ne tradideris me in animas tribulantium me : * quoniam insurrexerunt in me testes iniqui, & mentita est iniquitas sibi.

Credo videre bona Dñi * in terra viuentium.

Expecta Dominum, viriliter age : * & confortetur cor tuum, & sustine Dominum.

Requiem æternam.



Antiph. Credo vide re bona Domini in
terra



terra viuentium. *Verf.* Collocet eos Do-



mi nus cum principibus. *Resp.* Cum



princi pibus populi su i.

*P*ater noster. *totum secretò.*

Lectio iiii. Iob 13. d

Responde mihi : Quantas habeo iniquitates & peccata, scelera mea & delicta ostende mihi. Cur faciem tuam abscondis, & arbitraris me inimicum tuum? Contra folium, quod vento rapitur, ostendis potentiam tuam, & stipulam siccam persequeris. Scribis enim contra me amaritudines, & consumere me vis peccatis adolescentiæ meæ. Posuisti in neruo pedem meum, & obseruasti omnes semitas meas, & vestigia pedum meorum considerasti. Qui quasi putredo consumendus sum, & quasi vestimentum quod comeditur à tinea.

R. Me-



Resp. Memen to me i De us quia ven-



tus est vita me a, **Nec** aspiciat me vi-



fus ho minis. **Vers.** De profun dis cla-



maui ad te Domine, Do mine exau-



di vocem me am. **Nec** aspiciat.

Lectio v.

Iob 14.

HOmo natus de muliere, breui viuens tempore, repletur multis miserijs. Qui quasi flos egreditur & conteritur, & fugit vel-
ut

ut umbra, & numquam in eodem statu permanet. Et dignum ducis super huiuscemodi aperire oculos tuos, & adducere eum tecum in iudicium? Quis potest facere mundum de immundo conceptum semine? nonne tu qui solus es? Breues dies hominis sunt, numerus mensium eius apud te est: constituisti terminos eius, qui præteriri non poterunt. Recede paululum ab eo, ut quiescat, donec optata veniat, sicut mercenarij dies eius.



℞. He i mihi Domine, quia pecca ui ni-



mis in vita me a. Quid faciam mi-



fer? vbi fugiam, nisi ad te Deus,



me us? **M**iserere me i, dum veneris



neris in nouissimo di e. **ŷ.** A nima



me a turbata est val dè, sed tu Do-



mine succurre e i. **M**ise re re.

Lectio vj.

Iob 14. c

Quis mihi hoc tribuat, vt in inferno prote-
gas me, & abscondas me, donec pertrans-
eat furor tuus, & constituas mihi tempus, in
quo recorderis mei? Putásne mortuus homo
rursùm uiuat? Cunctis diebus, quibus nunc
milito, exspecto donec veniat immutatio meã.
Vocabis me, & ego respondebo tibi: operi ma-
nuum tuarum porriges dexteram. Tu quidem
gressus meos dinumerasti, sed parce peccatis
meis.



ŷ. Ne recorde ris peccata mea Domine,

Dum



Dum veneris iudica re sæculum per



ignem. ̇ Di rige Domine De us me us



in conspectu tu o vi am me am.



Dum veneris. ̇ Re quem æternam



dona eis Domine : & lux perpe tua



lu ceat e is. Dum veneris.

IN TERTIO NOCTVRNO.



Antiph. Complacet. E u o u a e.

Psalms 39.

EXpectans expectaui Dominum, * & intendit mihi.

Et exaudiuit preces meas: * & eduxit me de lacu miseræ, & de luto fæcis.

Et statuit super petram pedes meos: * & direxit gressus meos.

Et immisit in os meum canticum nouum, * carmen Deo nostro.

Videbunt multi & timebunt: * & sperabunt in Domino.

Beatus vir, cuius est nomen Domini spes eius: * & non respexit in vanitates & infanias falsas.

Multa fecisti tu Domine Deus meus mirabilia tua: * & cogitationibus tuis non est qui similis sit tibi.

Annuntiaui, & locutus sum: * multiplicati sunt super numerum.

Sacrificium & oblationem noluisti: * aures autem perfecisti mihi.

Holocaustum & pro peccato non postulasti: * tunc dixi: Ecce venio.

In capite libri scriptum est de me, vt facerem
 P volun-

voluntatem tuam: * Deus meus volui, & legem tuam in medio cordis mei.

Annuntiaui iustitiam tuam in ecclesia magna, * ecce labia mea non prohibebo: Domine tu scisti.

Iustitiam tuam non abscondi in corde meo: * veritatem tuam & salutare tuum dixi.

Non abscondi misericordiam tuam, & veritatem tuam: * à concilio multo.

Tu autem Domine ne longè facias miserationes tuas à me: * misericordia tua & veritas tua semper susceperunt me.

Quoniam circumdederunt me mala, quorum non est numerus: * comprehenderunt me iniquitates meæ, & non potui vt viderem.

Multiplicatæ sunt super capillos capitis mei: * & cor meum dereliquit me.

Complaceat tibi Domine vt eruas me: * Domine ad adiuvandum me respice.

Confundantur & reuereantur simul qui quærunt animam meam, * vt auferant eam.

Conuertantur retrorsum, & reuereantur * qui volunt mihi mala.

Ferant confestim confusionem suam, * qui dicunt mihi: Euge, euge.

Exultent, & lætentur super te omnes quærentes te: * & dicant semper: Magnificetur Dominus, qui diligunt salutare tuum.

Ego autem mendicus sum, & pauper: * Dominus sollicitus est mei.


Adiutor

Officium Defunctorum.

219

Adiutor meus, & protector meus tu es: * Deus meus ne tardaueris.

Requiem æternam.



Añã. Complaceat tibi Domine, vt eri pius



me: Domine ad adiuuandum me respice.



Antiph. Sana Domine. E u o u a e.

Psalms 40.

Beatissimus qui intelligit super egenum & pauperem: * in die mala liberabit eum Dominus.

Dominus conseruet eum, & viuificet eum, & beatum faciat eum in terra: * & non tradat eum in animam inimicorum eius.

Dominus opem ferat illi super lectum doloris eius: * vniuersum stratum eius versasti in infirmitate eius.

Ego dixi: Domine miserere mei: * sana animam meam, quia peccaui tibi.

Inimici mei dixerunt mala mihi : * Quando morietur , & peribit nomen eius?

Et si ingrediebatur vt videret , vana loquebatur , * cor eius congregauit iniquitatem sibi.

Egrediebatur foras , * & loquebatur in idiplum.

Aduersum me susurrabant omnes inimici mei : * aduersum me cogitabant mala mihi.

Verbum iniquum constituerunt aduersum me : * Numquid qui dormit , non adijciet vt resurgat ?

Etenim homo pacis meæ , in quo speraui : * qui edebat panes meos , magnificauit super me supplantationem.

Tu autem Domine miserere mei , & resuscita me : * & retribuam eis.

In hoc cognoui , quoniam voluisti me : * quoniam non gaudebit inimicus meus super me.

Me autem propter innocentiam suscepisti : * & confirmasti me in conspectu tuo in æternum.

Benedictus Dominus Deus Israël à sæculo , & vsque in sæculum : * fiat , fiat.

Requiem æternam.



Antiph. Sana Domine ani mam meam,
quia



quia peccaui tibi.



Antiph. Siti uit. E u o u a e.

Psalms 41.

Quemadmodum desiderat ceruus ad fontes aquarum: * ita desiderat anima mea ad te Deus.

Sitiuit anima mea ad Deum fortem uiuum: * quando veniam & apparebo ante faciem Dei?

Fuerunt mihi lacrymæ meæ panes die ac nocte: * dum dicitur mihi quotidie: Vbi est Deus tuus?

Hæc recordatus sum, & effudi in me animam meam: * quoniam transibo in locum tabernaculi admirabilis, vsque ad domum Dei:

In voce exultationis, & confessionis: * sonus epulantis.

Quare tristis es anima mea? * & quare conturbas me?

Spera in Deo, quoniam adhuc confitebor illi: * salutare vultus mei, & Deus meus.

Ad meipsum anima mea conturbata est: *

propterea memor ero tui de terra Iordanis, & Hermonijm à monte modico.

A byssus abyssum inuocat, * in voce cataractarum tuarum.

Omnia excelsa tua, & fluctus tui * super me transferunt.

In die mandauit Dominus misericordiam suam: * & nocte canticum eius.

A pud me oratio Deo vitæ meæ, * dicam Deo, Susceptor meus es.

Quare oblitus es mei: * & quare contristatus incedo, dum affligit me inimicus?

Dum confringuntur ossa meæ, * exprobrauerunt mihi qui tribulant me inimici mei.

Dum dicunt mihi per singulos dies: Vbi est Deus tuus? * quare tristis es anima mea? & quare conturbas me?

Spera in Deo, quoniam adhuc confitebor illi: * salutare vultus mei, & Deus meus.

Requiem æternam.



Antiph. Siti uis anima mea ad Deum ui-



uum: quando veniam, & apparebo ante faciem



faciem Domini? *ψ*. Ne tradas bestijs ani-



mas confitentes ti bi. *℞*. Et animas pau-



perum tuorum ne obliuiscaris in finem.

Pater noster. *torum secretò.*

Lectio vij.

Iob 17.

Spiritus meus attenuabitur, dies mei breuiabuntur, & solum mihi superest sepulchrum. Non peccaui, & in amaritudinibus moratur oculus meus. Libera me Domine, & pone me iuxta te, & cuiusuis manus pugnet contra me. Dies mei transferunt, cogitationes meæ dissipatæ sunt, torquentes cor meum. Noctem verterunt in diem, & rursus post tenebras spero lucem. Si sustinero, infernus domus mea est, & in tenebris strati lectulum meum. Putredini dixi, Pater meus es: mater mea & soror mea, vermibus. Vbi est ergo nunc præstolatio mea, & patientiam meam quis consideret?

P 4

℞. Pec-



B. Peccantem me quoti die, & non me



pœnitentem, timor mortis conturbat



me : **Q**uia in inferno nulla est redem-



ptio, miserere mei Deus, & salua me.



ÿ. De us in nomine tuo saluum me fac,



& in virtute tua li bera me. **Q**uia.

Lectio

Officium Defunctorum.

225

Lectio viij.

Iob 19. c

Pelli meæ, consumptis carnibus, adhæsit os meum, & derelicta sunt tantummodò labia circa dentes meos. Miseremini mei, miseremini mei, saltem vos amici mei, quia manus Dñi tetigit me. Quare persequimini me sicut Deus, & carnibus meis saturamini? Quis mihi tribuat vt scribantur sermones mei? quis mihi det vt exarentur in libro stylo ferreo, & plumbi lamina, vel celte sculpantur in filice? Scio enim quòd redemptor meus viuit, & in nouissimo die de terra surrecturus sum: & rursum circumdabor pelle mea, & in carne mea videbo Deum meum. Quem visurus sum ego ipse, & oculi mei conspecturi sunt, & non alius: reposita est hæc spes mea in sinu meo.



R. Domine, secundum actum meum noli



me iudicare: nihil dignum in conspectu



tu o ego: idèò deprecor maiestatem

P 5

tuam,



tu am, **Vt** tu Deus dele as iniqui-



tatem me am. **Ÿ.** Ampliùs



laua me Domine ab iniu sti-



ria me a, & à delicto me o mun-



da me. **Vt** tu Deus.

Lectio ix. *Iob 10. d*

Quare de vulua eduxisti me? qui vtinam
consumptus essem ne oculus me videret.
Fuissem quasi non essem, de vtero translatus
ad tumulum. Numquid non paucitas dierum
meo-

Officium Defunctorum.

227

meorum finietur breuî? Dimitte ergo me, vt
plangam paululum dolorem meum:antequam
vadam & non reuertar, ad terram tenebrosam,
& opertam mortis caligine: terram miseræ &
tenebrarum, vbi vmbra mortis, & nullus or-
do, sed sempiternus horror inhabitat.



R. Libera me Domine de vi is inferni, qui



portas æreas confregisti, & visitasti infer-



num, & dedisti e is lumen, vt viderent te:



Qui erant in pœnis tenebra rum.



ÿ. Clamantes & di centes, Aduenisti Re-
dem-



demptor no ster. Qui erant. *ψ*. Re-



quem æternam dona eis Domine: & lux



perpetua lu ceat e is. Qui erant.

*Aliud Responsorium, videlicet, L*ibera me Domine. quod dicitur in festo omnium Defunctorum, & quando dicuntur nouem Lectio- nes, require fol. 170.

A D L A V D E S

absolutè incipitur Antiphona.



Exul tabunt Domino. Euouae.

*Psalms 50. M*iserere mei Deus. vt suprà folio 102.

Añã.



Añã. Exul tabunt Dño ossa humili ata.



Antiph. Exaudi Domine. E u o u a e.

Psalms 64.

TE decet hymnus Deus in Sion : * & tibi reddetur votum in Ierusalem.

Exaudi orationē meā : * ad te omnis caro veniet.

Verba iniquorum præualuerunt super nos : * & impietatibus nostris tu propitiaberis.

Beatus, quem elegisti, & assumpsisti : * inhabitabit in atrijs tuis.

Replebimur in bonis domus tuæ : * sanctum est templum tuum, mirabile in æquitate.

Exaudi nos Deus salutaris noster, * spes omnium finium terræ, & in mari longè.

Præparans montes in virtute tua, accinctus potentia : * qui conturbas profundum maris, sonum fluctuum eius.

Turbabuntur gentes, & timebunt qui habitant terminos à signis tuis : * exitus matutini & vespere delectabis.

Visitasti terram, & inebriasti eam : * multiplicasti locupletare eam.

Flu-

Flumen Dei repletum est aquis, parasti cibum illorum: * quoniam ita est præparatio eius.

Riuos eius inebria, multiplica genimina eius: * in stillicidijs eius lætabitur germinans.

Benedices coronæ anni benignitatis tuæ: * & campi tui replebuntur vbertate.

Pinguescent speciosa deserti: * & exultatione colles accingentur.

Induti sunt arietes ouium, & valles abundant frumento: * clamabunt, etenim hymnum dicent.

Requiem æternam.



Antiph. Exaudi Domine orationem meam,



ad te omnis caro veniet.



Antiph. Me fufce pit. E u o u a e.

Pfalms 62.

Deus Deus meus * ad te de luce vigilo.
Sitiuit in te anima mea, * quàm multipliciter tibi caro mea.

In

Officium Defunctorum.

231

In terra deserta, & inuia, & inaquosa: * sic in sancto apparui tibi, vt viderem virtutem tuam, & gloriam tuam.

Quoniam melior est misericordia tua super veritas: * labia mea laudabunt te.

Sic benedicam te in vita mea: * & in nomine tuo leuabo manus meas.

Sicut adipe & pinguedine repleatur anima mea: * & labiis exultationis laudabit os meum.

Si memor fui tui super stratum meum, in matutinis meditabor in te: * quia fuisti adiutor meus.

Et in velamento alarum tuarum exultabo, adhæsit anima mea post te: * me suscepit dextera tua.

Ipsi verò in vanum quæsierunt animam meam, introibunt in inferiora terræ: * tradentur in manus gladij, partes vulpium erunt.

Rex verò lætabitur in Deo, laudabuntur omnes qui iurant in eo: * quia obstructum est os loquentium iniqua.

Psalms 66.

Deus misereatur nostri, & benedicat nobis: * illuminet vultum suum super nos, & misereatur nostri.

Vt cognoscamus in terra viam tuam: * in omnibus gentibus salutare tuum.

Confiteantur tibi populi Deus: * confiteantur tibi populi omnes.

Lætentur & exultent gentes: * quoniã iudicas populos in æquitate, & gentes in terra dirigis.

Con-

Confiteantur tibi populi Deus: confiteantur tibi populi omnes: * terra dedit fructum suum.

Benedicat nos Deus, Deus noster, benedicat nos Deus: * & metuant eum omnes fines terræ.

Requiem æternam.



Añs. Me susce pit dextera tua Domine.



Antiph. A porta inferi. E u o u a e.

Canticum Ezechiaë. *Isaie 38.*

Ego dixi, In dimidio dierum meorum * vadam ad portas inferi.

Quæsiui residuum annorum meorum. * dixi: Non videbo Dominum Deum in terra viventium.

Non aspiciam hominem vltra, * & habitatorem quietis.

Generatio mea ablata est; & conuoluta est à me, * quasi tabernaculum pastorum.

Præcisâ est velut à texente, vita mea: dum adhuc ordire, succidit me: * de manè vsque ad vesperam finies me.

Sperabam vsque ad manè, * quasi leo sic contriuit omnia ossa mea.

De

Officium Defunctorum.

233

De manè vsque ad vesperam finies me: * sicut pullus hirundinis sic clamabo, meditabor vt columba:

Atenuati sunt oculi mei, * suspicientes in excelsum.

Domine vim patior, responde pro me. * Quid dicam, aut quid respondebit mihi, cum ipse fecerit?

Recogitabo tibi omnes annos meos * in amaritudine animæ meæ.

Domine si sic viuitur, & in talibus vita spiritus mei, corripies me, & viuificabis me. * Ecce in pace amaritudo mea amarissima.

Tu autem eruisti animam meam vt non periret, * proiecisti post tergum tuum omnia peccata mea.

Quia non infernus confitebitur tibi, neque mors laudabit te: * non expectabunt qui descendunt in lacum, veritatem tuam.

Viuens viuens ipse confitebitur tibi, sicut & ego hodie: * pater filijs notam faciet veritatem tuam.

Domine saluum me fac, * & psalmos nostros cantabimus cunctis diebus vitæ nostræ in domo Domini. **R**equiem æternam.



Antiph. A porta inferi, e rue Domi-
ne

De



ne ani mam meam.



Añã. Omnis spi ritus. E u o u a e.

Pſalmus 148.

Laudate Dominum de cælis: * laudate eum in excelsis.

Laudate eum omnes Angeli eius: * laudate eum omnes virtutes eius.

Laudate eum ſol & luna: * laudate eum omnes ſtellæ & lumen.

Laudate eum cæli cælorum: * & aquæ omnes quæ ſuper cælos ſunt, laudent nomen Domini.

Quia ipſe dixit, & facta ſunt: * ipſe mandauit, & creata ſunt.

Statuit ea in æternum, & in ſæculum ſæculi: * præceptum poſuit, & non præteribit.

Laudate Dominum de terra: * dracones, & omnes abyſſi.

Ignis, grando, nix, glacies, ſpiritus procellarum: * quæ faciunt verbum eius:

Montes, & omnes colles: * ligna fructifera, & omnes cedri.

Beſtiæ,

Bestiarum, & vniuersa pecora: * serpentes, & volucres pennatae:

Reges terrarum, & omnes populi: * principes, & omnes iudices terrarum.

Iuvenes, & virgines: senes cum iunioribus laudent nomen Domini: * quia exaltatum est nomen eius solius.

Confessio eius super caelum & terram: * & exaltauit cornu populi sui.

Hymnus omnibus sanctis eius: * filiis Israël, populo appropinquanti sibi.

Psalms 149.

Cantate Domino canticum nouum: * laus eius in ecclesia sanctorum.

Lætetur Israël in eo, qui fecit eum: * & filij Sion exultent in rege suo.

Laudent nomen eius in choro: * in tympano, & psalterio psallant ei.

Quia beneplacitum est Domino in populo suo: * & exaltabit mansuetos in salutem.

Exultabunt sancti in gloria: * lætabuntur in cubilibus suis.

Exaltationes Dei in gutture eorum: * & gladij ancipites in manibus eorum:

Ad faciendam vindictam in nationibus: * increpationes in populis.

Ad alligandos reges eorum in compedibus: * & nobiles eorum in manicis ferreis.

Vt faciant in eis iudicium conscriptum: * gloria hæc est omnibus sanctis eius.

Laudate Dominum in sanctis eius : * laudate eum in firmamento virtutis eius.

Laudate eum in virtutibus eius : * laudate eum secundum multitudinem magnitudinis eius.

Laudate eum in sono tubæ : * laudate eum in psalterio, & cithara.

Laudate eum in tympano, & choro : * laudate eum in chordis, & organo.

Laudate eum in cymbalis benesonantibus : laudate eum in cymbalis iubilationis : * omnis spiritus laudet Dominum.

Requiem æternam.



Antiph. Omnis spiritus laudet Dominum.



V. Audiui vocem de celo dicentem mihi.



R. Beati mortui, qui in Domino moriuntur.

Antiph.



Antiph. Ego sum. E u o u a e.

Canticum Zachariae. *Luce 1.*

Benedictus Dominus Deus Israël, * quia
visitauit, & fecit redemptionem ple-
bis suæ:

Et erexit cornu salutis nobis: * in domo Da-
uid pueri sui.

Sicut locutus est per os sanctorum, * qui à sæ-
culo sunt prophetarum eius.

Salutem ex inimicis nostris, * & de manu om-
nium qui oderunt nos.

Ad faciendam misericordiam cum patribus
nostris: * & memorari testamenti sui sancti.

Iusiurandum, quod iurauit ad Abraham pa-
trem nostrum, * daturum se nobis:

Vt sine timore de manu inimicorum nostro-
rum liberati, * seruiamus illi.

In sanctitate & iustitia coram ipso, * omnibus
diebus nostris.

Et tu puer, Propheta Altissimi vocaberis: * præ-
ibis enim ante faciem Domini parare vias eius:

Ad dandam scientiam salutis plebi eius: * in
remissionem peccatorum eorum.

Per viscera misericordiae Dei nostri: * in qui-
bus visitauit nos, oriens ex alto.

Illuminare his, qui in tenebris, & in umbra
mortis

mortis sedent: * ad dirigendos pedes nostros
in viam pacis. **R**equiem æternam.



Antiph. Ego sum resurrectio, & vi ta: qui



credit in me, etiam si mortuus fuerit,



viuet: & omnis qui viuit, & credit in



me, non morie tur in æ ternum.

Deinde Pater noster. **Psalm.** De profundis.
fol. 182. cum **P**recibus & **O**rationibus **O**fficio
congruentibus, vt supra in **V**esperis.

De officio faciēdo in exequijs, absente corpore defuncti, & in die tertio, septimo, trigesimo, & anniuersario.

SI faciendæ sint exequiæ absente corpore, eo die, quo benè visum fuerit, in Ecclesia dicatur

Officium Defunctorum. 239

catur Officium mortuorum, cum tribus Nocturnis, & Laudibus, & Antiph. duplicatis, vel saltem vnum Nocturnum cum tribus Lectiombus, & Laudibus, & Missa. Post Missam Celebrans deponit manipulum & planetam, accipit pluuiiale nigri coloris, & præcedentibus Subdiacono cum Cruce, & Clero, & duobus Ceroferarijs cum luminaribus accensis, & duobus Acolythis, vno cum nauicula incensi & thuribulo, & altero cum vasculo Aquæ benedictæ & aspersorio, & hoc libro Rituali, accedit cum Diacono à sinistris ad locum tumuli, & ibi à circumstante Clero cantatur *R.* Libera me Domine, &c. vt suprâ 170. Interim ministratur incensum, benedicitur, & imponitur in thuribulum. postea dicitur: *Kyrie eleison. Christe eleison. Kyrie eleison.* Sacerdos dicit: *Pater noster, &c.* & dum secretò dicitur, accipit aspersorium, circuit tumbam aspergens, deinde incensat eodem modo, vt dictum est. Postea dicit *Ps.* Et ne nos inducas in tentationem. *R.* Sed libera nos à malo. *Ps.* A porta inferi. *R.* Erue Domine animam eius. *Ps.* Requiescat in pace. *R.* Amen. *Ps.* Domine exaudi orationem meam. *R.* Et clamor meus ad te veniat. *Ps.* Dominus vobiscum. *R.* Et cum spiritu tuo.

Oremus.

Absolue, quæsumus Domine, animam famuli tui *N.* [vel famule tuæ] vt defunctus

Q 4

[vel

[*vel defuncta*] sæculo tibi uiuat, & peccata, quæ per fragilitatem carnis humana conuerfatione commifit, tu uenia mifericordiffimæ pietatis abfterge. Per Chriftum Dominum noftrum. *R.* Amen.

Vel dicatur Oratio, quæ dicta eft in Miffa, vel alia conueniens. V. Requiem æternam dona ei Domine. *R.* Et lux perpetua luceat ei. *V.* Requiefcat in pace. *R.* Amen.

Si Officium fuerit pro pluribus defunctis, Oratio & Verfus dicantur in plurali numero: fi fuerit mulier, in genere feminino; fi fuerit Sacerdos, vel Epifcopus, in Oratione exprimitur nomen dignitatis, &c.

Prædictus autem Officij ritus pro defunctis adultis tam Sacerdotibus & Clericis, quàm feccularibus & laicis, feruari debet in Officio fecculaturæ in die deppofitionis, fiue in die tertio, feccimo, trigefimo, & anniuerfario.

De Exequiis paruulorum.

IN primis admonendi funt Parochi, ut iuxta *vetuftam & laudabilem Ecclefiarum confuetudinem, paruulorum corpuscula non fecceliantur in communibus & promifcuis cæmeteriorum & Ecclefiarum fecculaturis; fed ut pro illis in Parochialibus Ecclefiis, aut illarum cæmeteriis, quatenus commodè fieri potèft, fecciales & feccparatos ab aliis loculos & fecculaturas habeant,*

feu

Officium Defunctorum.


241

seu fieri curent, in quibus non sepeliantur, nisi qui baptizati fuerint infantes, vel pueri qui ante annos discretionis obierunt.

In funere paruulorum ut plurimum non pulsantur campana: quòd si pulsentur, non sono lugubri, sed potiùs festiuo pulsari debent.

Ordo sepeliendi paruulos.

Cum igitur infans vel puer baptizatus defunctus fuerit ante usum rationis, induitur iuxta aetatem, & imponitur ei corona de floribus, seu de herbis aromaticis & odoriferis, in signum integritatis carnis & virginitatis, & Parochus superpelliceo & stola alba indutus, & alij de Clero, si adsint, precedente Cruce, que sine hasta deferretur, accedunt ad domum defuncti cum Clerico aspersorium deferente. Sacerdos aspergit corpus, deinde dicit:



Ana. Sit nomen Domini. E u o u a e.

Psalmus 112.

Laudate pueri Dominum: * laudate nomen Domini.

Sit nomen Domini benedictum, * ex hoc nunc & vsque in saeculum.

Q 5

A solis

A solis ortu vsque ad occasum, * laudabile nomen Domini.

Excelsus super omnes Gentes Dominus, * & super cælos gloria eius.

Quis sicut Dominus Deus noster, qui in altis habitat, * & humilia respicit in cælo & in terra?

Suscitans à terra inopem, * & de stercore erigens pauperem :

Vt collocet eum cum principibus, * cum principibus populi sui.

Qui habitare facit sterilem in domo, * matrem filiorum lætantem.

Gloria Patri.



Antiph. Sit nomen Domini benedictum,



ex hoc nunc, & vsque in sæculum.

Dum portatur ad Ecclesiam, dicatur Psalmus Beati immaculati, &c. & si tempus superest, dici potest Psalmus, L audate Dominum de cælis. suprâ. 234. cum aliis duobus sequentibus, & in fine Gloria Patri.

Cùm

Cum autem peruenerint ad Ecclesiam, dicatur



Antiph. Hic accipiet. E u o u a e.

Psalmus 23.

Domini est terra, & plenitudo eius: * or-
bis terrarum, & vniuersi, qui habitant
in eo.

Quia ipse super maria fundauit eum: * & su-
per flumina preparauit eum.

Quis ascendet in montem Domini: * aut quis
stabit in loco sancto eius?

Innocens manibus & mundo corde: * qui non
accepit in vano animam suam, nec iurauit in
dolo proximo suo.

Hic accipiet benedictionem à Domino: * &
misericordiam à Deo salutari suo.

Hæc est generatio quærentium eum, * quæ-
rentium faciem Dei Iacob.

Attollite portas principes vestras, & eleuamini
portæ æternales: * & introibit Rex gloriæ.

Quis est iste Rex gloriæ? * Dominus fortis &
potens, Dominus potens in prælio.

Attollite portas principes vestras, & eleuamini
portæ æternales: * & introibit Rex gloriæ.

Quis est iste Rex gloriæ? * Dominus virtu-
tum ipse est Rex gloriæ. Gloria Patri.

Añã.



Añã Hic accipiet benedictionem à Dño,



& misericordiam à Deo salutarisuo,



quia hæc est generatio quærentium Dñm.

Postea dicitur, **K** yrie eleison. **C**hriste eleison. **K** yrie eleison. **P**ater noster. **secretò. interim corpus aspergit. V̇.** Et ne nos inducas in tentationem. **R̃.** Sed libera nos à malo. **V̇.** Me autem propter innocentiam suscepisti. **R̃.** Et confirmasti me in conspectu tuo in æternum. **V̇.** Dominus vobiscum. **R̃.** Et cum spiritu tuo.

O remus.

Omnipotens & mitissime Deus, qui omnibus paruulis renatis fonte Baptismatis dum migrant à sæculo, sine vllis eorum meritis vitam illicò largiris æternam, sicut animæ huius paruuli hodie credimus te fecisse: fac nos quæsumus Domine, per intercessionem beatæ Mariæ semper virginis, & omnium Sanctorum tuorum hîc purificatis tibi mentibus famu-

Officium Defunctorum.

245

famulari, & in Paradiso cum beatis paruulis perenniter sociari. Per Christum Dominum nostrum. **R.** Amen.

Dum portatur ad tumulum, & etiamsi tunc non portetur, dicitur



Añ. Iu uenes, & uirgines. E u o u a e.

Psalmus. L audate Dominum de cælis, &c. vt supra. fol. 234. & in fine, G loria Patri, &c. & repetitur



Antiph. Iu uenes, & uirgines, fenes cum



iunioribus laudent nomen Domini.

K yrie eleison. **C** hriste eleison. **K** yrie eleison.

P ater noster. **ψ.** Et ne nos inducas in tentationem. **R.** Sed libera nos à malo. **ψ.** Sinite paruulos venire ad me. **R.** Talium est enim regnum cælorum. **ψ.** Dominus uobiscum. **R.** Et cum spiritu tuo. **O** remus.

O Mnipotens sempiterne Deus, sanctæ puritatis amator, qui animam huius paruuli ad

ad cælorum regnum hodie misericorditer vocare dignatus es, digneris etiam Domine ita nobiscum misericorditer agere, vt meritis tuæ sanctissimæ Passionis, & intercessione beatæ Mariæ semper Virginis, & omnium Sanctorum tuorum in eodem regno nos cum omnibus Sanctis & electis tuis semper facias congaudere. Qui viuis & regnas cum Deo Patre in vnitæte Spiritus sancti Deus, per omnia sæcula sæculorum. *R.* Amen.

Deinde Sacerdos corpus aspergat Aqua benedicta, & thurificet similiter, & tumulum, postea sepeliatur.

Cum autem à sepultura reuertuntur in Ecclesiam, dicatur



Antiph. Benedi cite. E u o u a e.

Canticum trium puerorum. Dan. 3.

Benedicite omnia opera Domini Dño : *
laudate & superexaltate eum in sæcula.

Benedicite Angeli Domini Domino : *
benedicite cæli Domino.

Benedicite aquæ omnes, quæ super cælos sunt,
Domino : * benedicite omnes virtutes Domini
Domino.

Benedicite sol & luna Domino : * benedicite
stellæ cæli Domino.

Bene-

Officium Defunctorum.

247

Benedicite omnis imber, & ros Domino : *
benedicite omnes spiritus Dei Domino.

Benedicite ignis & æstus Domino : * benedici-
te frigus & æstus Domino.

Benedicite rores & pruina Domino : * benedi-
cite gelu & frigus Domino.

Benedicite glacies & niues Domino : * bene-
dicite noctes & dies Domino.

Benedicite lux & tenebræ Domino : * benedi-
cite fulgura & nubes Domino.

Benedicat terra Dominum : * laudet & super-
exaltet eum in sæcula.

Benedicite montes & colles Domino : * bene-
dicite vniuersa germinantia in terra Domino.

Benedicite fontes Domino : * benedicite ma-
ria & flumina Domino.

Benedicite cete, & omnia quæ mouentur in
aquis, Domino : * benedicite omnes volucres
cæli Domino.

Benedicite omnes bestia & pecora Domino : *
benedicite filij hominum Domino.

Benedicat Israël Dominum : * laudet & su-
perexaltet eum in sæcula.

Benedicite sacerdotes Domini Domino : * be-
nedicite serui Domini Domino.

Benedicite spiritus & animæ iustorum Domi-
no : * benedicite sancti & humiles corde Do-
mino.

Benedicite Anania, Azaria, Misaël Domino : *
laudate & superexaltate eum in sæcula.

Bene-

Benedicamus Patrem & Filium cum sancto Spiritu : * laudemus & superexaltemus eum in sæcula.

Benedictus es Domine in firmamento cæli : * & laudabilis , & gloriosus , & superexaltatus in sæcula.



Antiph. Benedi cite Dominum omnes



electi eius, agite di es læ ti tiæ, &



con fitemi ni illi.

Deinde ante altare dicit Sacerdos, Dominus vobiscum. **R.** Et cum spiritu tuo.

Oremus.

DEus, qui miro ordine Angelorum ministeria, hominumque dispensas : concede propitius, vt à quibus tibi ministrantibus in cælo semper assistitur, ab his in terra vita nostra muniatur. Per Christum Dominum nostrum. **R.** Amen.

DE SACRAMENTO MATRIMONII.



*P*rocurator admonitus de aliquo matrimonio in sua Parochia contrahendo, primum cognoscat ex his ad quos spectat, qui & quales sint qui matrimonium contrahere volunt:

An inter eos sit aliquod Canonicum impedimentum: Vtrum spontè, liberè, & secundum honestatem Sacramenti velint contrahere: Vtrum sint in etate legitima; ut vir saltem quatuordecim, mulier verò duodecim annos expleuerit, & uterque sciat rudimenta Fidei, cum ea deinde filios suos docere debeant.

Nouerit ex probatis Auctoribus, quæ sint Canonica impedimenta matrimonij contrahendi, & quæ contractum dirimant; & qui sint gradus consanguinitatis & affinitatis, & item cognationis spiritualis ex Baptismi vel Confirmationis Sacramento contractæ.

Habeat in primis ipse benè cognita præcepta illa omnia, quæ in matrimonijs ritè conficiendis seruari oportere, sacri Canones, & præcipuè sancta Synodus Tridentina iussit; dabitque operam, ut illa in Parochia sua accuratè exactèque seruentur.

Præsertim verò meminerit, matrimonia inter raptorem & raptam, dum ipsa in raptoris potestate

R

state

state manserit, inita, necnon clandestina, & qualibet matrimonia, quæ aliter quàm præfente Parocho, vel alio Sacerdote de ipsius Parochi vel Ordinarij licentia, & duobus vel tribus testibus contrahuntur, ex ipsius Concilij decretis irrita omnino ac nulla esse.

Est autem proprius Parochus, qui adesse debet, is, in cuius Parochia matrimonium celebratur, siue viri siue mulieris.

Caveat præterea Parochus, ne facile ad contrahendum matrimonium admittat vagos & peregrinos, & qui incertas habent sedes; neque item eos, qui antea coniugati fuerunt; ut sunt uxores militum, vel captiuorum, vel aliorum qui peregrinantur, nisi diligenter de ijs omnibus facta inquisitione, & re ad Ordinarium delata, ab eoque habita de eiusmodi matrimony celebrandi licentia, quæ gratis concedatur.

Antequam matrimonium contrahatur, ter à proprio contrahentium Parocho continuis diebus festis in Ecclesia intra Missarum solemnias ad ipsius Concilij præscriptum publicè denuntietur, inter quos matrimonium sit contrahendum.

Si verò vir & mulier Parochie sint diuersæ, in utraque Parochia fiant denuntiationes: quibus denuntiationibus factis, si nullum legitimum opponatur impedimentum, ad celebrationem matrimony procedatur. Sed si quid obstat, ultra Parochus non procedat.

Quòd si aliquando probabilis fuerit suspicio, vel

vel alia rationabilis causa subsit, arbitrio Episcopi, matrimonium malitiosè impediri posse, si tot processerint denuntiationes; tunc de licentia Ordinarij, vel una tantùm fiat denuntiatio, vel saltem Parocho, & duobus vel tribus testibus præsentibus matrimonium celebretur. Deinde ante illius consummationem, denuntiationes in Ecclesia fiant; ut si aliqua subsunt impedimenta, faciliùs detegant, nisi aliter Ordinarius ipse expedire iudicauerit.

Has autem denuntiationes Parochus facere non aggrediatur, nisi priùs de vtriusque contrahentis libero consensu sibi benè constet.

Si verò infra duos menses post factas denuntiationes matrimonium non contrahatur, denuntiationes repetantur, nisi aliter Episcopo videatur.

Denuntiationes autem fiant hoc modo. Inter Missarum solemnias Parochus populum admoneat in hanc sententiam vulgari sermone:

Notù sit omnibus hîc præsentibus, quòd **N.** vir, & **N.** mulier, ex tali vel tali familia, & Parochia, Deo adiuuante, intendunt inter se contrahere matrimonium. Proinde admonemus omnes & singulos, ut si quis nouerit aliquod consanguinitatis, vel affinitatis, aut cognationis spiritualis, vel quoduis aliud impedimentum inter eos esse, quod matrimonium contrahendum inuicem impediatur, illud quamprimùm nobis denuntiare debeat, & hoc

admonemus primò , si fuerit prima ; vel secundò , si fuerit secunda ; vel tertio , si fuerit tertia denuntiatio.

Moneat Parochus coniuges , ut ante benedictionem Sacerdotalem in templo suscipiendam in eadem domo non cohabitent , neque matrimonium consumment , nec etiam simul maneant ; nisi aliquibus propinquis , vel aliis presentibus ; quæ benedictio à nullo alio , quàm ab ipso Parocho , seu ab alio Sacerdote de ipsius Parochi vel Ordinarij licentia , fieri debet.

Caueat etiam Parochus , ne quando coniuges in primis nuptiis benedictionem acceperint , eos in secundis benedicat , siue mulier , siue etiam vir ad secundas nuptias transeat . Sed ubi ea viget consuetudo , ut si mulier nemini umquam nupserit , etiamsi vir aliam uxorem habuerit , nuptie benedicantur , ea seruanda est . Sed vidue nuptias non benedicat , etiamsi eius vir nunquam uxorem duxerit.

Matrimonium in Ecclesia maximè celebrari decet ; sed si domi celebratum fuerit , presente Parocho & testibus , sponsi veniant ad Ecclesiam benedictionem accepturi , & tunc caueat Sacerdos , ne iterùm à contrahentibus consensum exigat ; sed tantùm benedictionem illis conferat , celebrata Missa , ut infra dicitur.

Admoneantur praterèa coniuges , ut antequam contrahant , sua peccata diligenter confiteantur , & ad sanctissimam Eucharistiam , atque ad

De Sacramento Matrimonij. 253

ad Matrimonij Sacramentum suscipiendum pie accedant, & quomodo in eo rectè & Christianè conuersari debeant, diligenter instruantur ex diuina Scriptura, exemplo Tobie & Saræ, uerbisq; Angeli Raphaëlis eos edocentis, quàm sanctè coniuges debeant conuiuere.

Postremò meminerint Parochi, à Dominica prima Aduentus vsque ad diem Epiphaniæ, & à Feria quarta Cinerum vsque ad Octauam Paschæ inclusiue, solemnitates nuptiarum prohibitas esse: ut nuptias benedicere, sponsam traducere, nuptialia celebrare conuiuia. Matrimonium autem omni tempore contrahi potest. Nuptiæ uerò qua decet modestia & honestate fiant: sancta enim res est matrimonium, sancteq; tractandum.

Quæ omnia ferè ex sacri Concilij Tridentini decretis desumpta, & item alia, quæ ibi de matrimonio ritè contrahendo præcipiuntur, sunt diligenter seruanda.

Ritus celebrandi Matrimonij
Sacramentum.

Parochus igitur matrimonium celebraturus, publicationibus factis tribus diebus festis, ut dictum est, si nullum obster legitimum impedimentum, in Ecclesia superpelliceo & alba stola indutus, adhibito vno saltem Clerico superpelliceo pariter induto, qui librum & vas Aquæ benedictæ cum asperfo-

rio deferat, coram tribus aut duobus testibus, virum & mulierem, quos parentum vel propinquorum suorum præsentiâ cohonestari decet, de consensu in matrimonium interroget vtrumque sigillatim in hunc modum vulgari sermone:

N. vis accipere N. hîc præsentem in tuam legitimam vxorem iuxta ritum sanctæ Matris Ecclesiæ? **Respondeat sponsus:** Volo. **Mox Sacerdos sponsam interroget,** N. vis accipere N. hîc præsentem in tuum legitimum maritum, iuxta ritum sanctæ Matris Ecclesiæ? **Respondeat,** Volo. **Nec sufficit consensus vnus; sed debet esse amborum, & expressus aliquo signo sensibili, siue fiat per se, siue per procuratorem. Mutuo igitur contrahentium consensu intellecto, Sacerdos iubeat eos inuicem iungere dexteras, dicens:** Ego coniungo vos in matrimonium, In nomine Patris ✠, & Filij, & Spiritus sancti. Amen. **vel aliis vtatur verbis iuxta receptum vniuscuiusque Prouinciæ ritum: postea eos aspergat Aqua benedicta: mox benedicat anulum.**

Benedictio Annuli.

Ÿ. Adiutorium nostrum in nomine Domini.
R. Qui fecit cælum & terram. **Ÿ.** Domine exaudi orationem meam. **R.** Et clamor meus ad te veniat. **Ÿ.** Dominus vobiscum. **R.** Et cum spiritu tuo.

Ore-

De Sacramento Matrimonij. 255

Oremus.

Benedic ✠ Domine annulum hunc, quem nos in tuo nomine benedicimus ✠, ut quæ eum gestauerit, fidelitatem integram suo sponso tenens, in pace & voluntate tua permaneat, atque in mutua charitate semper uiuat. Per Christum Dominum nostrum. *R.* Amen.

Deinde Sacerdos aspergat annulum Aqua benedicta in modum Crucis, & sponsus acceptum annulum de manu Sacerdotis imponit in digito annulari sinistrae manus sponsæ, Sacerdote dicente, In nomine Patris ✠, & Filij, & Spiritus sancti. Amen. *mox subiungat* *ψ.* Confirma hoc Deus, quod operatus es in nobis. *R.* A templo sancto tuo, quod est in Ierusalem. *Kyrie eleison. Christe eleison. Kyrie eleison. Pater noster, &c. ψ.* Et ne nos inducas in tentationem. *R.* Sed libera nos à malo. *ψ.* Saluos fac seruos tuos. *R.* Deus meus sperantes in te. *ψ.* Mitte eis Domine auxilium de sancto. *R.* Et de Sion tuere eos. *ψ.* Esto eis Domine turris fortitudinis. *R.* A facie inimici. *ψ.* Domine exaudi orationem meam. *R.* Et clamor meus ad te veniat. *ψ.* Dominus vobiscum. *R.* Et cum spiritu tuo.

Oremus.

Respice quæsumus Domine, super hos famulos tuos, & institutis tuis, quibus propagationem humani generis ordinasti,

R 4

beni-

benignus assiste, vt qui te auctore iunguntur, te auxiliante seruentur. Per Christum Dominum nostrum. Amen.

His expletis, si benedicendæ sint nuptiæ, Parochus Missam pro sponso & sponsa, vt in Missali Romano, celebret, seruatis omnibus quæ ibi præscribuntur.

Ceterùm, si quæ Prouinciæ alijs, vltra prædictas, laudabilibus consuetudinibus & carimoniis in celebrando Matrimonij Sacramento vtuntur, eas sancta Tridentina Synodus optat retineri.

Peractis omnibus, Parochus manu sua describat in libro Matrimoniorum nomina coniugum, & testium, & alia iuxta formulam præscriptam: idque licet alius Sacerdos, vel à se, vel ab Ordinario delegatus Matrimonium celebrauerit.

De benedictione mulieris post partum.

SI qua puerpera post partum iuxta piam ac laudabilem consuetudinem ad Ecclesiam venire voluerit pro incolumitate sua Deo gratias actura, petieritque à Sacerdote benedictionem, ipse superpelliceo & stola alba indutus, cum ministro aspergillum deferente, ad fores Ecclesiæ accedat, vbi illam genuflectentem, & candelam accensam in manu tenentem, Aqua bene-

Benedictio mulieris post partum. 257

benedicta aspergat, deinde dicat, **Ÿ.** Adiutorium nostrum in nomine Domini. **R.** Qui fecit cælum & terram. **Añã.** Hæc accipiet benedictionem à Domino. **Psal̃m.** Domini est terra, & plenitudo eius, orbis terrarum, & vniuersi qui habitant in eo, &c. **tòtus vt supra. fol.** 242. **G**loria Patri, & Filio, &c. Hæc accipiet benedictionem à Domino, & misericordiam à Deo salutari suo: quia hæc est generatio quærentium Dominum.

Deinde porrigens ad manum mulieris extremam partem stolæ, eam introducit in Ecclesiam, dicens: Ingredere in templum Dei, adora Filium beatæ Mariæ Virginis, qui tibi fecunditatem tribuit prolis.

Et ipsa ingressa genuflectit coram Altari, & orat, gratias agens Deo de beneficiis sibi collatis; & Sacerdos dicit: Kyrie eleison. **C**hriste eleison. **K**yrie eleison. **P**ater noster. **secretò.** **Ÿ.** Et nos inducas in tentationem. **R.** Sed libera nos à malo. **Ÿ.** Saluam fac ancillam tuam Domine. **R.** Deus meus sperantem in te. **Ÿ.** Mitte ei Domine auxilium de sancto. **R.** Et de Sion tuere eam. **Ÿ.** Nihil proficiat inimicus in ea. **R.** Et filius iniquitatis non apponat nocere ei. **Ÿ.** Domine exaudi orationé meam. **R.** Et clamor meus, &c. **Ÿ.** Dñs vobiscum. **R.** Et cum spiritu tuo. **O**remus.

Omnipotens sempiterne Deus, qui per beatæ Mariæ Virginis partum fidelium

parentium dolores in gaudium vertisti: respice propitius super hanc famulam tuam, ad templum sanctum tuum pro gratiarum actione lætam accedentem: & præsta, vt post hanc vitam eiusdem beatæ Mariæ meritis & intercessione, ad æternæ beatitudinis gaudia cum prole sua peruenire mereatur. Per Christum Dominum nostrum. Amen. **Deinde illam aspergit iterum Aqua benedicta in modum Crucis, dicens:** Pax, & benedictio Dei omnipotentis Patris ✠, & Filij, & Spiritus sancti, descendat super te, & maneat semper. Amen.

De benedictionibus Regulæ generales.

NOuerit Sacerdos, quarum rerum benedictiones ad ipsum, & quæ ad Episcopum suo iure pertineant, ne maioris dignitatis munera temerè aut imperitè ymquam usurpet propria auctoritate.

In omni benedictione extra Missam, Sacerdos saltem superpelliceo & stola pro ratione temporis vtatur, nisi aliter in Missali notetur.

Stando semper benedicat, & aperto capite.

In principio cuiusque benedictionis dicat
 ✠. Adiutorium nostrum in nomine Domini.
 R. Qui fecit cælum & terram. ✠. Dominus vobiscum. R. Et cum spiritu tuo. **deinde dicatur**

catur Oratio propria vna, vel plures, prout suo loco notatum fuerit.

Postea rem aspergat Aqua benedicta; & vbi notatum fuerit, pariter incenset, nihil dicendo.

Cum Sacerdos aliquid benedicturus est, habeat ministrum cum vase Aquæ benedictæ & aspergillo, & cum hoc Rituali libro, seu Missali.

Caueat, ne benedictionis causa ponat aliquid indecens super Altare, veluti esculenta: sed quod eiusmodi est, ponatur super mensam, commodo loco paratam.

Ordo ad faciendam Aquam benedictam.

Diebus Dominicis, & quodcumque opus fuerit, præparato sale & aqua munda benedicenda in Ecclesia, vel in Sacristia, Sacerdos superpelliceo & stola violacea indutus, primò dicit, *Ÿ. Adiutorium nostrum in nomine Domini. R. Qui fecit cælum & terram.*

Deinde absolutè incipit exorcismum salis.

Exorcizo te creatura salis per Deum ✠ viuum, per Deum ✠ verum, per Deum ✠ sanctum, per Deum, qui te per Elisæum prophetam in aquam mitti iussit, vt sanaretur sterilitas aquæ: vt efficiaris sal exorcizatum in salutem credentium: & sis omnibus fumentibus te sanitas animæ & corporis: & effu-
giat

giat atque discedat à loco, in quo aspersum fueris, omnis phantasia, & nequitia vel versutia diabolicæ fraudis, omnisque spiritus immun- dus adiuratus per eum qui venturus est iudi- care viuos & mortuos, & sæculum per ignem.

R. Amen. **Oremus.** **Oratio.**

Immensam clementiam tuam, omnipo- tens æterne Deus, humiliter imploramus, vt hanc creaturam salis, quam in vsum ge- neris humani tribuisti, benedicere ✝ & sancti- ficare ✝ tua pietate digneris, vt sit omnibus su- mentibus salus mentis & corporis, & quid- quid ex eo tactum vel respersum fuerit, careat omni immunditia, omni que impugnatione spiritualis nequitia. Per Christum Dominum nostrum. **R.** Amen.

Exorcismus aquæ: & dicatur sine Oremus.

Exorcizo te creatura aquæ, in nomine Dei ✝ Patris omnipotentis, & in nomine I E S V ✝ Christi Filij eius Domini nostri, & in virtute Spiritus ✝ sancti: vt fias aqua exor- cizata ad effugandam omnem potestatem ini- mici, & ipsum inimicum eradicare & explan- tare valeas cum angelis suis apostaticis: per virtutem eiusdem Domini nostri I E S V Chri- sti, qui venturus est iudicare viuos & mor- tuos, & sæculum per ignem. **R.** Amen.

Oremus.

Oratio.

Deus, qui ad salutem humani generis ma- xima quæque Sacramenta in aquarum
sub-

substantia condidisti : adesto propitius inuocationibus nostris, & elemento huic multimodis purificationibus præparato, virtutem tuæ benedictionis ✠ infunde, vt creatura tua mysteriis tuis seruiens, ad abigendos dæmones, morbosq; pellendos diuinæ gratiæ sumat effectum, vt quidquid in domibus, vel in locis fidelium hæc vnda resperferit, careat omni immunditia, liberetur à noxa : non illic resideat spiritus pestilens, non aura corrumpens : discedant omnes insidiæ latentis inimici : & si quid est, quod aut incolumitati habitantium inuidet aut quieti, aspersione huius aquæ effugiat ; vt salubritas per inuocationem sancti tui nominis expetita, ab omnibus sit impugnationibus defensa. Per Dominum nostrum, &c.

Hic mittat sal in aquam in modum Crucis, dicendo semel : Commixtio salis & aquæ pariter fiat : In nomine Patris ✠, & Filij ✠, & Spiritus ✠ sancti. **R.** Amen. **V.** Dominus vobiscum. **R.** Et cum spiritu tuo.

Oremus.

Deus, inuictæ virtutis auctor, & insuperabilis imperij Rex, ac semper magnificus triumphator : qui aduersæ dominationis vires reprimis : qui inimici rugientis sæuitiam superas : qui hostiles nequitias potenter expugnas : te Domine, trementes & supplices deprecamur, ac petimus, vt hanc creaturam salis & aquæ dignanter aspicias, benignus illustres, pietati

pietatis tuæ rore sanctifices : vt vbi cumque fuerit aspersa, per inuocationem sancti tui nominis, omnis infestatio immundi spiritus abigatur, terrorque venenosi serpentis procul pellatur ; & præsentia sancti Spiritus nobis misericordiam tuam poscentibus vbique adesse dignetur. Per Dominum nostrum. in vnitatem eiusdem Spiritus sancti, &c.

Post benedictionem aquæ, Sacerdos Dominicis diebus antequam incipiat Missam, aspergit Altare, deinde se, & ministros, ac populum, prout in Missali præscribitur.

Postea Christi fideles possunt de ipsa Aqua benedicta in vasculis suis accipere, & secum deferre ad aspergendum ægros, domos, agros, vineas, & alia, & ad eam habendam in cubiculis suis, vt ea quotidie & sæpius aspergi possint.

¶ Benedictio candelarum extra diem Purificationis beatæ Mariæ virginis.

℣. Adiutorium nostrum in nomine Domini.

℟. Qui fecit cælum & terram. ℣. Dominus vobiscum. ℟. Et cum spiritu tuo.

O remus.

Domine IESU Christe Fili Dei viui, benedic ✙ candelas istas supplicationibus nostris, infunde eis Domine per virtutem sanctæ Crucis ✙ benedictionem cælestem, qui eas ad repellendas tenebras humano generi tribuisti : talemque benedictionem signaculo sanctæ Crucis ✙ accipiant, vt quibus-

buscumque locis accensæ siue positæ fuerint, discedant principes tenebrarum, & contremiscant, & fugiant pauidi cum omnibus ministris suis ab habitationibus illis: nec præsumant ampliùs inquietare aut molestare seruiens tibi omnipotenti Deo. Qui uiuis & regnas in sæcula sæculorum. **R.** Amen. **Postmodum aspergantur Aqua benedicta.**

¶ Benedictio domorum in Sabbato sancto Paschæ.

Parochus, seu alius Sacerdos superpelliceo & stola alba indutus, cum ministro deferente vas aquæ ex benedictione Fontium ante perfusionem Chrismatis acceptæ, visitat domos suæ parochiæ, aspergens eas eadem Aqua benedicta. Ingrediens domum dicit: Pax huic domui, & omnibus habitantibus in ea.

Deinde aspergens loca præcipua domus, & eos qui habitant in ea, dicit **Antiphonam**: Vidi aquam egredientem de templo à latere dextro, alleluia: Et omnes, ad quos peruenit aqua ista, salui facti sunt, alleluia, alleluia. **Psalmus.** **C**onfitemini Domino quoniam bonus: quoniam in sæculum misericordia eius. **G**loria Patri, & Filio, & Spiritui sancto. **S**icut erat, &c. repetitur **Antiph.** Vidi aquam, &c. deinde dicit, **Ÿ.** Ostende nobis Domine misericordiam tuam, alleluia. **R.** Et salutare tuum da nobis, alleluia. **Ÿ.** Do-

Ps. Domine exaudi orationem meam. **R.** Et clamor meus ad te veniat. **Ps.** Dominus vobiscum. **R.** Et cum spiritu tuo.

O remus. **Oratio.**

EXaudi nos, Domine sancte, Pater omnipotens, æterne Deus, & sicut domos Hebræorum in exitu de Ægypto agni sanguine linitas (quod Pascha nostrum, in quo immolatus est Christus, figurabat) ab Angelo percutiente custodisti; ita mittere digneris sanctum Angelum tuum de cælis, qui custodiat, foueat, protegat, visitet atque defendat omnes habitantes in hoc habitaculo. Per eundem Christum Dominum nostrum, **R.** Amen.

¶ *Alia benedictio domorum alio tempore facienda cum aspersione Aquæ benedictæ.*

Parochus, seu alij Sacerdotes volentes aliquam particularem domum, vel generaliter domos fidelium alio tempore infra annum aspergere Aqua benedicta, ingredientes domum dicant: Pax huic domui, & omnibus habitantibus in ea. **Deinde loca aspergendo dicant Añam:** Asperges me Domine hyssopo, & mundabor; lauabis me, & super niuem dealbabor. **Psal.** 50. **M**iserere mei Deus, secundum magnam misericordiam tuam. **G**loria Patri, & Filio, & Spiritui sancto. **S**icut erat, &c. & repetitur **Antiphona**, Asperges me Domine, &c. **Ps.** Domine exaudi orationem meam. **R.** Et clamor meus ad te veniat.

Ps. Do-

✠. Dominus vobiscum. **R.** Et cum spiritu tuo.

Oremus: **O**ratio.

EXaudi nos Domine sancte, Pater omnipotens, æterne Deus, & mittere digneris sanctum Angelum tuum de cælis, qui custodiat, foueat, protegat, visitet, atque defendat omnes habitantes in hoc habitaculo. Per Christum Dominum nostrum. **R.** Amen.

Deinde aspergat Aqua benedicta.

¶ **Benedictio loci.**

✠. Adiutorium nostrum in nomine Domini. **R.** Qui fecit cælum & terram. ✠. Domine exaudi orationem meam. **R.** Et clamor meus ad te veniat. ✠. Dominus vobiscum. **R.** Et cum spiritu tuo. **O**remus. **O**ratio.

Benedic ✠ Domine Deus omnipotens locum istum [vel domum istam] vt sit in eo [vel in ea] sanitas, castitas, victoria, virtus, humilitas, bonitas, & mansuetudo, plenitudo legis, & gratiarum actio Deo Patri, & Filio, & Spiritui sancto, & hæc benedictio maneat super hunc locum, & super habitantes in eo nunc & semper. **R.** Amen. **Et aspergat Aqua benedicta.**

¶ **Alia benedictio domus nouæ.**

✠. Adiutorium nostrum in nomine Domini. **R.** Qui fecit cælum & terram. ✠. Dominus vobiscum. **R.** Et cum spiritu tuo. **O**remus.

TE Deum Patrem omnipotentem suppliciter exoramus pro hac domo, & habi-

tatoribus eius, ac rebus: vt eam benedicere ✙ & sanctificare ✙ ac bonis omnibus ampliari digneris: tribue eis, Dñe, de rore cæli abundantiam, & de pinguedine terræ vitæ substantiam, & desideria voti eorum ad effectum tuæ miserationis perducas. Ad introitū ergo nostrum benedicere ✙ & sanctificare ✙ digneris hanc domū, sicut benedicere dignatus es domū Abraham, Isaac, & Iacob: & intra parietes domus istius Angeli tuę lucis inhabitent, eamq; & eius habitatores custodiant. Per Christū Dñm nostrum.

R. Amen. *Deinde aspergat Aqua benedicta.*

¶ *Benedictio thalami.*

V. Adiutorium nostrum in nomine Domini.

R. Qui fecit cælum & terram. *V.* Dominus vobiscum. *R.* Et cum spiritu tuo. *O* remus.

Benedic ✙ Domine thalamum hunc, vt omnes habitantes in eo in tua pace consistant, & in tua voluntate permaneant, & fescant, & multiplicentur in longitudine dierum, & ad regna cælorum perueniant. Per Christum Dominum nostrum. *R.* Amen.

Postea aspergatur thalamus Aqua benedicta.

¶ *Benedictio nouæ nauis.*

V. Adiutorium nostrum in nomine Domini.

R. Qui fecit cælum & terram. *V.* Dominus vobiscum. *R.* Et cum spiritu tuo. *O* remus.

Propitiare Domine supplicationibus nostris, & benedic ✙ nauem istam dextera tua sancta, & omnes qui in ea vehentur, sicut digna-

De Benedictionibus.

267

dignatus es benedicere arcam Noë ambulante in diluuiio : porrige eis Domine dexteram tuam , sicut porrexisti beato Petro ambulanti supra mare : & mitte sanctum Angelum tuum de cælis ; qui liberet & custodiat eam semper à periculis vniuersis ; cum omnibus quæ in ea erunt : & famulos tuos , repulsis aduersitatibus , portu semper optabili cursuq; tranquillo tuearis , transactisque ac rectè perfectis negotiis omnibus , iterato tēpore ad propria cum omni gaudio reuocare digneris. **Qui uiuis & regnas, &c.**

Aspergat nauem Aqua benedicta.

Benedictio communis super fruges & vineas.

Ps. Adiutorium nostrum in nomine Domini.

R. Qui fecit cælum & terram. **Ps.** Domine exaudi orationem meam. **R.** Et clamor meus ad te veniat. **Ps.** Dominus vobiscum. **R.** Et cum spiritu tuo. **O** remus.

O Ramus pietatem tuam omnipotēs Deus, vt has primitias creaturæ tuæ , quas æris & pluuiæ temperamento nutrire dignatus es, benedictionis tuæ imbre perfundas; & fructus terræ tuæ vsque ad maturitatem perducas. Tribuas quoque populo tuo de tuis muneribus tibi semper gratias agere, vt à fertilitate terræ esurientium animas bonis affluentibus repleas, & egenus & pauper laudent nomen gloriæ tuæ. Per Christum Dominum nostrum. **R.** Amen.

Aspergat illas Aqua benedicta.

S 2

Bene-

**Benedictio Peregrinorum ad loca sancta
prodeuntium.**

Peregrini, ad loca sancta profecturi, antequam discedant, iuxta veteris Ecclesie institutum, deberent accipere patentes seu commendatitias litteras à suo Ordinario, seu Parocho. Quibus obtentis, & rebus suis dispositis, facta peccatorum suorum confessione, & audita Missa, in qua dicitur Oratio pro peregrinantibus, sanctissimam Eucharistiam deuotè suscipiunt. Expleta Missa, Sacerdos super eos genuflexos dicit sequentes Precès. **Antiph.** In viam pacis. **Benedictus Dominus Deus Israël, &c.** vt suprà. fol. 237. in fine **Gloria Patri. Repe-**
titur Antiph. In viam pacis & prosperitatis dirigat vos omnipotens & misericors Dominus, & Angelus Raphaël comitetur vobiscum in via, vt cum pace, salute, & gaudio reuertatis ad propria. **Kyrie eleison. Christe eleison. Kyrie eleison. Pater noster, &c. V.** Et ne nos inducas in tentationem. **R.** Sed libera nos à malo. **V.** Saluos fac seruos tuos. **R.** Deus meus sperantes in te. **V.** Mitte eis Domine auxilium de sancto. **R.** Et de Sion tuere eos. **V.** Esto eis Domine turris fortitudinis. **R.** A facie inimici. **V.** Nihil proficiat inimicus in eis. **R.** Et filius iniquitatis non apponat nocere eis. **V.** Benedictus Dominus die quotidie. **R.** Prosperum iter faciat nobis Deus salutarium nostrorum. **V.** Vias tuas Domine demonstra nobis.

De Benedictionibus.

269

bis. *R.* Et semitas tuas edoce nos. *Ps.* Vtinam dirigantur viæ nostræ. *R.* Ad custodiendas iustificationes tuas. *Ps.* Erunt praua in directa. *R.* Et aspera in vias planas. *Ps.* Angelis suis Deus mandauit de te. *R.* Vt custodiant te in omnibus viis tuis. *Ps.* Domine exaudi orationem meam. *R.* Et clamor meus ad te veniat. *Ps.* Dominus vobiscum. *R.* Et cum spiritu tuo.

Oremus.

Oratio.

Deus, qui filios Israël per maris medium sicco vestigio ire fecisti, quique tribus Magis iter ad te stella duce pandisti; tribue eis, quæsumus, iter prosperum, tempusque tranquillum: vt Angelo tuo sancto comite, ad eum quò pergunt locum, ac demum ad æternæ salutis portum feliciter valeant peruenire.

Deus, qui Abraham puerum tuum de Vr Chaldæorum educatum, per omnes suæ peregrinationis vias illæsum custodisti: quæsumus, vt hos famulos tuos custodire digneris; esto eis Domine in procinctu suffragium, in via solatium, in æstu vmbraculum, in pluuia & frigore tegumentum, in lassitudine vehiculum, in aduersitate præsidium, in lubrico baculus, in naufragio portus; vt te duce, quò tendunt, prosperè perueniant, & demum incolumes ad propria reuertantur.

Adesto, quæsumus Domine, supplicationibus nostris, & viam famulorum tuorum in salutis tuæ prosperitate dispone, vt inter omnes

nes viæ & vitæ huius varietates, tuo semper protegantur auxilio.

Praesta, quæsumus omnipotens Deus, vt familia tua per viam salutis incedat, & beati Ioannis Præcursoris hortamenta sectando, ad eum, quem prædixit, segura perueniat Dominum nostrum I E S V M Christum filium tuum.

EXaudi Domine preces nostras, & iter famulorum tuorum propitius comitare, atque misericordiam tuam, sicut vbique es, ita vbique largire, quatenus à cunctis aduersitatibus tua opitulatione defensi, gratiarum tibi referant actionem. Per Christum Dominum nostrum. *R.* Amen. **P**ax & benedictio ✠ Dei omnipotentis, Patris, & Filij, & Spiritus sancti, descendat super vos & maneat semper. Amen. *Deinde aspergantur Aqua benedicta.*

Quòd si vnus fuerit peregrinaturus, omnia dicuntur in numero singulari; ac si Sacerdos ipse, qui benedicit, fuerit socius peregrinationis, dicat in persona prima numeri pluralis, quatenus congruere videbitur.

Benedictio peregrinorum post reditum.

V. Adiutorium nostrum in nomine Domini.
R. Qui fecit cælum & terram. *Antiphona.*
Ecce sic benedicetur homo, qui timet Dominum.
Psalmus 127.

Beati omnes qui timent Dominum, * qui ambulant in viis eius.

Labo-

De Benedictionibus.

271

Labores manuum tuarum quia manducabis: *
beatus es, & benè tibi erit.

Vxor tua sicut vitis abundans, * in lateribus
domus tuæ.

Filij tui sicut nouellæ oliuarum, * in circuitu
mensæ tuæ.

Ecce sic benedicetur homo, * qui timet Do-
minum.

Benedicat tibi Dominus ex Sion: * & videas
bona Ierusalem omnibus diebus vitæ tuæ.

Et videas filios filiorum tuorum, * pacem su-
per Israel.

Gloria Patri, &c. **Antiphona.** Ecce sic bene-
dicetur homo, qui timet Dominum, **K**yrie
eleison. **C**hriste eleison. **K**yrie eleison. **P**ater
noster, &c. **V.** Et ne nos inducas in tentatio-
nem. **R.** Sed libera nos à malo. **V.** Benedicti
qui veniunt in nomine Domini. **R.** Benedicti
vos à Domino, qui fecit cælum & terram.

V. Respice Domine in seruos tuos, & in opera
tua. **R.** Et dirige eos in viam mandatorum
tuorum. **V.** Dñe exaudi orationem meam.

R. Et clamor meus ad te veniat. **V.** Domi-
nus vobiscum. **R.** Et cum spiritu tuo.

Oremus.

Largire quæsumus Domine famulis tuis
indulgentiam placatus & pacem, vt pari-
ter ab omnibus mudentur offensis, & segura
tibi mente deseruiant.

Omnipotens sempiterne Deus, nostrorum

temporum vitæque dispositor, famulis tuis continuæ tranquillitatis largire subsidium, vt quos incolumes propriis laboribus reddidisti, tua facias protectione securos.

Deus humilium uisitor, qui nos fraterna dilectione consolaris, prætende societati nostræ gratiam tuam, vt per eos, in quibus habitas, tuum nobis sentiamus aduentum. Per Dominum nostrum, &c.

Deinde aspergantur Aqua benedicta à Sacerdote dicente:

Pax, & benedictio ✠ Dei omnipotentis Patris, & Filij, & Spiritus sancti, descendat super vos & maneat semper. Amen.

Benedictiones esculentorum, præsertim in Pascha.

¶ Benedictio Agni Paschalis.

℣. Adiutorium nostrum in nomine Domini.
℟. Qui fecit cælum & terram. **℣.** Dominus vobiscum. **℟.** Et cum spiritu tuo.

O remus.

Deus, qui per famulum tuum Moysen, in liberatione populi tui de Ægypto, agnum occidi iussisti, in similitudinem Domini nostri **I E S V** Christi, & vtrosque postes domorum de sanguine eiusdem agni perungi præcepisti: tu benedicere ✠ & sanctificare ✠ digneris hanc creaturam carnis, quam nos famuli

De Benedictionibus.

273

famuli tui ad laudem tuam sumere desideramus, per resurrectionem eiusdem Domini nostri I E S V Christi. Qui tecum viuit & regnat in sæcula sæculorum. *R.* Amen.

Et mox aspergat Aqua benedicta.

¶ Benedictio ouorum.

Ÿ. Adiutorium nostrum in nomine Domini.

R. Qui fecit cælum & terram. Ÿ. Dominus vobiscum. *R.* Et cum spiritu tuo.

O remus.

SVbueniat, quæsumus Domine, tuæ benedictionis + gratia huic ouorum creaturæ, vt cibus salubris fiat fidelibus tuis, in tuarum gratiarum actione fumentibus, ob resurrectionem Domini nostri I E S V Christi, qui tecum viuit & regnat in sæcula sæculorum. *R.* Amen.

Aspergat Aqua benedicta.

¶ Benedictio panis.

Ÿ. Adiutorium nostrum in nomine Domini. *R.* Qui fecit cælum & terram. Ÿ. Dominus vobiscum. *R.* Et cum spiritu tuo.

O remus.

Domine I E S V Christe, panis Angelorum, panis viuus æternæ vitæ, benedicere + dignare panem istum, sicut benedixisti quinque panes in deserto; vt omnes ex eo gustantes, inde corporis & animæ percipiant sanitatem. Qui viuus & regnas in sæcula sæculorum. *R.* Amen.

Et aspergat Aqua benedicta.

S 5

¶ Alia

¶ Alia benedictio panis.

¶ Adiutorium nostrum in nomine Domini.
R. Qui fecit cælum & terram. *¶* Dominus
 vobiscum. *R.* Et cum spiritu tuo. *O*remus.

Domine sancte, Pater omnipotens, æterne
 Deus, benedicere ✠ digneris hunc pa-
 nem tua sancta spiritali benedictione; vt sit
 omnibus sumentibus salus mentis & corpo-
 ris, atque contra omnes morbos, & vni-
 uersas inimicorum insidias tutamen. Per Do-
 minum nostrum **I E S V M** Christum filium
 tuum, panem viuum, qui de cælo descendit,
 & dat vitam & salutem mundo: & tecum vi-
 uit & regnat in vnitæte Spiritus sancti Deus,
 per omnia sæcula sæculorum, *R.* Amen.

*Aspergat Aqua benedicta.**¶ Benedictio nouorum fructuum.*

¶ Adiutorium nostrum in nomine Domini.
R. Qui fecit cælum & terram. *¶* Dominus
 vobiscum. *R.* Et cum spiritu tuo.

*O*remus.

Benedic ✠ Domine hos nouos fructus **N.**
 & præsta: vt qui ex eis in tuo sancto nomi-
 ne vescuntur, corporis & animæ salute po-
 tiantur. Per Christum Dominum nostrum.
R. Amen. *Et aspergat Aqua benedicta.*

¶ Benedictio ad quodcumque comestibile.

¶ Adiutorium nostrum in nomine Domini.
R. Qui fecit cælum & terram. *¶* Dominus
 vobiscum. *R.* Et cum spiritu tuo.

*O*re-

Oremus.

Benedic ✠ Domine creaturam istam **N.** vt sit remedium salutare generi humano : & præsta per inuocationem sancti nominis tui, vt quicumque ex ea sumpserint, corporis sanitatem, & animæ tutelam percipiant. Per Christum Dominum nostrum. **R.** Amen.

Aspergat id Aqua benedicta.

✠ **Benedictio olei simplicis.**

✠ **V.** Adiutorium nostrum in nomine Domini.

R. Qui fecit cælum & terram.

Exorcismus.

EXorcizo te creatura olei per Deum Patrem ✠ omnipotentem, qui fecit cælum & terram, mare, & omnia quæ in eis sunt. Omnis virtus aduersarij, omnis exercitus diaboli, & omnis incurfus, omne phantasma satanæ eradicare & effugare ab hac creatura olei, vt fiat omnibus qui eo ysuri sunt, salus mentis & corporis, in nomine Dei Patris ✠ omnipotentis, & **I E S V** ✠ Christi filij eius Domini nostri, & Spiritus sancti ✠ paracliti, & in charitate eiusdem Domini nostri **I E S V** Christi, qui venturus est iudicare viuos & mortuos, & sæculum per ignem. **R.** Amen. **V.** Domine exaudi orationem meam. **R.** Et clamor meus ad te veniat. **V.** Dominus vobiscum. **R.** Et cum spiritu tuo. **O**remus. **O**ratio.

Domine Deus omnipotens, cui astat exercitus Angelorum cum tremore, quorum ferui-

seruitium spirituale cognoscitur, dignare respicere, & benedicere ✠ & sanctificare ✠ hanc creaturam olei, quam ex oliuarum succo eduxisti, & ex eo infirmos inungi mandasti, quatenus sanitate percepta, tibi Deo uiuo & uero gratias agerent: præsta quæsumus, ut hi, qui hoc oleo, quod in tuo nomine benedicimus ✠, vsi fuerint, ab omni languore, omni- que infirmitate, atque cunctis insidiis inimici liberentur, & cunctæ aduersitates separentur à plasmate tuo, quod pretioso Sanguine Filij tui redemisti: ut numquam lædatur à morsu serpentis antiqui. Per eundem Dominum nostrum IESVM Christum filium tuum, qui tecum uiuit & regnat in unitate, &c.

Aspergat oleum Aqua benedicta.

Benedictiones ab Episcopis, vel alijs facultatem habentibus, faciendæ.

*Benedictio Sacerdotalium indu-
mentorum in genere.*

Ÿ. Adiutorium nostrum in nomine Domini.

R. Qui fecit cælum & terram. Ÿ. Dominus uobiscum. R. Et cum spiritu tuo.

O remus.

Omnipotens sempiterne Deus, qui per Moysen famulum tuum Pontificalia & Sacerdotalia seu Leuitica uestimenta, ad explendum in conspectu tuo ministerium eorum,

rum, ad honorem & decorem nominis tui fieri decreuisti: adesto propitius inuocationibus nostris, & hæc indumenta Sacerdotalia, desuper irrigante gratia tua, ingenti benedictione per nostræ humilitatis seruitium purificare✠, benedicere✠, & consecrare✠ digneris: vt diuinis cultibus & sacris mysteriis apta & benedicta existant: his quoque sacris vestibus Pontifices, & Sacerdotes, seu Leuitæ tui induti, ab omnibus impulsionebus seu tentationibus malignorum spirituum muniti & defensi esse mereantur; tuisque mysteriis apte & condignè seruire & inhærere, atque in his tibi placitè & deuotè perseuerare tribue. Per Christum Dominum nostrum. **R.** Amen.

O remus.

Deus, inuictæ virtutis triumphator, & omnium rerum creator ac sanctificator: intendente propitius preces nostras, & hæc indumenta Leuiticæ, Sacerdotalis & Pontificalis gloriæ, ministris tuis fruenda tuo ore proprio benedicere✠, sanctificare✠, & consecrare✠ digneris: omnesque eis vtentes, tuis mysteriis aptos, & tibi in eis deuotè ac laudabiliter seruientes, gratos efficere digneris. Per Dominum nostrum **I E S V M Christum, &c.**

O remus.

Domine Deus omnipotens, qui vestimenta Pontificibus, Sacerdotibus, & Leuitis in vsum tabernaculi fœderis necessaria Moysen famu-

famulum tuum agere iussisti, eumque spiritu sapientiae ad id peragendum repleuisti: hæc vestimenta in usum & cultum mysterij tui benedicere ✠, sanctificare ✠, & consecrare ✠ digneris: atque ministros Altaris tui, qui ea induerint, septiformis Spiritus gratia dignanter repleti, atque castitatis stola, beata facias cum bonorum fructu operum ministerij congruentis immortalitate vestiri. Per Christum Dominum nostrum. *R.* Amen.

Deinde aspergit ipsa indumēta Aqua benedicta.

Benedictio mapparum, siue linteaminum

Altaris.

Ÿ. Adiutorium nostrum in nomine Domini.

R. Qui fecit cælum & terram. *Ÿ.* Dominus vobiscum. *R.* Et cum spiritu tuo. *O* remus.

EXaudi Domine preces nostras, & hæc linteamina sacri Altaris vsui præparata benedicere ✠ & sanctificare digneris. Per Christum Dominum nostrum. *R.* Amen.

O remus.

Domine Deus omnipotens, qui Moysen famulum tuum, ornamenta & linteamina facere per quadraginta dies docuisti, quæ etiam Maria texuit, & fecit in usum ministerij, & tabernaculi fœderis: benedicere ✠, sanctificare ✠, & consecrare ✠ digneris hæc linteamina ad tegendum inuoluendumque Altare gloriosissimi Filij tui Domini nostri **I E S V** Christi. Qui tecum viuit & regnat in vnitatem Spiritus

tus

De Benedictionibus.

279

tus sancti Deus, per omnia sæcula sæculorum.

R. Amen. **Deinde aspergit ea Aqua benedicta.**

¶ Benedictio corporalium.

V. Adiutorium nostrum in nomine Domini.

R. Qui fecit cælum & terram. **V.** Dominus vobiscum. **R.** Et cum spiritu tuo.

O remus.

Clementissime Domine, cuius inenarrabilis est virtus, cuius mysteria arcanis mirabilibus celebrantur: tribue, quæsumus, vt hoc linteamen tuæ propitiationis benedictione sanctificetur ad consecrandum super illud Corpus & Sanguinem Dei & Domini nostri **I E S V** Christi Filij tui. Qui tecum viuit & regnat in vnitæte Spiritus sancti Deus, per omnia sæcula sæculorum. **R.** Amen. **O** remus.

OMnipotens sempiterne Deus, benedicere *, sanctificare *, & consecrare * digneris linteamen istud ad tegendum inuolendumque Corpus & Sanguinem Domini nostri **I E S V** Christi Filij tui. Qui tecum viuit & regnat, &c. **R.** Amen. **O** remus.

OMnipotens Deus, manibus nostris opem tuæ benedictionis infunde: vt per nostram benedictionem hoc linteamen sanctificetur, & Corporis ac Sanguinis Redemptoris nostri nouum sudarium, Spiritus sancti gratia efficiatur. Per eundem, &c. in vnitæte eiusdem Spiritus sancti. **R.** Amen.

Et aspergit Aqua benedicta.

¶ Bene-

Benedictio tabernaculi, seu vasculi pro sacrosancta Eucharistia conseruanda.

Ÿ. Adiutorium nostrum in nomine Domini.

R. Qui fecit cælum & terram. **Ÿ.** Dominus vobiscum. **R.** Et cum spiritu tuo. **Oremus.**

OMnipotens sempiterne Deus, maiestatem tuam supplices deprecamur, vt vasculum hoc pro Corpore filij tui Domini nostri IESU Christi in eo condendo fabricatum, benedictionis **+** tuæ gratia dicare digneris. Per eundem Christum Dominum nostrum.

Deinde aspergit illud Aqua benedicta.

Benedictio nouæ Crucis.

Ÿ. Adiutorium nostrum in nomine Domini.

R. Qui fecit cælum & terram. **Ÿ.** Domine exaudi orationem meam. **R.** Et clamor meus ad te veniat. **Ÿ.** Dominus vobiscum. **R.** Et cum spiritu tuo. **Oremus.** **Oratio.**

Rogamus te, Domine sancte, Pater omnipotens, æterne Deus, vt digneris benedicere **+** hoc signum Crucis, vt sit remedium salutare generi humano, sit soliditas fidei, profectus bonorum operum, redemptio animarum, sit solamen, & protectio, ac tutela contra saua iacula inimicorum. Per Christum Dominum nostrum. **R.** Amen.

Alia Oratio ad idem.

Benedic **+** Domine hanc Crucem tuam, per quam eripuisti mundum à dæmonum potestate, & superasti passione tua suggestorem pecca-

peccati, qui gaudebat in præuaricatione primi hominis per ligni vetiti sumptionem. **Hic aspergat Aqua benedicta.** Sanctificetur hoc signum Crucis in nomine Patris ✠, & Filij ✠, & Spiritus ✠ sancti, vt orantes inclinantesque se propter Dominum ante istam Crucem, inueniant corporis & animæ sanitatem. Per Christum Dominum nostrum. **R.** Amen.

Postea Sacerdos genuflexus ante Crucem deuotè adorat, & osculatur, & idem faciunt quicumque voluerint.

Benedictio imaginum IESV Christi Domini nostri, B. Virginis Mariæ, & aliorum Sanctorum.

V. Adiutorium nostrum in nomine Domini.
R. Qui fecit cælum & terram. **V.** Dominus vobiscum. **R.** Et cum spiritu tuo.

O remus.

O ratio.

Omnipotens sempiterne Deus, qui Sanctorum tuorum imagines [siue effigies] sculpi aut pingi non reprobas, vt quoties illas oculis corporeis intuemur, toties eorum actus & sanctitatem ad imitandum memoriæ oculis meditemur: hanc, quæsumus, imaginem [seu sculpturam] in honorem & memoriam vnigeniti Filij tui Domini nostri IESV Christi, [vel beatissimæ Virginis Mariæ Ma-

tris Domini nostri IESU Christi, *vel* beati N. Apostoli tui, *vel* Martyris, *vel* Confessoris, *aut* Pontificis, *aut* Virginis] adaptatam benedicere ✠ & sanctificare ✠ digneris: & præsta, vt quicumque coram illa vnigenitum Filium tuum [*vel* beatissimam Virginem, *vel* gloriosum Apostolum, *siue* Martyrem, *siue* Confessorem, *aut* Virginem] suppliciter colere & honorare studuerit, illius meritis & obtentu à te gratiam in præsentì, & æternam gloriam obtineat in futurum. Per eundem Christum Dominum nostrum. *R.* Amen.

Vltimò aspergat Aqua benedicta.

Ritus benedicendi & imponendi primarium lapidem pro Ecclesia ædificanda, seruandus à Sacerdote facultatem habente ab Episcopo.

Ecclesiam ex Episcopi auctoritate tantùm, iuxta sacrorum Canonum decreta, ædificari fas est. Si verò Sacerdos eius ædificationis primarium lapidem benedicendi potestatem habens, eiusmodi functionem peragat, hunc ritum seruabit.

Pridie quàm primarius lapis benedicatur, ligneam Crucem in loco, vbi debet esse Altare, figat ipse *vel* alius Sacerdos. Sequenti verò die lapis
in

in Ecclesiæ fundatione ponendus, qui debet esse quadratus, & angularis, benedicatur hoc modo.

Sacerdos indutus amictu, alba, cingulo, stola, & pluuiali albi coloris, adhibitis aliquot Sacerdotibus & Clericis, salem & aquam benedicit, nisi prius in promptu habeat iam benedictam ordinaria benedictione, vt sup. fol. 161. & interim dum cantatur à Clericis Añã cum Psalmo sequenti, aspergit locum, vbi Crux posita est, cum Aqua benedicta. Añã. Signum salutis pone Domine I E S V Christe in loco isto, & non permittas introire angelum percutientem.

Psalmus 83.

Quam dilecta tabernacula tua Domine virtutum! * concupiscit & deficit anima mea in atria Domini.

Cor meum & caro mea * exultauerunt in Deum viuum.

Etenim passer inuenit sibi domum: * & turtur nidum sibi, vbi ponat pullos suos.

Altaria tua Domine virtutum: * Rex meus, & Deus meus.

Beati, qui habitant in domo tua Domine: * in sæcula sæculorum laudabunt te.

Beatus vir, cuius est auxilium abs te: * ascensiones in corde suo disposuit, in valle lacrymarum, in loco quem posuit.

Etenim benedictionem dabit legislator, ibunt de virtute in virtutem: * videbitur Deus deorum in Sion.

Domine Deus virtutum exaudi orationem meam: * auribus percipe Deus Iacob.

Protector noster aspice Deus: * & respice in faciem Christi tui.

Quia melior est dies vna in atriis tuis * super millia.

Elegi abiectus esse in domo Dei mei: * magis quam habitare in tabernaculis peccatorum.

Quia misericordiã & veritatem diligit Deus: * gratiam & gloriam dabit Dominus.

Non priuabit bonis eos qui ambulant in innocentia: * Domine virtutum, beatus homo qui sperat in te.

Gloria Patri, & Filio.

Finito Psalmo, **Sacerdos versus ad locum per eum aspersum dicit:** Oremus.

Domine Deus, qui licet cælo & terra non capiaris, domum tamen dignaris habere in terris, vbi nomen tuum iugiter inuocetur: locum hunc, quæsumus, beatæ Mariæ semper Virginis, & beati **N.** (nominando **Sanctum vel Sanctam, in cuius honorem ac nomen fundabitur Ecclesia**) omniumque Sanctorum intercedentibus meritis, sereno pietatis tuæ intuitu visita, & per infusionem gratiæ tuæ ab omni inquinamento purifica, purificatumque conserua; & qui dilecti tui Dauid deuotionem in filij sui Salomonis opere compleuisti, in hoc opere desideria nostra perficere digneris; effugiantque omnes hinc nequitia spiritalis. Per Dominum

De Benedictionibus.

285

minum nostrum I E S V M Christum filium tuum, qui tecum viuit & regnat in vnitare Spiritus sancti Deus, per omnia sæcula sæculorum. **R.** Amen.

Postea stans benedicit primarium lapidem, dicens: **V.** Adiutorium nostrum in nomine Domini. **R.** Qui fecit cælum & terram. **V.** Sit nomen Domini benedictum. **R.** Ex hoc nunc & vsque in sæculum. **V.** Lapidem, quem improbauerunt ædificantes. **R.** Hic factus est in caput anguli. **V.** Tu es Petrus. **R.** Et super hanc petram ædificabo Ecclesiam meam. **V.** Gloria Patri, & Filio, & Spiritui sancto. Sicut erat in principio, & nunc, & semper, & in sæcula sæculorum, Amen.

O remus.

Domine I E S V Christe Fili Dei viui, qui es verus omnipotens Deus, splendor & imago æterni Patris, & vita æterna, qui es lapis angularis de monte sine manibus abscissus, & immutabile fundamentum, hunc lapidem collocandum in tuo nomine confirma, & tu, qui es principium & finis, in quo principio Deus Pater ab initio cuncta creauit, sis, quæsumus, principium, & incrementum, & consummatio ipsius operis, quod debet ad laudem & gloriam tui nominis inchoari. Qui cum Patre & Spiritu sancto viuis & regnas Deus per omnia sæcula sæculorum. **R.** Amen.

Tunc aspergit lapidem ipsum Aqua benedicta,

T 3

dicta,

dicta, & accepro cultro, per singulas partes
sculpsit in eo signum Crucis, dicens: In nomi-
ne Patris †, & Filij †, & Spiritus † sancti.
R. Amen. quo facto dicit:

O remus.

Benedic † Domine creaturam istam lapi-
dis, & præsta per inuocationem sancti tui
nominis, vt quicumque ad hanc Ecclesiam æ-
dificandam pura mente auxilium dederint,
corporis sanitatem, & animæ medela percipiant.
Per Christum Dominum nostrum,
R. Amen.

Postea dicantur Litanix ordinariæ sine Ora-
tionibus in fine positis: quibus dictis, parato
cæmento, & cæmentario assistente, Sacerdos
inchoat, Clericis prosequentibus, Antipho-
nam; Manè surgens Iacob erigebat lapidem
in titulum: fundens oleum desuper, votum
voui Domino: Verè locus iste sanctus est, &
ego nesciebam.

Psalmus 126.

Nisi Dominus ædificauerit domum, * in
vanum laborauerunt qui ædificant eam.
Nisi Dominus custodierit ciuitatem, * frustra
vigilat qui custodit eam.

Vanum est vobis ante lucem surgere: * surgite
postquam federitis, qui manducatis panem do-
loris.

Cùm dederit dilectis suis somnum: * ecce he-
reditas Domini, filij; merces, fructus ventris.

Sicut

Sicut sagittæ in manu potentis : * ita filij excussorum.

Beatus vir, qui impleuit desiderium suum ex ipsiſ : * non confundetur cùm loquetur inimicis ſuis in porta. **G**loria Patri.

Quo dicto, Sacerdos ſtans tangit & ponit ipſum primarium lapidẽ in fundamẽto, dicens:

In fide I E S V Chriſti collocamus Lapidem iſtum primarium in hoc fundamento, In nomine Patris ✠, & Filij ✠, & Spiritus ✠ ſancti, vt vigeat vera fides hïc, & timor Dei, fraternaque dilectio; & ſit hic locus deſtinatus orationi, & ad inuocandum & laudandum nomen eiufdem Domini noſtri I E S V Chriſti, qui cum Patre & Spiritu ſancto viuit & regnat Deus, per omnia ſæcula ſæculorum. **R.** Amen.

Interim cæmentarius locat ipſum lapidem cum cæmento, poſteà Sacerdos ſpargit ſuper lapidem Aquam benediãtam, dicens: Aſperges me Domine hyſſopo, & mundabor, lauabis me, & ſuper niuem dealbabor. **Pſal.** Miſerere mei Deus, ſecundùm magnam, &c. vt ſuprà fol. 102. dicitur totus cum **G**loria Patri. **Q**uo dicto, Sacerdos ſpargit Aquam benediãtam per omnia fundamenta, ſi ſunt aperta : ſi verò non ſunt aperta, circuit aſpergendo fundamenta Eccleſiæ deſignata. Et incipiens aſpergere, inchoat Antiphonam, Clero proſequirente : O quàm metuendus eſt locus iſte ! verè non eſt hïc aliud, niſi domus Dei, & porta cæli.

Fundamenta eius in montibus sanctis: * diligit Dominus portas Sion super omnia tabernacula Iacob.

Gloriosa dicta sunt de te, * ciuitas Dei.

Memor ero Rahab & Babylonis * scientiū me.

Ecce alienigenæ, & Tyrus, & populus Æthiopum, * hi fuerunt illic.

Numquid Sion dicet: Homo, & homo natus est in ea: * & ipse fundauit eam Altissimus?

Dominus narrabit in scripturis populorum, & principum; * horum, qui fuerunt in ea.

Sicut latantium omnium * habitatio est in te.

Gloria Patri.

Antiph. O quàm metuendus est locus iste! verè non est hîc aliud, nisi domus Dei, & porta cæli.

Interim aspergendo procedit vsque ad fundamenta aperta, seu designata, & repetita

Antiph. stans dicit: O remus. Ministri: Flectamus genua. R. Leuate.

OMnipotens & misericors Deus, qui Sacerdotibus tuis tantam præ ceteris gratiam cõtulisti, vt quidquid in tuo nomine dignè perfecteque ab eis agitur, à te fieri credatur: quæsumus immensam elementiam tuam, vt quidquid modò visitaturi sumus, visites; & quidquid benedicturi sumus, bene+ dicas: sitque ad nostrę humilitatis introitū, Sanctorum tuorum meritis, fuga dæmonum, Angeli pacis ingressus. Per Christum Dominum nostrum. R. Amen.

Deus

DEUS, qui ex omnium cohabitatione Sanctorum æternum maiestati tuæ condidit habitaculum: da ædificationi tuæ incrementa cælestia; vt quod te iubente fundatur, te largiente perficiatur. Per Christum Dominum nostrum. *R.* Amen.

Ritus benedicendi nouam Ecclesiam, seu Oratorium publicum, vt ibi sanctissimum Missæ sacrificium celebrari possit.

Sacerdos nouam Ecclesiam de licentia Episcopi benedicturus, vt in ea diuinum sacrificium Missæ ritè celebretur, stola ac pluuiali albi coloris indutus, aliquot Sacerdotibus & Clericis adhibitis, prælata Cruce media inter duos Clericos deferentes cereos accensos, manè procedit ad primariam Ecclesiæ vel Oratorij ianuam; vbi stans capite aperto, conuersus ad eam dicit absolute Orationem.

Actiones nostras, quæsumus Domine, aspi-rando præueni, & adiuuando prosequere: vt cuncta nostra oratio & operatio à te semper incipiat, & per te cœpta finiatur. Per Christum Dominum nostrum. Amen.

Deinde inchoat Antiphonam, Asperges me Domine, &c. & Clerus alternatim dicit Psalmum Miserere mei Deus. In fine Gloria Patri.

Interim circumdant exteriori Ecclesiam (quæ intus debet esse vacua & nuda, & pariter altaria nuda, excluso populo, donec absoluta sit benedictio) & Sacerdos accepto aspergillo ex herba hyssopi ad eius dexteram se conuertens, parietes Ecclesiæ in superiori parte, & in fundamentis, cum Aqua benedicta aspergit, dicens, Asperges me Domine hyssopo, & mundabor; lauabis me, & super niuem dealabor. Reuersi ad locum vnde Processio initium habuit, repetita Antiphona à Clero, Sacerdos stans vt priùs versus Ecclesiam dicit Oremus. & Ministri: Flectamus genua. R. Leuate.

Oratio.

Domine Deus, qui licet cælo & terra non capiaris, domum tamen dignaris habere in terris, vbi nomen tuum iugiter inuocetur: locum hunc, quæsumus, beatæ Mariæ semper Virginis, & beati **N.** omniumque Sanctorum intercedentibus meritis, sereno pietatis tuæ intuitu visita, & per infusionem gratiæ tuæ ab omni inquinamento purifica, purificatumque conserua; & qui dilecti tui Dauid deuotionem in filij sui Salomonis opere compleuisti, in hoc opere desideria nostra perficere digneris; effugiantque omnes hinc nequitia spirituales. Per Dominum nostrum, &c.

Qua finita Oratione, omnes bini in Ecclesiam intrantes ad altare maius procedunt, Litanias decantantes.

Vbi

Vbi dictum fuerit, Vt omnibus fidelibus defunctis requiem æternam donare digneris, Te rogamus audi nos. **furgit Sacerdos, & intelligibili voce dicit**: Vt hanc Ecclesiam, & Altare ad honorem tuum, & nomen Sancti tui **N.** purgare & benedicere **+** digneris, Te rogamus audi nos. **cùm dicit**, benedicere, manu dextera benedicit Ecclesiam, & Altare, deinde vt prius genuflectit, donec perficiantur Litanie; & Cantores prosequuntur: Vt nos exaudire digneris, Te rogamus audi nos. **Fili Dei**, Te rogamus audi nos. **Agnus Dei**, &c.

Dicto vltimo **Kyrie eleison**, **Sacerdos stans dicit**: **O remus. Ministri**: Flectamus genua. **R.** Leuate.

Praueniat nos, quæsumus Domine, misericordia tua, & intercedentibus omnibus Sanctis tuis, voces nostras clementia tuæ propitiationis anticipet. Per Christum Dominum nostrum. **R.** Amen.

Tum distans ab Altari congruenti spatio genuflectus, & se signans, dicit: Deus in adiutorium meum intende. & statim **furgit Clero respondente**: Domine ad adiuuandum me festina. **ipse verò stans dicit**: **G**loria Patri, & Filio, & Spiritui sancto. **Chorus respondet**: Sicut erat in principio, &c. **Postea Sacerdos dicit**: **O remus. Ministri**: Flectamus genua. **R.** Leuate.

Oratio.

OMnipotens & misericors Deus, qui Sacerdotibus tuis tantam præ ceteris gratiam contulisti, vt quidquid in tuo nomine dignè perfectèque ab eis agitur, à te fieri credatur: quæsumus immensam clementiam tuam, vt quidquid modò visitaturi sumus, visites; & quidquid benedicturi sumus, bene ✠ dicas: sitque ad nostræ humilitatis introitum, Sanctorum tuorum meritis, fuga dæmonum, Angeli pacis ingressus. Per Dominum nostrum IESVM Christum filium tuum, &c.

His dictis inchoat Antiphonam, Benedic Domine domum istam nomini tuo ædificatam. cum tribus Psalmis sequentibus, videlicet:

Psalmus 119.

AD Dominum cum tribularer clamaui: *
& exaudivit me.

Domine libera animam meam à labiis iniquis, * & à lingua dolosa.

Quid detur tibi, aut quid apponatur tibi * ad linguam dolosam?

Sagittæ potentis acutæ, * cum carbonibus desolatoris.

Heu mihi, quia incolatus meus prolongatus est: habitavi cum habitantibus Cedar: * multum incola fuit anima mea.

Cum his qui oderunt pacem, eram pacificus: * cum loquebar illis, impugnabant me gratis.

Gloria Patri.

Psal-

Psalmus 120.

Leuauit oculos meos in montes, * unde ueniet auxilium mihi.

Auxilium meum à Domino, * qui fecit cælum & terram.

Non det in commotionem pedem tuum: * neque dormitet qui custodit te.

Ecce non dormitabit, neque dormiet, * qui custodit Israël.

Dominus custodit te, Dominus protectio tua * super manum dexteram tuam.

Per diem sol non uret te: * neque luna per noctem.

Dominus custodit te ab omni malo: * custodiat animam tuam Dominus.

Dominus custodiat introitum tuum, & exitum tuum; * ex hoc nunc, & usque in sæculum. **G**loria Patri.

Psalmus 121.

Lætatus sum in his, quæ dicta sunt mihi: * in domum Domini ibimus.

Stantes erant pedes nostri, * in atriis tuis Ierusalem.

Ierusalem, quæ ædificatur ut ciuitas: * cuius participatio eius in idipsum.

Illuc enim ascenderunt tribus, tribus Domini: * testimonium Israël ad confitendum nomini Domini.

Quia illic federunt sedes in iudicio, * sedes super domum Dauid.

Roga-

Rogate quæ ad pacem sunt Ierusalem : * & abundantia diligentibus te.

Fiat pax in virtute tua : * & abundantia in turribus tuis.

Propter fratres meos, & proximos meos, * loquebar pacem de te.

Propter domum Domini Dei nostri, * quæsiui bona tibi.

Gloria Patri.

Antiph. Benedic Domine domum istam nomini tuo ædificatam.

Interim aspergit interiùs parietes in parte superiori & inferiori, Inchoans aspersionem à parte Euangelij, dicens: Asperges me Domine, &c. tum ad Altare reuersus, dicit: Oremus. Flectamus genua. **R.** Leuate.

Deus, qui loca nomini tuo dicanda sanctificas, effunde super hanc orationis domum gratiam tuam, vt ab omnibus hîc nomen tuum inuocantibus auxilium tuæ misericordiæ sentiatur. Per Dominum nostrum **I**ESUM Christum filium tuum: qui tecum viuit & regnat in vnitate Spiritus sancti Deus, per omnia sæcula sæculorum. **R.** Amen.

His peractis dicitur Missa de tempore occurrenti, vel de Sancto.

Ecclesia verò quamuis à simplici Sacerdote, vt supra, sit benedicta, ab Episcopo tamen consecranda est.

Ritus reconciliandi Ecclesiam violatam, si nondum erat ab Episcopo consecrata.

Ecclesiæ violatæ reconciliatio per Sacerdotem ab Episcopo delegatum fiat hoc modo. Altare Ecclesiæ omnino nudetur, prouideaturque vt Ecclesia possit liberè circumiri tam exteriùs quàm interiùs, si fieri potest. pareretur vasculum cum Aqua benedicta, & aspergillum de herba hyssopo factum. Sacerdos indutus amictu, alba, cingulo, stola, & pluuiali albo, adhibitis aliquot Sacerdotibus & Clericis, procedit ad primariam Ecclesiæ portam. vbi stans Antiphonam incipit, dicens, Clero prosequente: Asperges me Domine hyssopo, & mundabor; lauabis me, & super niuem dealbabor. Psalmus Miserere mei Deus. totus cum Gloria Patri. Quo finito, Antiphona repetitur. Interim dum Antiphona & Psalmus dicuntur, Sacerdos cum Aqua benedicta aspergit in circuitu extrinsecus Ecclesiam, & Cœmeterium, simul aspergendo alternatim ad parietes Ecclesiæ, ad terram Cœmeterij, præsertim ad loca contaminata. Quo facto, redit ad locum, vbi incepit aspergere, & stans dicit:

Oremus.

Omnipotens & misericors Deus, qui Sacerdotibus tuis tantam præ ceteris gratiam

tiam contulisti, vt quidquid in tuo nomine dignè perfecteque ab eis agitur, à te fieri credatur: quæsumus immensam clementiam tuam, vt quod modò visitaturi sumus, visites; & quidquid benedicturi sumus, bene + dicas: sitque ad nostræ humilitatis introitum, Sanctorum tuorum meritis, fuga dæmonum, Angeli pacis ingressus. Per Christum Dominum nostrum. *R.* Amen.

Deinde Sacerdos incipit Litanias, & ingreditur Ecclesiam cum Clero, cantando eas; acceditque ante Altare maius, coram quo genuflectit: cumque dictum fuerit; Vt omnibus fidelibus defunctis requiem æternam, &c. *R.* Te rogamus audi nos. Sacerdos surgit, & clara voce dicit: Vt hanc Ecclesiam, Altare hoc, & Cœmeterium purgare + & reconciliare digneris, Te rogamus, &c.

Quibus dictis rursus genuflectit, & Litaniam perficiuntur. Quibus finitis, Sacerdos versus ad dictum Altare dicit: Oremus. & Ministri: Flectamus genua. *R.* Leuate.

PRæueniat nos, quæsumus Domine, misericordia tua, & intercedentibus omnibus Sanctis tuis, voces nostras clementia tuæ propitiationis anticipet. Per Christum Dominum nostrum. *R.* Amen.

Deinde Sacerdos genuflectit ante Altare, & se signo Crucis muniens, clara voce dicit: Deus in adiutorium meum intende. tum surgit, &
Cho-

Chorus, seu astantes Clerici respondent : Domine ad adiuvandum me festina. & **Sacerdos stans dicit :** Gloria Patri, & Filio, & Spiritui sancto. **R.** Sicut erat in principio, & nunc, & semper, & in sæcula sæculorum, Amen. **Quo dicto, Sacerdos inchoat, Clero prosequente, Añam.** Exurgat Deus, & dissipentur inimici eius, & fugiant qui oderunt eum à facie eius. **Pfalm.** In Ecclesiis benedicite Deo Domino,* de fontibus Israël.

repetitur Antiphona.

Ibi Benjamin adolescentulus, * in mentis excessu.

repetitur Antiphona.

Principes Iuda, duces eorum: * Principes Zabulon, Principes Nephthali.

repetitur Añam.

Manda Deus virtuti tuæ: * confirma hoc Deus, quod operatus es in nobis.

repetitur Añam.

A templo sancto tuo in Ierusalẽ, * tibi offerent reges munera.

repetitur Antiphona.

Increpa feras arundinis, congregatio taurorum in vaccis populorum: * vt excludant eos qui probati sunt argento.

repetitur Antiphona.

Dissipa Gentes, quæ bella volunt: venient legati ex Ægypto: * Æthiopia præueniet manus eius Deo.

repetitur Antiphona.

Regna terræ, cantate Deo: * psallite Domino.

repetitur Antiphona.

Psallite Deo, qui ascendit super cælum cæli, * ad Orientem.

repetitur Antiphona.

Ecce dabit voci suæ vocem virtutis, date gloriam.

riam Deo super Israël, * magnificentia eius, & virtus eius in nubibus.

repetitur Antiphona.

Mirabilis Deus in Sanctis suis, Deus Israël ipse dabit virtutem & fortitudinem plebi suæ, * benedictus Deus. & non dicitur Gloria Patri, sed Antiphona repetitur. Interim dum Antiphona & Psalmus prædicti dicuntur, Sacerdos circumit Ecclesiam intrinsecus aspergendo: aspergit etiam specialiter loca contaminata: quo facto stans in Presbyterio versus ad Altare dicit:

Deus, qui in omni loco dominationis tuæ clemens & benignus purificator assistis, exaudi nos, quæsumus, & concede, vt in posterum inuiolabilis huius loci permaneat benedictio; & tui muneris beneficia, vniuersitas fidelium, quæ supplicat, percipere mereatur. Per Christum Dominum nostrum. *R.* Amen.

Deinde dicitur Missa de die occurrenti.

Simplex Sacerdos, tantum ex priuilegio Sedis Apostolicæ, potest Ecclesiam ab Episcopo consecratam reconciliare. Et tunc vtatur ritu in Pontificali præscripto: procedatque indutus amictu, alba, cingulo, stola, & pluuiali albi coloris: adhibitis secum aliis Presbyteris & Clericis superpelliceis indutis, cum aqua ab Episcopo ad hunc usum ritè benedicta.

Ritus benedicendi nouum Cœmeterium per Sacerdotem ab Episcopo delegatum.

Pridie quàm fiat benedictio, ponitur in medio Cœmeterio benedicendo lignea Crux, alta ad staturam hominis; & ante ipsam Crucem in terra figitur paxillus tridens ligneus altus ad cubitum vnum, aptus ad affigendum illi tres candelas.

Sequenti die manè Sacerdos in Sacristia paratus amictu, alba, cingulo, stola, & pluuiali albi coloris, adhibitis aliquot Sacerdotibus & Clericis indutis superpelliceis, qui deferant vasculum Aquæ benedictæ, aspergillum, & thuribulum cum incensi nauicula, & hoc Rituali libro, & tribus candelis cereis, procedit ad Cœmeterium benedicendum ante Crucem in medio positam, & affiguntur, & accenduntur tres candelæ super ligneum paxillum, & Sacerdos ante Crucem & candelas, stans disco-operto capite dicit: **O**remus.

OMnipotens Deus, qui es custos animarum, & tutela salutis, fides credentium, respice propitius ad nostræ seruitutis officium, & ad introitum nostrum purgetur †, benedicatur †, & sanctificetur † hoc Cœmeterium, vt humana corpora hîc post vitæ cursum

quiescentia, in magno iudicij die simul cum felicibus animabus mereantur adipisci vitæ perennis gaudia. Per Christum Dominum nostrum. *R.* Amen.

Mox ante ipsam Crucem omnes, genibus flexis, dicunt Litanias ordinarias, incipiente Cantore, ceteris respondentibus: & cum dictum fuerit, Vt omnibus fidelibus defunctis, &c. Te rogamus audi nos. Sacerdos surgit, & clara voce dicit, producens manu signum Crucis: Vt hoc Cœmeterium purgare & benedicere ✠ digneris, Te rogamus, &c.

Deinde Sacerdos, vt prius genuflectit, & Litaniaz perficiuntur.

Quibus finitis, surgunt omnes, & Sacerdos Crucem aspergit Aqua benedicta, dicens Antiphonam, Asperges me Domine hyssopo, & mundabor: lauabis me, & super niuem dealabor. Miferere mei Deus, &c. dicitur totus ab assistantibus cum Gloria Patri, &c. vt suprâ fol. 102. quo dicto repetitur Antiph. Dum dicitur Psalmus, Sacerdos circuit, & perambulat totum Cœmeterium, incipiens ad eius dexteram, aspergens vbique Aqua benedicta, quo facto, redit ante Crucem, & ad ipsam respiciens, dicit:

O remus.

DEus, qui es totius orbis conditor, & humani generis redemptor, cunctarumque creaturarum visibilibus & inuisibilibus perfectus

ctus dispositor, te supplici voce ac puro corde exposcimus, vt hoc Cœmeterium, in quo famulorum famularumque tuarum corpora quiescere debent post curricula huius vitæ labentia, purgare ✠, benedicere ✠, & sanctificare ✠ digneris: qui que remissionem omnium peccatorum per tuam magnam misericordiam in te confidentibus præstitisti, corporibus quoque eorum in hoc Cœmeterio quiescentibus, & tubam primi Archangeli exspectantibus consolationem perpetuam largiter impartire. Per Christum Dominum nostrum. R. Amen.

Tunc figit in summitate Crucis vnam ex tribus candelis ardentibus, & alias duas similiter ardentibus in duobus brachiis eiusdem Crucis. Deinde incensat ipsam Crucem, & aspergens Aqua benedicta redit cum ministris in sacristiam.

Ordo reconciliandi Cœmeterium violatum, siue Ecclesiæ contiguum sit, siue separatum, vbi Ecclesia non est polluta.

MANÈ diei, qua facienda est reconciliatio, Sacerdos, si ab Episcopo facultatem habeat, adhibitis aliis Sacerdotibus & Clericis indutis superpelliceis, in sacristia, aut alio

decenti loco vestitus amictu, alba, cingulo, stola, & pluuiali albi coloris, accedit ad medium Cœmeterij, Clerico vasculum Aquæ benedictæ & aspergillum deferente, & ibi super tapeto genuflectit vnâ cum ministris: & Cantores, aliique omnes genibus flexis, dicunt Litanias. In quibus cum dictum fuerit, Vt omnibus fidelibus defunctis, &c. Te rogamus audi nos. Sacerdos surgit, & manu dextra producens signum Crucis super Cœmeterium, clara voce dicit: Vt hoc Cœmeterium reconciliare ✠ & sanctificare digneris. R. Te rogamus audi nos. Quibus dictis, vt prius genuflectit, Cantoribus Litanias perficientibus. Quibus finitis, surgunt omnes, & Sacerdos accepto aspergillo cum Aqua benedicta inchoat Antiphonam, Asperges me Domine hyssopo, Clero prosequente & mundabor; lauabis me, & super niuem dealbabor. Psalm. Miserere mei Deus, &c. dicitur totus sine Gloria Patri. in fine repetitur Añã, Asperges. Dum hæc dicuntur, Sacerdos circuit totum Cœmeterium, incipiens ad eius dexteram, aspergens vbique Aqua benedicta, præsertim in loco vbi violatio commissa est. Quo peracto, redit ad locum vbi Litanie dictæ fuerunt, & ibi stans dicit: Oremus. & Ministri: Flectamus genua. R. Leuate.

Domine pie, qui agrum figuli pretio Sanguinis tui in sepulturam peregrinorum
com-

comparari voluisti, quæsumus, dignanter reminiscere clementissimi huius mysterij tui. Tu es enim Domine figulus noster, tu quietis nostræ ager, tu agri huius pretium. Tu dedisti etiam, & suscepisti. Tu de pretio tui viuifici Sanguinis nos requiescere donasti. Tu ergo Domine, qui es offensionis nostræ clementissimus indultor, expectantissimus iudicator, iudicij tui superabundantissimus miserator, iudicium tuæ iustissimæ seueritatis abscondens post miserationem tuæ piæ redemptionis, adesto exauditor, & effector nostræ reconciliationis; hocque Cœmeterium peregrinorum tuorum cælestis patriæ incolatum expectantium, benignus purifica & reconcilia; & hîc tumulorum & tumulandorum corpora de potentia & pietate tuæ resurrectionis ad gloriam incorruptionis non damnans, sed glorificans resuscita. Qui venturus es iudicare viuos & mortuos, & sæculum per ignem. *R.* Amen.



DE PROCESSIONIBVS.



VBLICÆ sacræq; Processiones, seu Supplicationes, quibus ex antiquissimo SS. Patrum instituto Catholica Ecclesia vel ad excitandam fidelium pietatem, vel ad commemoranda Dei beneficia, eiq; gratias agendas, vel ad diuinum auxilium implorandum vti consuevit, qua par est religione celebrari debent: continent enim magna ac diuina mysteria, & salutare Christianæ pietatis fructus eas piè exequentes à Deo consequuntur; de quibus fideles præmonere & erudire, quo tempore magis opportunum fuerit, Parochorum officium est.

Videant in primis Sacerdotes, aliq; Ecclesiastici ordinis, vt in his Processionibus ea modestia ac reuerentia tum ab ipsis tum ab aliis adhibeatur, qua piis & religiosis huiusmodi actionibus maxime debetur.

Omnes decenti habitu, superpelliceis, vel aliis sacris vestibus, sine galeris, nisi pluvia cogente, induti, grauiter, modeste, ac deuotè bini suo loco procedentes, sacris Precibus ita sint intenti, vt remoto risu, mutuoq; colloquio, & vago oculorum aspectu, populum etiam ad piè deuotèq; precandum inuitent.

Laici à Clericis, femina à viris separata orantes prosequantur.

Præferatur Crux, & ubi fuerit consuetudo, vexillum sacris Imaginibus insignitum, non tamen factum militari seu triangulari forma.

Edendi ac bibendi abusum, secumve esculenta & poculenta deferendi in sacris Processionibus, agrisq; lustrandis, & suburbanis Ecclesiis visitandis, tollere Parochi studeant: ac fideles, præsertim die Dominica quæ proximè Rogationes antecedit, quàm hæc dedeceat corruptela, sæpius admoneât.

Processiones prius fieri debent, deinde Missa solemniter celebrari: nisi aliter ob grauem causam interdum Ordinario vel Clero videatur.

Processiones autem quedam sunt ordinariæ, quæ sunt certis diebus per annum, ut in festo Purificationis beatæ Mariæ semper Virginis, & in Dominica Palmarum, & in Litanis maioribus in festo sancti Marci, & in minoribus Rogationum triduo ante Ascensionem Domini, & in die festo Corporis Christi, vel aliis diebus pro consuetudine Ecclesiarum.

Quedam verò sunt extraordinariæ, ut quæ variis ac publicis Ecclesiæ de causis in dies indicuntur.

De Processione in die festo Purificationis beatæ Mariæ semper Virginis.

Completa benedictione & distributione candelarum, ut in Missali Romano re-

formato, fit Processio. Et primò Celebrans
imponit incensum in thuribulum: deinde Dia-
conus, vertens se ad populum, dicit:




Procedamus in pace. & Chorus respondet:



In nomine Christi, Amen.


Præcedit thuriferarius cum thuribulo fumi-
gante: deinde Subdiaconus paratus deferens
Crucem, medius inter duos Acolythos cum
candelabris, & candelis accensis: sequitur Cle-
rus per ordinem, vltimò Celebrans cum Dia-
cono à sinistris, omnes cum candelis accensis in
manibus: & cantantur Antiphonæ sequentes.



Añã. Adorna thalamum tuum Si on, & sus-



cipe Regem Christum: amplectere Ma-
riam,



riam , quæ est cælestis porta : ipsa enim



portat Regem gloriæ, noui luminis : Sub-



fistit Virgo , adducens manibus Filium



ante lu ci ferum ge nitum ; quem



accipiens Simeon in vlnas suas prædi-



cavit populis Dominum eum esse vitæ

&



& mortis, & Saluato rem mundi.



Alia Antiph. Responsum accepit Simeon à



Spiritu sancto, non visurum se mortem,



nisi videret Christum Domini: & cum



inducerent puerum in templum, accepit



eum in vlnas suas, & benedixit Deum,

&




& dixit : Nunc dimittis seruum tuum



Domine in pace. *V.* Cùm inducerent



puerum IESVM parentes eius, vt face-



rent secundùm consuetudinem legis pro-



pterea ipse accepit eum in vlnas suas.

Et ingrediendo Ecclesiam cantatur



R. Obtulerunt Domino par turturum, aut
duos



duos pullos columbarum, **S**icut scriptum



est in lege Domini. **Ÿ**. Postquam imple-



ti sunt dies purgationis Mariæ secun-



dum legem Moysi, tulerunt IER-



SUM in Ierusalem, ut sisterent eum



Do mino.

Sicut scriptum.

Ÿ. Glo-



⁊. Glo ri a Pa tri , & Fi li o , & Spi-



ri tu i san cto. Sicut scriptum.

Finita Proceſſione , Celebrans & miniſtri ,
depoſitis violaceis , accipiunt paramenta alba
pro Miſſa. Et candelæ tenentur in manibus
accenſæ , dum legitur Euangelium , & iterum
ad eleuationem Sacramenti uſque ad Com-
munionem.

De Proceſſione in die Palmarum.

IN Dominica Palmarum , facta benedi-
ctio- ne & diſtributione Palmarum ſeu Oliua-
rum , poſt vltimam Orationem , Omnipotens
ſempiternæ Deus , &c. fit Proceſſio , ac primùm
Celebrans imponit incepſum in thuribulum ,
& Diaconus vertens ſe ad populum , dicit:



Procedamus in pace.

&



& Chorus respōdet: In nomine Christi, Amen.

Præcedit thuriferarius cum thuribulo fumigante : deinde Subdiaconus paratus deferens Crucem , medius inter duos Acolythos cum candelabris, & candelis accensis : sequitur Clerus per ordinem , vltimò Celebrans cum Diacono à sinistris, omnes cum ramis in manibus: & cantantur sequentes Antiphonæ vel omnes, vel aliquæ, quousque durat Processio.



Antiph. Cùm appropinquaret Dominus Ie-




rosolyman, misit duos ex discipulis suis,



dicens: Ite in castellum, quod contra

VOS



vos est; & inuenietis pullum asinae alli-



gatum, super quem nullus hominum fe-



dit: soluite, & adducite mihi: Si quis



vos interrogauerit, dicite: Opus Domino



est: Soluentes adduxerunt ad IESVM, &



imposuerunt illi vestimenta sua, & sedit



super eum: a li j expandebant vestimen-



ta sua in vi a: a li j ramos de arbori-



bus sternerant; & qui sequebantur; cla-



mabant: Hosanna; benedictus qui venit



in nomine Domini: benedictum regnum



patriſ nōſtri David: Hosanna in excel-

ſis:

X


ſis:




sis: miserere nobis fili Dauid.



Alia Añã. Cùm audisset populus, quia Ie-



sus venit Ierosolymam, acceperunt ra-



mos palmarum, & exierunt ei ob uiam,



& clamabant pueri, dicentes: Hic est, qui



uenturus est in salutem populi. Hic est

is:

X 2

salus



salus nostra, & redemptio Israël.



Quantus est iste, cui Throni & Domina-



ti o nes occurrunt? Noli timere fili a




Sion : ecce Rex tuus venit tibi, sedens



super pullum a sinæ : sicut scriptum est.



Salve Rex fabricator mundi, qui ve-
nisti



nisti redimere nos. *Alia Antiphona.*



*A*nte sex dies solemnis Paschæ, quando



venit Dominus in ciuitatem Ierusalem,



occurrerunt ei pueri: & in manibus



portabant ramos palmarum, & clama-



bant voce magna dicentes: Hosanna in

X 3

excel-



ex cel sis : benedictus qui venisti in



multitudine misericordi æ tu æ : Ho-



fanna in ex cel sis.



Alia Antiph. **G**ccurrunt turbæ cum flori-



bis & palmis Redemptori ob uiã,



& victo ri triumphanti digna dant ob-
sequia:



-sequia: Filium De i ore gentes præ-



dicant: & in laudem Christi voces tonant



per nu bila: Hofanna in excel fis.



Alia Antiph. Cum Angelis & pueris fide-



les inueniamur, triumphatori mortis cla-



mantes: Hofanna in excel fis.




Alia Antiph. Turba multa, quæ conuene-



rat ad diem festum, clamabat Domi-



no: Benedictus qui venit in nomine




Do mini, Hosanna in excel sis.

In reuersione Processionis, duo vel quatuor Cantores intrant in Ecclesiam, & clauso ostio stantes versa facie ad Processionem, incipiunt Ψ . Gloria, laus. & decantant duos primos versus. Sacerdos verò cum alijs extra Ecclesiam repetit eosdem. Deinde qui sunt intus, cantant versus sequentes, vel omnes, vel partem, prout videbitur: & qui sunt extrà, ad quoslibet duos versus respondent: Gloria, laus. sicut à principio.

Ψ . G lo-



ŷ. G l o r i a , laus , & honor tibi fit Rex



Chriſte redemptor : Cui pue ri le de-



cus prompfit Hoſanna pi um.



Iſraël es tu Rex, Daudis & in clyta



proles : Nomine qui in Domini Rex



benedi cte venis. ad G l o r i a .

X 5

Cœtus



Cætus in excel sis te laudat cælicus.



omnis, Et mortalis homo, & cuncta



creata si mul. **G**lo ri a.



Plebs Hebræa ti bi cum pal mis ob-



ui a ve nit: Cum prece, vo to, hymnis,



adsumus ecce ti bi. **G**lo ri a.

Hi



Hi tibi passuro soluebant munia laudis:



Nos tibi regnanti pan gimus ecce melos.



Glo ri a.



Hi placuere tibi, pla ceat deuo ti o



nostra. Rex bone, Rex clemens, cui



bona cuncta placent. Glo ri a.

Postea

Postea Subdiaconus hastili Crucis percutit
portam : qua statim aperta , Processio intrat
Ecclesiam , cantando Responsorium,



Ingrescente Domino in sanctam ci-



uitatem, Hebræorum pu e ri re surre-



tionem vi tæ pronuntiantes, **C**um



ramis palmarum , Hosanna clamabant



in ex celsis. **V.** Cùm audisset populus,
quòd



quòd IESVS veniret Ierofolymam, ex i e-



runt ob uiam e i. **C**um ramis.

Et non dicitur **G**loria Patri. Deinde dicitur Missa, & rami tenentur in manibus, dum cantatur Passio & Euangelium tantum.

Ordo seruandus in Litaniarum maiorum Processione, quæ die festo S. Marci celebratur.

Clerus & populus hora statuta manè in Ecclesia congregati, omnes contrito & humili corde Deum flexis genibus paulisper precentur. Sacerdos pluuiali cum ministris, vel saltem superpelliceo & stola violacei coloris sit indutus, cuius coloris habitus in reliquis Processionibus semper vtatur, præterquam in Processionibus Corporis Christi, & quæ sunt solemnibus diebus, vel in gratiarum actionem; quibus diebus vtitur colore propriæ solemnitati congruenti. Ceteri verò Sacerdotes & Cleri-

Clerici superpelliceis induti sequentem Antiphonam stantes concinant:



Antiph. Exurge Domine, ad iuua nos,



& li bera nos propter nomen tu um.



Psalm. Deus au ribus nostris au diuimus:



patres nostri annuntiaue runt no bis.



Glo ri a.

Repetitur Antiphona, Exurge Domine, &c.
Deinde genuflectant omnes, & duo Clerici
ante Altare maius genuflexi deuotè Litanias
canta-

cantare incipiant, ceteris eadem voce respondentibus. Cùm autem cantatum erit,



Sancta Maria, Ora pro nobis.

D surgunt omnes, & ordinatim procedunt, egredientes, Litaniasque prosequentes, præcedente Cruce, & sequente Clero, ultimo loco Sacerdos paratus, ut supra dictum est, cum ministris, prout res vel locus postulet, sacris vestibus indutis.

Si Processio sit longior, vel repetantur Litaniaz, vel Litanij absolutis vsque ad Preces exclusiue, dicantur aliqui Psalmi ex Pœnitentialibus, seu Gradualibus. Hymni verò, vel Cantica lætitiæ in ijs, vel in Rogationibus, aut alijs pœnitentiæ causa institutis Processionibus, non dicantur.

Si ad vnam vel plures Ecclesias in via sit diuertendum, ingressis Ecclesiam, intermissisque Litanij vel Psalmis, cantatur Antiph. cum Versu & Oratione Sancti Patroni illius Ecclesie. Deinde egredientes, resumpris Precibus, eodem ordine procedunt vsque ad Ecclesiam, vbi cum Precibus & Orationibus omnibus Processio terminatur, ut in fine Breviarij Romani post Psalmos Pœnitentiales.

In

In Litanijis minoribus Rogationum seruentur omnia vt supra in Litanijis maioribus.

De Processione in festo sanctissimi Corporis Christi.

DEceatèr ornamenta Ecclesiæ, & parietes
iarum, per quas est transeundum, tapeti-
bus & aulæis, & sacris imaginibus, non autè pro-
fanis aut vanis figuris, seu indignis ornamentis.

Sacerdos primùm Missam celebret, in qua
duas Hostias consecret, & sumpta vna, alteram
in tabernaculum in Processione deferendum
ita reponat, vt per vitrum seu crystallum, quò
ipsum tabernaculum circumseptum esse debet,
exteriùs adorantibus appareat, veloquè operia-
tur, donèc auferatur ab Altari. Peracto autem
Sacrificio, & Processione iam inchoata, ordi-
ne quo iam supra dictum est in Litanijis maio-
ribus, Sacerdos plumiali albo indutus ter in-
censet Sacramentum genuflexus.

Deinde Diaconus oblongum ac decens ve-
lum circumponit scapulis Sacerdotis, qui par-
te veli ante pectus pendente, vtraque ma-
nu cooperta, ostensorium seu tabernaculum
à Diacono sibi porrectum reuerenter susci-
pit in supremo Altaris gradu, mox ad Al-
tare ascendit, & Sacramentum ante faciem
tenens vertit se ad populum, inde descen-
dit sub umbellam comitantibus ministris, &
duo

duo Acolyths vel Clerici cum thuribus effumantibus præcedunt.

Omnes præcedent nudo capite accensos cereos gestantes, & sequentes Hymnos pro longitudine Processionis deuotè concinentes. Dum verò Sacerdos discedit ab Altari, Clerus vel Sacerdos cantare incipit sequentem Hymnum.



P Ange lingua glori o si Corporis my-



ste ri um, Sanguinisque pre ti o si,



Quem in mundi pre ti um, Fructus



ventris genero si Rex effudit gentium.

Nobis datus, nobis natus.

Y

Ex

Ex intacta Virgine,
 Et in mundo conuersatus,
 Sparso verbi semine,
 Sui moras incolatus
 Miro clausit ordine.

In supremæ nocte cœnæ
 Recumbens cum fratribus,
 Obseruata lege plenè
 Cibis in legalibus,
 Cibum turbæ duodenæ
 Se dat suis manibus.

Verbum caro, panem verum
 Verbo carnem efficit:
 Fitque Sanguis Christi merum,
 Et si sensus deficit:
 Ad firmandum cor sincerum
 Sola fides sufficit.

Tantum ergo Sacramentum
 Veneremur cernui:
 Et antiquum documentum
 Nouo cedat ritui:
 Præstet fides supplementum
 Sensuum defectui.

Genitori, Genitoque
 Laus & iubilatio,
 Salus, honor, virtus quoque
 Sit & benedictio:
 Procedenti ab utroque
 Compar sit laudatio. Amen.

De Processionibus.

331

Hymnus.

S Acris solemnijuncta sint gaudia,

Et ex præcordijs sonent præco nia:

Recedant vetera, noua sint om nia,

Cor da, voces, & o pera.

Noctis recolitur cœna nouissima,
Qua Christus creditur agnum & azyma
Dedisse fratribus, iuxta legitima
Priscis indulta patribus.

Post agnum typicum, expletis epulis,
Corpus Dominicum datum discipulis,
Sic totum omnibus, quod totum singulis,
Eius fatemur manibus.

Y 2

Dedit

Rituale Romanum

Dedit fragilibus Corporis ferculum,
 Dedit & tristibus Sanguinis poculum,
 Dicens, Accipite quod trado vasculum,
 Omnes ex eo bibite.

Sic sacrificium istud instituit,
 Cuius officium committi voluit
 Solis presbyteris, quibus sic congruit,
 Ut fumant, & dent ceteris.

Panis angelicus fit panis hominum:
 Dat panis cælicus figuris terminum:
 O res mirabilis! manducat Dominum
 Pauper, seruus, & humilis.

Te trina Deitas, vnaque poscimus,
 Sic nos tu visita, sicut te colimus:
 Per tuas semitas duc nos quò tendimus,
 Ad lucem quam inhabitas.
 Amen.

Hymnus.

Verbum su per num prodiens, Nec

Patris linquens dex teram, Ad opus suum
 exiens



ex i ens Venit ad vi tæ vesperam.

In mortem à discipulo
Suis tradendus æmulis,
Priùs in vitæ ferculo
Se tradidit discipulis.

Quibus sub bina specie
Carnem dedit & sanguinem;
Vt duplicis substantiæ
Totum cibaret hominem.

Se nascens dedit focium,
Conuescens in edulium,
Se moriens in pretium,
Se regnans dat in præmium.

O salutaris Hostia,
Quæ cæli pandis ostium:
Bella premunt hostilia,
Da robur, fer auxilium.

Vni trinoque Domino
Sit sempiterna gloria;
Qui vitam sine termino
Nobis donet in patria. Amen.

Hymnus.



SA lu tis hu manæ Sa tor IE sv vo-
Y 3 luptas



luptas cor dium, Orbis redempti Con-



ditor, Et casta lux a mantium:

Qua victus es clementia
 Ut nostra ferres crimina?
 Mortem subires innocens,
 A morte nos ut tollereres?
Perrumpis infernum chaos,
 Vincis catenas detrahis;
 Victor triumpho nobili
 Ad dexteram Patris sedes.
Te cogat Indulgentia,
 Ut damna nostra facias,
 Tuique vultus compotes
 Dites beato lumine.
Tu Dux ad astra, & semita,
 Sis meta nostris cordibus,
 Sis lacrymarum gaudium,
 Sis dulce vitæ præmium.
 Amen.

Hym-

Hymnus.



A Eter ne Rex altissime, Redem-
 ptor & fi de lium, Cui mors perem-
 pta detulit Summæ triumphum gloriæ.

A scendis orbis siderum,
 Quò te vocabat cælitus
 Collata, non humanitus
 Rerum potestas omnium.

V t trina rerum machina,
 Cælestium, terrestrium,
 Et inferorum condita,
 Flectat genu iam subdita.

T remunt videntes Angeli
 Versam vicem mortalium:
 Peccat caro, mundat caro,
 Regnat Deus Dei caro.

S is ipse nostrum gaudium,
 Manens olympto præmium;

Mundi regis qui fabricam,
Mundana vincens gaudia.

Hinc te precantes quæsumus
Ignosce culpis omnibus,
Et corda fursum subleua
Ad te superna gratia.

Vt cum repente cœperis
Clarere nube Iudicis,
Pœnas repellas debitas,
Reddas coronas perditas.

Iesu, tibi sit gloria,
Qui victor in cælum redis,
Cum Patre, & almo Spiritu,
In sempiterna sæcula. Amen.

Te Deum laudamus, &c. fol. 353. **B**enedictus
Dominus Deus Israël, &c. fol. 237. **M**agnifi-
cat anima mea Dominum, &c. fol. 380.

Peracta Processione, & sanctissimo Sacra-
mento ad Ecclesiam reportato, & super
Altare deposito, omnes Ecclesiastici, qui ad-
sint, hinc inde ordine genuflexi illud reueren-
ter adorantes, dum Sacerdos de more incen-
sat, sequentem Hymni partem concinant.

Tantum ergo Sacramentum
Veneremur cernui:
Et antiquum documentum
Nouo cedat ritui:
Præstet fides supplementum
Sensuum defectui.

Genitori, Genitoque

Laus

Laus & iubilatio,
 Salus, honor, virtus quoque
 Sit & benedictio,
 Procedenti ab utroque
 Compar sit laudatio. Amen.

Postea duo Clerici dicant *ψ*. Panem de caelo praestitisti eis, alleluia. *R.* Omne delectamentum in se habentem, alleluia.

Deinde Sacerdos stans dicit: Dominus vobiscum. *R.* Et cum spiritu tuo. *O* remus.

DEus, qui nobis sub Sacramento mirabili passionis tuae memoriam reliquisti: tribue quaesumus, ita nos Corporis & Sanguinis tui sacra mysteria venerari: ut redemptionis tuae fructum in nobis iugiter sentiamus. Qui vivis & regnas per omnia saecula saeculorum. *R.* Amen.

Tunc Sacerdos facta genuflexione, cum Sacramento semel benedicat populum in modum Crucis, nihil dicens, postea illud reuenter reponat.

Hic autem modus benedicendi seruetur etiam in aliis Processionibus faciendis cum sanctissimo Sacramento.

De Processione ad petendam pluuiam.

AGuntur omnia, ut supra in Litanis maioribus, usque ad finem Litaniarum, in quarum Precibus bis dicitur: *V*t congruentem

pluuiam fidelibus tuis concedere digneris, Te
rogamus audi nos. **In fine postea dicitur:** Pa-
ter noster. **secretò.** **Ÿ.** Et ne nos inducas in ten-
tationem. **R.** Sed libera nos à malo, **Psal. 146.**

Laudate Dominum quoniam bonus est
psalmus: * Deo nostro fit iucunda deco-
raque laudatio.

Ædificans Ierusalem Dominus: * dispersiones
Israëlis congregabit.

Qui sanat contritos corde: * & alligat contri-
tiones eorum.

Qui numerat multitudinem stellarum: * &
omnibus eis nomina vocat.

Magnus Dominus noster, & magna virtus
eius: * & sapientiæ eius non est numerus.

Suscipiens mansuetos Dominus: * humilians
autem peccatores vsque ad terram.

Præcinite Domino in confessione: * psallite
Deo nostro in cithara.

Qui operit cælum nubibus: * & parat terræ
pluuiam.

Qui producit in montibus fœnum: * & her-
bam seruituti hominum.

Qui dat iumentis escam ipsorum: * & pullis
coruorum inuocantibus eum.

Non in fortitudine equi voluntatem habe-
bit: * nec in tibiis viri beneplacitum erit ei.

Beneplacitum est Dño super timentes eum: *
& in eis qui sperant super misericordia eius.

Gloria Patri.

Quo

Quo finito dicantur Preces.

Ÿ. Operi Domine cælum nubibus. **R.** Et para
 terræ pluuiam. **Ÿ.** Vt producat in montibus
 fœnum. **R.** Et herbam ſeruituti hominum.
Ÿ. Riga montes de ſuperioribus tuis. **R.** Et
 de fructu operum tuorum ſatiabitur terra.
Ÿ. Domine exaudi orationem meam. **R.** Et
 clamor meus ad te veniat. **Ÿ.** Dominus vo-
 biſcum. **R.** Et cum ſpiritu tuo.

Oremus.

Oratio.

Deus, in quo viuimus, mouemur, & ſu-
 mus, pluuiam nobis tribue congruen-
 tem, vt præſentibus auxilijs ſufficienter adiu-
 ti, ſempiterna fiducialiùs appetamus.

Oratio.

Præſta, quæſumus omnipotens Deus, vt
 qui in afflictione noſtra de tua pietate con-
 fidimus, contra aduerſa omnia tua ſemper
 protectione muniamur.

Oratio.

DA nobis, quæſumus Domine, pluuiam
 ſalutarem, & aridam terræ faciem fluen-
 tis cæleſtibus dignanter infunde. Per Domi-
 num noſtrum **I E S V M** Chriſtum, &c.

Ÿ. Dominus vobiscum. **R.** Et cum ſpiritu
 tuo. **Ÿ.** Benedicamus Domino. **R.** Deo gra-
 tias. **Ÿ.** Exaudiat nos omnipotens & miſeri-
 cors Dominus. **R.** Amen. **Ÿ.** Fidelium ani-
 mæ per miſericordiam Dei requieſcant in pa-
 ce. **R.** Amen.

Pro-

Processio ad postulandam serenitatem.

OMnia fiant vt supra in Litanis maioribus, & in Litaniarum Precibus bis dicatur: Vt fidelibus tuis aëris serenitatem concedere digneris, Te rogamus audi nos. Ad finem obsecrationum dicitur Pater noster, &c. *ŷ.* Et ne nos inducas. *Psalmus 66.*

Deus misereatur nostri, & benedicat nobis: * illuminet vultum suum super nos, & misereatur nostri.

Vt cognoscamus in terra viam tuam: * in omnibus gentibus salutare tuum.

Confiteantur tibi populi Deus: * confiteantur tibi populi omnes.

Lætentur & exultent gentes: * quoniã iudicas populos in æquitate, & gentes in terra dirigis.

Confiteantur tibi populi Deus: confiteantur tibi populi omnes: * terra dedit fructum suum.

Benedicat nos Deus, Deus noster, benedicat nos Deus: * & metuant eum omnes fines terræ.

Gloria Patri.

ŷ. Adduxisti Domine spiritum tuum super terram. *R.* Et prohibita sunt pluuia de cælo.

ŷ. Cùm obduxero nubibus cælum. *R.* Apparebit arcus meus, & recordabor fœderis mei.

ŷ. Illustra faciem tuam Domine super seruos tuos. *R.* Et benedic sperantes in te. *ŷ.* Domine

ne

ne exaudi orationem meam. *R.* Et clamor meus ad te veniat. *V.* Dominus vobiscum. *R.* Et cum spiritu tuo.

O remus.

Oratio.

Deus qui culpa offenderis, pœnitentia placaris, preces populi tui supplicantis propitius respice, & flagella tuæ iracundiæ, quæ pro peccatis nostris meremur, auerte. *Oratio.*

Ad te nos Domine clamantes exaudi, & aëris serenitatem nobis tribue supplicantibus, vt qui iuste pro peccatis nostris affligimur, misericordia tua præueniente, clementiam sentiamus. *Oratio.*

Quæsumus, omnipotens Deus, clementiam tuam, vt inundantiam coërceas imbrium, & hilaritatem vultus tui nobis impertiri digneris. Per Dominum nostrum IESVM Christum filium tuum, &c.

Preces ad repellendam tempestatem.

Pulsantur campanæ, & qui adesse possunt, in Ecclesiam conuocatis, dicuntur Litanie ordinariæ, in quibus bis dicitur: *A* fulgure & tempestate, & post Litanias, Orationemque Dominicam, *Psalmus 147.*

Lauda Ierusalem Dominum: * lauda Deum tuum Sion.

Quoniam confortauit feras portarum tuarum: * benedixit filiis tuis in te.

*Q*ui

Qui posuit fines tuos pacem : * & adipe frumenti satiat te.

Qui emittit eloquium suum terræ : * velociter currit sermo eius.

Qui dat niuem sicut lanam : * nebulam sicut cinerem spargit.

Mittit crystallum suam sicut buccellas : * ante faciem frigoris eius quis sustinebit?

Emitte verbum suum, & liquefaciet ea : * flabit spiritus eius, & fluent aquæ.

Qui annuntiat verbum suum Iacob : * iustitias & iudicia sua Israël.

Non fecit taliter omni nationi : * & iudicia sua non manifestauit eis.

Gloria Patri.

✠. Adiutorium nostrum in nomine Domini.

℞. Qui fecit cælum & terram. ✠. Ostende nobis Domine misericordiam tuam. ℞. Et salutare tuum da nobis. ✠. Adiuua nos Deus salutaris noster. ℞. Et propter gloriam nominis tui Domine libera nos. ✠. Nihil proficiat inimicus in nobis. ℞. Et filius iniquitatis non apponat nocere nobis. ✠. Fiat misericordia tua Domine super nos. ℞. Quemadmodum sperauimus in te. ✠. Saluum fac populum tuum Domine. ℞. Et benedic hereditati tuæ. ✠. Non priuabis bonis eos, qui ambulat in innocentia. ℞. Domine Deus virtutum, beatus homo, qui sperat in te. ✠. Domine exaudi orationem meam. ℞. Et clamor meus

meus
℞. E

D
propri
quæ p

A
rum

O
noxio
in m
tio t

D
exau
signo
temp

O
serua
tatib
tuæ
stru

meus ad te veniat. *Ÿ.* Dominus vobiscum.
R. Et cum spiritu tuo.

Oremus.

Oratio.

Deus, qui culpa offenderis, pœnitentia placaris: preces populi tui supplicantis propitius respice, & flagella tuæ iracundiæ, quæ pro peccatis nostris meremur, auerte.

Oratio.

Adomo tua, quæsumus Domine, spirituales nequitia repellantur, & aërearum discedat malignitas tempestatum.

Oratio.

OMnipotens sempiterne Deus, parce metuentibus, propitiare supplicibus; vt postnoxios ignes nubium, & vim procellarum, in misericordiam transeat laudis comminatio tempestatum.

Oratio.

Domine **I**ESV, qui imperasti ventis & mari, & facta fuit tranquillitas magna, exaudi preces familiæ tuæ, & præsta; vt hoc signo sanctæ Crucis ✠ omnis discedat sæuitia tempestatum.

Oratio.

OMnipotens & misericors Deus, qui nos & castigando sanas, & ignoscendo conseruas: præsta supplicibus tuis; vt & tranquillitatibus optatæ consolationis lætemur, & dono tuæ pietatis semper vtamur. Per Dominum nostrum **I**ESVM Christum filium tuum, *&c.*

Aspergatur Aqua benedicta.

Preces

Preces dicendæ tempore penuriæ
& famis.

Aguntur omnia vt supra in Litanis maioribus vsque ad finem Litaniarum, in quarum Precibus bis dicitur: **V**t fructus terræ dare & conseruare digneris. Post Litanias dicitur, **P**ater noster, &c. **P**salm. 22. **D**ominus regit me, &c. vt sup. fol. 207. **Ÿ**. Domine non secundum peccata nostra facias nobis. **R**. Neque secundum iniquitates nostras retribuas nobis. **Ÿ**. Oculi omnium in te sperant Domine. **R**. Et tu das illis escam in tempore opportuno. **Ÿ**. Memento congregationis tuæ. **R**. Quam possedisti ab initio. **Ÿ**. Dominus dabit benignitatem. **R**. Et terra nostra dabit fructum suum. **Ÿ**. Domine exaudi orationem meam. **R**. Et clamor meus ad te veniat. **Ÿ**. Dominus vobiscum. **R**. Et cum spiritu tuo.

Oremus. **Oratio.**

Ineffabilem nobis Domine misericordiam tuam clementer ostende, vt simul nos & à peccatis omnibus exuas, & à pœnis, quas pro his meremur, eripias. **Oratio.**

DA nobis, quæsumus Domine, piæ supplicationis effectum, & famem propitiatus auerte; vt mortalium corda cognoscant, & te indignante talia flagella prodire, & te miserante cessare.

Oratio.

Oratio.

Populum tibi subditum pro peccatis suis fame laborantem ad te Domine conuerte propitius, qui quærentibus regnum tuum omnia adiicienda esse dixisti. Qui vituis & regnas cum Deo Patre, &c.

Processio tempore mortalitatis
& pestis.

Fiat vt supra in Litaniis maioribus, & in Litaniarum Precibus dicatur bis: **A** peste & fame, Libera nos Domine, & infra suo loco, **V**t à pestilentia flagello nos liberare digneris, &c. In fine Litaniarum dicitur, **P**ater noster, &c. Et ne nos inducas, &c. **Psal. 6.** Domine ne in furore tuo arguas me, &c. vt supra, fol. 98. **Ÿ.** Domine non secundum peccata nostra facias nobis. **Re.** Neque secundum iniquitates nostras retribuas nobis. **Ÿ.** Adiuua nos Deus salutaris noster. **Re.** Et propter gloriam nominis tui Domine libera nos. **Ÿ.** Domine ne memineris iniquitatum nostrarum antiquarum. **Re.** Citò anticipent nos misericordia tua, quia pauperes facti sumus nimis. **Ÿ.** Ora pro nobis sancte Sebastiane. **Re.** Vt digni efficiamur promissionibus Christi. **Ÿ.** Domine exaudi orationem meam. **Re.** Et clamor meus ad te veniat. **Ÿ.** Dominus vobiscum. **Re.** Et cum spiritu tuo.

Oremus.

EXaudi nos Deus salutaris noster, & intercedente beata & gloriosa Dei genitrice Maria semper virgine, & beato Sebastiano martyre tuo, & omnibus Sanctis, populum tuum ab iracundiæ tuæ terroribus libera, & misericordiæ tuæ fac largitate securum. **Oratio.**

Propitiare Domine supplicationibus nostris, & animarum & corporum medere languoribus, vt remissione percepta, in tua semper benedictione lætemur. **Oratio.**

DA nobis, quæsumus Domine, piæ petitionis effectum, & pestilentiam mortalitatemque propitiatus auerte, vt mortalium corda cognoscant à te indignante talia flagella prodire, & te miserante cessare. Per Dñm nostrum,

Preces dicendæ in Litanis tempore belli.

Peractis omnibus, vt supra in Litanis maioribus, ad finem Litaniarum dicitur Pater noster, &c. **ŷ.** Et ne nos inducas in tentationem. **R.** Sed libera nos à malo. **Psalmus 45.**

Deus noster refugium, & virtus: * adiutor in tribulationibus, quæ inuenerunt nos nimis.

Propterea non timebimus dum turbabitur terra: * & transferentur montes in cor maris. **S**onuerunt, & turbatæ sunt aquæ eorum: *

sumus O

S

con-

conturbati ſunt montes in fortitudine eius.

Fluminis impetus lætificat ciuitatem Dei: * ſanctificauit tabernaculum ſuum Altiffimus.

Deus, in medio eius, non commouebitur: * adiuuabit eam Deus manè diluculo.

Conturbatæ ſunt Gentes, & inclinata ſunt regna: * dedit vocem ſuam, mota eſt terra.

Dominus virtutum nobiſcum: * ſuſceptor noſter Deus Iacob.

Venite, & videre opera Domini, quæ poſuit prodigia ſuper terram: * auferens bella uſque ad finem terræ.

Arcum conteret, & confringet arma: * & ſcuta comburet igni.

Vacate, & videte quoniam ego ſum Deus: * exaltabor in Gentibus, & exaltabor in terra.

Dominus virtutum nobiſcum: * ſuſceptor noſter Deus Iacob, **G**loria Patri.

Ÿ. Exurge Domine adiuua nos. **Re.** Et libera nos propter nomen tuum. **Ÿ.** Saluum fac populum tuum Domine. **Re.** Deus meus ſperantem in te. **Ÿ.** Fiat pax in virtute tua. **Re.** Et abundantia in turribus tuis. **Ÿ.** Eſto nobis Domine turris fortitudinis. **Re.** A facie inimici.

Ÿ. Arcum contere, & confringe arma. **Re.** Et ſcuta combure igni. **Ÿ.** Mitte nobis Domine auxilium de Sancto. **Re.** Et de Sion tuere nos.

Ÿ. Domine exaudi orationem meam. **Re.** Et clamor meus ad te veniat. **Ÿ.** Dominus vobis-

cum. **Re.** Et cum ſpiritu tuo.

Ÿ. Domine exaudi orationem meam. **Re.** Et clamor meus ad te veniat. **Ÿ.** Dominus vobis-

cum. **Re.** Et cum ſpiritu tuo.

Oramus.

DEus, qui conteris bella, & impugnatores in te sperantium potentia tuæ defensionis expugnas, auxiliare famulis tuis implorantibus misericordiam tuam, vt inimicorum futurum feritate depreffa, incessabili te gratiarum actione laudemus.

Oratio.

DEus, à quo sancta desideria, recta consilia, & iusta sunt opera, da seruis tuis illam, quam mundus dare non potest, pacem: vt & corda nostra mandatis tuis dedita, & hostium sublata formidine, tempora sint tua protectione tranquilla.

Oratio.

Hostium nostrorum, quæsumus Domine, elide superbiam, & eorum contumaciam dexteræ tuæ virtute prosterne. Per Dominum nostrum **I E S Y M** Christum, &c.

Si verò bellum est contra Turcas, & alios infideles, vel hæreticos, inter Preces Litaniarum bis dicatur: Vt inimicos sanctæ Ecclesiæ humiliare digneris, Te rogamus audi nos. & addatur: Vt Turcarum [vel hæreticorum] conatus reprimere, & ad nihilum redigere digneris, Te rogamus, &c. & dicto Pater noster, dicatur **Psalmus 78.**

DEus venerunt Gentes in hereditatē tuam, polluerunt templum sanctum tuum: * posuerunt Ierusalem in pomorum custodiam. P osuerunt morticinā seruorum tuorum, escas

vola-

volatilibus cæli: * carnes sanctorum tuorum
bestiis terræ.

Effuderunt sanguinè eorum tamquam aquam
in circuitu Ierusalé: * & non erat qui sepeliret.

Facti sumus opprobriū vicinis nostris: * subsan-
natio & illusio his qui in circuitu nostro sunt.

Vsquequò Domine irascèris in finem: * ac-
cendetur velut ignis zelus tuus?

Effunde iram tuam in Gentes, quæ te non no-
uerunt: * & in regna, quæ nomen tuum non
inuocauerunt:

Quia comederunt Iacob: * & locum eius de-
solauerunt.

Ne memineris iniquitatum nostrarum anti-
quarū, citò anticipent nos misericordiæ tuæ: *
quia pauperes facti sumus nimis.

A diuua nos Deus salutaris noster: & propter
gloriam nominis tui Dñe libera nos: * & propi-
tius esto peccatis nostris, propter nomen tuū.

Ne fortè dicant in Gentibus: Vbi est Deus
eorum: * & innotescat in nationibus coram
oculis nostris.

Vltio sanguinis seruorum tuorum qui effusus
est: * introëat in conspectu tuo gemitus com-
peditorum.

Secundùm magnitudinem brachij tui, * possi-
de filios mortificatorum.

Et redde vicinis nostris septuplum in sinu eo-
rum: * improprium ipsorum, quod expro-
brauerunt tibi Domine.

Nos autem populus tuus, & oues pascuæ tuæ, *
confitebimur tibi in sæculum.

In generationem & generationem * annuntia-
bimus laudem tuam. **G**loria Patri.

Ÿ. Saluos fac seruos tuos. **R.** Deus meus spe-
rantes in te. **Ÿ.** Esto nobis Domine turris for-
titudinis. **R.** A facie inimici. **Ÿ.** Nihil pro-
ficiat inimicus in nobis. **R.** Et filius iniquitatis
non apponat nocere nobis. **Ÿ.** Hostium nomi-
nis tui Domine elide superbiam. **R.** Et eorum
contumaciam dexteræ tuæ virtute prosterne.
Ÿ. Fiant tamquam puluis ante faciem venti.
R. Et Angelus Domini perfequatur eos. **Ÿ.** Ef-
funde iram tuam in gentes, quæ te non noue-
runt. **R.** Et in regna, quæ nomen tuum non in-
uocauerunt. **Ÿ.** Mitte nobis Domine auxilium
de Sancto. **R.** Et de Sion tuere nos. **Ÿ.** Domine
exaudi orationem meam. **R.** Et clamor meus
ad te veniat. **Ÿ.** Dominus vobiscum. **R.** Et cum
spiritu tuo. **O**remus. **O**ratio.

DA, quæsumus, Ecclesiæ tuæ misericors
Deus, vt sancto Spiritu congregata, hostili
nullatenus incurfione turberur. **O**ratio.

DEus, qui culpa offenderis, pœnitentia pla-
caris, preces populi tui supplicantis propi-
tius respice, & flagella tuæ iracundiæ, quæ pro
peccatis nostris meremur, auerte. **O**ratio.

OMnipotens sempiterne Deus, in cuius
manu sunt omnium potestates, & om-
nium iura regnorum, respice in auxilium Chri-
stiano-

stianorum, vt gentes Turcarum [seu hæretico-
rum] quæ in sua feritate confidunt, dexteræ
tuæ potentia conterantur. Per Dominum no-
strum IESVM Christum, &c. Exaudiat nos
Dominus. Amen.

Processio in quacumque tri- bulatione.

Seruatis omnibus, vt supra in Litanis ma-
ioribus, finitisque Litanis, dicitur **P**ater
noster, &c. **Ÿ.** Et ne nos inducas in tentatio-
nem. **℞.** Sed libera nos à malo. **Psalmus 19.**

Exaudiat te Dominus in die tribulationis: *
protegat te nomen Dei Iacob.

Mittat tibi auxilium de sancto: * & de Sion
tueatur te.

Memor sit omnis sacrificij tui: * & holocau-
stum tuum pingue fiat.

Tribuat tibi secundum cor tuum: * & omne
consilium tuum confirmet.

Lætabimur in salutari tuo: * & in nomine Dei
nostri magnificabimur.

Impleat Dominus omnes petitiones tuas: *
nunc cognoui quoniam saluum fecit Dominus
Christum suum.

Exaudiet illum de cælo sancto suo: * in po-
tentatibus salus dexteræ eius.

Hi in curribus, & hi in equis: * nos autem in
nomine Domini Dei nostri inuocabimus.

Rituale Romanum

352

Ipsi obligati sunt, & ceciderunt: * nos autem surreximus & erecti sumus.

Domine saluum fac regem: * & exaudi nos in die, qua inuocauerimus te. **G**loria Patri.

Vel Psalm. 90. Qui habitat in adiutorio, &c. vt suprâ, fol. 129. **Quo finito, dicuntur Versus.**

ÿ. Deus refugium nostrum, & virtus. **R.** Adiuutor in tribulationibus. **ÿ.** Saluos fac seruos tuos Domine. **R.** Deus meus sperantes in te. **ÿ.** Sanctus Deus, Sanctus fortis, Sanctus immortalis. **R.** Miserere nobis. **ÿ.** Adiuua nos Deus salutaris noster. **R.** Et propter gloriam nominis tui Domine, libera nos. **ÿ.** Domine exaudi orationem meam. **R.** Et clamor meus ad te veniat. **ÿ.** Dominus vobiscum. **R.** Et cum spiritu tuo.

Oremus.

Oratio.

NE despicias, omnipotens Deus, populum tuum in afflictione clamantem, sed propter gloriam nominis tui tribulatis succurre placatus.

Oratio.

Ineffabilem misericordiam tuam Domine nobis clementer ostende, vt simul nos & à peccatis omnibus exuas, & à pœnis, quas pro his meremur, eripias.

Oratio.

Concede nos famulos tuos, quæsumus Domine Deus, perpetua mentis & corporis sanitate gaudere, & gloriosa beatæ Mariæ semper virginis intercessione, à præsentis liberari tristitia, & æterna perfrui lætitia.

Ora-

Oratio.

Tribulationem nostram, quæsumus Domine, propitius respice, & iram tuæ indignationis, quam iustè meremur, auerte.

Oratio.

Deus refugium nostrum & virtus, adesto piis Ecclesiæ tuæ precibus auctor ipse pietatis, & præsta, vt quod fideliter petimus, efficaciter consequamur. Per Dominum nostrum **I E S U M** Christum, &c.

Preces dicendæ in Processione pro gratiarum actione.

Initio Processionis cantatur Hymnus.

TE Deum laudamus: te Dominum confitemur.

Te æternum Patrem: omnis terra veneratur.

Tibi omnes Angeli: tibi cæli, & vniuersæ potestates.

Tibi Cherubim & Seraphim: incessabili voce proclamant.

Sanctus, **S**anctus, **S**anctus: Dñs Deus sabaoth.

Pleni sunt cæli & terra: maiestatis gloriæ tuæ.

Te gloriosus Apostolorum chorus,

Te Prophetarum laudabilis numerus,

Te Martyrum candidatus laudat exercitus.

Te per orbem terrarum, sancta confitetur Ecclesia,

Patrem immensæ maiestatis.

Rituale Romanum

354

Venerandum tuum verum, & vnicum Filium,
Sanctum quoque Paraclitum Spiritum.

Tu Rex gloriæ Christe.

Tu Patris sempiternus es Filius.

Tu ad liberandum suscepturus hominem: non
horruisti Virginis vterum.

Tu deuicto mortis aculeo: aperuisti credenti-
bus regna cælorum.

Tu ad dexteram Dei sedes: in gloria Patris.

Iudex crederis esse venturus.

Te ergo quæsumus, tuis famulis subueni: quos
pretioso Sanguine redemisti.

Æterna fac cū sanctis tuis: in gloria numerari.
Saluum fac populum tuum Domine: & bene-
dic hereditati tuæ.

Et rege eos: & extolle illos vsque in æternum.

Per singulos dies, benedicimus te.

Et laudamus nomen tuum in sæculum: & in
sæculum sæculi.

Dignare Domine die isto: sine peccato nos
custodire.

Miserere nostri Domine: miserere nostri.

Fiat misericordia tua Domine super nos:
quemadmodum sperauimus in te.

In te Dñe speraui: non confundar in æternum.

Deinde dici poterunt Psalmi qui sequuntur,
prout tempus feret. Psalmus 65.

Iubilare Deo omnis terra, psalmum dicite
nomini eius: * date gloriam laudi eius.

Dicite Deo, quàm terribilia sunt opera tua
Domi-

Domine ! * in multitudine virtutis tuæ mentientur tibi inimici tui.

Omnis terra adoret te , & pſallat tibi : * pſallatum dicat nomini tuo.

Venite , & videte opera Dei : * terribilis in conſiliis ſuper filios hominum.

Qui conuertit mare in aridam , in flumine pertranſibunt pede : * ibi lætabimur in ipſo.

Qui dominatur in virtute ſua in æternum , oculi eius ſuper Gentes reſpiciunt : * qui exaſperant , non exaltentur in ſemetiſiſ.

Benedicite Gentes Deum noſtrum : * & auditam facite vocem laudis eius.

Qui poſuit animam meam ad vitam : * & non dedit in commotionem pedes meos.

Quoniam probaſti nos Deus : * igne nos examinaſti , ſicut examinatur argentum.

Induxiſti nos in laqueum , poſuiſti tribulationes in dorſo noſtro : * impoſuiſti homines ſuper capita noſtra.

Tranſiuimus per ignem & aquam : * & eduxiſti nos in refrigerium.

Introuibo in domum tuam in holocauſtis : * reddam tibi vota mea , quæ diſtinxerunt labia mea.

Et locutum eſt os meum , * in tribulatione mea.

Holocauſta medullata offeram tibi cum incenſo arietum : * offeram tibi boues cum hircis.

Venite , audite , & narrabo , omnes qui timeſtis Deum , * quanta fecit animæ meæ.

Ad

Ad ipsum ore meo clamaui, * & exaltaui sub lingua mea.

Iniquitatem si aspexi in corde meo, * non exaudiet Dominus.

Propterea exaudiuit Deus, * & attendit voci deprecationis meæ.

Benedictus Deus, * qui non amouit orationem meam, & misericordiam suam à me.

Gloria Patri. **Psalms 80.**

Exultate Deo adiutori nostro: * iubilate Deo Iacob.

Sumite psalmum, & date tympanum: * psalterium iucundum cum cithara.

Buccinate in Neomenia tuba, * in insigni die solemnitatis vestræ:

Quia præceptum in Israel est: * & iudicium Deo Iacob.

Testimonium in Ioseph posuit illud, cum exiret de terra Ægypti: * linguam quam non noverat, audiuit.

Diuertit ab oneribus dorsum eius: * manus eius in cophino seruiert.

In tribulatione inuocasti me, & liberaui te: * exaudiui te in abscondito tempestatis: probaui te apud aquam contradictionis.

Audi populus meus, & contestabor te: * Israel si audieris me, non erit in te deus recens, neque adorabis deum alienum.

Ego enim sum Dñs Deus tuus, qui eduxi te de terra Ægypti: * dilata os tuum, & implebo illud.

Et

Et non audiuit populus meus vocem meam: *

& Israel non intendit mihi.

Et dimisi eos secundum desideria cordis eorum: * ibunt in adinventionibus suis.

Si populus meus audisset me: * Israel si in viis meis ambulasset.

Pro nihilo forsitan inimicos eorum humiliasset: * & super tribulantes eos misissem manum meam.

Inimici Domini mentiti sunt ei: * & erit tempus eorum in sæcula.

Et cibavit eos ex adipe frumenti: * & de petra, melle saturavit eos.

Gloria Patri. **Psalmus 95.**

Cantate Domino canticum nouum: * cantate Domino omnis terra.

Cantate Domino, & benedicite nomini eius: * annuntiate de die in diem salutare eius.

Annuntiate inter Gentes gloriam eius: * in omnibus populis mirabilia eius.

Quoniam magnus Dominus, & laudabilis nimis: * terribilis est super omnes deos.

Quoniam omnes dij gentium dæmonia: * Dominus autem cælos fecit.

Confessio & pulchritudo in conspectu eius: * sanctimonia & magnificentia in sanctificatione eius.

Afferte Domino patriæ Gèntium, afferte Domino gloriam & honorem: * afferte Domino gloriam nomini eius.

Tollite

Tollite hostias, & introite in atria eius: * adorate Dominum in atrio sancto eius.

Com moueatur à facie eius vniuersa terra: * dicite in Gentibus quia Dominus regnauit.

Etenim correxit orbem terræ, qui non commouebitur: * iudicabit populos in æquitate.

Lætentur cæli, & exultet terra, commoueatur mare, & plenitudo eius: * gaudebunt campi, & omnia quæ in eis sunt.

Tunc exultabunt omnia ligna siluarum à facie Domini, quia venit: * quoniam venit iudicare terram.

Iudicabit orbem terræ in æquitate: * & populos in veritate sua. **Gloria. Psalmus 99.**

Iubilate Deo omnis terra: * seruite Domino in lætitia.

Introite in conspectu eius, * in exultatione.

Scitote quoniam Dominus ipse est Deus: * ipse fecit nos, & non ipsi nos.

Populus eius, & oues pascuæ eius: * introite portas eius in confessione, atria eius in hymnis: confitemini illi.

Laudate nomen eius: quoniam suauis est Dominus, in æternum misericordia eius, * & vsque in generationem & generationem veritas eius.

Gloria Patri. Psalmus 102.

Benedic anima mea Domino: * & omnia, quæ intra me sunt, nomini sancto eius.

Benedic anima mea Domino: * & noli obliuisci omnes retributiones eius:

Qui

Qui propitiatur omnibus iniquitatibus tuis : *
qui ſanat omnes infirmitates tuas.

Qui redimit de interitu vitam tuam : * qui co-
ronat te in miſericordia & miſerationibus.

Qui replet in bonis deſiderium tuum : * reno-
uabitur vt aquilæ iuuentus tua.

Faciens miſericordias Dominus : * & iudicium
omnibus iniuriam patientibus.

Notas fecit vias ſuas Moyſi , * filiis Iſraël vo-
luntates ſuas.

Miſerator, & miſericors Dominus : * longani-
mis, & multum miſericors.

Non in perpetuum iraſcetur : * neque in æter-
num comminabitur.

Non ſecundum peccata noſtra fecit nobis : *
neque ſecundum iniquitates noſtras retribuit
nobis.

Quoniam ſecundum altitudinem cæli à ter-
ra : * corroborauit miſericordiam ſuam ſuper
timentes ſe.

Qantum diſtat ortus ab occidente : * longè
fecit à nobis iniquitates noſtras.

Quomodo miſeretur pater filiorum, miſertus
eſt Dominus timentibus ſe : * quoniam ipſe
cognouit figmentum noſtrum.

Recordatus eſt, quoniam puluis ſumus : * ho-
mo ſicut fœnum dies eius, tamquam flos agri
ſic effloreat.

Quoniam ſpiritus pertransibit in illo, & non
ſubſiſtet : * & non cognoscet amplius locum ſuū.

Miſeri-

Misericordia autem Domini ab æterno: * & usque in æternum super timentes eum.

Et iustitia illius in filios filiorum, * his qui seruant testamentum eius.

Et memores sunt mandatorum ipsius, * ad faciendum ea.

Dominus in cælo parauit sedem suam: * & regnum ipsius omnibus dominabitur.

Benedicite Domino omnes Angeli eius: * potentes virtute, facientes verbum illius, ad audiendam vocem sermonum eius.

Benedicite Domino omnes virtutes eius: * ministri eius, qui facitis voluntatem eius.

Benedicite Domino omnia opera eius: * in omni loco dominationis eius: benedic anima mea Domino.

Gloria Patri, & Filio.

Psalms 116.
Laudate Dominum omnes Gentes: * laudate eum omnes populi.

Quoniam confirmata est super nos misericordia eius: * & veritas Domini manet in æternum.

Gloria Patri.

Psalms. 148. **L**audate Dominum de cælis. cum duobus sequentibus, vt supra folio 234.

Canticum. Benedicite omnia opera Domini, &c. vt supra fol. 246. **Canticum.** Benedictus Dominus Deus Israël, &c. vt supra folio 237.

Hæc autem prædicta, prout longitudo itineris

neris postulauerit, vel omnia, vel ex parte cantari possunt. Deinde in Ecclesia, vbi fit statio, ante Altare dicuntur sequentes Versus, & Orationes. *Ÿ.* Benedictus es Domine Deus patrum nostrorum. *R.* Et laudabilis, & gloriosus in sæcula. *Ÿ.* Benedicamus Patrem, & Filium cum sancto Spiritu. *R.* Laudemus, & superexaltemus eum in sæcula. *Ÿ.* Benedictus es Domine Deus in firmamento cæli. *R.* Et laudabilis, & gloriosus, & superexaltatus in sæcula. *Ÿ.* Benedic anima mea Domino. *R.* Et noli obliuisci omnes retributiones eius. *Ÿ.* Domine exaudi orationem meam. *R.* Et clamor meus ad te veniat. *Ÿ.* Dominus vobiscum. *R.* Et cum spiritu tuo.

O remus.

*O*ratio.

Deus, cuius misericordiæ non est numerus, & bonitatis infinitus est thesaurus; piissimæ maiestati tuæ pro collatis donis gratias agimus, tuam semper clementiam exorantes: vt qui petentibus postulata concedis, eosdem non deserens, ad præmia futura disponas.

*O*ratio.

Deus, qui corda fidelium sancti Spiritus illustratione docuisti; da nobis in eodem Spiritu recta sapere, & de eius semper consolatione gaudere.

*O*ratio.

Deus, qui neminem in te sperantem niuium affligi permittis; sed pium precibus

A a

bus

362 **Rituale Romanum De Process.**

bus præstas auditum: pro postulationibus nostris votisque susceptis gratias agimus, te piissime deprecantes, ut à cunctis semper muniamur aduersis. Per Dominum nostrum **I E S U M** Christum filium tuum, &c.

De Processione in translatione sacrarum Reliquiarum insignium.

Ecclesia, & viæ, per quas transeundum est, quàm fieri potest, decentius ornentur. Sacerdotes, & ministri vestibus induti albi vel rubei coloris, prout Sancti, quorum Reliquiæ transferuntur, exposcunt, & cum luminaribus accensis omnes procedant, decantantes Litánias cum inuocatione Sanctorum, quorum reliquiæ deferuntur, & Hymnum **Te Deum**, &c. & Psalmum. Laudate Dominum de cælis. cum duobus sequentibus, & alios Psalmos, & Hymnos de Proprio, vel de Communi eorum Sanctorum, quorum Reliquiæ transferuntur.



DE
EXORCIZANDIS OBSESSIS
A DÆMONIO.



SACERDOS, seu cuius alius legitimus Ecclesia minister, vexatos à demone exorcizaturus, ea qua par est pietate, prudentia, ac vita integritate praditus esse debet: qui non sua, sed diuina fretus virtute, ab omni rerum humanarum cupiditate alienus, tam pium opus ex charitate constanter & humiliter exequatur. Hunc prætereà matura ætatis esse decet, & non solum officio, sed etiam morum grauitate reuerendum.

Vt igitur suo munere rectè fungatur, cum alia multa sibi vtilia documenta, qua breuitatis gratia hoc loco prætermittuntur, ex probatis Aucto-ribus & ex usu nosse studeat; tum hæc pauca magis necessaria diligenter obseruabit.

In primis, ne facile credat, aliquem à demonio obsessum esse; sed nota habeat ea signa, quibus obsessus dignoscitur ab iis, qui vel atra bile, vel morbo aliquo laborant. Signa autem obsidentis demonis sunt, ignota lingua loqui pluribus verbis, vel loquentem intelligere; distantia, & occulta patefacere; vires supra ætatis seu conditionis

naturam ostendere; & id genus alia, quæ cum plurima concurrunt, maiora sunt indicia.

Hæc autem ut magis cognoscat, post unum aut alterum exorcismum interroget obsessum, quid senserit in animo, vel in corpore, ut sciat etiam ad quænam verba magis diaboli conturbentur; ut ea deinceps magis inculcet ac repetat.

Advertat, quibus artibus ac deceptionibus videntur demones ad Exorcistam decipiendum: solent enim ut plurimum fallaciter respondere, & difficile se manifestare, ut Exorcista diu defatigatus desistat, aut infirmus videatur non esse à demonio vexatus. Aliquando postquam sunt manifesti, abscondunt se, & relinquunt corpus quasi liberum ab omni molestia, ut infirmus putet se omnino esse liberatum: sed cessare non debet Exorcista, donec viderit signa liberationis. Aliquando etiam demones ponunt quæcumque possunt impedimenta, ne infirmus se subiciat exorcismis, vel conantur persuadere infirmitatem esse naturalem; interdum in medio exorcismi faciunt dormire infirmum, & ei visionem aliquam ostendunt, subtrahendo se, ut infirmus liberatus videatur. Aliqui ostendunt factum maleficium, & à quibus sit factum, & modum ad illud dissipandum; sed caveat, ne ob hoc ad magos, vel ad sagas, vel ad alios, quàm ad Ecclesiæ ministros confugiat, aut vlla superstitione, aut alio modo illicito utatur. Quandoque diabolus infirmum quiesce-

De Exorcizandis obsessis à dæmonio. 365

re, & suscipere sanctissimam Eucharistiam permittit, ut discessisse videatur. Denique innumerabiles sunt artes & fraudes diaboli ad decipiendum hominem; quibus ne fallatur, Exorcista cautus esse debet.

Quare memor, Dominum nostrum dixisse, genus esse dæmoniorum, quod non eicitur nisi per orationem & ieiunium; hæc duo potissimum remedia ad impetrandum diuinum auxilium, dæmonesq; pellendos, exemplo sanctorum Patrum, quoad eius fieri poterit, tum per se, tum per alios curet adhiberi.

In Ecclesiam, si commode fieri potest, vel in alium religiosum & honestum locum seorsum à multitudine perductus energumenus exorcizetur; sed si fuerit agratus, vel persona nobilis, vel alia honesta de causa in domo priuata exorcizari poterit.

Admoneatur obsessus, si mente & corpore valet, ut pro se oret Deum, ac ieiunet, & sacra Confessione & Communione sæpius ad arbitrium Sacerdotis se communiat; & dum exorcizatur, totum se colligat, & ad Deum conuertat; ac firma fide salutem ab eo deposcat cum omni humilitate. Et cum vehementius vexatur, patienter sustineat, nihil diffidens de auxilio Dei. Habeat præ manibus, vel in conspectu Crucifixū. Reliquiæ quoque Sanctorum, ubi haberi possint, decenter ac tuto colligatæ & coopertæ, ad pectus vel ad caput obsessi reuerenter admoueantur, sed caueatur, ne

res sacra indignè tractentur, aut illis à dæmone
vlla fiat iniuria. Sanctissima verò Eucharistia
super caput obsessi, aut aliter eius corpori non ad-
moueaturn ob irreuerentia periculum.

Exorcista ne vagetur in multiloquio, aut
superuacaneis vel curiosis interrogationibus,
præsertim de rebus futuris & occultis, ad suum
munus non pertinentibus; sed iubeat immun-
dum spiritum tacere, & ad interrogata tantum
respondere: neque ei credatur, si dæmon simu-
laret se esse animam alicuius Sancti, vel desun-
cti, vel Angelum bonum.

Necessaria verò interrogationes sunt, vt de
numero & nomine spirituum obsidentium, de
tempore quo ingressi sunt, de causa, & aliis hu-
iusmodi. Ceteras autem dæmonis nugas, ri-
sus, & ineptias Exorcista cohibeat, aut con-
temnat; & circumstantes, qui pauci esse debent,
admoneat ne hæc curent, neque ipsi interrogent
obsessum; sed potiùs humiliter & enixè Deum
pro eo precentur.

Exorcismos verò faciat ac legat cum impe-
rio & auctoritate, magna fide, & humilita-
te, atque feruore: & cum viderit spiritum
valde torqueri, tunc magis instet & urgeat.
Et quoties viderit obsessum in aliqua corpo-
ris parte commoueri aut pungi, aut tumorem
alicubi apparere, ibi faciat signum Crucis, & A-
qua benedicta aspergat, quam exorcizando in
promptu habeat.

Obseruet

De Exorcizandis obsessis à dæmonio. 367

Obseruet etiam ad quæ verba dæmones magis contremiscant, & ea sæpius repetat; & quando peruenierit ad comminationem, eam iterum & sæpius proferat, semper pœnam augendo: ac si videat se proficere, in ipsa perseueret per duas, tres, quatuor horas, & ampliùs, prout poterit, donec victoriam consequatur.

Caueat proinde Exorcista, ne vllam medicinam infirmo vel obsesso præbeat, aut suadeat; sed hanc curam Medicis relinquat.

Mulierem exorcizans, semper secum habeat honestas personas, quæ obsessam teneant, dum exagitur à dæmonio, quæ quidem persona sint patienti, si fieri potest, cognatione proxima: atque honestatis memor Exorcista caueat, ne quid dicat vel faciat, quod sibi aut aliis occasio esse possit prauæ cogitationis.

Dum exorcizat, vtatur sacra Scriptura verbis potiùs, quàm suis aut alienis. Iubeátque dæmonem dicere, an detineatur in illo corpore ob aliquam operam magicam, aut malefica signa, vel instrumenta; quæ si obsessus ore sumpserit, euomat; vel si alibi extra corpus fuerint, ea reuelet, & inuenta comburantur. Moneatur etiam obsessus, vt tentationes suas omnes Exorcistæ patefaciat.

Si verò obsessus liberatus fuerit, moneatur, vt diligenter sibi caueat à peccatis; ne occasionem dæmoni præbeat in ipsum reuertendi; ne fiant nouissima hominis illius peiora prioribus.

Itaque Sacerdos, siue alius Exorcista, ritè confessus, aut saltem corde peccata sua detestans, peracto, si commodè fieri potest, sanctissimo Missæ sacrificio, diuinoque auxilio piis precibus implorato, superpelliceo & stola violacea, cuius extrema pars ad obsessi collum circumponatur, indutus, & coram se habens obsessum ligatum, si fuerit periculum, eum, se, & astantes communiat signo Crucis, & aspergat Aqua benedicta, & genibus flexis, aliis respondentibus, dicat Litanias ordinarias vsque ad Preces exclusiue. In fine Antiphona, Ne reminiscaris Domine delicta nostra, vel parentum nostrorum, neque vindictam sumas de peccatis nostris. *P*ater noster, &c. *V*. Et ne nos inducas in tentationem. *R*. Sed libera nos à malo.

Psalmus 53.

Deus in nomine tuo saluum me fac: * & in virtute tua iudica me.

Deus exaudi orationem meam: * auribus percipe verba oris mei.

Quoniam alieni insurrexerunt aduersum me, & fortes quæsierunt animam meam: * & non proposuerunt Deum ante conspectum suum.

Ecce enim Deus adiuuat me: * & Dominus susceptor est animæ meæ.

Auerte mala inimicis meis: * & in veritate tua disperde illos.

Voluntariè sacrificabo tibi, * & confitebor nomini tuo Domine, quoniam bonum est.

*Q*uo-

De Exorcizandis obsessis à dæmonio. 369

Quoniam ex omni tribulatione eripuisti me: *
& super inimicos meos despexit oculus meus.

Gloria Patri.

Ÿ. Saluum fac seruum tuum. **R.** Deus meus sperantem in te. **Ÿ.** Esto ei Domine turris fortitudinis. **R.** A facie inimici. **Ÿ.** Nihil proficiat inimicus in eo. **R.** Et filius iniquitatis non apponat nocere ei. **Ÿ.** Mitte ei Domine auxilium de Sancto. **R.** Et de Sion tuere eum. **Ÿ.** Domine exaudi orationem meam. **R.** Et clamor meus ad te veniat. **Ÿ.** Dominus vobiscum. **R.** Et cum spiritu tuo.

Oremus.

Oratio.

Deus, cui proprium est misereri semper & parcere, suscipe deprecationem nostram, vt hunc famulum tuum [vel famulam tuam] quem [vel quam] delictorum catena constringit, miseratio tuæ pietatis clementer absoluat.

Oratio.

Domine sancte, Pater omnipotens, æterne Deus, Pater Domini nostri IESV Christi, qui illum refugam tyrannum & apostatam gehennæ ignibus depurasti; quiq̃ Vnigenitum tuum in hunc mundum misisti, vt illum rugientem contereret; velociter attende, accelera, vt eripias hominem ad imaginem & similitudinem tuam creatum, à ruina & dæmonio meridiano. Da Domine terrorem tuum super bestiam, quæ exterminat vineam tuam. Da fiduciam seruis tuis contra nequissimum dra-

conem pugnare fortissimè, ne contemnat sperantes in te, & ne dicat, sicut in Pharaone, qui iam dixit, Deum non noui, nec Israël dimitto. Urgeat illum dextera tua potens discedere à famulo tuo **N.** [vel à famula tua **N.**] * ne diutiùs præsumat captiuum tenere, quem tu ad imaginem tuam facere dignatus es, & in Filio tuo redemisti: qui tecum uiuit & regnat, &c.
R. Amen.

Deinde præcipiat dæmoni hunc
 in modum:

P Ræcipio tibi, quicumque es, spiritus im-munde, & omnibus sociis tuis hunc Dei famulum obsidentibus, vt per mysteria Incarnationis, Passionis, Resurrectionis, & Ascensionis Domini nostri IESV Christi, per missionem Spiritus sancti, & per aduentum eiusdem Domini nostri ad iudicium, dicas mihi nomen tuum, diem, & horam exitus tui, cum aliquo signo; & vt mihi Dei ministro, licet indigno, prorsus in omnibus obedias: neque hanc creaturam Dei, vel circumstantes, aut eorum bona vlllo modo offendas.

Deinde legantur super obsessum hæc Eu-
 angelia, vel vnum, aut alterum. Lectio sancti
 Euangelij secundùm Ioannem. hæc dicens
 signat se & obsessum in fronte, ore, & pecto-
 re. **I**n principio erat Verbum, &c. vt supra
 folio 130.

De Exorcizandis obsessis à dæmonio. 371

Lectio sancti Euangelij secundum
Marcum. *Marc. 16.*

IN illo tempore dixit IESVS discipulis suis:
Euntes in mundum vniuersum, prædicate
Euangelium omni creaturæ. Qui crediderit, &
baptizatus fuerit, saluus erit: qui verò non cre-
diderit, condemnabitur. Signa autem eos, qui
crediderint, hæc sequentur. In nomine meo
dæmonia eiicient: linguis loquentur nouis: ser-
pentes tollent: & si mortiferum quid biberint,
non eis nocebit: super ægros manus imponent,
& benè habebunt.

Lectio sancti Euangelij secundum
Lucam. *Luc. 10.*

IN illo tempore: Reuersi sunt septuaginta
duo cum gaudio dicentes ad IESVM: Do-
mine, etiam dæmonia subiiciuntur nobis in
nomine tuo. Et ait illis: Videbam satanam
sicut fulgur de cælo cadentem. Ecce dedi vo-
bis potestatem calcandi supra serpentes, &
scorpiones, & super omnem virtutem inimi-
ci, & nihil vobis nocebit: verumtamen in hoc
nolite gaudere, quia spiritus vobis subiiciun-
tur: gaudete autem, quòd nomina vestra scri-
pta sunt in cælis.

Lectio sancti Euangelij secundum
Lucam. *Luc. 11.*

IN illo tempore: Erat IESVS eiiciens dæ-
monium, & illud erat mutum. Et cum eie-
cisset dæmonium, locutus est mutus, & admi-
rata

ratae sunt turbæ. Quidam autem ex eis dixerunt : In Beelzebub principe dæmoniorum eiicit dæmonia. Et alij tentantes signum de cælo quærebant ab eo. Ipse autem vt vidit cogitationes eorum, dixit eis : Omne regnum in seipsum diuisum desolabitur, & domus supra domum cadet. Si autem & satanas in seipsum diuisus est, quomodo stabit regnum eius ? quia dicitis in Beelzebub me eiicere dæmonia. Si autem ego in Beelzebub eiicio dæmonia, filij vestri in quo eiiciunt ? ideò ipsi iudices vestri erunt. Porrò si in digito Dei eiicio dæmonia, profectò peruenit in vos regnum Dei. Cùm fortis armatus custodit atrium suum, in pace sunt ea quæ possidet : si autem fortior eo superueniens vicerit eum, vniuersa arma eius auferet, in quibus confidebat, & spolia eius distribuet. **Ꝟ.** Domine exaudi orationem meam. **Ꝟ.** Et clamor meus ad te veniat. **Ꝟ.** Dominus vobiscum. **Ꝟ.** Et cum spiritu tuo.

Oremus. **O**mnipotens Domine, Verbum Dei Patris, Christe IESU, Deus & Dominus vniuersæ creaturæ, qui sanctis Apostolis tuis dedisti potestatem calcandi super serpentes & scorpiones, qui inter cetera mirabilium tuorum præcepta dignatus es dicere, Dæmones effugate: cuius virtute motus tamquam fulgur de cælo satanas cecidit: tuum sanctum nomen cum timore & tremore suppliciter deprecor, vt indignif-

De Exorcizandis obsessis à dæmonio. 373

dignissimo mihi seruo tuo, data venia omnium delictorum meorum, constantem fidem, & potestatem donare digneris, vt hunc crudelem dæmonem, brachij tui sancti munitus potentia, fidenter & securus aggrediar, per te **I E S V** Christe Domine Deus noster, qui venturus es iudicare viuos & mortuos, & sæculum per ignem. **R.** Amen.

Deinde muniens se & obsessum signo Crucis, circumposita parte stolæ ad collum eius, & dextera manu sua capiti eius imposita, constanter & magna cum fide dicat ea quæ sequuntur. V. Ecce Crucem Domini, fugite partes aduersæ. **R.** Vicit leo de tribu Iuda radix Dauid. **V.** Domine exaudi orationem meam. **R.** Et clamor meus ad te veniat. **V.** Dominus vobiscum. **R.** Et cum spiritu tuo.

Oremus.

Oratio.

Deus, & Pater Domini nostri **I E S V** Christi, inuoco nomen sanctum tuum, & clementiam tuam supplex exposco, vt aduersus hunc, & omnem immundum spiritum, qui vexat hoc plasma tuum, mihi auxilium præstare digneris. Per eundem Dominum nostrum **I E S V M** Christum filium tuum, qui tecum viuit & regnat in vnitate Spiritus sancti Deus, per omnia sæcula sæculorum. **R.** Amen.

Exorcismus.

Exorcizo te, immundissime spiritus, omnis incurio aduersarij, omne phantasma, omnis

nis

nis legio, in nomine Domini nostri IESV
Christi ✠ eradicare, & effugare ab hoc plas-
mate Dei ✠. Ipse tibi imperat, qui te de su-
pernis cælorum in inferiora terræ demergi præ-
cepit. Ipse tibi imperat, qui mari, ventis, &
tempestatibus imperavit. Audi ergo, & time
fatana, inimice fidei, hostis generis humani,
mortis adductor, visæ raptor, iustitiæ declina-
tor, malorum radix, fomes vitiorum, sedu-
ctor hominum, proditor gentium, incitator
invidiæ, origo auaritiæ, causa discordiæ, exci-
tator dolorum. quid stas, & resistis, cum scias
Christum Dominum vires tuas perdere? Il-
lum metue, qui in Isaac immolatus est, in Io-
seph venundatus, in agno occisus, in homine
crucifixus, deinde inferni triumphator fuit. *Se-*
quentes Cruces fiant in fronte obsessi. Recede-
ergo in nomine Patris ✠, & Filij ✠, & Spiritus ✠
sancti, da locum Spiritui sancto, per hoc si-
gnum ✠ Crucis IESV Christi Domini nostri.
Qui cum Patre & eodem Spiritu sancto vi-
uit & regnat Deus per omnia sæcula sæculo-
rum. *R.* Amen. *V.* Domine exaudi oratio-
nem meam. *R.* Et clamor meus ad te veniat.
V. Dominus vobiscum. *R.* Et cum spiritu tuo.

Oremus.

Oratio.

DEus conditor & defensor generis huma-
ni, qui hominem ad imaginem tuam for-
mast: respice super hunc famulum tuum *N.*
[vel hanc famulam tuam *N.*] qui [vel quæ]
dolis

De Exorcizandis obsessis à dæmonio. 375

dolis immundi spiritus appetitur, quem vetus aduersarius, antiquus hostis terræ, formidinis horrore circumuolat, & sensum mentis humanæ stupore defigit, terrore conturbat, & metu trepidi timoris exagitat. Repelle Domine virtutem diaboli, fallacesque eius insidias amoue; procul impius tentator aufugiat: sit nominis tui signo ✠ (in fronte) famulus tuus munitus, & in animo tutus & corpore.

Tres Cruces sequentes fiant in pectore dæmoniæ. Tu pectoris ✠ huius interna custodias. Tu viscera ✠ regas. Tu ✠ cor confirmes. In anima aduersatricis potestatis tentamenta euanescent. Da Domine ad hanc inuocationem sanctissimi nominis tui gratiam, vt qui hucusque terrebat, territus aufugiat, & victus abscedat, tibi que possit hic famulus tuus, & corde firmatus, & mente sincerus debitum præbere famulatum. Per Dominum nostrum IESVM Christum filium tuum, qui tecum, &c.
Resp. Amen.

g Exorcismus.

A Diuro te serpens antique, per Iudicem viuorum & mortuorum, per factorem tuum, per factorem mundi, per eum qui habet potestatem mittendi te in gehennam, vt ab hoc famulo Dei **N.** qui ad Ecclesiæ sinum recurrit, cum metu & exercitu furoris tui festinus discedas. Adiuuro te iterum ✠ (in fronte) non mea infirmitate, sed virtute Spiritus sancti,

sancti, vt exeas ab hoc famulo Dei **N.** quem omnipotens Deus ad imaginem suam fecit. Cede igitur, cede non mihi, sed ministro Christi. Illius enim te vrget potestas, qui te Crucis suæ subiugauit. Illius brachium contremisce, qui deuictis gemitibus inferni, animas ad lucem perduxit. Sit tibi terror corpus hominis ✠ **(in pectore)** sit tibi formido imago Dei ✠ **(in fronte.)** Non resistas, nec moreris discedere ab homine isto, quoniam complacuit Christo in homine habitare. Et ne contemnendum putes, dum me peccatorem nimis esse cognoscis. Imperat tibi Deus ✠. Imperat tibi maiestas Christi ✠. Imperat tibi Deus Pater ✠, imperat tibi Deus Filius ✠, imperat tibi Deus Spiritus ✠ sanctus. Imperat tibi sacramentum Crucis ✠. Imperat tibi fides sanctorum Apostolorum Petri & Pauli, & ceterorum Sanctorum ✠. Imperat tibi Martyrum sanguis ✠. Imperat tibi continentia Confessorum ✠. Imperat tibi pia Sanctorum & Sanctarum omnium intercessio ✠. Imperat tibi Christianæ fidei mysteriorum virtus ✠. Exi ergo transgressor. Exi seductor, plene omni dolo & fallacia, virtutis inimice, innocentium persecutor. Da locum dirissime; da locum impiissime; da locum Christo, in quo nihil inuenisti de operibus tuis, qui te spoliavit, qui regnum tuum destruxit, qui te victum ligauit, & vasa tua diripuit, qui te proiecit in tenebras exteriores, vbi tibi

De Exorcizandis obsessis à dæmonio. 377

tibi cum ministris tuis erit præparatus interitus. Sed quid truculente reniteris? quid temerarie detrectas? Reus es omnipotenti Deo, cuius statuta transgressus es. Reus es Filio eius IESV Christo Domino nostro, quem tentare ausus es, & crucifigere præsumplisti. Reus es humano generi, cui tuis persuasionibus mortis venenum propinasti.

Adiuro ergo te, draco nequissime, in nomine Agni ✠ immaculati, qui ambulavit super aspidem & basiliscum, qui conculcavit leonem & draconem, vt discedas ab hoc homine ✠, (*fiat in fronte*) discedas ab Ecclesia Dei ✠, (*fiat signum Crucis super circumstantes*) contremisce, & effuge, inuocato nomine Domini illius, quem inferi tremunt, cui Virtutes cælorum, & Potestates, & Dominationes subiectæ sunt; quem Cherubim & Seraphim indefessis vocibus laudant dicentes, Sanctus, Sanctus, Sanctus, Dominus Deus sabaoth. Imperat tibi Verbum ✠ caro factum. Imperat tibi natus ✠ ex Virgine. Imperat tibi IESVS ✠ Nazarenus, qui te, cum discipulos eius contemneres, elisum atque prostratum exire præcepit ab homine; quo præsentem, cum te ab homine separasset, nec porcorum gregem ingredi præfumebas. Recede ergo nunc adiuratus in nomine ✠ eius ab homine, quem ipse plasmauit. Durum est tibi velle resistere ✠. Durum est tibi contra stimulum calcitrare ✠. Quia quanto

tardiùs exis, tantò magis tibi supplicium cre-
 scit, quia non homines contemnis, sed illum,
 qui dominatur viuorum & mortuorum, qui
 venturus est iudicare viuos & mortuos, & sæ-
 culum per ignem. *R.* Amen. *V.* Domine exau-
 di orationem meam. *R.* Et clamor meus ad te
 veniat. *V.* Dominus vobiscum. *R.* Et cum spi-
 ritu tuo.

*O*remus.

Deus cæli, Deus terræ, Deus Angelorum,
 Deus Archangelorum, Deus Propheta-
 rum, Deus Apostolorum, Deus Martyrum,
 Deus Virginum, Deus qui potestatem habes
 donare vitam post mortem, requiem post la-
 borem, quia non est alius Deus præter te, nec
 esse poterit verus, nisi tu creator cæli & terræ,
 qui verus Rex es, & cuius Regni non erit finis;
 humiliter maiestati gloriæ tuæ supplico, vt
 hunc famulum tuum de immundis spiritibus
 liberare digneris. Per Christum Dominum no-
 strum. *R.* Amen.

¶ Exorcismus.

ADiuro ergo te omnis immundissime spiri-
 tus, omne phantasma, omnis incurfio fa-
 tanæ, in nomine IESV Christi ✠ Nazareni, qui
 post lauacrum Iordanis in desertum ductus est,
 & te in tuis sedibus vicit, vt quem ille de li-
 mo terræ ad honorem gloriæ suæ formauit, tu
 definas impugnare: & in homine miserabili
 non humanam fragilitatem, sed imaginem
 omnipotentis Dei contremiscas. Cede ergo
 Deo ✠, qui te & malitiam tuam in Pharao-
 ne,

De Exorcizandis obsessis à dæmonio. 379

ne, & in exercitu eius per Moysen seruum suum in abyssum demersit. Cede Deo ✝, qui te per fidelissimum seruum suum Dauid de Rege Saule spiritualibus canticis pulsus fugauit. Cede Deo ✝, qui te in Iuda Iscariote proditore damnauit. Ille enim te diuinis ✝ uerbis tangit, in cuius conspectu cum tuis legionibus tremens & clamans dixisti: Quid nobis & tibi I E S V Fili Dei altissimi? Venisti huc ante tempus torquere nos? Ille te perperuis flammis urget, qui in fine temporum dicturus est impiis: Discedite à me maledicti in ignem æternum, qui paratus est diabolo & angelis eius. Tibi enim impie, & angelis tuis vermes erunt, qui numquam morientur. Tibi & angelis tuis inextinguibile præparatur incendium, quia tu es princeps maledicti homicidij; tu auctor incæstus, tu sacrilegorum caput, tu actionum pessimarum magister: tu hæreticorum doctor, tu totius obscœnitatis inuentor. Exi ergo ✝ impie, exi ✝ scelerate, exi cum omni fallacia tua, quia hominem templum suum esse voluit Deus. Sed quid diutius moraris hic? Da honorem Deo Patri omnipotenti ✝, cui omne genu flectitur. Da locum Domino I E S V Christo ✝, qui pro homine Sanguinem suum sacratissimum fudit. Da locum Spiritui ✝ sancto, qui per beatum Apostolum suum Petrum te manifestè strauit in Simone mago:

qui fallaciam tuam in Anania & Saphira condemnauit, qui te in Herode Rege honorem Deo non dante percussit; qui te in mago Elima per Apostolum suum Paulum cæcitatæ caligine perdidit, & per eundem de Pythoniſta verbo imperans exire præcepit. Discede ergo nunc *, discede * seductor. Tibi eremus sedes est. Tibi habitatio serpens est: humiliare & prosternere. Iam non est differendi tempus. Ecce enim dominator Dominus proximat citò, & ignis ardebit ante ipsum, & præcedet, & inflammabit in circuitu inimicos eius. Si enim hominem fefelleris, Deum non poteris irridere. Ille te eicit, cuius oculis nihil occultum est. Ille te expellit, cuius virtuti vniuersa subiecta sunt. Ille te excludit, qui tibi & angelis tuis præparauit æternam gehennam; de cuius ore exhibit gladius acutus. qui venturus est iudicare viuos & mortuos, & sæculum per ignem.

R. Amen.

Prædicta omnia, quatenus opus fuerit, repeti possunt, donec obsessus sit omnino liberatus. Iuuabit præterea plurimum, hæc quæ infra notantur, super obsessum deuotè dicere, sæpeque repetere.

Pater noster, &c. Aue Maria, &c. Credo, &c.

Canticum beatæ Mariæ Virginis. Luc. i.

ME agnificat * anima mea Dominum.
Et exultauit spiritus meus * in Deo salu-
tari meo.

Quia

De Exorcizandis obsessis à dæmonio. 381

Quia respexit humilitatem ancillæ suæ: * ecce enim ex hoc beatam me dicent omnes generationes.

Quia fecit mihi magna qui potens est: * & sanctum nomen eius.

Et misericordia eius à progenie in progenies * timentibus eum.

Fecit potentiam in brachio suo: * disperfit superbos mente cordis sui.

Deposuit potentes de sede, * & exaltauit humiles.

Esurientes impleuit bonis: * & diuites dimisit inanes.

Suscepit Israel puerum suum, * recordatus misericordiæ suæ.

Sicut locutus est ad patres nostros, * Abraham, & semini eius in sæcula. **G**loria Patri.

Canticum. **B**enedictus Dominus Deus Israel, &c. *vt suprâ fol. 237.*

Symbolum sancti Athanasij.

Qicumque vult saluus esse, * ante omnia opus est vt teneat Catholicam fidem.

Quam nisi quisque integram inuiolatamque seruauerit, * absque dubio in æternum peribit.

Fides autem Catholica hæc est: * vt vnū Deum in Trinitate, & Trinitatē in vnitatem veneremur.

Neque confundentes personas, * neque substantiam separantes.

Alia est enim persona Patris, alia Filij, * alia Spiritus sancti.

Sed Patris, & Filij, & Spiritus sancti vna est diuinitas, * æqualis gloria, coæterna maiestas.

Qualis Pater, talis Filius, * talis Spiritus sanctus. **I**ncreatus Pater, increatus Filius, * increatus Spiritus sanctus.

Immensus Pater, immensus Filius, * immensus Spiritus sanctus.

Aternus Pater, æternus Filius, * æternus Spiritus sanctus.

Et tamen non tres æterni, * sed vnus æternus.

Sicut non tres increati, nec tres immensi, * sed vnus increatus, & vnus immensus.

Similiter omnipotens Pater, omnipotens Filius, * omnipotens Spiritus sanctus.

Et tamen non tres omnipotentes, * sed vnus omnipotens.

Ita Deus Pater, Deus Filius, * Deus Spiritus sanctus.

Et tamen non tres Dij, * sed vnus est Deus.

Ita Dominus Pater, Dominus Filius, * Dominus Spiritus sanctus.

Et tamen non tres Domini, * sed vnus est Dñs.

Quia sicut singillatim vnamquamque personam Deum ac Dominum cōfiteri Christiana veritate compellimur: * ita tres Deos aut Dominos dicere, Catholica religione prohibemur.

Pater à nullo est factus: * nec creat⁹, nec genitus. **F**ilius à Patre solo est: * non factus, nec creatus, sed genitus.

Spiritus sanctus à Patre & Filio: * non factus,

De Exorcizandis obsessis à dæmonio. 383

ctus, nec creatus, nec genitus, sed procedens.

Vnus ergo Pater, non tres Patres: vnus Filius, non tres Filij: * vnus Spiritus sanctus, non tres Spiritus sancti.

Et in hac Trinitate nihil prius aut posterius, nihil maius aut minus; * sed totæ tres personæ coæternæ sibi sunt, & coæquales.

Ita vt per omnia, sicut iam supra dictum est, * & vnitas in Trinitate, & Trinitas in vnitate veneranda sit.

Qui vult ergo saluus esse, * ita de Trinitate sentiat.

Sed necessarium est ad æternam salutem, * vt incarnationem quoque Domini nostri **I E S V** Christi fideliter credat.

Est ergo fides recta, vt credamus & confiteamur, * quia Dominus noster **I E S V S** Christus Dei Filius, Deus & homo est.

Deus est ex substãtia Patris ante secula genitus: * & homo est ex substãtia matris in sæculo natus.

Perfectus Deus, perfectus homo; * ex anima rationali, & humana carne subsistens.

Æqualis Patri secundum diuinitatem: * minor Patre secundum humanitatem.

Qui licet Deus sit, & homo: * non duo tamen, sed vnus est Christus.

Vnus autem non conuersione diuinitatis in carnem; * sed assumptione humanitatis in Deum.

Vnus omnino non confusione substantiæ; * sed vnitate personæ.

Nam sicut anima rationalis & caro vnus est homo: * ita Deus & homo vnus est Christus.

Qui passus est pro salute nostra, descendit ad inferos, * tertia die resurrexit à mortuis.

Ascendit ad cælos, sedet ad dexteram Dei Patris omnipotentis: * inde venturus est iudicare viuos & mortuos.

Ad cuius aduentum omnes homines resurgere habent cum corporibus suis, * & reddituri sunt de factis propriis rationem.

Et qui bona egerunt, ibunt in vitam æternã: * qui verò mala, in ignem æternum.

Hæc est fides catholica: * quã nisi quisq; fideliter firmiterq; crediderit, saluus esse nõ poterit.

Gloria Patri, & Filio.

Psalm. 90. Qui habitat in adiutorio Altissimi, &c. *vt supra fol. 129.* **Psalmus 67.**

Exurgat Deus, & dissipentur inimici eius: * & fugiant, qui oderunt eum, à facie eius.

Sicut deficit fumus, deficiant: * sicut fluit cera à facie ignis, sic pereant peccatores à facie Dei,

Et iusti epulentur, & exultent in conspectu Dei: * & delectentur in lætitia.

Cantate Deo, psalmum dicite nomini eius: * iter facite ei qui ascendit super occasum, Dominus nomen illi.

Exultate in conspectu eius, * turbabuntur à facie eius, patris orphanorũ, & iudicis viduarũ.

Deus in loco sancto suo: * Deus, qui inhabitare facit vnus moris in domo.

Qui

De Exorcizandis obsessis à dæmonio. 385

Qui educit vinc̄tos in fortitudine, * similiter
eos qui exasperant, qui habitant in sepulchris.

Deus cū egredereris in conspectu populi
tui, * cū pertransires in deserto;

Terra mota est, etenim cæli distillauerunt à fa-
cie Dei Sinai, * à facie Dei Israel.

Pluuiam voluntariam segregabis Deus heredi-
tati tuæ: * & infirmata est, tu verò perfecisti eā.

Animalia tua habitabunt in ea: * parasti in
dulcedine tua pauperi Deus.

Dominus dabit verbum euangelizantibus, *
virtute multa.

Rex virtutum dilecti dilecti: * & speciei domus
diuidere spolia.

Si dormiatis inter medios cleros, pennæ col-
umbæ deargentatæ, * & posteriora dorsi eius
in pallore auri.

Dum discernit cælestis reges super eam, niue
dealbabuntur in Selmon: * mons Dei, mons
pinguis.

Mons coagulatus, mons pinguis: * vt quid su-
spicamini montes coagulatos?

Mons, in quo beneplacitum est Deo habitare
in eo: * etenim Dominus habitabit in finem.

Currus Dei decem millibus multiplex, millia
latantium: * Dominus in eis in Sina in sancto.

Ascendisti in altum, cepisti captiuitatem: * ac-
cepisti dona in hominibus.

Etenim non credentes, * inhabitare Domi-
num Deum.

Benedictus Dñs die quotidie: * prosperum iter
faciet nobis Deus salutarium nostrorum.

Deus noster, Deus saluos faciendi: * & Do-
mini Domini exitus mortis.

Verumtamen Deus confringet capita inimi-
corum suorum: * verticem capilli perambulan-
tium in delictis suis.

Dixit Dominus: Ex Basan conuertam, * con-
uertam in profundum maris.

Vt intingatur pes tuus in sanguine: * lingua
canum tuorum ex inimicis ab ipso.

Viderunt ingressus tuos Deus, * ingressus Dei
mei: regis mei qui est in sancto.

Praeuenerunt principes coniuncti psallenti-
bus, * in medio iuuenclarú tympanistrarum.

In ecclesiis benedicite Deo Domino, * de fon-
tibus Israël.

Ibi Benjamin adolefcētulus, * in mētis excessu.

Principes Iuda, duces eorum: * principes Za-
bulon, principes Nephthali.

Manda Deus virtuti tuæ: * confirma hoc
Deus, quod operatus es in nobis.

A templo tuo in Ierusalem, * tibi offerent re-
ges munera.

Increpa feras arundinis, congregatio tauro-
rum in vaccis populorum: * vt excludant eos,
qui probati sunt argento.

Dissipa Gentes, quæ bella volunt: venient le-
gati ex Ægypto: * Æthiopia praueniet manus
eius Deo.

Regna

De Exorcizandis obsessis à dæmonio. 387

Regna terræ cantate Deo: * psallite Domino.

Psalite Deo, qui ascendit super cælum cæli, *
ad Orientem.

Ecce dabit voci suæ vocem virtutis, date glo-
riam Deo super Israël, * magnificentia eius, &
virtus eius in nubibus.

Mirabilis Deus in Sanctis suis, Deus Israël ipse
dabit virtutem & fortitudinem plebi suæ, * be-
nedictus Deus. **G**loria Patri.

Psalm. 69. Deus in adiutorium meum inten-
de, &c. vt supra fol. 112. **Psalm. 53.** Deus in

nomine tuo saluum me fac, &c. vt sup. fol. 368.

Psalm. 117. Confitemini Domino quoniam
bonus. vt supra fol. 152. **Psalmus 34.**

Iudica Domine nocentes me, * expugna im-
pugnantes me.

Apprehende arma & scutum: * & exurge in
adiutorium mihi.

Effunde frameam, & concludite aduersus eos,
qui persequuntur me: * dic animæ meæ, Sa-
lus tua ego sum.

Confundantur & reuereantur, * quærentes
animam meam.

Auertantur retrorsum, & confundantur * co-
gitantes mihi mala.

Fiant tamquam puluis ante faciem venti: * &
Angelus Domini coarctans eos.

Fiat via illorum tenebræ & lubricum: * &
Angelus Domini persequens eos.

Quoniam gratis absconderunt mihi interitum
laquei

laquei sui : * superuacue exprobrauerunt animam meam.

Veniat illi laqueus quem ignorat : & captio quam abscondit , apprehendat eum : * & in laqueum cadat in ipsum.

Anima autem mea exultabit in Domino : * & delectabitur super salutari suo.

Omnia ossa mea dicent : * Domine, quis similis tibi ?

Eripiens inopem de manu fortiorum eius : * egenum & pauperem à diripientibus eum.

Surgentes testes iniqui, * quæ ignorabam, interrogabant me.

Retribuebant mihi mala pro bonis : * sterilitatem animæ meæ.

Ego autem cum mihi molesti essent, * induebar cilicio.

Humiliabam in ieiunio animam meam : * & oratio mea in sinu meo conuertetur.

Quasi proximum, & quasi fratrem nostrum, sic complacebam : * quasi lugens & contristatus sic humiliabar.

Et aduersum me lætati sunt, & conuenerunt : * congregata sunt super me flagella, & ignorauim.

Dissipati sunt, nec compuncti, tentauerunt me, subsannauerunt me subsannatione : * frenderunt super me dentibus suis.

Domine quando respicies ? * restitue animam meam à malignitate eorum, à leonibus unquam meam.

Confi-

De Exorcizandis obsessis à dæmonio. 389

Confitebor tibi in ecclesia magna, * in populo graui laudabo te.

Non supergaudeant mihi qui aduersantur mihi iniquè : * qui oderunt me gratis , & annuunt oculis.

Quoniam mihi quidem pacificè loquebantur : * & in iracundia terræ loquentes, dolos cogitabant.

Et dilatauerunt super me os suum : * dixerunt: Euge, euge, viderunt oculi nostri.

Vidisti Domine, ne fileas : * Domine ne discedas à me.

Exurge, & intende iudicio meo : * Deus meus & Dominus meus in causam meam.

Iudica me secundum iustitiam tuam Domine Deus meus, * & non supergaudeant mihi.

Non dicant in cordibus suis: Euge, euge, animæ nostræ : * nec dicant: Deuorauimus eum.

Erubescant & reuereantur simul, * qui gratulantur malis meis.

Induantur confusione & reuerentia * qui magna loquuntur super me.

Exultent & latentur qui volunt iustitiam meam : * & dicant semper : Magnificetur Dominus, qui volunt pacem serui eius.

Et lingua mea meditabitur iustitiam tuam, * tota die laudem tuam. Gloria Patri.

Psalmus 30.

In te Domine speraui, non confundar in æternum : * in iustitia tua libera me.

In-

Inclina ad me aurem tuam, * accelera vt eruas me.

Esto mihi in Deum protectorem ; & in domum refugij, * vt saluum me facias.

Quoniam fortitudo mea, & refugium meum es tu : * & propter nomen tuum deduces me, & enutries me.

Educes me de laqueo hoc, quem absconderunt mihi : * quoniam tu es protector meus.

In manus tuas commendo spiritum meum : * redemisti me Domine Deus veritatis.

Odisti obseruantes vanitates : * superuacue.

Ego autem in Domino speraui : * exultabo, & lætabor in misericordia tua.

Quoniam respexisti humilitatem meam : * saluasti de necessitatibus animam meam.

Nec conclusisti me in manibus inimici : * stautuisti in loco spatioso pedes meos.

Miserere mei Domine, quoniam tribulor : * conturbatus est in ira oculus meus, anima mea, & venter meus.

Quoniam defecit in dolore vita mea : * & anni mei in gemitibus.

Infirmata est in paupertate virtus mea : * & ossa mea conturbata sunt.

Super omnes inimicos meos factus sum opprobrium & vicinis meis valde : * & timor notis meis.

Qui videbant me, foras fugerunt à me : * obliuioni datus sum tamquam mortuus à corde.

Factus

De Exorcizandis obsessis à dæmonio. 391

Factus sum tamquam vas perditum : * quoniam audiui vituperationem multorum commorantium in circuitu.

In eo dum conuenirent simul aduersum me, * accipere animam meam consiliati sunt.

Ego autem in te speraui Domine : * dixi : Deus meus es tu, in manibus tuis sortes meæ.

Eripe me de manu inimicorum meorum, * & à persequentibus me.

Illustra faciem tuam super seruum tuum, saluum me fac in misericordia tua : * Domine, non confundar, quoniam inuocaui te.

Erubescant impij, & deducantur in infernum : * muta fiant labia dolosa.

Quæ loquuntur aduersus iustum iniquitatem, * in superbia, & in abusione.

Quam magna multitudo dulcedinis tuæ Domine, * quam abscondisti timentibus te.

Perfecisti eis, qui sperant in te, * in conspectu filiorum hominum.

Abscondes eos in abscondito faciei tuæ * à conturbatione hominum.

Proteges eos in tabernaculo tuo * à contradictione linguarum.

Benedictus Dominus : * quoniam mirificauit misericordiam suam mihi in ciuitate munita.

Ego autem dixi in excessu mentis meæ : * Proiectus sum à facie oculorum tuorum.

Ideò exaudisti vocem orationis meæ : * dum clamarem ad te.

Dili-

Diligite Dominum omnes sancti eius: * quoniam veritatem requiret Dominus, & retribuet abundanter facientibus superbiam.

Viriliter agite, & confortetur cor vestrum, * omnes qui speratis in Domino.

Gloria Patri, & Filio.

Psalmus 21.

Deus Deus meus, respice in me: quare me dereliquisti? * longè à salute mea verba delictorum meorum.

Deus meus clamabo per diem, & non exaudies: * & nocte, & non ad insipientiam mihi.

Tu autem in sancto habitas, * laus Israël.

In te sperauerunt patres nostri: * sperauerunt, & liberaſti eos.

Ad te clamauerunt, & salui facti sunt: * in te sperauerunt, & non sunt confusi.

Ego autem sum vermis, & non homo: * opprobrium hominum, & abiectio plebis.

Omnes videntes me, deriserunt me: * locuti sunt labiis, & mouerunt caput.

Sperauit in Domino, eripiat eum: * saluum faciat eum, quoniam vult eum.

Quoniam tu es, qui extraxisti me de ventre: * spes mea ab vberibus matris meæ. In te proiectus sum ex vtero:

De ventre matris meæ Deus meus es tu, * ne disceſſeris à me.

Quoniam tribulatio proxima est: * quoniam non est qui adiuuet.

Cir-

De Exorcizandis obsessis à dæmonio. 393

Circumdederunt me vituli multi: * tauri pingues obsederunt me.

Aperuerunt super me os suum, * sicut leo rapiens & rugiens.

Sicut aqua effusus sum: * & dispersa sunt omnia ossa mea.

Factum est cor meum tamquam cera liquefcens * in medio ventris mei.

Aruit tamquam testa virtus mea, & lingua mea adhæsit faucibus meis: * & in puluerem mortis deduxisti me.

Quoniam circumdederunt me canes multi: * concilium malignantium obsedit me.

Foderunt manus meas & pedes meos: * dirimerauerunt omnia ossa mea.

Ipsi verò considerauerunt, & inspexerunt me: * diuiserunt sibi vestimenta mea, & super vestem meam miserunt sortem.

Tu autem Domine ne elongaueris auxilium tuum à me: * ad defensionem meam conspice.

Erue à framea Deus animam meam: * & de manu canis vnica meam:

Salua me ex ore leonis: * & à cornibus vnicornium humilitatem meam.

Narrabo nomen tuum fratribus meis: * in medio ecclesiæ laudabo te.

Qui timetis Dominum, laudate eum: * vniuersum semen Iacob glorificate eum.

Timeat eum omne semen Israël: * quoniam

non spreuit, neque despexit deprecationem pauperis.

Nec auertit faciem suam à me: * & cùm clamarem ad eum, exaudiuit me.

A pud te laus mea in ecclesia magna: * vota mea reddam in conspectu timentium eum.

E dent pauperes, & saturabuntur, & laudabunt Dominum qui requirunt eum: * uiuent corda eorum in sæculum sæculi.

R eminiscentur & conuertentur ad Dominum * vniuersi fines terræ.

E t adorabunt in conspectu eius * vniuersæ familiae gentium.

Q uoniam Domini est regnum: * & ipse dominabitur gentium.

M anducauerunt, & adorauerunt omnes pingues terræ: * in conspectu eius cadent omnes, qui descendunt in terram.

E t anima mea illi uiuet: * & semen meum seruiet ipsi.

A nnuntiabitur Domino generatio ventura: * & annuntiabunt cæli iustitiam eius, populo qui nascetur, quem fecit Dominus.

G loria Patri.

Psalms 3.

D omine, quid multiplicati sunt qui tribulant me: * multi insurgunt aduersum me.

M uli dicunt animæ meæ: * Non est salus ipsi in Deo eius.

T u autem Domine susceptor meus es, * gloria mea, & exaltans caput meum.

V oce

De Exorcizandis obsessis à dæmonio. 395

Voce mea ad Dominum clamaui: * & exaudiuit me de monte sancto suo.

Ego dormiui, & soporatus sum: * & exurrexi, quia Dominus suscepit me.

Non timebo millia populi circumdantis me: * exurge Domine, saluum me fac Deus meus.

Quoniam tu percussisti omnes aduersantes mihi sine causa: * dentes peccatorum contriuisi.

Domini est salus: * & super populum tuum benedictio tua. **G**loria Patri.

Psalms 10.

IN Domino confido: quomodo dicitis animam meam: * Transmigra in montem sicut passer?

Quoniam ecce peccatores intenderunt arcum, parauerunt sagittas suas in pharetra, * vt sagittent in obscuro rectos corde.

Quoniam quæ perfecisti, destruxerunt: * iustus autem quid fecit?

Dominus in templo sancto suo, * Dominus in cælo sedes eius.

Oculi eius in pauperem respiciunt: * palpebræ eius interrogant filios hominum.

Dominus interrogat iustum & impium: * qui autem diligit iniquitatem, odit animam suam.

Pluet super peccatores laqueos: * ignis, & sulphur, & spiritus procellarum pars calicis eorum.

Quoniam iustus Dominus, & iustitias dilexit: * æquitatem vidit vultus eius.

Gloria Patri, & Filio.

Vsq̄uequò Domine obliuiscêris me in finem? * vsq̄uequò auertis faciem tuam à me?

Quamdiu ponam consilia in anima mea; * dolorem in corde meo per diem?

Vsq̄uequò exaltabitur inimicus meus super me? * respice, & exaudi me Domine Deus meus.

Illumina oculos meos, ne vmquam obdormiam in morte: * ne quando dicat inimicus meus: Præualui aduersus eum.

Qui tribulant me, exultabunt si motus fuero: * ego autem in misericordia tua speraui.
Exultabit cor meum in salutari tuo: cantabo Domino qui bona tribuit mihi: * & psallam nomini Domini altissimi.

Gloria Patri.

Oratio post liberationem.

Oramus te Deus omnipotens, vt spiritus iniquitatis amplius non habeat potestatem in hoc famulo tuo **N.** [vel famula tua **N.**] sed vt fugiat, & non reuertatur. ingrediatur in eum [vel in eam] Domine, te iubente, bonitas, & pax Domini nostri **I**esv Christi, per quem redempti sumus, & ab omni malo non timemus, quia Dominus nobiscum est. Qui viuit & regnat cum Deo Patre in vnitate Spiritus sancti Deus per omnia sæcula sæculorum. **R.** Amen.

Formu-

Formulæ scribendę in libris habendis
apud Parochos, vt infrà notatur.

Liber Baptizatorum habeatur in Ecclesiis, in
quibus confertur Baptisma.

Liber Confirmatorum habeatur in Ecclesiis, in
quibus confertur Chrisma.

Liber Matrimoniorum.

Liber Status animarum.

Liber Defunctorum habeatur
etiam in omnibus Ecclesiis, in
quibus defuncti sepeliuntur.

Hi tres habeantur
à quolibet
Parocho.

Aduertat in primis Parochus, vt in libris tam Ba-
ptizatorum & Confirmatorum, quàm Matri-
moniorum & Defunctorum, exprimat semper
non solum nomen personarum quę ibi nomi-
nantur, sed etiam familiam.

Forma describendi Baptizatos in primo libro.

Anno Domini die mensis ego **N.**
Parochus huius Ecclesię **S. N.** ciuitatis, *vel* lo-
ci **N.** baptizau i infantem die natum, *vel* na-
tam ex **N.** & **N.** coniugibus huius Parochię,
vel **S. N.** & ex tali patria, & familia, cui im-
positum est nomen **N.** Patrini fuerunt **N.** fi-
lius **N.** ex Parochia, seu loco **N.** & **N.** con-
iux **N.** filia **N.** ex Parochia, seu loco **N.**

Si infans non fuerit ex legitimo matrimonio natus, nomen saltem alterius parentis, de quo constat, scribatur, (omnis tamen infamiae vitetur occasio) si verò de neutro constat, ita scribatur:

Baptizavi infantem, cuius parentes ignorantur, natum die, &c. vt supra.

Si expositus sit infans, exprimaturo quo die, vbi, & à quo repertus, & quot dierum verisimiliter sit, & baptizetur sub conditione, si ignoratur fuisse baptizatum.

Si infans domi ob imminens mortis periculum baptizatus sit, tunc ita scribatur:

Anno die mensis natus est N. filius N. & N. coniugum, &c. vt supra. quem ob imminens mortis periculum in domo rite baptizavit N. obstetrix probata, vel N. filius N. vt mihi retulit N.

Si superuixerit infans, & ei adhibitæ sint in Ecclesia sacre cærimonie, ita addatur:

Die eiusdem mensis ad Ecclesiam portatus est infans prædictus, ipsique ego Parochus sacras cærimonias & preces adhibui, & N. nomen imposui.

Si fortè non Parochus, sed alius baptizauerit, id exprimaturo.

Si fuerit baptizatus sub conditione (Si non es baptizatus, &c.) id pariter exprimaturo.

Forma describendi Confirmatos in secundo libro.

Anno die mensis qui fuit dies
N. filius **N.** & **N.** coniugum, vel **N.** fi-
 lia **N.** (& si fuerit nupta, addatur, vxor **N.**)
 Sacramentum Confirmationis accepit à Reue-
 rendiss. D. **N.** Episcopo **N.** in Ecclesia S. **N.**
 ciuitatis vel loci **N.** Compater fuit **N.** filius **N.**
 Parochiæ S. **N.** ciuitatis vel loci **N.**

*Marium descriptio in vna pagina, seu prima
 facie folij, feminarum verò in altera seiunctim
 notetur.*

*Si Confirmatus non constet an ex legitimo
 matrimonio genitus sit, vel parentes ignoren-
 tur, seruetur quod in libro Baptizatorum præ-
 scriptum est.*

Forma scribendi Coniugatos in tertio libro.

Anno die mensis denuntiationibus
 præmissis tribus continuis diebus Festiuis, qua-
 rum prima die secunda die tertia die
 inter Missæ Parochialis solemnia; habita est,
 nulloq; legitimo impedimento detecto, ego **N.**
 Rector huius Ecclesiæ Parochialis **N.** ciuita-
 tis, vel loci **N.** filium **N.** Parochiæ S. **N.** & **N.**
 filiam **N.** seu relictam q. **N.** (si vidua fuerit)

huius, seu Parochiæ S. N. in Ecclesia N. interrogati, eorumque mutuo consensu habito, solemniter per verba de præsentis matrimonio coniunxi, præsentibus testibus notis N. filio N. qui habitat in Parochia S. N. & N. filio N. &c. & N. filio N. &c. postea eis ex ritu sanctæ Matris Ecclesiæ (si tamen nuptias benedixerit) in Missæ celebratione benedixi.

Si vnus ex iis, qui matrimonium contrahere voluerint, alterius Parochiæ fuerit, antequam admittatur, Parochus, in cuius Ecclesia matrimonium celebrari debet, denuntiationum in eius Parochia ritè factarum fidem scriptam habeat, quæ asseruetur, & res tota exprimitur in ipsomet libro Matrimoniorum, hac ratione :

Denuntiationes huius matrimonij factæ sunt etiam à R. D. N. Parocho Ecclesiæ S. N. sub cuius cura dictus N. vel dicta N. habitat, vt ex ipsius Parochi scripto seruato apud me apparet. Denuntiationum autem prima facta est die secunda die tertia die inter Missæ Parochialis solemnia, nullumque impedimentum Canonicum detectum est.

Si autem alteruter sit diuersæ Diœcesis, testimonium Parochi affirmantis denuntiationes esse ritè præstitas, nullius roboris censeatur, nisi ab Episcopo, vel ab eius Vicario Generali illius Diœcesis subscriptione & sigillo comprobatum, & ab Episcopo, seu eius Vicario loci,

vbi

ubi contrahitur matrimonium, recognitum sit,
ab eoque licentia contrahendi fuerit obtenta.

Vbi verò Ordinarij concessu (quod scripto
constare debet) denuntiationes aliquæ differen-
dæ, aut omittendæ interdum sint, ita notentur:

Anno Domini die mensis de-
nuntiationum vna die ritè facta, reliquis ve-
rò dilatis post matrimonij celebrationem ex fa-
cultate scripto concessa à Reuerendiss. **N.** seu
à Vicario **N.** sub die datis, &c. infrascripti
tenoris, quam penes me seruo cum aliis huius-
modi facultatibus, nulloque prorsus impedi-
mento allato, ego, &c. vt supra.

Denuntiationes verò, quæ post contractum
matrimonium fient, ita scribantur: Anno
die mensis qui fuit Festus, &c. & se-
quenti, qui fuit Dominicus, &c. eiusdem men-
sis, ego **N.** Rector huius Ecclesiæ **S. N.** inter
Missarum solemnia denuntiationes habui ma-
trimonij, iam præuia opportuna dispensatione
initi inter **N.** & **N.** die prima huius mensis,
nullum tamen Canonicum impedimentum
ab aliquo allatum est, quò minus huiusmodi
matrimonium ratum ac firmum esse debeat.

Si autem denuntiationes omnes omittendæ
sint aut differendæ, ita scribatur: Denuntiationi-
bus omnibus omissis, vel dilatis, &c. ex fa-
cultate, &c. ego Rector **N.** &c. vt supra.

Ceterum si alteri Presbytero ab Ordinario,
vel à Parocho ipso facultas facta sit coniun-

gendi aliquos, id in libro proprij Parochi sic adnotetur ipsius Parochi manu :

N. Presbyter, vel Cappellanus Ecclesie **N.** de licentia Reuerendissimi Episcopi **N.** seu **N.** eius Vicarij loci **N.** aut mea, quæ penes me existat **N.** filium **N.** & **N.** &c. matrimonio coniunxit, &c. vt supra. Et ego **N.** Parochus **N.** subscripsi, & testor rem ita se habere.

Quod si ex denuntiationibus compertum sit, coniuges aliquo consanguinitatis aut affinitatis gradu coniunctos esse, nihilominus ad contrahendum fuerit cum ipsis Apostolica auctoritate dispensatum, adnotetur gradus consanguinitatis vel affinitatis dispensatæ, & compendium decreti super ea relati cum die & anno, ac Notarij de illo rogati nomine hoc modo :

Anno Domini die mensis præmissis denuntiationibus, ac comperto impedimento secundi, vel tertij, aut quarti gradus consanguinitatis vel affinitatis, seu alio quouis, &c. inter **N.** & **N.** &c. obtentoque per eos Apostolicæ Sedis mandato de dispensando, & cum eis per Reuerendissimum Episcopum **N.** auctoritate dispensato sub die anno vt constat ex actis Notarij officij prædicti Episcopi, eos matrimonio coniunxi, &c. vt in prædicta formula.

Denuntiationes autem factæ in diuersis Parochiis, sponsi videlicet & sponsæ, ab utroque

que
mat
F
F
ran
tur
ex
yiu
C
fun
nit
C
rin
pla
ve
tan
C
no
no
C
ru
an
ru

que Parocho in libro notari debent, etiamsi
matrimonium non sequatur.

Forma describendi statum anima- rum in quarto libro.

Familia quæque distinctè in libro notetur,
interuallo relicto ab vnaquaque ad alte-
ram subsequenter, in quo sigillatim scriban-
tur nomen, cognomen, ætas singulorum, qui
ex familia sunt, vel tamquam aduenæ in ea
uiuunt.

Qui verò ad sacram Communionē admissi
sunt, hoc signū **C.** in margine econtrā habeant.

Qui Sacramento Confirmationis sunt mu-
niti, hoc signum habeant **Chr.**

Qui ad alium locum habitandum accesser-
int, eorum nomina subducta linea notentur.

Hac igitur ratione fiat, videlicet:

Anno die mensis in via seu
platea, seu pago, in propriis ædibus Pauli **N.**
vel in ædibus **N.** à Paulo conductis habi-
tant **Chr.** Paulus **N.** Petri filius, annorum, &c.
Chr. Apollonia eius vxor, filia Iacobi **N.** an-
norum, &c. **C.** Dominicus eorum filius, an-
norum, &c. Lucia eorum filia, annorum, &c.
C. **Chr.** Antonius filius **N.** famulus, anno-
rum, &c. **C.** Catharina **N.** filia **N.** ancilla,
annorum, &c. * Martinus filius **N.** anno-
rum, &c.

For-

Forma describendi defunctos
in quinto libro.

Describatur quis, & quæ, & cui Sacramen-
ta ministraverit, quando quis mortuus
fuerit, & ubi sepultus, quod hoc pacto fieri
poterit:

Anno die mensis N. filius,
vel filia N. ex loco N. ætatis N. (si hæc sciri
possunt) in domo N. in communione San-
ctæ Matris Ecclesiæ animam Deo reddidit,
cuius corpus die sepultum est in Ecclesia
S. N. mihi N. vel N. Confessario probato
confessus die sanctissimoque Viatico refe-
ctus die & sacri Olei vntione roboratus et-
iam per me die.

L A V S D E O,
V I R G I N I O . M A T R I M A R I E .

A M E N .

SVMMA PRIVILEGII
PRINCIPVM BELGARVM.

ALBERTVS & ISABELLA CLARA EVGENIA Archiduces Austria, Duces Burgundie, Brabantie, &c. Serenissimi Belgarum Principes, Diplomatum suis sanxerunt; nequis praeter Balthasaris Moreti voluntatem, Missalia, Breuiaria, Diurna, Officia B. Mariae, aut reliqua Officia ad usum Ecclesiae Catholicae Romanae edita, prout nunc aucta sunt & emendata, vel in posterum augenda vel emendanda, vlllo modo imprimat, aut alibi terrarum impressa, in has Inferioris Germaniae ditiones importet, venaliaue habeat. Qui secus faxit, confiscatione librorum, & alia graui poena mulctabitur, uti latius patet in litteris datis Bruxellae, XVII. Ianuarij, M. DC. XI.

Signat.

S. De Grimaldi.

Et in Concilio Brabantie,

I. De Buschere.

SYMMONIA PRIVILEGIUM
PRINCIPUM BELGARUM

FRATRES & SABELLA CLARA EVGE



S. De Gonsalvi.
L. in Concilio S. Roman.
I. De Bulchere.

Forma Benedicendi Coronas Ordinis N. I. B. Congregationis Camal.
Adiutorium nostrum in nomine Domini. Qui fecit 2.

Benedices Corona Anni benignitatis tuae.


Et campi tui replebunt ubertate.


Ps. Domine exaudi orationem meam. R. Et clama. Deus


Oremus.


Deus qui redemptionem populo tuo Angelus nuntiante per
Virginitatem Filij tui in carnasem misisti eum. In quibus tri-
bus annis similem formam gerendo Summi generis salutem
operari sancisti per quem post mortuum B. Michaelis Ere-
mitae Camaldulensi tot in memoria annorum illorum omnes Do-
minicas recitare tibi beneplacitum esse monstrasti. Dignare
ergo Domine has Coronas annorum benignitatis tuae benedi-
dicere et sanctificare ut Famili tui qui eas pie gesta-
verint ac devote recitaverint Indulgentias ac gratias
per tuos Summos Vicarios concessas plene consequi me-
reantur. Per eundem Dominum nostrum D.


Deinde aspergantur aqua benedicta.























Biblioteka Jagiellońska



stdr0025097

